

8.54.8.18





8,54,8.18





TRACTATVS

D E

MAGNO MATRIMONII SACRAMENTO.

A V C T O R E

D. POTITO DE IORIIS

AB ASCVLO IN APVLIA,

V. I. D. Archidiacono, Vicario Generali, ac Capitulari,
atque Examinatore Synodali eiusdem Ciuitatis,
& ad præfens Confessario Ordinario Mo-
nialium Vrbis.



ROMÆ, ex Typographia Joannis Francisci Buagni: 1695.

SUPERIORUM PERMISSU.

EXTRACTS

FROM THE

REPORTS OF THE

COMMISSIONERS OF THE

LAND OFFICE

FOR THE YEAR

1864

1865

1866

1867

1868

1869

1870

V. A. Cary Gaff Sec. of the Land Office

EX commissione Reuerendiss. P. F. Thomæ Mariæ Ferrari Mag. Sac. Pal. Apost. perlegi Tractatum de Magno Matrimonij Sacramento, Auctore A. R. D. Potito de Iorijs, cumque nihil in eo legatur sanę doctrinę, bonisque moribus dissonum; immo clarę, & breuiter in ipso explicentur præcipui casus ad idem Sacramentum spectantes, lucem publicam merericensco.


F. Iacobbus Riccius Professor Theologiæ in Archigymnasio Romano, Procurator Generalis Ord. Præd. & Examiner Apostolicus Cleri in Vrbe.

EX commissione Reuerendiss. Patris F. Thomæ Mariæ Ferrari Magistri Sac. Pal. Apost. librum, cuius titulus de Magno Matrimonij Sacramento, Auctore A. R. D. Potito de Iorijs ab Asculo in Apulia, diligenter perlegi: & cum in eo sanę doctrinę, aut bonis moribus nihil non consentaneum offenderim; quinimò vtilitatis reppererim, ac commodi plurimum; eundem proindè prælo dignum existimo.

F. Callistus Lodigerius Sac. Theologia humilis Professor Ordinis Seruorum B. M. V. & in Collegio Henrici Gandanensis de Vrbe studiorum Regens.

Imprimatur,
Si videbitur Reuerendiss. Patr. Mag. Sac. Palat. Apost.

Sperellus Episc. Interamnen. Vicefg.



Imprimatur.
Fr. Franciscus Maria Forlani S. Th. Mag. & Reuerendiss. P. F. Thomæ Mariæ Ferrari S. Ap. Pal. Mag. Socius Ord. Præd.

MATRI ADMIRABILI
SEMPER VIRGINI
M A R I Æ

Cælitum omnium Reginæ.



IBINE, Integerrima Virginum Virgo, quo Te nomine compellat Ecclesia, Opusculum consecrem de Matrimonio?

Quidni autem cum eadem sis Matrum omnium fecundissima, & in vnica Prole infinitis hominibus infinito excessu pretiosissimum partum edideris?

Nulli ergo Parenti contigit Fructus vberior, ad quem fructum proferendum fuit institutum Sacramentum hoc, quod Magnum dixit Apostolus.

Nempè verò quia illum non à Iosepho Virgine Sponso, sed ab obumbrante Diuino Spiritu, Virginum Regina suscepis; tametsi verum cum eodem Iosepho, mente tamen, & non carne, (Augustini verba sunt) matrimonium contraxisti. *Can. Coniux. 27. quæst. 2.*

Quid? cum Ipsa Exemplar institueris mirabilis Coniugij nihil læsituri Virgineum florem, quod plures deindè sunt imitati.

Tamen consuetis quoque Sponsalibus necessarijs propagationi humani generis adfuisi, simul cum Filio Tuo, ac Domino nostro Iesu, qui in Cana Galileæ Nuptias benedictione Diuina, & præclaro Miraculo illustrauit, conuersa Tuas ad preces in vinum aqua.

Idem-

Idemque Christus nostrę salutis Auctor Naturalem hunc, Ciuilemque Contractum in vnum ę Sanctissimis Ecclesię Sacramentis euexit; *Conc. Trident. sess. 24. Can. 1.* Cum Ore Diuino pronunciauit *Matth. 19. Quod Deus coniunxit, homo non separet*: ex quo tot orta sunt commoda humanę societati, videlicet Proles, Fides, & Vnionis Christi cum Ecclesia significatio: vt proindę Paulus meritō dixerit; Honorabile Connubium in omnibus, & Torus immaculatus. *ad Hebręos cap. vltimo.*

An non igitur plura me nomina impellunt ad hoc Tibi meorum Auspici ac Patronę laborum Opusculum consecrandum ę dum enixis ex Te interim, ac humillimis precibus 6 Mater intemerata & Virgo efflagito, Tuum vt apud Filium, nostrumque Dominum, verum Christianarum animarum Sponsum exorare digneris, ne vnquam finat nos ab illo per iniquitatis diuortium separari.

*Imperitus & additissimus Seruorum
tuorum Seruus*

Potitus de Iorijs Sanctissimis Pedibus
prouolutus. D. D. D.



I N D E X

T I T V L O R V M.



D e præparatorijs Matrimonij .	pagina 1.
De Doticonstitutione .	pag. 3.
De Sponsalibus .	pag. 8.
De Publicationibus seu Denuncijs .	p. 22
De Confessione, & Communione .	p. 26.
De Natura, & Proprietate Matrimonij .	pag. 29.
De Parocho .	pag. 38.
De Testibus .	pag. 48.
De Causis essentialibus, seu substantialibus Matrimonij .	pag. 50.
De Impedimentis Matrimonij tantum imped. .	pag. 63.
De Benedictione Nuptiali .	pag. 69.
De Impedimentis impediens, & dirimenti- bus Matrimonij; & quænam sint hæc Imped. .	pag. 74.
De Dispensationibus .	pag. 109.
De Maleficijs .	pag. 187.
De Raptu .	pag. 192.
De	

De Concomitantibus , & sublequentibus in
contractu Matrimonij . pag. 198.

De Debito Coniugali , & de Causis propter
quas licitum est non solum negare debi-
tum , verum etiam faciendi Diuortium.
quoad habitationem , & quoad Torum &
habitationem . pag. 205.

Multis modis peccare possunt Coniuges in
contractu Matrimonij . pag. 227.

Multis modis peccare possunt Coniuges in
vsu Matrimonij iam contracti , & quæ spe-
ctant etiam ad debitum Coniugale . pag. 229.

Pro Immunitate Ecclesiastica obseruandi sunt
aliqui casus singulares , præsertim quoad
nostram materiam . pag. 240.

De Peccatis Luxuriæ . pag. 248.

De Bigamia . pag. 263.

De Fornicatione simplici , & Concubinato . pag. 281.

De Pollutione seu Mollitie . pag. 287.



TRACTATUS DE MAGNO MATRIMONII SACRAMENTO,

Quod est vnum de septem Sacramentis à Domino Iesu
Christo, summo Deo nostro institutum, summaque
reuerentia tractandum. *Conc. Trid. Can. 1.*
sess. 24. de Sacram. Matrimon.

Arduum, ac sanè perdifficilem totius Matrimonij
Tractatum in partibus, & Quæstionibus
complexar.


PARS PRIMA.

De Preparatorijs Matrimonij.

QVÆSTIO PRIMA.

S V M M A R I V M.

- 1 *Quæ sint preparatoria Matrimonij.*
- 2 *In quibus consistit electio Vxoris.*
- 3 *In Matrimonio spirituali non requiritur tanta perplexitas.*

1  Reparatoria Matrimonij sunt quinque. Primo,
Electio vxoris, vel mariti. Secundo, Dotis
constitutio. Tertio, Sponsalia de futuro.
Quarto, Denunciationes, seu publicationes
præcedentes in Parochia propria. Quinto,
Confessio, & Communio antequam deuenia-
tur ad consummandum matrimonium.

- 2 *Circà electionem: Cum homo ad annos discretionis perue-
nerit, recognito Dei beneficio cum gratiarum actione, qui ipsum*

A

de

de nihilo creauit, disponat, & deliberet de vita sua, an scilicet velit esse Sæcularis, siue Laicus, vel potius Ecclesiasticus, siue Religiosus; si determinet se futurum laicum, & ducturum vxorem, eligendo eam, prius in electione moretur vt bona sit vxoris electio, quæ principaliter circa tria consistit. Primò vt eligat sibi vxorem paris ætatis, & conditionis, nam si imparem elegerit, vel ætate, vel conditione, multa euenient pericula, quid enim, si senex puellam ducat? vel iuuenis vetulam? hinc *Salom. Prouerb. cap. 5.* latere cum muliere adolescentiæ tuæ. Multa de his dixit *Ioan. Faber in rubrica institut de Nuptijs*, etiam *Bartholus in Auth. res quæ, C. communia de legat.*

Secundò, quod eligat vxorem bonæ originis, siue stirpis, quoniam plerumque similis patri est filius, & matri filia, nec ex bona matre, mala filia nasci potest; nam non potest arbor bona, malos fructus facere, &c. *Arg. iuxta Glossam notab. circa finem in l. quod si nolit, §. Qui mancipia, ff. de editio edito.*

Tertiò, quod eligat vxorem, quæ sit æqualis sibi in moribus, sanguine, & industrijs, in quantum fieri potest. Et hæc quoad electionem matrimonij carnalis faciendam.

In quo si principalis causa, seu finis fuerit dos, magna pulchritudo, vel fauor affinium, magnatorum, &c. valide contrahit, non autem meretur; Imò peccatur venialiter à contrahente, quia principalis causa debet esse, vt proles generetur, & educentur, *Nauarrus cap. 22 num. 79.*

Si tamen prædicta fuerint causæ impulsivæ, siue secundariæ non peccatur; neque in sacris literis Iacob Patriarcha reprehenditur, quod Rachelem eius pulchritudine illæctus, lix prætulit; *Gen. 29. & 17.* & quoties prædictæ causæ sunt causa principalis, inter virum, & vxorem, semper sunt discordiæ, lites, & nunquam pax. *Cap. 4. Iacobi Apostoli;* Vnde bella, & lites in vobis, nonne hinc? ex concupiscentij vestris, quæ militant in membris vestris. Vide quod dixit *Raphael Archangelus in lib. 6. Thobia num. 16. 17. & 22.* prædictus casus clarius innoscet infra *par. 13. quæst. 32. num. 3.* Et hæc de faciendâ electione matrimonij carnalis.

3. Quo ad electionem faciendam in matrimonio spiritali, non sit tanta perplexitas, cum matrimonium spirituale sit melius, ac beatius, iuxta *Concil. Trident. can. 10. sess. 24. de Sacramento Matrimonij;* cum semper ad Deum tendat; sed electio solum consistit, in eligendo hanc, vel illam Religionem in qua regulariter viuatur, & seruetur Religiois Statuta.

Felix

Felix ille Religiosus: qui iacet cogitatum suum in Domino; qui non deficit in omnibus necessarijs suis; Religio autem est suave iugum Christi; Iugum enim eius suave, & eius onus leue. Et *S. Gregorius in 4. moralium relatus à Diu. Thoma infra citando*, inquit, quid graue mentis nostræ cernicibus imponit, qui vitare omne desiderium quod perturbat, præcipit; qui declinare laboriosa mundi huius itinera monet? quod quidem suauis iugum, super se tollentibus, refectionem Diuinæ fruitionis repromittit, & sempiternam requiem Animarum. *S. Thomas 2. 2. quæst. 189. art. 9. & 10. Nauarrus cap. 12. num. 49. & seqq.*

Secundum Præparatorium, de Dotis Constitutione.

QVÆSTIO SECUNDA.

S V M M A R I V M.

- 1 Quibus rationibus constituitur Dos; Et à quo danda est; Et an requiratur consensus Patris; Et ad quem spectet causa matrimonialis.
- 2 An interuentus pecunie tam in carnali, quam in spiritali matrimonio sit Simonia.
- 3 An pater teneatur dotare filiam; & etiam spuriam; Et si Hæredes?
- 4 An Clericus teneatur alere, & dotare filiam spuriam ex fructibus beneficij.
- 5 Notantur limitationes quando supradicti non teneantur.
- 6 Differentia inter donationem, & remunerationem inter virum, & uxorem.
- 7 Deciditur notabilis quæstio.

1 **C**irca dotis constitutionem, scire opus est, quod dotis constitutio datur marito ad onera matrimonij subeunda; l. pro oneribus, C. de iure dotium. Secundo, datur dos vt mulier melius à viro tractetur. Tertio, dos constituitur mulieri, vt inuenire possit meliorem virum.

Dos danda est à patre mulieri, quia cum dos succedat in locum legitimæ, l. quoniam nouella, C. de inofficioso testamento; Et legitimæ à patre debeat filiz; merito dos à patre debet proficisci, vel

4 Secundum Preparatorium, de Dotis, &c.

secundò danda est à patre quia patris onus est dotare filias. *L. qui liberos, ff. de ritu nuptiarum.*

Quæ conclusio ampliatur vt etiam procedat, estò quod filia nupserit patre ignorante, vel inuito, nam adhuc dotis constitutio est necessaria, & hanc pater necesse habet vt constituat; Ratio est quia licet de iure ciuili requiratur consensus patris ad substantiandum matrimonium filij, vel filix; vt in §. *Primo institut. de nuptijs, l. nuptia, ff. de ritu nuptiarum*; Tamen de Iure Canonico secus est, & Ius Canonicum est obseruandum, cum contractus matrimonij sublatu sit in Sacramentum, consequenter est causa spiritualis, & pertinet ad Iudices Ecclesiasticos decidere, & Ius Ciuile correctum est per Ius Canonicum, in hac materia. *Conc. Trident. de Sacram. Matrim. sess. 24. Can. 12. Abbas in cap. veniens de sponsalibus.* De consensu verò parentum vide infra de impedimento *vis, & metus quest. 21. num. 16. & 17.*

Igitur quamuis filius, vel filia patre ignorante, vel inuito contraxerit matrimonium, tamen pater tenetur dotem constituere, & dotare filiam, & cogi potest in omni foro. *Boer. decis. 22.* Ratio autem est, quia licet cesset causa in patre dotandi filiam, eo quia virum sponte sua sibi adinuenerit, tamen non cessat illa causa, vt bene tractetur à viro, qui facile expellere posset illam à domo sua, propter dotem sibi non solutam; diffusè tractabimus infra de hac materia.

Est tamen verum, quod semper filia patris consensum venerari debet, & illi reuerentiam præstare, etiam in matrimonio contrahendo, & sic de honestate est, vt patris consensus requiratur. *Can. honorantur 32. quest. 2.*

Patres quoque in collocandis filiabus festinent, & quam primum nuptiis tradant ad euitandum euitanda, & maxime si excedant annuunt 25; *Glossa in l. Oratione, ff. de ritu nuptiarum* ait, mulieris oportet accelerari nuptias, ne quid committat turpe. Quando verò peccatur à filiis non requirentes consensum, vel consilium parentum, vide de impedimento *vis, & metus quest. 21. n. 16. & 17. vt dixi.*

Nota quod pecunie interuentus non vitiat matrimonium, nec est simonia, licet matrimonium sit magnum Sacramentum, talis enim datio dotis potius censetur honor, quam pretium. *Canon. Decima 16. quest. 1.* ac etiam propter onera subeunda à viro. Et certè eadem ratione in matrimonio spirituali pro ingressu Monasterij potest recipi pecunia, propter onera quæ sustinet Monasterium. *Cappycius in decis. 193. num. 4. & 5. inquit, quod dos quæ datur*

datur per monialem tempore professionis, censetur data pro ea alimentanda, non quidem ratione matrimonij spiritualis, quod monialis contrahit cum Christo Domino nostro; sed ad instar matrimonij carnalis propter onera subeunda à Monasterio. *Layman in Theologia morali tract. 10. cap. ultimo §. 4. num. 39. titulo de Simonia. Nauar. cap. 27. num. 106.*

3 Ampliatur ut etiam pater teneatur dotare filiam spuriam, siue adulterinam, dum tamen certum sit suam esse filiam, quia cum, eam teneatur alere, & dos in locum alimentorum succedat, sequitur quod illam teneatur dotare. ita *Abbas in cap. cum haberet de eo qui duxit in matrimonium, quam polluit per adulter. ita Bartolus in Authen. ex complexu C. de incestuosis nuptiis.*

Ampliatur ut etiam hæredes patris mortui ab intestato teneantur alere, & dotare filiam patris spuriam, & alere filium spurium, quia hoc est onus reale, & sequitur res, siue bona patris eorum, cum tales filij spurij, & filix perire fame non debeant; ita decidit *Cappycius in decisione 164.*

4 Ampliatur ut etiam Clericus, & persona Ecclesiastica teneatur alere, & per consequens dotare filiam suam spuriam, & spurium alere etiam de fructibus beneficii sui Ecclesiastici, dum alinnde, non habet quo ipsos alat, cum sit debitum naturale alere proprios filios. Ita *Abb. in cap. 1. inhibendum de cohabitatio. Cleric. & mulier.* Solum tamen filix spurix dotem dabit congruam statui; & alimenta congrua statui dabit etiam filio spurio. *Idem Abb.*

5 Hæc conclusio qua asseruimus patrem teneri dotare filiam legitimam, & etiam spuriam.

Primo limitatur ut non teneatur pater filiam etiam legitimam dotare, quando non solum nupsit ipsa filia patri suo inuito, vel ignorante, sed etiam nupsit personæ infami; Nam tunc pater non tenetur dotare filiam, cum magnum attulerit dedecus familiæ; & hæc est Theorica, quæ antea seruabatur; Verum hodierna praxis ita interpretatur, ut si talis filia quæ infami nupsit habeat vnde se alat, procedit Theorica, & verà est, ut pater non teneatur dotare; si autem filia inopia, & inedia laboret, tunc pater tantum alimenta præstare debet congrua, quæ de iure naturæ debentur, in quibus alimentis pater cogi poterit in omni foro, & in foro conscientix non debet absolui talia alimenta negans. Ita *Conarruuias in 2. parte de Matrimonio cap. 3. §. 8. in fine, qui multos citat hanc opinionem tenentes. Ripa in l. 1. ff. soluto matrimonio nu. 54. Sotus in 4. sententiarum distinct. 27. & 29. quæst. 1. art. 4. ex ratione Text. in cap. cum haberet de eo qui duxit in matrimonium &c.*

6 *Secundum preparatorium, de Dotis, &c.*

Secundo limitatur vt Pater non teneatur dotare filiam, si fuerit valdè pauper, vel si fortè decoxit rem suam, & in hoc casu, in patris defectu, mater dotare tenetur. *l. neque mater C. de iur. aor. & ibi Ripa loc. cit.*

Et deficiente in opibus Patre, & Matre, frater tenetur dotare, fororem, etiam si sit Clericus; & si non habeat aliundè, potest ex redditibus sui beneficii dotare fororem. *Syluester in verbo dos num. 6. Abbas in cap. penul. de arbitris.*

Et casu quo pater decoxerit rem suam, Filiz non possunt surripere bona patris in damnum Creditorum, vt ea sibi in dotem accipiant; quia licèt alimentorum loco succedat dos, & legitima; Tamen illa legitima debetur deducto ære alieno. *l. sub signatum ff. de verb. signif. & per consequens filiz si acciperent, restituere tenerentur.*

Tertio limitatur vt pater non teneatur dotare filiam spuriam, si eadem habeat, vnde se alat, & dotem iustè quærendo, non, iniustè. *Abb. in d. cap. cum haberet in fine*, & est communis opinio, cuiusque ratio est; quia quando filia habet vnde se dotet, & alat quærendo iustè; cessat ratio finalis, ob quam pater tenetur dotare, quæ est ne filia moriatur fame, quæ si alimenta à patre non habeat, tempore quo eget, ab eo occisa dicitur. *in l. necare ff. de liber. agnoscendis.*

Quarto limitatur, vt pater non teneatur dotare filiam tam legitimam, quam spuriam, si ei fuerit constituta dos à marito suo in remunerationem Nobilitatis, Iuuentutis, vel pulchritudinis &c. quia illa dos à marito data succedit in remunerationem, vel compensationem Nobilitatis &c. quæ à patre proficiscitur; Et talis donatio potest fieri etiam inter virum, & uxorem, quia non est propria donatio, sed remuneratio. Ità *Bartolus in l. si diuortio, & in l. si ita stipulatus in fine ff. de verb. oblig. Iason in l. ex hoc iure num. 55. ff. de iust. & Iure.*

6 Donatio autem strictè accipiendo, est prohibita inter virum, & uxorem, *toto tit. ff. & C. de donat. inter virum, & uxorem*; & ratio est ne mutuo amore se inuicem expolierent; quæ tamen si fuerit morte confirmata, valet; *l. sed interim, ff. eodem titulo, & C. eodem. l. ante penult.* Secus verò remuneratoria, quæ non est propriè donatio, sed debitum naturale quoddam, quo obligatur quis beneficii benefacere. *l. sed & si lege §. consuluit ff. de petit. heredit. Aflicius decis. 159. num. 7.*

7 Ex hoc decidi potest notabilis quæstio. Si Pater Titiz volebat collocare eam nuptui Antonio, & idem Antonius etiam volebat

bat illam ducere in vxorem, sed pro dote volebat bis mille aureos, Pater verò puellæ volebat dare tantum mille; tandem Amici curauerunt, vt ambæ partes essent contentæ pro mille, & quingentis, & ita fuit conclusum; sed tamen hic gener gloriæ cupidus voluit, vt fama esset, quod ipse accepisset in dotem bis mille aureos, & de hoc fieri fecit instrumentum, in quo asserbatur, quod bis mille aureos præsentialiter recepit, & de hoc iurauit; Tandem hic Antonius gener mortuus est, relictis tantum fratribus suis hæredibus; & vxore sua sine liberis; quæ à fratribus mariti bis mille petit, pro dote sua; & ad suam petitionem fundandam, producit instrumentum dotale prædictum, Fratres verò replicant, quod illa confessio de quingentis receptis, fuit facta ad gloriam, & pompam mundi, nec verè recepit; quod si mulier instaret; Et fratres prædicti à Papa peterent, vt dicitur, significauit, & fulminaretur excommunicatio super tali facto; quæritur quid Iuris.

R. quod ex prædictis apparet resolutio; Quod si illa confessio fuit facta animo recompensandi Nobilitatem, Iuuentutem, pulchritudinem &c. tunc licitè mulier poterit petere illos quingentos, nec legabitur excommunicatione lata à fratribus viri sui, & tuta conscientia esset de illis quingentis aureis, cum illa confessio valeat pro donatione, & remuneratione Nobilitatis &c. Secus autem si non fuit facta illa confessio in remunerationem nobilitatis &c. sed ob honorem mundanum, sine pompam, sine fastum, & de hoc constaret; Tunc enim mulier non poterit petere illos quingentos nondum datos, & si reciperet ligaretur excommunicatione, super tali facto lata. *Dilectus Afflict. proxime citandus.*

Eo magis si maritus confessus sit se recipisse in remunerationem nobilitatis &c. mulier mortuo marito poterit licitè petere.

Ampliatur vt etiam procedat quando Maritus mortuus esset in matrimonio rato, nondum consummato, nam adhuc mulier petere poterit illos quingentos, quos maritus confessus est recepisse: cum matrimonium ratum perfectum sit matrimonium, ita late decidit. *Afflictus decis. 61. num. 3. 4. & 5. & id affirmant multi Iuris DD. quos ipsemet citat.*

8
P A R S S E C U N D A.

*De Sponsalibus , Denunciationibus , & de
Confessione, & Communione Coniugum .*

Q V Æ S T I O T E R T I A.

S V M M A R I V M.

- 1 *Quid sint Sponsalia .*
- 2 *Qui vocentur Sponsi , & Sponse .*
- 3 *Quot modis contrahantur sponsalia .*
- 4 *Qui sint effectus Sponsaliorum ; & an Oscula , amplexus , & ta-
ctus prohibeantur , & quæ praxis .*
- 5 *Quæ ætas requiratur in viro , & quæ in femina , ut possint contrahere
sponsalia .*
- 6 *Quale sit vinculum , & obligatio sponsaliorum .*
- 7 *Quibus modis dissolvantur sponsalia .*
- 8 *An sponsalia clandestina valida sint , etiam post Tridentinum .*

- 1 *Vid sint Sponsalia .*

Q Resp. Sponsalia sunt promissio mutua futurarum
nuptiarum, dicta à spondendo, idest spontè promit-
tendo . *Can. nostrates 30. qu. 5. l. 1. & 2. ff. de
sponsalibus .*

- 2 *Qui vocentur Sponsi , & Sponsæ .*

Resp. Quod Sponsi, & Sponsæ capiuntur in iure propriè, & im-
propriè.

Propriè dicuntur ij qui contraxerunt per verba de futuro, ra-
tione futurarum nuptiarum. *cap. sponsam de sponsalibus*, veluti
promitto ducere te in vxorem, vel ducam te in virum.

Impropriè verò dicuntur ipsi Coniuges qui contraxerunt per
verba de præsentì . *Can. genuit , & Can. priusquam 27. quæst. 2.*
Vbi dicitur quod inter Ioseph, & Beatam Mariam semper Virgi-
nem fuit verum, & legitimum matrimonium, absque vlla coniun-
ctione, & perfectum fuit matrimonium. *Can. Beata ; Can. suffi-
ciat , & can. Cum initiatum eadem causa 27. quæst. 2.*

3 Quot

3 Quot modis sponsalia contrahantur.

Resp. Quod multis modis contrahuntur sponsalia.

Primo quandoque purè, quandoque sub conditione; purè, & absolutè; veluti promitto me ducturum te in vxorem, nulla appositâ conditione; Sub conditione, veluti si filius Caij dicat alicui, promitto ducere filiam tuam in vxorem, si pater meus velit; vel si dicat ducam filiam tuam in vxorem, si dederis mihi mille pro dote, hæc sponsalia dicuntur conditionalia, & tunc deum valent, si conditio appositâ aduenerit.

Secundo modo contrahuntur sponsalia, vel cum personis incertis, & indeterminatis, vel certis, & determinatis, vt in cap. unico de sponsalibus in 6. Cum personis incertis, & indeterminatis; Veluti si quis dixerit alicui patrifamilias, promitto me ducturum in vxorem vnâ ex filiabus tuis, nec dicit primogenitam; nec talem; & isto casu nulla sunt sponsalia ipso iure, & inualida; nec promittens cogi potest ex capite sponsaliorum, (licet obligetur in conscientia ex vi promissionis,) nec talis promissio impedimentum facit in matrimonio contrahendo, hoc est, ex eis non oritur impedimentum Iustitiæ publicæ honestatis. Cap. 1. de sponsalibus in 6. notat Syluester in verbo sponsalia.

Cum personis certis, & determinatis contrahuntur sponsalia; veluti si quis dicat promitto me ducturum in vxorem Antoniam vnâ ex filiabus tuis primogenitam, vel secundogenitam, illa præsente, & acceptante; vt infra dicam.

Tertiò modo contrahuntur sponsalia, per seipsos sponsores, vel per internuncium, vel per parentes, vel per literas. l. vltima ff. de sponsalibus. Per seipsos quando quis dicit alicui puellæ, promitto ducere te in vxorem, & illa respondet promitto ducere te in virum, & sic ipsinet sponsi faciunt sponsalia sine testibus.

Quartò, contrahuntur sponsalia per parentes, veluti pater sponsæ dat filiam suam in vxorem filio Caij, eamque promittit futuram in vxorem, & Caius pater acceptat, & dat filium suum in sponsum, & virum futurum filiæ illius patris promittentis; Quæ sponsalia an sint valida? Distinguitur, quod aut contrahuntur à patribus, præsentibus, & consentientibus, aut tacentibus filijs, & valida sunt, ac sponsalia tenent, cum taciturnitas habeatur pro consensu. Bonacina de sponsalibus quest. 1. punct. 1. num. 11. Aut contrahuntur à parentibus filio, & filia absentibus; & ignorantibus, & tunc sponsalia non valent. Cap. unico de desponsat impuberum in 6. §. 3.

Quintò per literas contrahuntur, quando alter alteri sponso-

B

rum

rum scribit, promittens literis ducere ipsam in vxorem, & mulier rescribit, promittendo ducere illum in virum. *l. vltima ff. de sponsalibus*; Et quando aliquid non est dispositum in Iure Canonico, non dedignatur Ius Canonicum sequi Ius Ciuile. Et confirmatur per Catechismum Romanum de matrimonio *par. 2. nu. 5. Bonacina proxime citandus.*

Sexto contrahuntur sponsalia per Interuuncium, siue per Procuratorem, quando sunt aliqui medij homines, per quos promittitur ab utroque sponso, tam viro, quam fœmina de ducendo eam in vxorem, quæ etiam per illos, dat verbum ducturam se illum in virum. *Bonacina de natura, & proprietate matrimonij qu. 2. p. nuc. 5. num. 1. & seq.*

Septimò contrahuntur sponsalia tantum nudo consensu, veluti si quis simpliciter dicat, promitto ducere te in vxorem, & vxor futura dicat, & ego promitto ducere te in virum, & hæc sponsalia perfecta, & valida sunt, nudoque consensu perficiuntur.

Octauò, Per subarrhationem Anuli contrahuntur, veluti quando quis promittit ducere in vxorem aliquam puellam, & in signum matrimonij futuri, dat in digito illius anulum; hæc enim sponsalia firmata sunt per anuli dationem. *Cap. illud de presumption.* Et hic anulus, positus in digito anulari sinistræ manus sponsæ, significat mutuam fidem inter ipsos præstandam, & amorem cordialem, qui debet esse inter sponso, vt in *Can. Fœmina 30. quest. 5.* habetur ibi sic: in quarto digito anulus idem inseritur, quod in eo vena quædam, vt fertur, sanguinis, ad cor vsque perueniat.

Nonò, contrahuntur sponsalia per dationem arrharum, vt in *l. Arrbis, C. de sponsalibus*; quando quis dicat promitto, me ducturum te in vxorem, & ad firmanda hæc sponsalia ab vna, vel utraque parte centum, ex. gr. vel mille aurei donantur pro arrhis.

Notandum hic obiter circa arrhas, quod simplex donatio sponsaliorum, intelligitur hodie ob futuri matrimonij contemplationem facta; & is per quem steterit ne matrimonium fiat, repetere non potest quod dedit, nec mulier sibi datam restituere, debet. Est *Text. in l. cum veterum, C. de donat. ante nuptias*, lex loquitur; quando stat per alterum, per penitentiam. Verum quasi semper donationes sunt à sponso sponsæ; rarò accidit fieri à fœminis, auarissimum enim genus est mulierum. *l. sed si ego in fine, ff. ad Velleianum, l. si stipulata, ff. de donat. inter virum, & vxorem.* Est alius *Textus in l. si à sponso, C. de donat. ante nuptias*, ibi dicitur, quod quando sponsus donauit sponsæ, & non interuenit oscu-

osculum, repetitur omne datum, sed si interuenerit osculum, repetitur dimidia pars, aliam lucratur sponsa, ratione osculi; Et hoc intelligitur quando per casum, scilicet si sponsus interim moriatur, hæredes sponsi repetere possunt. Quando verò per poenitentiam, standum est vt supra dixi.

Decimò, contrahuntur sponsalia per fidem præstitam, veluti promittit quis ducere aliquam in vxorem, & illa illum in virum, & ad firmanda hæc sponsalia ad inuicem dant inter se fidem, quæ firmat sponsalia, ac si interuenisset iuramentum. *Cap. 1. de sponsa duorum.*

Vndecimò, contrahuntur sponsalia per iuramentum, veluti quando post promissionem alicuius de ducendo aliquam in vxorem, & post consensum mulieris, iurant inter se ducere in vxorem, & virum; & sic per iuramentum firmantur sponsalia, & dicuntur sponsalia iurata, & alter ex sponsis contraueniens, potest etiam accusari de periurio. *Cap. Ex literis il 2. de sponsalibus. Cap. Requisiuit eodem titulo.*

Quæ autem differentia sit inter iuramentum, & fidem præstitam, declarat *Felin. in cap. Præterea num. 15. de sponsalib. Syluester verbo sponsalia.*

Et hæc sponsalia his modis prædictis contracta valent, & tenent, nec mutata sunt per Concilium Tridentinū, & cum mutata non sint, stare non prohibentur, validaque sunt. *Catechismus Romanus loc. cit.*

4 Qui sunt effectus sponsaliorum. Resp. quod sunt tres præcipuè.

Primus est, vt per sponsalia tanquam præparatoria matrimonij deueniatur ad ipsum matrimonium; sponsalia enim quamuis non sint de essentia matrimonij; fiunt ne illotis manibus agatur res tanti momenti, nempe Sacramentum Matrimonij. *Can. Institutum 27. quæst. 2.* Ibi, institutum est, vt iam pactæ sponsæ, non statim tradantur, ne vilem habeat maritus datam, quam non suspirauerit sponsus dilatare; ac etiam iuxta *Glossam ibi*, fructus diu expectatus, gratissimus est.

Secundus effectus est, vt vbi prohibeatur matrimonium, prohibeantur etiam sponsalia. Per regulam quæ dicit, cum quid prohibeatur, prohibentur omnia, per quæ deuenitur ad illud, *l. Oratio, ff. de sponsal; Iason; & Alexander in l. 2. ff. de iurisd. omnium Iudicum.*

Exemplum est huiusmodi, Petrus, & Lucretia sunt in quarto gradu consanguinitatis, vel affinitatis, propter quod contrahere

here matrimonium prohibentur; Isti etiam sunt prohibiti contrahere sponsalia.

Hæc regula quæ asseritur, cum quid prohibetur, censetur prohibitum omne id, propter quod deuenitur ad illud, vt in dicta *l. Oratio citata*, procedit quando prohibitio est perpetua, non autem procedit quando prohibitio est temporalis. *Textus est in l. solet, ff. de his qui nosan. iusam. l. si quis officium de ritu nuptiar.*

Exemplum est, Officialis durante officio prohibetur in illa Ciuitate, seu Terra, in qua est Officialis contrahere matrimonium; sed tamen quia prohibitio hæc est temporalis, non prohibetur interim, dum est Officialis, contrahere sponsalia, *dic. l. si quis officium*, sed tantum prohibetur contrahere matrimonium, dum est in officio, secus finito officio, totum id dispositum est propter libertatem matrimonij.

Secundo fallit prædicta regula in pœnalibus, etiamsi prohibitio sit perpetua, nam cum pœnæ sint restringendæ; Pœna quæ imponitur matrimonio, non censetur imposita in sponsalibus.

Exemplum est consanguinei, vel affines contrahentes matrimonium in gradu prohibito, si scienter contrahant, sunt excommunicati ipso facto. *Clem. 1. de consang. & affin.* Insuper contrahentes eum Monialibus sunt etiam excommunicati. *dict. Clem. 1.* Præterea Religiosi, Moniales, & Clerici in sacris constituti contrahentes matrimonium ipso iure sunt excommunicati; *dict. Clement. 1. de consang. & affin.* Omnes tamen supradicti si contrahant sponsalia non sunt excommunicati in dicta *Clement*; sed mortaliter peccant; Ratio est quia pœna imposita matrimonio, non extenditur ad sponsalia; *DD. declarantes dict. Clement*; cum in pœnis non sit facienda extensio.

E conuerso notandum, percutientem Clericum fornicantem cum sua sponsa de futuro incidit in excommunicationem Summo Pontifici reseruata; vti sentit *Glossa* ab omnibus approbata in *cap. 3. de sententia excomm.* Secus dicendum, qui in Clericum cum vxore, matre, sorore, vel filia turpiter inuentum manus iniecerit violentas, non est enim compellendus ad Sedem Apost. accedere. *dicto cap. 3. si verò de sententia excomm. circa finem*; Et ratio est, quia iustum dolorem quis compescere potest? *l. Graues ad l. Iuliam de adulterijs*, & lex Ciuilis perimit illi sic inuentum occidere, *l. quod ait lex, §. Quod ait, ff. de adulterio*, alias ex interuallo non liceret. ita *Glossa in eodem cap. 3. circa finem*. Aliter lex Canonica; tantum enim excusat ab excommunicatione Sedi Apostolicæ reseruata, si manus violentas in eum iniecerit, occisionem verò omnino prohibet, ac damnat.

Secun-

Secundum exemplum est, Clericus beneficiatus si matrimonium contrahat, ipso facto beneficium perdit, & vacat; Si tamen contrahat sponsalia secus est; cum in pœnalibus non sit faciendæ extensio; Quod perdat beneficium per matrimonium contractum. Est *Text. in cap. 1. de Clericis coniugat.* ita Abbas in dicto cap. citato, *1. 2. in fine, ff. de iurisdic. omnium Iudicum, & aliq.*

Tertius effectus sponsaliorum est, vt liceant sponsis sine peccato amplexus, oscula & tactus ex benevolentia. *Calet. in summa, verb. sponsis.* Sicut eadem licent omnibus, secundum consuetudinem patriæ. *S. Thom. 2. 2. quæst. 114. num. 4. & Calet. ibid.* sunt verò huiusmodi illicita omnibus, etiam sponsis, si sint impudica, aut si fiant causa delectationis; Vndè Alexand. VII. damnauit hanc propositionem. Est probabilis opinio quæ dicit, esse tantum veniale osculum habitum ob delectationem carnalem, & sensibilem, quæ ex osculo oritur in sponsis, secluso periculo consensus vltioris, & pollutionis.

In praxi tamen, quia in talibus osculis, & tactibus, quasi semper adest periculum vltioris consensus in delectatione, siue pollutionis in vtroque sponso, siue in altero eorum, ideò quàm semper sunt prohibita.

Et præterea nonendi sunt parentes sponsarum, vt nunquam permittant ingredi sponsum in domum suam, ne sponsa ab eo tangatur, amplexetur, & osculetur. Imò tunc magis quando contracta sunt sponsalia, & reperitur impedimentum essentiale impediens, & dirimens matrimonium, propter quod necesse est dispensatio Summi Pontificis, quæ dum interim expectatur, parentes curare debent ne sponsus omninò veniat in domum sponsæ, ne fortè per oscula, amplexus, & tactus deueniatur ad copulam, cum adhuc sint consanguinei.

Et quia frequentur per amplexus, oscula, &c. inter sponso adhibita, interuenit copula carnalis, antè matrimonium contractum per verba de præsentì; Ideò in aliquibus Prouincijs est casus reseruatus; Ac etiam lata est excommunicatio ab Episcopis contra patres, matres, & sponso, ipso facto incurrenda, ne sponsi audeant antè matrimonium contractum per verba de præsentì, copulam habere, ac etiam contra parentes permittentes vt dixi; ad euitanda stupra, & incestus.

5 Etas apta quæ requiritur tam in viro, quam in femina ad contrahenda sponsalia est septimus annus. *l. in sponsalibus, l. 2. ff. de sponsalibus. Cap. Literas, & Cap. Dissoluendum de desponsatione impuber.* Annus autem septimus, debet esse completus, nec sufficit si fue-

si fuerit inceptus. *Abb. in cap. Iuuenis de sponsalibus, & dicto cap. literas.*

Est tamen verum, quod quando malitia supplet ætatem, sufficit si septimus annus sit quasi completus. Ità *Sotus in 4. sentent. distinet. 27. quæst. 2. art. 2. Conarr. prima par. de sponsal. cap. 2.* qui citat *D. Thomam hanc opinionem tenentem in 4. distinet. 27. quæst. 2. art. 2.* ubi dicit referens *Philos. in 2. phis. cum parum deest, nihil deesse videtur.*

Quantum sit illud parum, à quibusdam taxatur tempus sex mensium, puta in septimo anno dimidiato. *l. non tantum, ff. de excusat. Tutor.* Sed melius est, ut determinetur secundum contrahentium conditionem, paulò plus, minusve, quia in quibusdam celerius maturescit rationis usus, quam in alijs. Idem *D. Thom. loc. cit.* Regulariter verò tenendum quod sponsalia contracta ante septennium completum, non valeant ex defectu ætatis, & nulla sint, tamen conualescunt tacito consensu post septennium. *Sotus, & Conarr. locis citatis.* Et est *Textus etiam in cap. 1. de desponsat. Impub. Bonacina de sponsal. quæst. 1. punct. 4. num. 5. & 8.*

Hinc etiam inferitur, quod si Princeps habens filium ætatis sex annorum faceret sponsalia cum filia alterius Principis, etiam minore sex annis, hæc sponsalia sunt nulla, etiam si filius, & filia Principum fuerint consentientes; Cum sponsalia ex defectu ætatis sint nulla, quæ possint convalidari post septennium, si sponsi consentiunt, vel non dissentiunt; Et ideo *DD. aiunt* quod talia sponsalia non debent fieri, nisi esset magnus Princeps quia ob bonum publicum, utpotè pro bono pacis, talis coniunctio, toleratur; Ità *Sotus in 4. sentent. dist. 27. quæst. 2. art. 2.* Et est *Textus in cap. ubi non est de desponsat. impub.*

Octauò dubitatur. Primò, pater tempore quo eius filius erat natus quator annorum, fecit sponsalia pro illo cum filia Petri, & eius filius tunc temporis consentijt sponsalibus, iam est natus decem annis, an teneatur obedire patri suo, & contrahere, seu ratificare dicta sponsalia.

Resp. Quod in isto casu filius non tenetur obedire patri suo de necessitate, sed tantum de honestate, & maxime quando nulla subest causa renuntiandi sponsalibus. Ità est *Text. in cap. 1. de desponsat. impub.* & ibi *Glossa notabilis.*

Secundò, Dubitatur Ioannes natus decem annis contraxit matrimonium de præfenti cum Lucretia eiusdem ætatis; vel Petrus pubes 15. annis contraxit matrimonium de præfenti, cum Susanna minore duodecim annis; Et sic unus est pubes, alter impubes; vel

vel ambo impuberes, vt in primo Casu. An inter eos teneat matrimonium.

Resp. Negatiuè, quia non est ætas, tam in primo, quam in secundo casu apta ad matrimonium contrahendum, & sic ex defectu ætatis, vel vtriusque, vel alterius partis, matrimonium non consistit; sed iuris interpretatione sponsalia sunt, tam in primo, quam in secundo casu. *Navarrus infra citandus.*

Hinc infertur quod inter eos non est licita copula carnalis, cum adhuc sint sponsi, non autem vxor, & maritus; Et hæc sponsalia de iure antiquo secuta copula carnali, transibant in matrimonium. *Cap. 15 qui fidem de sponsalibus.* Inò per translationem sponsæ in domum sponsi, ista sponsalia transibant in matrimonium. *l. Mulierem, ff. de ritu nuptiarum.* Hodie verò ex Decreto Concilii *Trid. sess. 24. cap. 1.* Ista sponsalia iuris interpretatione, nunquam transeunt in matrimonium, neque per copulam subsequutam, etiam affectu maritali, neque per translationem sponsæ in domum sponsi, neque per ætatem superuenientem, sed opus est, vt ætate adueniente, ad matrimonium contrahendum ab utroque sponso, vocetur Parochus, & Testes, & de nouo matrimonium de præsentibus contrahant, aliàs in perpetua fornicatione viuerent. *Navarrus cap. 22. num. 28. in fine.*

6 Vinculum, & obligatio sponsaliorum est, vt sponsus, & sponsa teneantur contrahere matrimonium, & perficere quod promiserunt, ac promissis stare. *Cap. sicut ex literis, cap. requisit de sponsalibus.*

Hinc infertur, quod sponsum non liceat pœnitere post sponsalia contracta, & non seruans promissa non potest absolui; Quia non solum tenetur vendere rem, qui pretio accepto, rem possidet, neque adhuc tradidit emptori; sed etiam qui promisit vendere, cogi potest ad vendendum, in omni foro; Itaque qui promisit locare, donare, & huiusmodi, tenetur adimplere quod promisit. *Glossa, & ibi DD. in §. Perficiuntur institut. de donat. Ripa in suis Responsis, respons. 144; Couarr. prima par. de sponsal. cap. 4.* Pariter qui promittit ducere aliquam in vxorem, debet cum ea contrahere, matrimonium, & quod promisit adimplere; nec potest pœnitere, sine iusta causa, vt infra dicetur.

Primò, Ampliatur ista conclusio, quod sponsus teneatur contrahere matrimonium cum sponsa, & adimplere quod promisit, siuè sponsalia sint iurata, siuè nudo consensu, & simplici verbo contracta, siuè fide præstita; semper enim tenetur, & est obligatus contrahere cum ea matrimonium, adimplendo quod in sponsali-

salibus promissit. *Abb. in cap. de illis de desponsat. impub. & idem in cap. 1. de sponsa duorum, & cap. ex literis de sponsal.*

Secundò ampliatur, quod multò magis teneatur sponsus contrahere matrimonium cum sponsa, si interuenerunt oscula, cum per osculum maculatus sit decor virginis pudoris. Et in *Cap. Regni Neapolit. incipien. Robertus*; mulierem osculans per vim pena vitæ punitur. *Afflict. decis. 276.* Et etiam in *Pragmatica Regni sub titulo de osculantibus mulieres incip. Considerato.* Extrà verò Ciuitatem Neapolis per totum Regnum punitur pœna exilij, & pecuniaria. Verum osculans mulierem de eius voluntate, cum qua antea fuerat conuentum de matrimonio contrahendo, indè maxime sequuto, nulla pœna de Iure puniri debet. *Idem Afflictus in dicta decisione.*

Tertiò ampliatur, quod sponsus teneatur cum sponsa matrimonium contrahere, estò quod sponsus promiserit, vel iurauerit ducere illam in vxorem animo decipiendi, non animo obseruandi quod promissit, siuè copula secuta, siuè non secuta; semper enim tenetur stare promissis. *Navarr. cap. 16. num. 18. Conarr. in 2. par. de matrimonio cap. 2. num. 4.* Est verum quod si mulier est inequalis conditionis sponso, quia fortè sponsus est nobilis, tunc sponsus vel ducat, vel detet eam, alias absolui non debet, nisi aliquo modo partem concordauerit. *DD. proxime citandi.*

Quartò ampliatur, vt etiam Index Ecclesiasticus possit compellere sponsum sub comminatione censurarum, siuè secuta, siuè non secuta copula carnali, ad contrahendum matrimonium cum sponsa. *Cap. Requisiuit, & cap. Ex literis il. 2. de sponsalibus. Conarr. prima parte de sponsal. cap. 4.* Sed hæc coactio debet esse moderata, vt liberè postea contrahant. *Idem Conarr. loc. cit. Et Glossa in dicto cap. requisitæ*; inquit: prius est monendus, & nisi acquieuerit, postea compellendus; quia coactiones difficiles exitus solent habere.

Quintò ampliatur, vt sponsus teneatur cum prima sponsa contrahere matrimonium, etiamsi cum secunda sponsa contraxerit sponsalia cum iuramento, & cum prima sponsa simpliciter; cum prior obligatio præualeat. *Abbas in cap. sicut de sponsalibus*, nec iuramentum est obseruandum in isto casu, cum sit præiudicium contrà bonos mores, & in præiudicium salutis æternæ, & proximi, & sic non est obligatorium. *Cap. Non est obligatorium de Regulis Iuris in 6. Declarat Sotus in 4. sentent. distinct. 27. quæst. 2. art. 2.*

Sextò ampliatur, vt sponsus teneatur contrahere matrimonium cum sponsa, etiamsi post sponsalia cum ea contracta, cum alia puell-

puella contraxerit alia sponsalia, & copula carnalis fit cum ea, secuta, nam adhuc primæ sponsæ redire tenetur, quia prior obligatio præualeat, & cum ea matrimonium contrahere tenetur, non cum secunda, nisi concordauerit primam, vel illam dotando, vel alio modo, quo casu, parte prima concordata, ad secundam redire poterit; Quæ regula non procedit in matrimonio; nam si quis sponsalia cum Istrumento contraxit cum aliqua & postea cum secunda matrimonium contraxerit de præsentī; ad primam sponsam non tenetur redire, sed cum secunda manere debet: & ratio est; quia maius est vinculum matrimonij, quam sponsaliorum. Itā habetur in *textu cap. si inter de sponsalibus*, & illa prima sponsalia erunt dissoluta per matrimonium subsequens cum secunda puella; Tamen iste talis grauissimè peccaret, & ratio est; quia primam fidem irritam fecit, cum præiudicio proximi, & idcō competens pænitentia ei imponenda esset. *Cap. si cut ex litteris de sponsalibus*.

7 Quibus modis dissoluantur sponsalia.

Resp. Multis modis sponsalia dissolui, de qua materia agit *Hostenfis in titulo de sponsalibus in summa*; Et *Glossa in cap. de illis ibi 1. de sponsalibus D. Thomas in addit. 3. par. quest. 43. art. 3. Conar. in prima parte de sponsalibus cap. 5. Sotus in 4. sentent. distinc. 27. quest. 2. art. 5. Nauar. cap. 22. num. 25. & 27. Syluester & ceteri summisse in verbo sponsalia*.

Primo igitur modo dissoluantur sponsalia morte naturali; mors enim omnia soluit. §. *deinceps in Auth. de nuptijs*.

Secundo dissoluantur sponsalia Morte Ciuili per damnationem ad triremes. *Abbas in Cap. De illis ibi primo de sponsalibus l. 1. ff. de diuortijs*; quod secus est in matrimonio, quod non dissoluitur per damnationem ad triremes, sed sola morte naturali.

Tertiò sponsalia dissoluantur mutuo consensu sponsorum, quia omnis res per quasunque causas nascitur, per easdem dissoluitur. *l. Nihil tam naturale de Regulis Iuris*. Sicut societas, quæ consensu nascitur, consensu dissoluitur. *l. verum §. finali ff. pro socio*, itā etiam sponsalia.

Hæc Conclusio primò ampliatur, vt etiam mutuo consensu sponsalia dissoluantur, estò quod sint iurata. *cap. Præterea il primo de sponsalibus*, & in hoc casu iuramentum non obligat, & à Iudice in patientia toleratur, ne deterius inde contingat. *Iason in l. finali ff. qui satisfacere cogantur, vide dic. cap. Præterea il primo*.

Secundò ampliatur vt sponsalia mutuo consensu dissoluantur, estò quod sint contracta principalitè ob amorem Dei; veluti iu-

ravit quis ducere in uxorem talem mulierem pauperem ob amorem Dei, & dedit illi fidem de hoc adimplendo; quia adhuc mutuo consensu dissolviuntur. *Nauarrus cap. 22. num. 25. in fine & num. 28.* Sed in isto casu si appositum sit iuramentum debet intervenire sententia Iudicis Ecclesiastici declaratoria, sponsalia esse dissoluta, ad evitandum scandalum Populi.

Limitatur ista Conclusio, ut non procedat quando Parentes sponsum vellet dissolvere sponsalia contracta per sponsum, & sponsam; Nam mutuo consensu Parentum sponsalia contracta inter filium, & filiam non dissolviuntur, cum requiratur consensus sponsi, & sponsæ ad dissoluenda sponsalia inter eos contracta, non autem sufficit consensus parentum, qui non attenditur, sicut nec patria potestas in spiritualibus, & ad Divinum cultum, pertinentibus, & maxime post pubertatem filiorum, qui etiam inuitis parentibus possunt contrahere sponsalia, & matrimonium. *D. Thomas 2.2. quest. ultima art. 6.* Imò quilibet ingenuus post annos pubertatis habet liberam potestatem quoad dispositionem sui status, iuxta *Conc. Trid. cap. 1. sess. 24. de Sacramento Matrimonij.*

Tamen maxime hortandi sunt filij familias, ut parentibus, & ijs in quorum fide, & potestate sunt, cum honorem tribuant, ut ipsis inscientibus, nedum inuitis, & repugnantibus, matrimonia non ineant. *Catechismus Romanus parte 2. de matrimonio num. 32. Bonacina de sponsalibus quest. 1. punct. 4. num. 9.* An peccent filij parentibus inscientibus, contrahendo matrimonium: vide infra de impedimento vis & metus num. 17. ut dixi.

Quarto dissolviuntur sponsalia per subsequens matrimonium, de presenti, ut dixi. *cap. sicut, & cap. Ex literis, & cap. inter de sponsalibus.*

Nec obstat huic Conclusioni Regula: qui prior est in tempore, potior est in iure; quia illa regula intelligitur data paritate terminorum, qui in hoc casu non sunt pares, cum matrimonium sit maius vinculum, quam sponsalia; & ideo si quis cum duobus puellis contraxerit sponsalia, ad primam redire tenetur, quia termini iam sunt pares, ut latè suprà diximus.

Hinc inferitur à pari quod si quis duobus rem vendiderit, & neutri rem tradiderit, primo Emptori rem vendere compellitur; si tamen duobus vendidit, & secundo emptori rem tradidit, per traditionem maius est vinculum secundi emptoris, & sic secundus emptor præfertur primo emptori *l. quoties, & ibi; l. ason, num. 36. C. de rei vindicatione l. si ea res §. fin. ff. de act. empti. C. nat.*

nar. in prima par. de sponsalibus cap. 5. num. 10. Et præfatum exemplum indiuiduum est, vt facilius supradicta intelligantur.

Quinto dissoluuntur sponsalia per superuenientem grauem infirmitatem, scilicet contagiosam, vel notabilem deformitatem in persona vnius ex sponsis; Veluti si post sponsalia contracta, de futuro, morbus gallicus, vel lepra, vel Nasi ammissio, vel aliquid turpius superueniat sponso, vel sponsæ, tunc semper dissoluantur sponsalia. *Abbas in cap. Quemadmodum de inueiurando. cap. litteras de coniugio leproforum. Nauarrus. Conarr. locis citatis cum Soto.*

Sexto dissoluuntur sponsalia per spiritualem, vel carnalem fornicationem. Per spiritualem; veluti si post contracta sponsalia, alter ex sponsis fiat hæreticus, & hæc est fornicatio spiritualis, quando quis apostatur à fide *Can. non solum 23. qu. 1.*

Dissoluuntur etiam sponsalia per carnalem fornicationem; veluti si post ea contracta antè matrimonium de præsentem, sponsa fornicationem commiserit. Imò patet sponso esse pares quoad dissolutionem sponsaliorum, quando fornicatio superuenit sponsalibus.

Sed sciendum; quando alter eorum fornicatur post sponsalia, non possunt dissolui à fornicante; nam ipse non debet reportare commodum ex suo delicto in damnum innocentis; si verò innocens vult contrahere, tunc fornicans tenetur contrahere, ita volente sponso innocente.

Quando vterque fornicationem commiserint post sponsalia; tenent. *Bonacina de sponsalibus qu. 1. punct. 8. num. 6. cum Paludano in 4. distinct. 27. quest. 1. art. 3. num. 17. contra Sanchez. lib. 1. disp. 15. num. 8.* & alios existimantes solum virum posse in eo euenire à sponsalibus resilire. Primi DD. fundant suam sententiam; tum quia delictum vnius compensatur cum delicto alterius; tum quia, quando vterque coniux post contractum matrimonium adulterium commisit, vir non potest facere diuortium, quamuis adulterium femine sit grauius adulterio viri; Ergo neque sponsus potest dissoluere sponsalia, quando vterque fornicationem commisit post sponsalia; licet sponsus maiorem subeat ignominiam per fornicationem sponsæ, quam subeat sponsa per fornicationem sponsi.

Ampliatur etiam, quod sponsalia dissoluuntur, etiam si antè sponsalia fuisset deflorata sponsa, & post sponsalia id peruenit ad notitiam sponsi, defloratam sponsam fuisse; nam iusta causa est dissoluendi hæc sponsalia; quia si sciisset sponsus, non contra-

xisset; quæ causa non attenditur in matrimonio de presenti; cum matrimonium sit vinculum indissolubile. *Bonacina de sponsalibus quest. 1. punct. 8. num. 17. & 16. & alij apud ipsum.* Ampliatur vt etiam sponsalia dissoluuntur, esto quod sponsa fuerit desolata per vim præcisam, aut à fidelibus, aut infidelibus. *Glosa est notabilis in Can. Raptor 27. quest. 2.*

Septimo dissoluuntur sponsalia per superuenientem *Affinitatem cap. veniens, & cap. ex literis* de eo qui cognouit consanguineam vxoris suæ. Veluti quando sponsus copulam habuit cum consanguinea sponsæ in primo, vel secundo gradu, post, vel autè contracta sponsalia, nam per huiusmodi copulam fit affinis sponsæ; Affinitas autem dirimit etiam matrimonium vsque ad secundum gradum, quando procedit ex copula illicita. *Concil. Trident. sess. 24. de reform. matrim. cap. 4.* Verum tamen est requiri copulam naturalem, & perfectam saltem ex parte viri, vt inducatur huiusmodi impedimentum dirimens, vt infra clariùs dicemus de impedimento Affinitatis. *Bonacina de sponsalibus quest. 1. punct. 7. num. 6. qui multos DD. citat.*

Octauo dissoluuntur sponsalia per scuitiam, & asperam naturam sponsi; quæ scuitia sponsi etiam in matrimonio de presenti inducit Tori separationem *cap. litteras de restitut. spoliatorum.*

Nono dissoluuntur sponsalia per nimiam absentiam sponsi, in partes remotas. *cap. de illis il 1. de sponsalibus.*

Decimo dissoluuntur sponsalia per terminum præfixum matrimonio contrahendo elapsus. *cap. sicut ex literis de sponsalibus.* Veluti contraxerunt aliqui sponsalia cum hac conditione, vt fiat matrimonium de presenti infra tres menses, si elapsi sint tres menses, & matrimonium non fuerit contractum, sponsalia sunt dissoluta. *dicto cap. sicut ex literis.*

Vndecimo dissoluuntur sponsalia per non adimpletionem conditionis promissæ. *cap. de illis de condit. appositis;* vel per non solutionem dotis promissæ *dic. cap. de illis.*

Duodecimo dissoluuntur sponsalia per votum simplex Castitatis, vel Religionis, vel Religionis ingressum *cap. veniens, & cap. Rursus qui Clerici vel vouentes;* quia votum Castitatis simplex, vel Religionis fortius est vinculum, & gratius Deo, ac melioris vitæ; nec expectandum est, vt profiteatur alter ex sponsis in Religione; sicut est in matrimonio rato. *Sotus in 4. senten. distinct. 27. quest. 3. art. 5.* nam semper sponsalia sunt dissoluta per votum simplex Castitatis, vel Religionis, vel Religionis ingressum. Ità etiam tanto magis dissoluuntur per votum solenne Religionis, vel

vel per ordinem sacrum susceptum . cap. unico de voto in 6.

Decimotertio sponsalia ob defectum ætatis dissoluantur , imò ipso iure sunt nulla , si ante septennium contrahantur , vt diximus supra . Si autem matrimonium contrahatur de præsentì coram Parocho , & Testibus à minoribus , scilicet ab impuberibus sunt interpretatione iuris sponsalia , quæ ætate superueniente , vel confirmantur , vel dissoluantur . cap. de illis §. si verò de Desponsat. Impub. vt supra diximus .

Decimoquarto dissoluantur etiam sponsalia per metum : aut dolum , immò sunt ipso facto inualida .

Aduertendum est , dolum aliquando dare causam contractui , aliquando incidere tantum in contractum ; dolum dans causam contractui , dicitur ille qui , si cognitus fuisset tempore contractus , non fuisset celebratus contractus ; Dolus incidens in contractum , dicitur ille , qui si cognitus fuisset tempore contractus , nihilominus contractus fuisset celebratus ; In primo , sponsalia sunt ipso facto inualida . In secundo sunt valida .

Exempli gratia Titius celebrauit sponsalia cum Berta deflorata , quæ virginem se simulabat , sed ita erat affectus tempore sponsaliorum , quod illa celebrasset , etiamsi illam cognouisset defloratam , tunc Titius non posset resilire . Bonacina de sponsalibus quæst. 2. punct. 9. & alij ab ipso citati .

Tandem sponsalia celebrata per metum leuem dissolui possunt in foro conscientie .

Dixi per metum leuem , quia sponsalia facta per metum grauem , sunt ipso facto irrita : vt infra dicam de matrimonio .

Dixi in foro conscientie , quia in foro externo non datur actio ad dissoluenda sponsalia facta per metum leuem ; nam in iure non habetur ratio metus leuis . l. nec timorem ff. de eo quod metus causa , alioquin daretur occasio multis litibus , vt bene ait . Sanchez lib. 4. disp. 17. num. 3.

Vtrum verò qui metu graui celebrauit sponsalia cum iuramento , teneatur ratione iuramenti stare sponsalibus .

Respondeo negatiue , nam quando contractus ob publicam utilitatem prohibetur , si iuramento confirmetur , iuramentum nullam inducit obligationem , neque eget relaxatione . Gutierrez cap. 76. num. 9. & 44. Sanchez lib. 4. disp. 20. num. 15. & disp. 21. num. 1.

An sponsalia clandestina valida sint , etiam post Trident.

Resp. Affirmatiue , & ratio est , quia lex Tridentini irritans matri-



22. *Quartum Preparatorium Matrimonij, &c.*

matrimonium Clandestinum, est correctiua iuris communis, ideoque non est extendenda vltra casum expressum. *l. Præcipimus C. de appellat.* Ergo cum solum irritet matrimonium clandestinum, non erit extendenda ad sponsalia. Confirmatur; quia est diuersa ratio de matrimonio clandestino, & de sponsalibus; nam illud est prohibitum ad vitandum concubinatum secundæ vxoris, cum tamen reuera primum validum esset: Non sic accidit in sponsalibus; nam matrimonium contractum, contemptis primis sponsalibus, validum est. *Filiuccius de Sacramento matrimonij par. 1. cap. 7. de sponsalibus nu. 253. Nauarrus cap. 25. num. 144. & alij citati ab eodem Filiuccio:*

Quartum Preparatorium Matrimonij, sunt Publicationes, siuè Denun- ciationes.

QVÆSTIO QVARTA.

S V M M A R I V M.

- 1 *Vbi, quando, & quomodo debent fieri Denunciationes.*
- 2 *Quando sponsus est Exterus, quomodo fieri debeat.*
- 3 *Si prædictæ publicationes omittantur ob iustam causam, an debeant postea suppleri.*
- 4 *Aliqua dubia scitu digna.*
- 5 *Quæ sint causæ iustæ ad dispensandum in Denunciationibus.*
- 6 *An hæ Denunciationes possint aliquando omitti à Parocho absque peccato.*
- 7 *An matrimonium contractum absque denunciationibus sit validum.*
- 8 *An sicut Episcopus, ita etiam suus Vicarius generalis possit facultatem dispensandi in denunciationibus alteri delegare.*
- 9 *An Episcopus alterutrius contrahentis possit cum utroque contrahente dispensare in denunciationibus, scilicet quando contrahentes sunt diuersæ Diocesis.*

1 **Q**uartum Præparatorium Matrimonij sunt denunciationes, seu publicationes præcedentes in propria Parochia, vt in *Conc. Trid. sess. 24. cap. primo.*

Quæ Denunciationes ter fieri debent, tribus diebus festinis de præcepto, ita vt populus audiat matrimonium contrahendum, esse inter talem, & talem; Etiam hæ publicationes fieri debent inter Missarum solemnias hac forma. Fiet matrimonium inter talem & talem, si quis sciat hoc matrimonium impediri posse aliquo impedimento reuelet, &c.

Fiunt autem hæ denunciationes in re tanti momenti nempe Sacramenti matrimonij, ne fiat illotis manibus, scilicet sine consideratione, vt euitentur scandala, quæ eueniri possunt ex Impedimentis.

Secundo fieri debent hæ publicationes in Ecclesia Parochiali ad maiorem scientiam alicuius impedimenti; Et si sponsus & sponsa sint eiusdem Parochiæ in illa sola fiant denunciationes; si verò sint diuersæ Parochiæ, in vtraque Parochia fieri debent, estò quod sint Parochiæ eiusdem Terræ, siue Ciuitatis. DD. cõmuniter.

2 Si sponsus sit exterus, siue aduena, debent procurari literæ siue fides ex patria sua; quod aliam non duxerit vxorem. *Conc. Trid. sess. 24. cap. Multi de Matrimonio. Abbas in cap. Cum inhibitio.* Ordinarij verò in re tam graui debent esse oculati propter scandala, quæ sæpè eueniri possunt in matrimonijs, & præsertim personarum vagantium, quæ plures sæpè sæpius ducunt vxores in diuersis locis; Et huiusmodi fides eorum Parochorum; sit authentica, seu legalizata ab ordinarijs locorum, prius examinatis ab ipsis duobus, vel tribus testibus, quod isti contrahentes sint soluti. Necnon obseruare debent edicta pluries publicata ob officio Sanctæ Inquisitionis super hac materia. Et prædictæ denunciationes seu publicationes etiam antè *Concil. Trid. de Iure antiquo erant in vsu cap. Cum inhibitio de clandestina desponsat.*

3 Quando ob iustas causas ab ordinarijs dispensatum sit super istis denunciationibus, debent suppleri post contractum matrimonium, antequam consumetur. *Conc. Triden. sess. 24. cap. 1.* Ibi; deindè ante illius consumationem denunciationes in Ecclesia fiant, vt si aliqua subsint impedimenta, faciliùs detegantur.

Præterea si Parochus illas omittat, (absque legitima causa) tam antequam contrahatur matrimonium, quam post matrimonium consumatum, (quando ordinarius dispensauit existente causa legitima) peccat mortaliter; *Bonac. de natura, & proprietatibus matrimonij. q. 2. punct. 6. n. 8. & alij.*

Con-

24 *Quartum Preparatorium Matrimonij, &c.*

Contrahentes verò consumando matrimonium absque præmissis denunciationibus, peccant toties quoties habent Copulari, ratio est; quia exponunt se periculo fornicationis, non adhibendo diligentiam præscriptam à Sacro Concilio Tridentino, faciendo contra præceptum Ecclesiæ in re graui; Tum quia ex omissione denunciationum possunt sequi grauissima mala. Bonacina *supra citat. n. 8. & 9. Sanchez. lib. 3. disput. 2. n. 4. & 5. & alij. Filiucius etiam idem affirmat in tract. 10. cap. 5. par. 1. n. 183.* his verbis: si matrimonium celebretur, non præmissis denunciationibus, etiã ex iusta dispensatione, peccant mortaliter contrahentes, si consument antè præmissas denunciations, non inodò peccant prima vice si consument, sed etiam toties, quoties, quia semper se exponunt periculo fornicationis. Quamuis alij DD. relati à Sanchez loco cit. *affirmant*, quod tantum prima vice peccant, rationes quas afferunt, vide *apud eundem Sanchez loco cit.*

4 Parochus non debet inter vnam, & alteram denunciationem multos dies interponere. Quinimò eas Parochus denuò præmittere debet, quando post primam peractam, intrà quatuor menses matrimonium non fuit contractum. Neque diebus ferialibus fieri possunt, etiam cum dispensatione Episcopi. Et fieri debent à proprio contrahentium Parocho, vel ab alio de eius licentia.

Parochus, qui sine licentia Ordinarij, omisis denunciationibus, aliquos desponsauit, incurrit pœnam tricenalis suspensionis ab officio, & beneficio. *cap. Cum inhibito §. sanè de clandest. desponsat*; quæ suspensio ab Episcopo absolui non potest.

Parochus non debet ad celebrationem matrimonij deuenire, nisi post trium, vel duorum dierum spatium ab vltima denunciatione.

In omnibus assertionibus præmissis, vide *Barbosam in Collectanea, in Conc. Trident. sess. 24. de reformatione matrimonij à num. 19. & sequen;* qui alios DD; & Decreta S. Congregationis citat.

5 Nonnullæ sunt causæ iustæ ad dispensandum in denunciationibus.

Primò disparitas conditionis, etatis, & qualitatis sunt causa dispensandi in denunciationibus, vel vt omninò omittantur, vel saltem vt fiat vna denunciatio pro trina, insuper hæ sequentes causæ videlicet.

Articulus, vel periculum mortis in volente contrahere cum Concubina ad tollendam verecundiam; Vel etiam quando Inuenis contrahit cum Vetula; Vicinitas temporis quo nuptiæ solennes prohibentur. Quando creditur matrimonium iniuste impedi-

diendum, vel à parentibus, vel consanguineis, vel à nouerca, vel ab iniquis curatoribus. Vel ad maleficia, aut affinium, vel aliorum euitanda. Item, quando Magnates contrahunt non repente, & occultè: inter quos omnibus est notum si adsit impedimentum. Quando quis vult ducere meretricem, vt à peccato liberetur. Omnes prædictæ causæ sunt rationabiles ad dispensandum ab Ordinarijs. Tamen antè matrimonij consumationem, denunciationes in Ecclesia fiant, vt si aliqua subsint impedimenta, facilius detegantur, nisi ordinarius ipse expedire iudicauerit, vt prædictæ denunciationes omittantur, quòd illius prudentiæ, & iudicio Sancta Synodus relinquit. *Conc. Trident. sess. 24. cap. primo de reform. matrim. In omnibus prædictis. Vide Barbosa Collectanea in Concilium Trident. sess. 24. cap. 1. de reform. matrim. num. 59 & sequen. qui multos DD. citat.*

- 6 Possunt aliquando denunciationes omitti à Parocho absque peccato; imò licitè absque facultate ordinarij. Accidit quando periculum est in mora, ità vt non possit Episcopus adiri, qui teneretur dispensare.

Vndè quando quis diù distulit matrimonium cum aliqua inire, & postea in grauem morbum incidit, & petita confessione, velit contrahere; & timetur fore, vt non celebret matrimonium, si conualuerit; tunc potest Parochus in eo casu, absque facultate Episcopi, ad quem commodè adiri non potest, assistere, & celebrare matrimonium. Et ratio desumenda ex benignitate Ecclesiæ, quæ non præsumitur obligare cum tanto incommodo, cum necessitas careat lege. Ità *Soens, Syluester, Sanchez, Gutierrez, & alij apud Bonacinam quest. 2. punc. 6. n. 7. & sequen. de natura, & proprietatibus matrimonij.*

- 7 Matrimonium contractum absque denunciationibus validum est; Ratio est, quia de Iure antiquo validum erat; & nunc in Iure nouo non statuitur contrarium.

Has publicationes omittendi ex facultate non potest Parochus concedere, sed tantum ordinarius, scilicet Episcopus, vel alter Prelatus, qui habeat iurisdictionem quasi Episcopalem, & non sit subditus Episcopo. Aut etiam Vicarius Generalis, nisi Episcopus hanc facultatem sibi reseruet; nam Vicarius generalis venit nomine ordinarij, *cap. Romana de appellat. in 6.* Potest igitur ordinarius ob iustas causas, quæ sibi iustè videbantur, dispensare, vel in totum, vel in partem, vel vt fiat vna pro trina denunciatio; Nam Tridentinum remisit hoc negotium prudentiæ Episcoporum, vt dixi, & benè aduertunt. *Henriquez cap. 5. num. 5. Riccins*

26 *Quartum Preparatorium Matrimonij, &c.*

- cuius decis. 150. *Filiuccius Sanchez, Bonacina de matrimonio, quest. 2. punct. 6. de natura, & proprietatibus matrimonij, & alij ab ipso cit.*
 8 Episcopus etiam potest facultatem dispensandi in denunciationibus alteri delegare, ita etiam suus Vicarius generalis, non tamen generaliter; Nam quamvis non possit constituere alium Vicarium generalem. *cap. Clericos de officio Vicarij, nihilominus potest vnam, vel alteram causam delegare.* Ita, *Sanchez lib. 3. disput. 7. nu. 20. Gutierrez, Reginaldus, Filiuccius, Bonacina loc. cit; & alij.*
 9 An Episcopus alterutrius contrahentis possit cum utroque contrahente dispensare in denunciationibus, quando contrahentes sunt diuersæ Diœcesis.

Respondetur affirmatiuè cum *Sanchez lib. 3. de matrim. disput. 7. num. 7. vers. ultima conclusio, Gutierrez de matrim. cap. 46. nu. 10. ad finem, & alij.* Et ratio est, quia sicut alteruter Episcopus potest utrumque coniungere in matrimonium; ita etiam potest cum utroque dispensare in denunciationibus. *Bonacina* tamen restringendum putat ad Episcopum in cuius diœcesi celebrandum est matrimonium, ut ipse possit cum utroque contrahente in denunciationibus dispensare; & ratio quam affert, est, quia Episcopus in cuius diœcesi non est celebrandum matrimonium, nullam habet iurisdictionem directam, vel indirectam erga subditum alterius Episcopi, in cuius diœcesi celebrandum est matrimonium, sed tantummodo potest dispensare cum sibi subdito; tum quia in tantum potest dispensare in denunciationibus cum utroque contrahente, in quantum ipse, vel alter ab ipso delegatus, aut ei subditus debeat assistere matrimonio sui subditi; Cum autem ipse non assistat; nec alter ab ipso delegatus, nec suus Parochus, inde non potest dispensare; aliter confunderentur iurisdictiones Episcoporum. *Bonacina loc. cit. num. 7. circa medium.*

Quintum Matrimonij Preparatorium est Sacramentalis Confessio, & Communio.

QVÆSTIO QVINTA.

S Y M M A R I V M.

- 1 An requiratur Sacramentalis Confessio, & Communio antequam contrahatur matrimonium de presenti coram Parocho, & Testibus.

- 2 Parochus assistens matrimonio cū conscientia peccati mortalis an peccet.
- 3 Quid de Procuratore matrimonium contrahente nomine alterius in peccato mortali; Et quid de mittente, cuius nomine fit matrimonium.
- 4 Vt præcedat Confessio, & Communio à contrahentibus ante matrimonium contrahendum, an sit de præcepto, vel de consilio; Et an sit necessaria saltem contritio de præcepto.

- 1 **Q**uintum, & vltimum præparatorium matrimonij, est Confessio, & Communio. Antequam igitur deueniatur coram Parocho, & testibus, siue in Ecclesia, siue domi, contrahendi causa per verba de præsentis, debet præcedere Confessio, & Communio Sacramentalis in vtroque contrahente, quia cum per Sacramentum matrimonij noua gratia in Anima contrahentium infundatur, hoc est in illo tunc, quando exprimitur mutus consensus, ideo opus est, vt contrahentes matrimonium, sint in statu gratiæ, vt hanc gratiam Sacramenti matrimonij recipiant, quam non recipiunt si in peccato mortali sint, inò nouū peccatum mortale committunt, ponendo obicem ad gratiam; Cum contrahentes sint Ministri huius Sacramenti, & non Sacerdos; Vel saltem debent elicere actum contritionis; cum Minister Sacramentorum debeat esse ingratia, nè illa indignè administret, vel recipiat. *Nauarrus infra citandus, & DD. comuniter.*
- 2 Ex his deduci potest, Parochum habentem conscientiam peccati mortalis, non peccare mortaliter assistendo matrimonio; Ratio est quia ipse neque ministrat, neque conficit Sacramentum matrimonij, sed tantum assistit pro conualidatione contractus; alioquin matrimonia clandestina, quæ ante Concilium Tridentinum celebrabantur, non fuissent vera matrimonia, & Sacramenta prout valida erant. *Conc. Triden. sess. 24. cap. primo, Bonacina de matrim. quæst. 2. punct. 5. num. 5; & 6. de natura, & proprietate matrimonij.*
- 3 Sic etiam procurator non peccat mortaliter contrahendo matrimonium nomine alterius in peccato mortali; Sed tantum qui mittit procuratorem ad contrahendum nomine suo, si esset in peccato mortali, tunc temporis, quo probabiliter credit procuratorem contracturum matrimonium; tunc enim ipse suscipit sacramentum, siue vigilet, siue dormiat, siue factus sit amens. Dicendum est enim illum peccasse ante, quando prouidit matrimonium suo nomine contrahendum, & noluit se disponere ad gratiam, dum erat in peccato. *Gutierrez Reb. Coninch. & alij citati à Bonacina loc. cit. punct. 5. num. 12. seq. eodem titulo.*

- 4 Tamen verum est, quod vt præcedat Confessio, & Communio ante matrimonium contrahe ndum, est tantum de Consilio, non autem de Præcepto; quia *Con c. Trident. sess. 24. cap. primo dicit, hortatur Sancta Synodus*: Est tamen de Præcepto, vt contrahentes matrimonium saltem sint contriti; cum in omni perceptione, siue administratione Sacramentorum debeat præcedere saltem contritio in ministro illius Sacramenti, si sit in peccato lethali.

In Sacramento autem matrimonij ipsi contrahentes sunt ministri, & recipiunt illud; &c. *Nauarrus plenè in tractatu de penitentia distinct. 5. in principio num. 33; & 39. & communiter DD.* Hinc dolendum est, à plerisque hoc magnum Sacramentum celebrari absque nulla præparatione, & ideo non seruatur mutua pax, & mutus amor inter coniuges, nec consequuntur gratias saluberrimas huius Sacramenti.

Dixi; in omni perceptione, siue administratione Sacramentorum debeat præcedere saltem contritio in ministro illius Sacramenti si sit in peccato lethali.

Animaduertendum tamen est, quod in perceptione Sanctissimæ Eucharistiæ, non sufficit tantum contritio, sed necessariò præmittenda est confessio, ab eo, qui est grauatus aliqua culpa lethali, ne tantum tremendum Sacramentum indignè, atque ideo in mortem, & condemnationem sumatur. *Concil. Trident. sess. 13. Can. 11. de Eucharistia. Ibi*: Statuit, atque declarat Sancta Synodus illis quos conscientia peccati mortalis grauat, quantumcunque etiam se contritos existiment; habita copia confessoris, necessariò præmittendam esse confessionem sacramentalem; Si quis autem contrarium docere, prædicare, vel pertinaciter asserere, seu etiam publicè disputando defendere præsumperit, eo ipso excommunicatus existat.



PARS TERTIA.

29

De Natura, & Proprietate Matrimonij.

QVÆSTIO SEXTA.

S V M M A R I V M.

- 1 Quibus, & quot modis considerari possit matrimonium in communi.
- 2 Matrimonium carnale consideratur vs officinæ naturæ, & dicitur contractus civilis.
- 3 Matrimonium consideratur vt propriè est Sacramentum Ecclesiæ.
- 4 Effectus gratiæ huius Sacramenti.
- 5 Quid significet Fides, Proles, & Sacramentum.
- 6 Matrimonium est de omni Iure.
- 7 Quid sit matrimonium, & declaratur Definitio.
- 8 Vnde dicatur matrimonium.
- 9 Quotuplex sit Matrimonium.

1 **P**rimò quibus, & quot modis considerari possit matrimonium.

Resp. Quod matrimonium in communi potest considerari dupliciter, propriè, & similitudinariè.

Propriè est coniunctio maris, & feminae, vt infra dicitur.

Similitudinariè verò est coniunctio Episcopi cum sua Ecclesia; quod vocatur matrimonium spirituale, ad similitudinem matrimonij carnalis; quia quemadmodum vir tenetur sustinere onera matrimonij; Ità Episcopus onera Ecclesiæ suæ sponsæ sustinere tenetur. *cap. Inter corporalia de translatione Episcopi*. Pari ratione, matrimonium spirituale contrahitur inter Parochum, & Ecclesiam parochialem, cui præest. *Can. Sicut alterius, § fin. 7. q. prima, vide Glossam in fine*. Eadem ratione, matrimonium spirituale contrahitur inter Clericum quemlibet priuatum, vel beneficiatum, & Ecclesiam cui est adscriptus. *Can. Neminem 70. distinkt.* Stricte verò solus Episcopus, *dic. cap. De translatione Episcopi*. Largo modo Parochi, & alij Clerici, *cap. Sicut in unaquaque 21. q. 2. Abbas in cap. Dudum il 2. num. 33. de electione*.

Hinc etiam est, quod matrimonium spirituale contrahitur inter Religiosum professum, & Religionem quam professus est:

Can.

30 *De Natura, & Proprietate Matrimonij, &c.*

Can. Quæ Christo spiritualiter nubunt 27. *quest. 1. refert D. Antoninus in 3. par. Summæ theologiæ tit. 1. cap. 1. §. 1.*

- 2 Matrimonium verò carnale propriè, dupliciter potest considerari; Primò vt officium naturæ; Secundò vt. Sacramentum Ecclesiæ; Ità, *D. Thom. in addit 3. par. quest. 41. art. 1.*

Quatenus consideratur vt officium naturæ, cum officio naturæ deferuiat, dicitur contractus ciuilis, scilicet do, vt des, intelligendo potestatem corporis, & fit per mutuam corporis traditionem, & sic ciuilis contractus vocatur. Vel secundò dicitur ciuilis contractus, quia consentit vir, quia vxor consentit. Vel teritiò dicitur ciuilis contractus, scilicet permutatio; Cum corpora ad inuicem permutentur, hinc dicitur virum non habere potestatem sui corporis; & ità etiam vxorem &c. Taliq. modo consideratum matrimonium, tamquam ciuiliis contractus, habet locum, etiam inter infideles, inter quos matrimonium non est vt Sacramentum Ecclesiæ, quia cum careant Baptismo Sacramentorum, Ianna, sine quo nulli Sacramento locus datur, *cap. Veniens de presbytero non baptizato ministrante*. Ideò matrimonij Sacramento carent.

- 3 Secundò modo consideratur matrimonium, vt propriè est Sacramentum Ecclesiæ, & ità consideratum, habet locum inter Christi fideles. Et est Sacræ Rei signum. Significatur enim per matrimonium, vt Ecclesiæ Sacramentum, coniunctio Christi cum Ecclesia, hinc *D. Paulus ad Ephesios 5. Sacramentum hoc, magnum est, &c. ità Textus in cap. Debitum de bigamis, & cap. Gaudemus de diuoritijs*, & tamquam Sacramentum Ecclesiæ, matrimonium confert gratiam, dummodo non adsit obex, siuè impedimentum ad gratiam, quæ tunc confertur, quando mutuus consensus inter coniuges profertur, coram Parocho, & Testibus, non autem quando à Parocho benedicuntur.

- 4 Primus effectus huius Sacramenti est gratia vt dixi; quæ gratia, (non inueniens impedimentum) sanctificat sponso, vt seruent mutuam pacem, & sincerum amorem inter eos.

Secundò hæc gratia efficit, vt opera grauissima matrimonij leuius ferantur,

Tertiò, vt inter coniuges sint illa tria bona, nempe fides, proles, & Sacramentum. Et hi sunt effectus huius Sacramenti. *Can. Omne 27. quest. 2.*

- 5 Fides significat, vt sponsus aliam non cognoscat sceminam, & sponsa alium non cognoscat virum, hinc *D. Paulus ad Hebræos, cap. 13. Honorabile connubium, in omnibus, & Torus immaculatus.*

Proles

Proles significat, vt ambo concorditer vacent proli procreandæ, filijsque procreandis, Christianèque educandis, & instituendis.

Sacramentum significat vinculum indissolubile, idest vt nunquam possint separari; hinc Christus dixit: quod Deus coniunxit, homo non separet; intelligendo hoc, nisi per mortem. Quæ omnes gratiæ, vt supra diximus, conferuntur statim atque mutui consensus exprimitur de matrimonio, coram Parocho, & Testibus; dummodò in gratia coniuges reperiantur; propterea Concilium Tridentinum hortatur, vt coniuges priusquam mutuum consensum expriment de matrimonio contrahendo, confiteantur, vt securius has gratias saluberrimas consequantur.

6 Matrimonium propriè, & carnale de omni iure est; Est enim, de iure Diuino, quoad institutionem, cum sit vnum ex septem Sacramentis Ecclesiæ. *Concil. Trid. sess. 24. de Sacram. matrim. Can. 1. Ibi*: si quis dixerit matrimonium non esse verè, & propriè vnum ex septem legis Euangelicæ Sacramentis à Christo Domino institutum, sed ab hominibus in Ecclesia inuentum, neque gratiam conferre; Anathema sit.

Secundum DD. est duplex institutio matrimonij. Prima est, ad prolem procreandam, & illa fuit facta in statu innocentie, antè peccatum primi hominis; *Genesi cap. 1. ibi*, masculum, & fœminam creauit eos, dixitque illis: Crescite, & multiplicamini, & replete terram, &c. Alia institutio matrimonij est, ad euitandam fornicationem, & illa fuit facta post peccatum. *Adæ. Glossa in cap. unico de voto in 6. num. 60. prima pagina.*

Secundo matrimonium est de Iure naturali. *Cap. Ius naturale prima distinct.* Naturaliter enim omnia animalia, non solum homo, ex instinctu naturæ iuclinant ad conseruationem sui. Verum quia omnia animalia morte consumuntur, propterea datur quædam species immortalitatis, vt id quod non potest conseruari in indiuiduo, conseruetur saltem in specie. *Couarr. in 1. par. de sponsalib. cap. 1. num. 6. in Authent. de nuptijs in princip. Ibi* dicitur præcipuè: Religiosus est mortuus mundo, quia non relinquit filium, viuit autem Deo. *Can. placuit 16. quest. 1. Glossa in cap. de voto in 6. pag. 2.*

Tertio matrimonium est de Iure gentium, quoad consensum, in quo præcipua & principalis pars matrimonij consistit, *l. nuptias de regulis iuris, cap. Cum locum de sponsalib. lex hoc iure, ff. de institia, & iure.*

Quarto matrimonium est de Iure Ciuili, quoad modum contrahendi.

32 De Natura, & Proprietate Matrimonij, &c.

trahendi, & paciscendi dotem, pacta dotalia, donationem propter nuptias, &c. Nam dotem marito promissam constitui, æquum est; Dotem ab hæredibus viri, vxori reddi, iustum est; *vt toto titulo soluto matrimonio. C. & ff. de pactis dotalibus, fundo dotali, donat. propter nuptias, &c.*

Nota si maritus conueniatur ab hæredibus vxoris pro restituenda dote, non tenetur, nisi in quantum facere possit, id est quatenus facultates eius patiuntur, itaque si dotis quantitati concurrant facultates eius, insolidum damnatur: si minus, in tantum, quantum facere potest. Propter retentionem quoque dotis repetitio minuitur. *In Auten. institut. Imper. Iustin. in §. Item si de dote de actionibus num. 30.*

Facta sola tori separatione, maritus non cogitur restituere dotem, sed solum vxori alimenta præstare; *Rota apud Farinacc. tom. 2. decis. 39 num. 6. vide Nicolium in verb. Filius. Clarius infra par. 13. quest. 31. circa finem.*

Quinto matrimonium est de Iure Canonico, quoad formam, & formales solemnitates, quoad impedimenta illius, quoad validitatem, quoad prolis legitimationem; si quum celebratur matrimonium adfuerit Parochus, & testes; Et sic quoad formam Ius Canonicum discernit, & decernit, an valeat matrimonium, vel nē; sic etiam si filij sint legitimi. *Felinus in Rubrica cap. 1; & cap. Preterea de sponsalibus.*

Et sciendum quod causæ matrimoniales spectant ad Iudicem Ecclesiasticum, vti causæ spirituales. *Conc. Trid. sess. 24. de Sacram. Matrimon. Can. 12. ibi, si quis dixerit causas matrimoniales non spectare ad Iudices Ecclesiasticos, Anathema sit. Et impediētes, vel auocantes eas, incidunt etiam in excommunicationem in Bulla Cœnæ contentam. Ibi: omnes Iudices seculares auocantes ad suum Tribunal spirituales causas: Et sub eadem pœna damnat eosdem Iudices laicos impediētes, vel prohibētes Iudicem Ecclesiasticum suā vti iurisdictione. DD. communiter.*

7 Quid sit Matrimonium.

Dico quod varijs modis matrimonium definitum reperitur; nam vno modo in §. 1. *Institut. de patr. potest.* Alio modo *Institut. in princip. de iure naturali*; Alio modo in cap. illud de presumptionibus. De quarum definitionum varietate tractat *Nauarr. cap. 22. num. 29; & 30.* Omnes tamen complectendo, hæc matrimonij definitio tradi potest. Matrimonium est Sacramentum Ecclesiæ, quo fit mulieris, & viri coniunctio maritalis, inter legitimas personas, indiuiduam vitæ consuetudinem retinens.

Dici-

Dicitur primò Sacramentum Ecclesiæ; quoniam vnum ex septem Sacramentis Ecclesiæ est matrimonium. *Conc. Trid. de Sacramento matrimonij sess. 24. Can. 1.*

Dicitur, quo fit mulieris, & viri coniunctio; nam hic est effectus ex matrimonio resultans. Dicitur viri, & mulieris coniunctio, & non dicitur maris, vt excludatur coniunctio brutorum; Dicitur etiam viri, & mulieris in numero singulari, significans in matrimonio vnum debere esse virum, & vnā mulierem, vno eodemque tempore; nam duas vxores vir, vel duos viros mulier, eodemque tempore nequit habere.

Dicitur quoque viri, & mulieris coniunctio, significans inter Angelos non stare matrimonium; Et quod legitur in *Genesi 6.* Videntes Filij Dei, filias hominum, &c. intelligitur de viris qui erant de familia Seth; non autem de Angelis, inter quos non stat, neque consistit matrimonium, cum sint incorporei; vide *Glossam in Decreto cap. primo 35. quest. 1. in fine lit. C.* ibi, Filij Dei dicti sunt qui descendebant à familia Seth; qui successit loco Abel, & non colebant Idola, sed Deum verum; Ideò concessum fuit eis, vt acciperent vxores de Tribu sua. Filij vero Cain qui colebant Idola dicti sunt filij hominis. Filij ergo Seth, qui dicebantur filij Dei, videntes filias hominum, quod essent pulchræ, hoc est filias de Tribu Cainicæ, acceperunt illas in vxores, & præuicati sunt; propterea Deus deleuit eos cum diluuiio. *Genesi 6.* vide *Glossam in dicto cap. 1.*

Dicitur demum viri, & mulieris coniunctio, ad denotandum, matrimonium propriè, & verè consistere inter sexus discrimen, & in sexu differentes; non autem inter eundem sexum, scilicet, masculum, & masculum, feminam, & feminam; quia inter eos esset diabolica coniunctio, non matrimonium, vt in *1. cum vir, C. de adulterijs.*

In definitione quoque dicitur maritalis coniunctio, significando non solum corporum inter eos esse coniunctionem, sed etiam animorum.

Dicitur etiam maritalis, significans non debere esse coniunctionem adulterinam, vel fornicariam, sed inter coniuges.

Dicitur inter legitimas personas, excludendo per hoc verbum omnia impedimenta, quæ matrimonium impedire valeant, cum quibus matrimonium fieri nequit, nec est legitimum, & maxime si sit impedimentum essenziale.

Dicitur tandem inter legitimas personas, ad excludendum consensum clandestinum, qui personas reddit suspectas, & non legitimas.

E

Dici-

Dicitur postremò indiuiduam vitæ consuetudinem retinens, significans, quod maritus, & vxor in vita semper sint indiuisibiles, & quoad torum, & quoad habitationem, & etiã quoad sepulchrum, *Can. vnaqueque 13. quæst. 2.* vel ex hoc vt nullus vir præsumat vxorem doni perpetuò relinquere, ipse autem yagari, sed tantum causa iusta interueniente, vt infra dicam, & tunc renetur, saltem ter, vel quater in anno visitare suam vxorem; cum sola mors possit eos separare.

Est tamen verum quod aliquando iusta ex causa, & rationabili fit tori separatio inter virum, & vxorem, quod fit mediante, & præuia Iudicis sententia, veluti si vir esset adulter, vel si morbo laboraret gallico, tunc separatio tori inducitur; Itã quoque è conuerso, si vxor adultera esset, vir autem bonus.

Sic etiã iusta ex causa fit quoque separatio habitationis, si vir nulla ex causa iusta, magnam habeat sæuitiam in vxorem, eam acerbissimè verberando; vt in *Cap. literas de restitut. spoliat.* quæ separatio fit etiã Iudicis præuia sententia; si tamen vir mores mutauerit, & vxorem secum habitare petit; tunc licitum est vxori fideiussores petere à viro, ne malè ab ipso tractetur, & crucietur; Et in his casibus potest fieri separatio tantum quoad torum, & habitationem, non autem quoad vinculum matrimonij; & per hoc si vxor commiserit adulterium, vir non poterit aliam ducere vxorem; & è conuerso si vir fuerit adulter, vxor non potest alium ducere virum, quia matrimonium quoad vinculum est indissolubile; & fundatur *Matth. 19.* Ibi: quod Deus coniunxit, homo non separet.

Nec obstat huic conclusioni, quod per ingressum Religionis, matrimonium separatur, postquam fecerit professionem, itaut, vir separatur ab vxore, & quoad torum, & quoad habitationem, & quoad vinculum quoque matrimonij; vt in *Cap. Ex publico de conuers. coniug.*

Nam ille Textus procedit, & loquitur antè matrimonium consumatum; Quo casu matrimonium non separatur ab homine, sed à Deo, ministerio Religionis, quæ gravior Deo est; & sic remanet, quod Deus coniunxit homo non separet, sed solus Deus per mortem, vel per Religionis professionem. *Cap. verum de conuers. coniug.* Et alteri remanenti in sæculo, licitum est ad secunda vota transire. *dist. cap. verum.*

Secus tamen est post consumatum matrimonium, quod nequit separari per ingressum, & professionem Religionis, altero ex coniugibus renuente; vtroque vero consentiente, & Ingrediente

Reli-

Religionem, matrimonium separatur, estò consumatum; sed tantum quoad torum, & habitationem, non autem quoad vinculum: vide Sylvestr. verb. *Diuortium*. num. 2. cap. 1. & cap. cum sis de conuers. coniugatorum; Bonacina de impedim. matrim. in tit. de impedim. voti quæst. 2. punct. 4. num. 11.

Sed notandum quando post matrimonium consumatū, vir vellet ingredi Religionem & profiteri, non sufficeret tantum consensus vxoris, sed vt etiam ipsa voueat continentiam, sciente Episcopo, Cap. 1. de conuers. coniug; Et etiam sit ea ætate, quod sine suspitione turpitudinis possit in sæculo permanere. Et Glossa in cap. Præterea de conuers. coniug. dicit, quod si vxor est senex, sufficit eius licentiæ interueniente auctoritate Episcopi, & ipsa voueat, & remaneat in sæculo; si autem sit iuuenis, quæ non possit esse in sæculo sine suspitione fornicationis, non sufficiunt prædicta, nisi & ipsa similiter conuertatur, hoc est ingrediatur Religionem, & in ea profiteatur.

Insuper dico vouentem hoc modo continentiam, nec licitè nec validè posse transire ad secunda vota, scilicet ad secundas nuptias; Quod licitè non possit, patet quia detinetur vinculo castitatis; Quod nec validè possit, probatur ex dispositione iuris irritantis huiusmodi matrimonium. Cap. Quia sunt, distinct. 28. ibi, Glossa verbo fuisse, & cap. seq. cap. Seriatim distinct. 32. ita Abb. in cap. Constitutus num. 6. de conuers. coniug. Sanchez lib. 7. disput. 40. num. 2. & sequent. & alij DD. ab ipso citati. Et non potest nec eo viro viuo, nec eo defuncto qui professus est in Religione, vel sacris ordinibus initiatus; vt in dictis Iuribus.

8 Vnde dicatur matrimonium.

Resp. Quod matrimonium dicitur à matre, quasi matris munus, suè munus; Non autem à patre: & hoc pluribus rationibus. Primò quia patrimonium dicitur facultas à patre quæsitæ, ad quem spectat facultates quærere pro alendis filiis; Ad matrem verò pertinet concipere, parere, & nutrire filios, & per hoc dicitur matrimonium, & non patrimonium; In partu enim mater est dolorosa, antè partum onerosa, & post partum laboriosa: Et ideo Iustinianus Imperator dixit, quis earum non misereatur? loquendo de priuilegijs mulierum: l. finali, C. qui priores in pignore habeantur. cap. final. de conuers. infidel.

Secundò dicitur matrimonium, & non patrimonium, à fine ipsius matrimonij, cuius finis est, vt mulier mater fiat.

Tertiò dicitur matrimonium, quia certior est mater, quam pater.

36 De Natura, & Proprietate Matrimonij, &c.

Quartò quia partus sequitur ventrem; & filij, matris sequuntur conditionem, ità quod si mater est ingenua, filij ingenui sunt; si serua, serui sunt filij. *l. Et seruorum, ff. de statu hominum*. Licet quoad dignitatem, familiam, & originem, filij patrem sequantur. *l. Cum legitime, ff. de statu hominum*.

Quintò dicitur matrimonium, quia per primum triennium à tempore natiuitatis filij, mater filium alere tenetur. *dist. cap. final. de conuer. infidel. l. nec filium, C. de patria potestat.* Et hoc procedit etiam in matre fornicaria, quæ filium suum tenetur per primum triennium nutrire, estò quod filius sit spurius. ità *Abbas in cap. cum haberet de eo qui duxit in matrem; quam polluit per adult.*

In hoc benè aduertant Confessarij, quærendo à matribus si filios suos sine causa alijs alendos tradant; dum per seipsas eos nutrire, & lactare debeant; tantò magis, si mulier esset humilis conditionis, non ità licebit. Admonendo maxime eas, quod si nulla fuerint causa impeditæ, debent per seipsas, eos nutrire; Cum ità Leges Canonice, & Ciuiles præcipiant. Et quod maius est malum vitandum, quod aliquando infantes traduntur nutricibus morum, vitæque pessimis, ac infantes earum lac sugendo, earumque sanguine propaginati, per sæpè imitantur earum mores.

Versus


*Mater alit puerum trimum, trimoque minorem;
Maiorem verò pascere, Patris erit:*

9 Quotuplex sit matrimonium carnale.

Resp. Quod matrimonium carnale duplex est; Clandestinum, siue illegitimum; Et solemne, seu publicum. Clandestinum, seu illegitimum est, quod contrahitur secretò inter Sponsum, & Sponsam, sine Parocho, & Testibus, prætermisissis etiam denunciacionibus: Et hoc matrimonium clandestinum antè Concilium Tridentinum validum, & verum erat matrimonium; & ratio erat quia matrimonium non consistit in publicationibus, præsentia Parochi, & Testium, sed in consensu. *l. nuptias de regulis iuris*. Sed hodiè per *Concil. Trid. sess. 24. cap. 1. de reformat. matrim.* Matrimonia clandestina nulla sunt, & irrita: & ratio affertur ad euitanda maiora mala, & scandala; Nam multi clam consentiebant ducere vxorem, & postea deserta illa aliam ducebant in vxorem, & cum ista, in perpetuo statu damnationis permanebant. Ad euitanda igitur hæc scandala, & concubinatus plurimos; Statuit *Concil. Trident. loc. citat.* Clandestinum matrimonium nullum esse, sed

sed debere contrahi in facie Ecclesiæ, hoc est coram Parocho, & Testibus, præmissis in Ecclesia denunciationibus, siue publicationibus, antè matrimonium contrahendum, vel consumandum.

Solemne, publicum, seu legitimum matrimonium est, quod non solum contrahitur mutuo consensu viri, & mulieris, verum etiam coram Parocho, & Testibus. Præterea ut dicatur legitimum matrimonium requiruntur denunciationes faciendæ in Ecclesia ad inueniendum si adsit aliquod impedimentum illius matrimonij consumandi; quæ denunciationes trina vice faciendæ sunt in tribus Festis de præcepto; ut in *Conc. Trid. loco cit.* Nec istæ publicationes prætermitti debent antequam consumetur matrimonium, nisi dispenset super his Episcopus Ordinarius ex iusta causa, ut in *Trid. loc. cit.* si tamen omittantur sine dispensatione, Episcopi Ordinarij, matrimonium sanè validum est, & legitimum; Cum hæ denunciationes non sint de necessitate matrimonij, sed tantum de præcepto, & solemnitate Ecclesiæ; quas si Parochus omittat, peccat quidem, & punitur, ut infra dicam.



³⁸
P A R S Q V A R T A.

De Parocho.

Q V Æ S T I O S E P T I M A .

S V M M A R I V M .

- 1 *Qua pœna puniatur Parochus omittens publicationes .*
- 2 *Parochus , post factas publicationes , non debet ad celebrationem matrimonij deuenire , nisi post trium , vel duorum dierum spatium .*
- 3 *Parochus interdictus , suspensus , irregularis , vel excommunicatus non toleratus , an valide assistat matrimonio .*
- 4 *Parochus non Sacerdos , an valide matrimonio assistat .*
- 5 *An Vicarius Generalis Episcopi , Vicarius Capitularis Sede vacante possint matrimonijs interesse , & alijs interessendi licentiam concedere .*
- 6 *Archiepiscopus dum actu visitat Diœceses Suffraganeorum , an possit matrimonio interesse , & alijs interessendi licentiam concedere .*
- 7 *Quomodo intelligenda sint illa verba : In facie Ecclesiæ . Et an matrimonium domi celebrari possit .*
- 8 *Parochus dolose adductus , vel vi detentus , si bene intelligat , an valide assistat .*
- 9 *Vicarius Episcopi qui non est Sacerdos , an possit assistere matrimonio , vel licentiam concedere .*
- 10 *Parochus utriusque contrahentis , an sufficiat ad validitatem matrimonij .*
- 11 *Matrimonium nullum ex publica causa , noua indiget presentia Parochi , & Testium .*
- 12 *Matrimonium quando fuit nullum , ob impedimentum dirimens occultum , obtenta dispensatione , non est necessarium , ut iterum coram Parocho , & testibus celebretur .*
- 13 *Modus seruandus , quando impedimentum dirimens post contractum matrimonium est occultum , & quid agendum , obtenta dispensatione Apostolica .*
- 14 *An matrimonium Infidelium ante baptismum , ut fiat Sacramentum , sit necessaria noua ratificatio coram Parocho , & testibus .*
- 15 *Parochus tenetur habere librum , in quo describat coniuges , festes , locum , contractum , annum , mensem , & diem .*

- 16 Si Parochus nouerit in Sacramento Confessionis pœnitentem habere, impedimentum dirimens, an possit illi denegare suam assistentiam in matrimonio.
- 17 Vtrum Parochus teneatur petere licentiam à pœnitente, vt illum ad-moneat extrà confessionem de impedimento dirimente.
- 18 An illa verba Parochi, scilicet: Ego vos coniungo in matrimo-nium, sint de essentia matrimoniij.
- 19 Præsentia Parochi est necessaria in matrimonio, non tanquam materia, & forma; sed vt persona contrahentium sint legitima.
- 20 Requiritur vt Sacerdos coram quo matrimonium contrahitur, sit pro-prius Parochus, vel alius de licentia Parochi, aut Ordinarij loci.
- 21 Quando contrahentes sunt ex duabus Parochijs, quis Parochus præ-feretur in matrimonio contrahendo.
- 22 An validè matrimonio assistat Parochus, qui non haberet Bullas Pa-rochie, nec iustum titulum.
- 23 An validè possit contrahi matrimonium coram Parocho, ad cuius Pa-rochiam aliquoties in anno quis diuertit relaxationis gratia.
- 24 Quinam Parochus possit interesse matrimonio vagorum.
- 25 Resoluitur dubium.
- 26 Qua pœna puniretur Sacerdos secularis, vel regularis, qui auderet coniungere non sibi subditos, aut benedicere.

Parochus propria auctoritate omittens publicationes, sus-pendendus est ab officio per triennium. *Cap. cum inhibi-tio de clandestina desponsatione*; hoc tamen intelligendum, est, modò Parochus eas omiserit absque legitima, & ius-ta causa. Sed si moribundus vellet ducere concubinam, vt filij le-gitimentur, & non possit tam breuì tempore adiri ad Episco-pum; tunc validè, & licitè assisteret. *Barbos. infrà citandus.*

Et præfatæ denunciationes possunt fieri tam à Parocho, quam ab alio Sacerdote de eius licentia; sicut etiam ad validitatem, matrimoniij sufficit præsentia Parochi, vel alterius Sacerdotis de licentia ipsius Parochi, vel Ordinarij. *Concil. Trident. cap. 1. sess. 24. de Sacramento matrimoniij.*

2 Parochus post factas publicationes, non debet ad celeb rationem matrimoniij denegare, nisi post trium, vel duorum dierum spatium ab vltima denunciatione, vt liceat vnique de impedi-mentis cogitare, eaque aperire, nisi temporis angustia præma-tur, scilicet instantis Aduentus tempore, siue Quadragesimæ. *cap. cum inhibi-tio de clandestina desponsatione. Barbosa Collectanea in Concil. Trid. sess. 24. cap. 1. num. 33.*

3. Parochus intetdictus, suspensus, irregularis, vel excommunicatus non toleratus, modò non sit actualiter depositus, validè, sed non licitè matrimonio assistit. Idem *Barbosa loc. cit. & alij DD.* ab eodem citati, resoluentes, Parochum excommunicatum assistentem matrimonio non effici irregularem, tamen grauitè peccatè.
4. Parochus non Sacerdos validè matrimonio assistit; puta cui collata fuit Parochia, non tamen ordinatus Sacerdos; tenent *Nauarrus Consil. 30. sub tit. de sponsalibus in antiquis, aliàs Consil. 9. sub tit. de desponsat. Impub. in nouis. Henriquez, Ledesma de matrim. qu. 45. punct. 3. dub. 3. Columna 3. & alij.*
5. Addo Vicarium Capituli, sede vacante posse, sicut & Vicarium generalem Episcopi, matrimonijs interesse, & alijs interessendi licentiam concedere; quia succedit Episcopo quoad iurisdictionem ordinariam, cui est annexa dicta facultas. *Resolunt Egidius da Coninch. disp. 27. num. 17. Gutierrez de matrim. cap. 66. num. 5. & alij.*
6. Addunt etiam, Archiepiscopum dum actu visitat dioceses Suffraganeorum posse hanc licentiam interessendi matrimonijs concedere, circa subditos prædictorum suorum Suffraganeorum; Non tamen extrà dictam visitationem, quia tunc non est Ordinarius illorum, & ideo nec posse assistere, neque licentiam concedere.
Et etiam posse, quando nolente Suffraganeo aliquos maritaliter coniungi, & ad ipsum Archiepiscopum super ea re appellatur; tunc enim ad ipsum deuoluitur iurisdictio ordinaria. *Petrus de Ledesma in summa par. 1. de sacramento matrimonij cap. 4. Conclus. 4. dub. 17. Sanchez. lib. 3. disp. 28. Suarius tom. 4. de penitentia disp. 25. sec. 1. num. 15. & alij apud Barbos. in Collectanea in Concil. Trid. sess. 24. cap. 1. de reform. matrimonij num. 103. & seq.*
7. Matrimonium domi celebrari potest; Illa autem verba: *In facie Ecclesie*; non impediunt, quin domi matrimonium celebrari possit, & præsertim inter Nobiles; celebrata prius Concilij forma, scilicet præmissis publicationibus; obtenta semper licentia Episcopi, seu Ordinarij loci ad id faciendum. Tamen cum maxime deceat, vt matrimonia in Ecclesia celebrentur; Ordinarij; & Parochi debent id hortari. Referunt decisum. *Franciscus Leo in thesaurò fori Ecclesiast. par. 2. cap. 9. num. 279. & alij.*
8. Parochus etiam vi detentus, si intelligat consensum contrahentium validè assistit matrimonio. *Ledesma de matrim. quæst. 45. art. 6. punct. 3. dub. 2. vers. quo supposito. Aloysius Riccius in pra-*

xi rerum fori Ecclesiastici resolut. 431. tom. 2. in 2. editione. Sanchez lib. 3. disp. 39. num. 9.

Imò etiam Parochus renuens, vel dolosè adductus, si benè intelligat, & audiat verba contrahentium validè afsistit, dummodo saltem adsint etiam duo testes. Idem *Riccus loc. proxim. cit. Bonac. de natura, & propriet. matrim. quæst. 2. punct. 8. nu. 20.*

Præterea præsentia Parochi sufficit ad matrimonium, etiamsi ad alium finem vocetur, vel casu præsens sit, quamvis Parochus nulla verba proferat. *Nauar. consil. 20. nu. 1. de sponsal. in antiquis, & Consil. 11. sub tit. de clandestina desponsat. in nouis. Gutierrez cap. 63. num. 3. & seq.* Excipiunt aliqui, nisi Parochus claudens aures affectatus esset non intelligere. Sed contrarium dicit declaratum à Sacra Congr. modò verè intelligat *Bonac. de natura, & propriet. matrim. quæst. 2. punct. 8. num. 20. qui citat Rebell.*

Parochum tamen vi adigere, aut dolo inducere, vt matrimonio intersit, quippe qui personam Ecclesiæ representat, est graue peccatum *Conincb. disput. 27. dub. 4. in fine Layman lib. 5. tract. 10. par. 2. cap. 4. num. 6. vers. esset.*

9 Vicarius Episcopi, qui Sacerdos non est, licentiam matrimonij contrahendi præstare potest; sed minimè interesse potest; sed Sacerdotem delegare debere. *Nauarrus Consil. 1. de officio Ordinarij in antiquis; Alias Consil. 10. de Clandestina desponsat. in nouis, & alij.*

10 Parochus vtriusque contrahentis sufficit ad validitatem matrimonij; Et ideo DD. infra citandi resoluunt sufficere Parochum Viri, etiam in Parochia mulieris, & è conuerso; quia Concilium Tridentinum in præsentem videtur voluisse præsentiam Parochi, & Testium, ad tollendam Clandestinitatem.

Sed frequenter matrimonium solet contrahi in Parochia, vbi vxor habitat. *Aloysius Riccus in Praxi rerum fori Ecclesiastici resolut. 431. in secunda Editione tom. 2. num. 1. Sanchez lib. 3. disp. 19. d. num. 1. Rota apud Farinaccium decis. 390. num. 6. par. 2. recent. Layman, in Theologia morali lib. 5. tract. 10. par. 2. cap. 5. nu. 2.*

11 Matrimonium nullum ex publicâ causa, noua indiget præsentia Parochi, & testium, ad illud contrahendum, & non sufficit dicere fuisse ratificatum, per copulam subsequutam. *Afferit Aldanus in compend. Canon. decisionum lib. 1. titulo 8. num. 22. attestans decisum in Balneoregien. 8. Iunij 1619. Vbi addit dici notorium, & reputari publicam causam, si constet ex libro baptizatorum, aliquem ex contrahentibus tempore matrimonij non fuisse legitimæ ætatis, vel matrimonium fuisse clandestinum abs-*

que Parocho, & Testibus, vel fuisse inter eos impedimentum dirimens, omnibus notum. *Barbosa in Collectanea in Concil. Trid. sess. 24. cap. 1. num. 132.*

- 12 Matrimonium celebratum coram Parocho, & testibus, quando fuit nullum ob impedimentum occultum; non esse necessarium ad revalidationem illius, quod iterum coram Parocho, & testibus celebretur; Resoluunt *Nauarrus in Manuali cap. 22. num. 70. in fine. Ledesma quasi. 45. art. 5. conclus. 2. ante ultimum dubium. Bonac. de natura, & proprietatibus matrimonij qu. 2. punct. 9. num. 10. & alij ab ipso citati.*

- 13 Vnde obtenta dispensatione Apostolica, non teneri iterum coram Parocho, & testibus contrahere; quamvis tunc coram eis invalidè contractum sit propter impedimentum occultum dirimens, vt dixi. Idem *Barbos. loc. cit. num. 136. multosque citat.* Nec denuò benedictiones recipiendæ sunt, quia periculum esset scandali, eas denuò recipiendo DD. vt suprà. Sed quando in dispensatione dicitur: Iterum coram Parocho, & testibus celebretur, vel contrahatur; Id omninò seruandum est.

- 14 Matrimonium infidelium ante Baptismum, vt fiat Sacramentum post baptismum, non est necessaria facienda expressio, & ratificatio consensus, coram Parocho, & testibus: & ratio est, quia Concil. Trident. requirit præsentiam Parochi, & testium, vt Contractus validè celebretur.

Nos verò supponimus contractum infidelium validè celebratum fuisse antè baptismum; Sed videtur sufficere expressio noui consensus, vel ratificatio præcedentis per mutuam cohabitationem; qua posita, fit Sacramentum matrimonij, & recipitur gratia sacramentalis. Ità *Rebellus quasi. 6. num. 5. Sanchez. Rodriguez. Gutierrez. cap. 42. num. 6. Nauarrus Consil. 4. in fine sub titulo de pactis in antiquis, alias Consil. 2. in fine sub tit. de conuersione infidelium in nouis.*

- 15 Parochus tenetur habere librum in quo coniuges, testes, locum, contractum, diem, mensem, & annum describat per decretum Concil. Trident. sess. 24. de reform. matrim. cap. 1. vt supra diximus.

- 16 An Ordinarius, vel Parochus, siuè alius Sacerdos ab eisdem deputatus, qui in Sacramento Confessionis nouit impedimentum dirimens matrimonium; Volentibus contrahere possit, & teneatur assistere, vel denegare assistentiam matrimonij. Resp. Non posse illi denegare, & assistere teneri matrimonio; Non enim potest extrà confessionem vti scientia in confessione habita,

pe confessio reddatur odiosa, & onerosa.

Vnde confessarius extrâ confessionem perinde se debet gere-
re, ac si nihil sciret in hoc, & similibus casibus, in quibus pœni-
tens posset subire pudorem, & confusionem, si denegaretur sibi
matrimonium, propter impedimentum in confessione cognitum,
ac offenderetur sigillum confessionis; propterea in hoc casu debet
intrâ confessionem admonere pœnitentem, ne contraheret,
quia maneret in statu damnationis. At si pœnitens persisteret in
sua obstinatione, & post confessionem vocaret Parochum ad as-
sistendum matrimonio, Parochus non posset extrâ confessionem
illum admonere; si aliter faceret, quamvis non frangeret sigil-
lum secretò loquendo cum ipso pœnitente extrâ confessionem,
de auditis in confessione, absque illius licentia; Nihilominus of-
fenderet sigillum, vt bene aiunt *Sotus in 4. sentent. distinct. 18. qu. 4. art. 6. Sylvester verbo confessio 3. num. 7. Bonacina de natura, & proprietatibus matrimonij quest. 2. punct. 9. num. 10. Paludanus 4 distinct. 21. quest. 3. art. 3. num. 60. Sanchez. lib. 3. de matrim. disp. 16. per totam.*

- 17 Altera difficultas est; Vtrum Parochus teneatur petere licen-
tiam à pœnitente; vt illum admoneat extrâ confessionem de im-
pedimento dirimente, vt abstineat, ne contrahat.

Respondeo non teneri, saltem si commodè uequeat petere, vel
admonere. Ità *S. Thomas 4. distinct. 21. quest. 3. art. 1. quest. 1. ad 3. Sylvester, Sanchez. locis citatis. Gutierrez. cap. 60. num. 11. us-
que ad finem & alij.* Et ratio est tum quia ex auditis in confessio-
ne non cogitur confessarius ad aliquid præstandum, vel omitten-
dum, vel ad remedium exhibendum extrâ illam; Notitia enim
confessionis ordinatur solum ad forum confessionis, & pœnitent-
iæ; Tum quia pœnitentes ægreferunt à se peti huiusmodi licen-
tiam, nec vellent sibi quemquam loqui de peccatis confessis. DD.
citati.

Existimo tamen in huiusmodi casu hanc regulam obseruari
posse ne anima illius esset semper in statu damnationis, & in ea
moreretur; scilicet si talis pœnitens redeat ad iterum confiten-
dum, cautè de illius matrimonio confessor loquatur, vt tribua-
tur ei ansa consulendi idemnitati animæ illius; & quando id
non sufficiat, ab illo licentiam in illo foro pœnitentiæ petat con-
sulendi causa Animæ suæ, exhibendo se sine expensis impetrandi
Breue pro dispensatione illius impedimenti in Pœnitentiaria se-
creta, in quo Tribunali omnia gratis expediuntur; Et sic talis
pœnitens non ægreferret, sed potius grates ageret; & sic animæ

illius confuleretur, & confessio prius facta non redderetur odiosa; nec onerosa.

Dispensatione in hoc casu obteuta; non tenerentur Coniuges præfari iterum coram Parocho, & testibus contrahere. Iam enim semel coram eisdem contraxere; (inualidè tamen propter impedimentum dirimens:) & ratio est, quia impedimentum fuit, & est occultum. DD. citati.

Dubitatur quando contrahitur matrimonium coram Parocho, & testibus, quis ex Coniugibus debeat prius interrogari, vir an femina?

Respondeo quod in hoc seruanda est consuetudo locorum. *cap. si inter de sponsalibus, & ibi Abbas.* Et à quocunque incipiat, semper matrimonium tenet, & valet; Est verum, quod semper melius esset incipere à femina, eiusque consensum explorare, prius, deinde Viri, nam si prius interrogetur Vir, deinde femina, quæ si non consentiret, magnum dedecus afferretur Viro, qui nunquam solet variare, sed femina semper est varia, & mutabilis, & ad vitanda scandala incipitur à femina in aliquibus locis; tamen in hoc vt dixi, seruanda est consuetudo loci. *cum ab vno magis incipere, quam ab alio, non sit de essentia.* Idem, *Abbas in dicto cap. si inter de sponsal. ac etiam in cap. licet de sponsal. duorum.*

- 18 An illa verba Parochi, scilicet ego vos coniungo in matrimonium, sint de essentia matrimonij.

Respondeo negatiuè, sed solum de solemnitate; & sunt quoddam sacramentale, siuè quædam cæremoniæ, & solemnitates Ecclesiæ, & propterea *Concil. Trident. sess. 24. cap. 1.* dicit Sacerdos dicat hæc vel alia verba; quia si essent de essentia, non possent mutari, & propterea mutari possunt, quia non sunt de essentia. *Sotus in 4. senten. distinct. 26. quæst. 2. art. 3. Bonacina proximè citandus num. 39.*

- 19 Præsentia Parochi est necessaria in matrimonio, non tamquam materia, siuè forma matrimonij, sed vt personæ contrahentium sint legitimæ, & habiles ad matrimonium contrahendum, & ideo sola eius persona requiritur, non autem eius consensus, sed tantum eius præsentia moralis, vt audiat, & videat quid agatur inter contrahentes; si autem dormiret, non diceretur præsentia moralis. *Bonacina de natura, & proprietatibus matrimonij quæst. 2. punct. 8. num. 19. l. coram Titio 209. ff. de verb. signif.*

Propterea vt matrimonium sit validum requiritur. ^c

Pri-

Primò vt fiat coram Parocho, & testibus.

Secundò vt contrahentes exprimant mutuum consensum, non solum coram Parocho, sed etiam testibus.

Quod si Parochus sponfos non interrogauerit, sed solum consentientes ad inuicem de matrimonio audiuerit, adhuc interesse matrimonio dicitur, cum præsentia illius moralis sufficiat, nec illius consensus est necessarius, vt supra diximus.

20 Requiritur demum vt Sacerdos coram quo matrimonium contrahitur, sit propriè, siuè proprius Sacerdos, vel alius de licentia eiusdem proprij Sacerdotis, vel Ordinarij loci. Propriè siuè proprius Parochus is dicitur, qui est Sacerdos curatus administrans Sacramenta in Parochia, in qua domicilium habent sponsus, & sponsa; Et ideò si quis velit contrahere matrimonium in Parochia aliena, vel non sua, nullum est matrimonium; Requiritur enim Parochus proprius illius parochiæ, in qua sponsi habitant, siuè habent domicilium. *Bonacina loco supra citato.*

21 Si autem sponsus contrahat matrimonium in Parochia sponsæ præfertur Parochus sponsæ; si autem contrahatur in Parochia viri, præfertur Parochus viri; Si autem contrarium fiat, puta; matrimonium contrahatur coram Parocho viri in domo sponsæ, matrimonium adhuc validum est, quia sufficit si interuenerit alteruter Parochus, vel viri, vel mulieris, in quauis Parochia contrahatur matrimonium; in aliquibus locis consuetudo est, vt aduocentur ambo Parochi tam viri, quam mulieris, quando Parochiæ sunt vicinæ, sed vt plurimum matrimonium celebratur in Parochia mulieris, & interuenit tantum Parochus sponsæ. *Bonacina de matrimonio quæst. 2. punct. 8. num. 7.*

Et ità declarauit Congregatio Cardinalium teste *Rebell. lib. 2. quæst. 8. & lib. 4.* Ratio est, quia Tridentinum dixit, matrimonium contrahendum esse coram Parocho, & non magis expressit Parochum viri, quam femina.

22 Hic proprius Parochus qui debet matrimonio interuenire, quamuis non sit verè Parochus, quia fortè non habet Bullas Parochiæ, vel neque habet iustum titulum beneficij parochiæ; si sit communi errore populi: & habuerit titulum coloratum, dicitur proprius Parochus in omnibus matrimonijs, in quibus interfuit, & in omnibus confessionibus quas audiuit; quia sufficit aliquis titulus coloratus parochiæ cum communi errore populi; Cum error communis cum titulo colorato faciat ius; l. *Barbarius. ff. de officio prætoris*; Et in tali casu Ecclesia supplet iurisdictionem. *Caletanus in summa, verbo absolutionis impedimenta. Nanarrus cap. 9. num.*

num. 11. *Bonacina loc. cit. num. 24. & 31.* Secus si non haberet vllum titulum, siue bonum, siue malum; eius enim præsentia, vel absolutio nihil valeret. *Xanarrus loc. cit.*

- 23 Si aliquis haberet Villam in aliquo Castello, & in aliqua Ciuitate haberet habitationem ordinariam, cum domo, & familia sua; & vellet ducere Antoniam in vxorem, illamque duceret ad illam Villam, vbi Antonia neque habitauit, neque esset parochia sua; An posset Parochus illius Villæ interuenire huic matrimonio.

Respondedo negatiuè, & ratio est; quia non est proprius Parochus, neque viri, neque mulieris, & matrimonium esset inualidum, hoc probatur in simili in *cap. is qui de sepulturis in 6.* ibi, in Villa moriens, in Ciuitate sepelitur, vbi tenet domicilium. Ità *Xanarrus Consil. 7. de clandestina desponsat.* Ità etiam intelligendum est, si ipsi supradicti per annum habitarent in illa Villa, nec trastrulerunt maiorem partem suorum bonorum in eadē, nec haberent animum permanendi perpetuò; cum nec Parochus Villæ esset proprius Parochus istorum; intelligendo dummodo mulier non sit eiusdem parochiæ, in qua est Villa; tunc enim Parochus Villæ diceretur proprius Parochus femine, & matrimonium valeret. DD. communiter.

- 24 Quæritur quomodo se gerere debeat Parochus inter Vagum, & Vagam.

Respondetur quando huiusmodi personæ vagantes veniunt in aliquam Ciuitatem, nullo modo à quouis Parocho ad matrimonium contrahendum admittantur, nisi prius habeant licentiam, ab Episcopo, vel alio Ordinario loci, qui antequam concedant huiusmodi licentiam de contrahendo, diligenter inquireant, & literas habere studeant, & fidem, quod vir aliam non habeat vxorem, nec femina aliud maritum; Id sæpè declaratum fuit à Sac. Congregatione Sanctæ Inquisitionis; & ità habetur in *Concil Trident. in cap. multi de reform. matrim. sess. 24. cap. 7.* Et hoc factum fuit ad euitanda scandala, quæ per sæpè inter tales personas emergunt.

Neque Canonicus Cathedralis, neque quilibet Sacerdos potest interuenire matrimonio, nisi habeat delegationem à proprio Parocho; licentia autem Parochi sufficit, si verbis fuerit concessa, melius autem esset in scriptis illam habere, ad euitandas discordias, & denegationes, quæ possent oriri inter Parochum delegantem, & Sacerdotem delegatum; sed vt plurimum hæc licentia dari solet ab Ordinario loci; ab vtroque enim concedi potest.

Con-

Concil. Trident. cap. 1. sess. 24. de reformat. matrim.

- 25 Sed quæritur; quidam miles prodiens ad bellum contra infideles, secum Concubinam ducebat, qui cum esset in medio maris, factus est infirmus ad mortem; & priusquam moreretur, voluit Concubinam suam in uxorem sibi desponsare, ut eam honoratam relinqueret, & contraxit matrimonium per verba de præfenti, coram Sacerdote non Parocho, & duobus testibus, qui Sacerdos in Triremi similiter erat, ut adiuvaret milites, in casu necessitatis, ut mos est in huiusmodi Triremibus; At verò contraxit matrimonium, salva ratihabitione proprii Parochi, qui in medio maris non poterat accersiri; An hoc matrimonium sit validum?

Respondeo negatiue, quia in matrimonio contrahendo non sufficit ratihabitione, neque licentia tacita, vel interpretatiua; sed debet esse expressa proprii Parochi, vel Ordinarij loci. *Conc. Trid. loc. cit. quæst. 7. num. 27.*

Neque obstat huic conclusioni, simplicem Sacerdotem in articulo mortis posse deficiente proprio, ministrare confessionem, Eucharistiam, & extremam unctionem.

Resp. enim, esse disparem rationem; quia Eucharistia, & Pœnitentia, sunt Sacramenta necessitatis: Præterea est simplex præceptum Ecclesiæ iubentis, ut extrema unctio à proprio Parocho ministraretur. At verò matrimonium est Sacramentum voluntarium, atque ipsum celebrari coram Parocho, & testibus, continet formam substantialen ipsius matrimonij; Et est decretum irritans matrimonium aliter contractum. *Sanchez. lib. 3. disput. 17. num. 5. in fine.*

- 26 Imò Sacerdos Sæcularis, vel Regularis, qui auderet coniungere, non sibi subditos, aut ipsos benedicere, sine Parochi, vel Ordinarij loci licentia, incurreret ipso iure suspensionem, donec absolueretur ab Ordinario ipsius Parochi, ut patet ex *Trid. sess. 24. cap. 1. de reformat. matrim.* ita *Sanchez. lib. 3. disput. 52. num. 4. Bonacina de matrimonio quæst. 2. punct. 8. num. 12. & alij communiter.* Iure tamen antiquo incurrerant in Excommunicationem. *Clem. 1. in fine de privilegijs*, sed illam modò sublatam esse sustinet. *Rebell. in declarat. Card. post. 4. lib. sec. 3. num. 83. & alij.*

De Testibus.

QVÆSTIO OCTAVA.

S V M M A R I V M.

- 1 Qui testes sint habiles, & sufficiant ad validitatem matrimonij, & quæ præsentia requiratur.
- 2 An dormientes, Infantes, Ebrii, furiosi sint Testes habiles.
- 3 An Pater, & Mater, familiares, infideles, excommunicati sint testes habiles.
- 4 An sit necessarium, vt testes sint rogati.
- 5 Quid si testes sint præsentés per violentiam.
- 6 Quid de testibus transeuntibus.
- 7 An contrahentes inualidè sine Parocho, & testibus, possint postea inter se, vel cum alijs iterum contrahere; adhibito Parocho, & testibus.

- 1 **T**Estes quicunque rationis compotes, quamvis impuberes consanguinei, domestici, feminae, aut infames sufficiunt pro matrimonio; horum autem præsentia debet esse moralis, & humano modo, vt scilicet aduertant id quod agitur *l. coram Titio ff. de verb. & rerum signif.* Præterea debet esse simultanea præsentia, & non sufficit successiua, vt colligitur ex eodem Tridentino, & DD. citatis.
- 2 Hinc colligi potest, dormientes, amentes, ebrios, furiosos quamdiu carent lucido interuallo, non esse testes idoneos ad matrimonium, quia non possunt esse præsentés humano modo. Ita *Gutierrez. cap. 69. num. 2. Sanchez. Coninchus, & alij communiter.*
- 3 Colligitur etiam, quascumque personas doli capaces posse esse testes in matrimonio; Et non excluduntur pater, mater, neque familiares, neque infideles, neque excommunicati; Quamuis istæ personæ non admittantur tamquam testes idonei in alijs rebus; Nihilominus admitti possunt in matrimonio; Ratio est, quia Tridentinum nullos testes excipit; inateria enim matrimonij est fauorabilis. Sustinent *Ledesma quæst. 45. art. 5. Riccius decision. 182. & DD. communiter.*
- 4 Addo cum *Sanchez. lib. 3. disp. 40. Gutierrez. cap. 55. num. 9.* Non esse necessarium, vt testes sint rogati, nullo enim iure requi-

quiritur ista solemnitas in matrimonio, sed sufficit, ut sint adhibiti ad contractum matrimonij.

5 Colligitur validum esse matrimonium contractum coram testibus, presentibus per violentiam; nam isti dici possunt presentes moraliter, si aduertant quod agitur. Ità declarauit S. Congreg. Cardinalium, quam citat *Ledesma quest. 45. art. 5. dub. 5. vers. tertia verò pars, & alij.*

6 Non videri validum matrimonium coram Parocho, & testibus transeuntibus; nam transeuntes non videntur presentes humano modo, nec formaliter, sed tantum materialiter. Sed si benè aduertant, matrimonium valeret. *Bonacina de natura, & propriet. matrimonij quest. 2. punct. 8. num. 46. Sanchez. lib. 3. disput. 39. num. 11.*

7 Contrahentes inualidè sine Parocho, & testibus, possunt postea inter se, vel cum alijs iterum contrahere, adhibito Parocho, & testibus; sic declarauit Sac. Congreg. Card. nec Tridentinum hoc prohibet. Ità *Ledesma quest. 5. art. 5. Gutierrez. cap. 61. num. 2. & cap. 75. num. 4.*



50 P A R S Q V I N T A

De Causis Essentialibus, seu Substantialibus Matrimonij.

Q V Æ S T I O N O N A.

S Y M M A R I V M.

- 1 Qua sint causæ essentialis, siue substantiales matrimonij.
- 2 Declarantur singulatim causæ necessariae.
- 3 An matrimonium possit fieri per Procuratorem.
- 4 An Procurator peccet mortaliter contrahendo matrimonium nomine alterius, in peccato mortali, & quæ verba adhibenda sint à Procuratore in contrahendo.
- 5 An matrimonium possit fieri per literas.
- 6 Vtrum matrimonium sit verum, & legitimum, per responsionem parentum sponsum.
- 7 An matrimonium sit nullum ex defectu alicuius causæ essentialis.
- 8 Consensus in matrimonio quatuor modis contingere potest, in quibus tamen matrimonium est nullum.
- 9 Casus in hac materia resolvitur.
- 10 Quando matrimonium est nullum ex defectu causæ accidentalis.
- 11 Notantur limitationes in hac materia.
- 12 Matrimonium est nullum ex dolo, vel fisione alterius coniugis.
- 13 Casus in hac materia de consensu resolvitur.
- 14 Si Professus careat consensu interiori; illa professio est nulla, & quid agendum.
- 15 Matrimonium est nullum ex facto alterius hominis, extra Coniuges.
- 16 Exemplum in hoc casu.
- 17 Quid si metus levis sit.
- 18 Ex defectu causæ materialis, matrimonium est nullum.
- 19 Ex defectu causæ formalis, nullum est matrimonium.
- 20 Ex defectu causæ finalis, nullum est matrimonium. Causæ finales matrimonij duplices sunt primariæ, & secundariæ, & quæ faciunt irritum matrimonium.
- 21 Observationes valde necessariae.

1 **C**ausae essentiales, seu substantiales matrimonij, sine, quibus actus corrumpitur, sicut in quolibet actu requiruntur, sunt quinque, omisso longis disputationibus; scilicet causa efficiens, essentialis, materialis, formalis, & finalis, de quibus causis D. Thomas in addit. par. 3. *quaest.* 42. 44. & 45. per totum. Sotus in 4. *sentent. distinct.* 1. *quaest.* 1. art. 6. & *distinct.* 26. *quaest.* 2. art. 1. & *Conarr. de matrim.*

2 Causa igitur efficiens matrimonij est Deus; nam ipse omnium Sacramentorum est institutor, auctor, & causa principalis. *Textus est in cap. finali de Frigid. & malefic.*

Secunda causa essentialis sunt personae contrahentium matrimonium; Et est consensus verus, & legitimus contrahentium, matrimonium. *l. nuptias ff. de Regulis iuris*. Imò hic consensus est causa substantialis matrimonij, sine quo matrimonium non tenet. *cap. tua nos de sponsal.*

Tertia est causa materialis, quae dupliciter est. Prima est remota, Secunda est proxima. Remota, sunt ipsi Sponsi matrimonium contrahentes; Proxima verò sunt verba coniugum exprimentia consensum interiorem, qui actus exprimentum verba, est materia proxima matrimonij: quae materia debet esse habilis, & legitima, ut ei dari possit forma; hoc est, ut homo, & femina sint apti, & habiles ad contrahendum matrimonium, id est ut sine puberes ambo, non sint consanguinei, & sint legitimae personae; si haec materia sit illegitima, potest fieri legitima aliquando ex dispensatione Summi Pontificis.

Causa formalis matrimonij sunt verba coniugum respondentium, quae actum matrimonij informant; & sic verba exprimentia consensum primi coniugis sunt materia, verba autem secundi coniugis similiter consensum interiorem exprimentia, sunt ipsius matrimonij forma, & rationem formae habent, quae informant materiam legitimam. *Abbas in cap. si inter de sponsalibus, & in cap. 1. ac in cap. licet de sponsa duorum*. Ideò diximus formam matrimonij esse verba secundi coniugis respondentis, & acceptantis, quia ut plurimum secundus coniux solet respondere verbis, aut nutu, aut signo. Et per hoc inferitur, quod si secundus coniux nutu, vel signo aliquo exteriori, consensum interiorem exprimat, adhuc matrimonium est validum; Et ille nutus, & signum est loco formae informantis actum matrimonij, & materiam.

Imò coram Deo sufficit consensus interior, ad hoc, ut matrimonium

monium valeat. *cap. Tua nos de sponsalibus*. Et quamuis consensus ille interior dicatur legitimus; Verum quia Ecclesia de occultis non iudicat; Ideò ad hoc ut matrimonium sit validus contractus, consensus interior vtriusque coniugis exprimi debet, siue verbis, siue nutu, siue aliquo signo exteriori.

Hinc infertur, quod si mulier annuens capite responderit, acceptans coniugem in virum, qui eam acceptauit in uxorem, adhuc matrimonium est contractus verus, & legitimus. *Bonacina de natura, & proprietatibus matrimonij, quest. 2. punct. 1. num. 3. qui multos DD. citat.*

Ex his patet, quod forma matrimonij non consistit in verbis præcipuè, & restrictiuè secundi coniugis, nam nutus, & signum visibile habent rationem formæ in matrimonio, & sufficiunt ad matrimonium contrahendum; Aliàs surdus, & mutus matrimonium contrahere non possent; quod esset contrà. *Textum in cap. Cum apud de sponsalibus*, Vbi surdus cum muta, matrimonium signis contrahunt, & validè: & sic verba in matrimonio non capiuntur strictè, sicut in cæteris Sacramentis, in quibus forma in verbis consistit, sine quibus Sacramenta non tenent. *Sanchez lib. 2. disp. 30; & Bonacina loc. cit.*

Taciturnitas regulariter non sufficit ad exprimendum consensum in matrimoniale, iuxta regulam Iuris: qui tacet neque consentit, neque dissentire videtur.

Dixi regulariter; quia Ius aliquando accipit taciturnitatem, pro expressione consensus, ut accidit quando Parochus interrogat sceminam, quæ tacet coram patre, & matre, & ipsi reprobmittunt pro ea. Eadem ratio non militat, quando extraneus reprobmitteret pro ea: Et ratio est, quia matrimonium est contractus, debet autem contractus necessariò signo aliquo externo manifestari; tum quia matrimonium est Sacramentum, de ratione autem Sacramenti est, aliquod signum externum sensibile, siue per nutus, & signa manifestari. *Sanchez, & Bonacina locis citatis, vide infra clariùs num. 6.*

3 An matrimonium possit fieri per Procuratorem.

Resp. Affirmatiuè, *cap. ultimo. De procuratoribus in 6*; & est in usu, vbi dicitur, quod Procurator debet habere speciale mandatum. Secundò, quod talis procurator non substituatur, nisi ad hoc mandatum habeat. Tertiò, quod si talis procurator reuocatus sit, etiamsi ignoranter contrahat, non tenet matrimonium. Quartò, quod coram Parocho, & testibus contrahere debeat. *dic. cap. ultimo de procuratoribus in 6.*

Ad-

Aduertendum demum, quod dictum mandatum speciale factum fit cum certa, & designata persona, veluti cum Antonia tali, &c. Et è conuerso cum certo viro: Nec satis est generale mandatum ad negotia. Insuper vt ipse Procurator exprimat consensum de praesenti, nomine sui principalis constituentis, non de futuro, veluti si procurator diceret, quod Ioannes suus Dominus promittit se habiturum in vxorem ipsam Antoniam; hoc modo erunt sponsalia, non autem matrimonium; Cum in matrimonio consensus expressus de praesenti requiratur. *Sotus in 4. sent. distinct. 29. q. 2. art. 3.*

Diximus; quod si talis procurator reuocatus etiam ignoranter, &c. significat: Quod Dominus constituens procuratorem ad matrimonium contrahendum cum certa, & determinata persona, fit semper eadem voluntate, quando procurator nomine ipsius matrimonium contrahit cum illa muliere; Vel è conuerso. Nam si se constituisse procuratorem poenituerit, & consensum suum, reuocauerit, praemissa protestatione, quod eum illam in vxorem ducere noluerit, quam cum procuratore voluit, tunc matrimonium contractum per procuratorem, nullum est; Nam constituens potest consensum suum reuocare ante matrimonium contractum per procuratorem, etiamsi in procuratorio iurauerit se non esse reuocaturum: Et hoc verum est, etiamsi reuocatio mandati, seu contrariùs consensus non innotuerit procuratori, aut sponsae, adhuc enim matrimonium est inualidum, defectu consensus, sine quo non subsistit matrimonium (quicquid sit in alijs contractibus) *dicto capit. ultimo De procuratoribus. in 6. cap. Sufficiat 27. quaest. 2.* Ità, Sanchez, Gutierrez, Coninch. Filiucius, Bonacina de natura, & proprietat. matrimonij, *quaest. 2. punct. 5. num. 7.* Neque etiam subsistit matrimonium in foro conscientiae, si solum interius reuocauerit consensum.

4 An Procurator peccet mortaliter contrahendo matrimonium nomine alterius, in peccato mortali.

Resp. Negatiue. Ratio est quia non pertinet ad ipsum ex officio ministrare, vel recipere huiusmodi Sacramentum, nec ipse est minister ad hoc munus; Ipsi verò contrahentes, qui mittunt procuratorem ad contrahendum suo nomine matrimonium, tenentur sub mortali esse in gratia; quia ipsi matrimonium principaliter contrahunt, & debent se disponere ad gratiam, & praesertim tunc temporis, quo probabiliter creditur procuratorem contrahentem matrimonium, tunc enim ipsi suscipiunt Sacramentum; siue vigilent, siue dormiant, siue amentes sint facti, & tunc conferuntur ambobus gratia Sacramentalis matrimonij, etiam absen-

sentibus ; quod est mirabile in matrimonio . Ità , *Canarr. 2. parte de matrimonio, cap. 4. in principio.*

Et à Procuratore in contrahendo adhibenda sunt hæc verba : accipio te in vxorem nomine Titij ; vel Titius accipit te in vxorem , me mediante . Similiter fœmina respondere debet ; Ego te mediante , duco Titium in meum maritum . *Sanchez lib. 2. disp. 6. num. 4 ; & disp. 11. num. 12 ; & alij.*

5 An matrimonium possit fieri per literas ; ità vt literæ vtriusque legantur coram Parocho , & Testibus .

Resp. Hunc modum contrahendi hodiè non esse in vsu , (sed tantum in sponsalibus) benè tamen per Procuratorem vt suprà dixi , quamuis *Sanchez lib. 2. de sponsalibus disp. 12. num. 3. Bonacina, de natura, & proprietat. matrim. quest. 2. punct. 5. num. 1 ; & alij affirmant* , posse fieri , & esse validum matrimonium ; Contra Bartholomæum à Ledesma, *dub. 18. de matrim. à fol. 1286. & alios permultos quos citat. Idem Sanchez loc. cit ; His negantibus ego adhæreo.* Iure tamen antiquo erat in vsu , vt in *l. mulierem ff. de ritu nuptiarum, l. sufficit ff. de sponsalibus* , vt docet *Glossa, cap. Nec illud 30. quest. 5. verbo vxor.*

6 Vtrum sit matrimonium verum , & legitimum per responsionem parentum sponsorum .

Resp. Affirmatiuè ex *cap. primo, §. ultimo, De desponsat. Impuber.* Veluti si mulier interrogata à Parocho , an velit ducere in virum talem ; Et illa ratione verecundiæ non respondet ; sed pater , vel mater pro ea affirmatiuè responderint , tale matrimonium est validum per parentes , & filia dicitur consentire , cum taceat , si interius consentiat . Hoc tamen fallit , si præ timore reuerentiali mulier taceat , vel homo ; quia tunc non est matrimonium perfectum , ratione defectus consensus . *Bonacina de Nat. & propriet. matrim. quest. 2. punct. 1. nu. 6. in fine, & idem de impedimento vis, & metus, quest. 3. punct. 8. nu. 6. in fine. Felinus in cap. Nonne de præsump.* Ego autem vt securius agerem semper exigere consensus expressum sponsæ , aut verbis , aut nutu , aut aliquo signo exteriori.

Causa finalis matrimonij triplex est ; Prima est adiutorium , & remedium naturæ ad sobolem procreandam , *Can. Nuptiarum 27. quest. 2.*

Secunda Causa finalis est , ad remedium concupiscentiæ , ad cui-tandam fornicationem .

Tertia Causa finalis est , propter quam matrimonium institutum est , vt contrahatur quædam societas ciuilis , in adiutorium vtriusque coniugis , *vide clariùs in num. 21. infrà.*

7 Quæritur an matrimonium sit nullum ex defectu alicuius causæ essentialis?

Conclusiue respondeo, & dico; Quod matrimonium ex defectu causæ essentialis nullum est, veluti si deficiat in consensu interiori, quamuis non deficiat in exteriori, *cap. Tua nos de sponsalibus.*

8 Consensus in matrimonio quatuor modis contingere potest, in quibus tamen matrimonium est nullum. Primò, Ex causa naturali; Secundò, Ex causa accidentali; Tertiò Ex dolo, & fisione alterius coniugis; Quartò, Ex facto alterius hominis extrà coniuges.

Primò ex causa naturali, siue essentiali nullum est matrimonium, si sponsi in matrimonio contrahendo, non habeant ætatem legitimam ad contrahendum; quia fortè non sunt puberes, nec viri potentes, *vt in l. Minorem, ff. de ritu nuptiarum, & cap. vltimò de desponsat. impub.* Nam ad hoc vt aliqui matrimonium contrahant, debent esse puberes, hoc est, vt homo habeat 14. annum completum, fœmina verò 12. annum completum, *vt in toto tit. de desponsat. impub; & præcipue in cap. Puberes, cap. Attestationes, cap. Continebatur. Abbas in cap. vltimò eodem titulo.*

Si vir, vel fœmina sint impuberes, vel ambo, vel vnus eorum, matrimonium nullum est, ex defectu causæ essentialis, vel naturalis, cum lex præsumat impuberes consensu carere in matrimonio contrahendo. Sed quia in materia matrimonij semper Ius Canonicum attendendum est, licèt de Iure ciuili sit statutum, vt vir agat 14. annum, & fœmina 12. completum, vt dixi; Tamen de Iure Canonico sufficit, si contrahentes matrimonium sint proximi pubertati, dolique capaces, hoc est, vt discretionem habeant, cum malitia suppleat ætatem. Et per hoc si vir habeat 13. annum cum dimidio, & fœmina 11. cum dimidio, poterunt legitimè contrahere matrimonium, & validè, si suppleat discretio, & iudicium, vbi deficit natura; Verumtamen hoc constare debet apud Iudicem Ecclesiasticum, idque expressè definitur, *cap. De illis il 2. cap. Puberes, & cap. Finali de desponsat. impub.* & ratio est; quia idè Ius eam ætatem præscribit, quod præsumat tunc pueros, & non antea, iudicio sufficienti ad matrimonium, & potentia generandi, & sufficienti discretionem ad se obligandos præditos esse. Quando verò antea hæc adesse constant, cedit præsumptio veritati. Sanchez lib. 7. disput. 104. num. 3. & alij citati ab eodem, inquirunt, quod verior sententia est, Iudicis arbitrio relinqui, qua ætate dicantur masculus, & fœmina impuberes pubertati proximi; quod cum id Iure præscriptum non sit,

inc-

merito Iudicis arbitrio committatur. *Vide eundem Doct. loc. cit. num. 40.*

- Si verò è conuerso, vir ageret 16. annum, & fœmina 15. nec sint adhuc doli capaces, nec mulier viri potens, nec vir aptus ad matrimonium contrahendum, seu consumandum; Tales validè contraherent matrimonium, & firmè, dummodo non constet talem impotentiam esse perpetuam, cum ætas requisita in matrimonio sit in eis. *Sanchez lib. 7. de matrim. disp. 104. num. 14; & 15.*
9. Si Patruus, vel Auus reliquerit pupillæ nepoti mille, quæ ab heredibus suis consignari voluerit tempore matrimonij contracti; si acciderit quod matrimonium quis pubes contraheret cum illa impubere ante annum 12. completum, nec malitia suppleret ætatem, & si suppleret, non constitit apud Iudicem; legatum tunc non debetur, cum matrimonium non sit perfectum, ex defectu ætatis in pupilla, & hæres ad præstandum legatum compelli non potest; nisi postquam pupilla sit facta viri potens *l. penultima, quæ incipit, quod pupilla, ff. quando dies legatorum cedat.*

10. Præterea, ex defectu causæ accidentalis matrimonium est irritum, veluti si ambo contrahentes matrimonium essent furiosi, vel alter eorum, matrimonium nullum est; estò quod sint maximè puberes. Ratio est, quia in matrimonio requiritur consensus liberissimus, quo furiosi carent, *cap. Dilectus de sponsal. cap. Cum, locum eodem titulo.*

Hæc conclusio ampliatur, vt etiã sit nullum matrimonium, si ipsi sponsi contrahentes in furore, vel ambo, vel alter eorum post contractum matrimonium habuerint dilucida interualla; Nam adhuc matrimonium nullum, & inualidum est, per regulam Iuris: quæ ab initio non valent, tractu temporis non conualescunt; Sed opus est in isto casu, vt renouetur consensus tempore, quo haberent contrahentes dilucida interualla; qui consensus renouari debet denuò coram Parocho, & testibus, quia impedimentum est publicum. *Abbas in dicto cap. Dilectus de sponsalibus.*

11. Limitatur ista Conclusio, vt non procedat, si tempore quo fit matrimonium, contrahentes habeant dilucida interualla; nã tunc matrimonium est validum, etiamsi furor superuenerit post matrimonium contractum. *Abbas in dicto cap. Dilectus de sponsalibus.*

Secundò fortius limitatur, vt non procedat, si tempore matrimonij contracti, tunc erant contrahentes sani, & post matrimonium contractum superuenit furor ambobus, vel vni eorum; matrimonium enim teneret per illam regulam: multa facta tenent, quæ nouiter fieri non possunt, *l. Patre furioso, ff. de his qui sunt sui, vel alieni*

alieni Iuris, & attenditur tempus matrimonij contracti. *Can. H i qui matrimonium* 32. 9. 7. il 2. *Can. 25.*

- 12 Matrimonium quoque nullum est, ex dolo, vel fictione alterius coniugis; Veluti si quis coram Parocho, & testibus contrahit matrimonium cum aliqua, & consensum exprimit verbis, vel signis; sed tamen habet in animo matrimonium non contrahendi, sed decipiendi illam puellam; hoc matrimonium nullum est ex defectu consensus interioris, provenientis ex dolo, & fictione alterius coniugis. Hoc tamen matrimonium est nullum coram Deo. *cap. Tua nos de sponsalibus*, sed apud Ecclesiam habetur pro valido; Ecclesia enim non iudicat de occultis; & alter coniux qui matrimonium contraxit dolo, & fictione, sacrilegium commisit, & quoties cum illa puella rem habet, toties peccat, & ideo tenetur renouare consensum suum interiorem coram Deo, & consentire; non autem coram Parocho, & testibus. *Navarrus cap. 22. num. 76. in fine, & idem cap. 22. num. 47. Bonacina de natura, & proprietate matrim. quest. 2. punct. 9. num. 1. & 2. Filiucci de Sacramento matrimonij tract. 10. parte 1. cap. 3. de causa efficiente num. 84.*
- 13 Si tamen vir fuerit nobilis, & duxerit uxorem humili loco natam, etiam animo decipiendi, & explendi causa suam libidinem, non autem contrahendi matrimonium; & nollet amplius illam in uxorem, sed vellet eam dimittere, cum disparis sit conditionis; tunc teneretur satisfacere mulieri, omni meliori modo, quo posset, vel si illa vellet ingredi, & profiteri in aliqua religione approbata à Sede Apostolica, assignando illi dotem, vel alio modo possibili; aliàs maneret in statu peccati mortalis, nec deberet absolui cum promissione, quod illam concordabit, nisi prius satisfacta parte decepta. Tamen id totum coram Iudice constare debet, quod vir sit nobilis, & illa plebea, quod vir sit veridicus, & non aliàs deceptor, postea iuramento id firmet; Alioquin non est ei tutum alteri nubere; quoniam interdum diuites, & nobiles ob egregiam formam, & honestatem, & alios fines matrimonium cum feminis plebeis, & tenuis conditionis verè contrahunt, vide *Navarrum cap. 22. num. 76. in fine qui alios DD. citat. Conarr. in 2. parte de matrimonio, cap. 2. num. 4. Sotus in 4. senten. distinct. 23. quest. 1. art. 3. vide etiam presatum Navarrum in cap. 16. num. 18.*
- 14 Observandum est, quod professus in aliqua Religione carens consensu interiori, professionem fecit nullam, nisi consensus renouetur ad professionem, scilicet ut renouetur consensus solum coram Deo, coram quo professio fuit fide facta; non tamen coram Præposito religionis, coram quo facta fuit professio exterior,

Bonacina de Clausura, quæst. 2: punct. 10. difficultate prima num. 4.

- 15 Matrimonium etiam est nullum ex facto alterius hominis extrâ coniuges; Veluti si quis cogit ambos coniuges, vel vnum ex coniugibus ad contrahendum matrimonium, & nisi contrahant occidere vult, vel metum infert cadentem in constantem virum, matrimonium nullum est, ex facto alterius hominis extrâ coniuges, vel dolo, vel metu; & ratio est, quia tam in matrimonio carnali, quam in spiritali consensus requiritur liberrimus, *dic. cap. cum locum de sponsal.* Et per hoc quoties interuenit in matrimonio contrahendo vis, dolus, vel metus cadens in constantem virum, matrimonium nullum est ex defectu consensus.
- 16 Exemplum est; Dominus habens seruum, vel seruam, cogit seruum ducere illam, quam nollet ducere, nisi à Domino cogeretur: Et hoc modo cogit, nisi ducat illam, in carceribus detrudet, vel verberibus afficiet; nam seruus illam ducit propter metum cadentem in constantem virum; Inde matrimonium hoc casu nullum est, ex defectu consensus ex facto tertij.
- 17 Si tamen metus fuerit leuis, matrimonium non irritatur, pro vt in hac materia est *Textus in cap. Cum dilectus*, & ibi *Abbas, & toto tit. de his, quæ vi, metusue causa sunt*. Quando metus est gravis, vt diximus, decreuit Sacrum Concilium Tridentinum, in *cap. Ità sess. 24.* quod nullus Dominus Terræ, Oppidi, Ciuitatis cogat suos subditos ad matrimonium contrahendum, sub excommunicationis sententia.
- 18 Ex defectu causæ materialis matrimonium est nullum, veluti si contrahentes non sint legitimæ personæ, puta si raptor rapuit mulierem, & cum ea vult matrimonium contrahere, non potest ex defectu causæ materialis, nam non sunt personæ legitimæ; & durante raptu, etiamsi contrahant coram Parocho, & testibus, matrimonium pro nullo habetur. Si verò mulier rapta, fuerit separata à Raptore, & in tuto loco posita fuerit; Si postea Parochus coram testibus explorauerit suam voluntatem, & consenserit, licitè, & validè contraheret matrimonium cum Raptore; Nec prohibet Concilium, vt postea contrahere non possint, his conditionibus seruatis; Sed prius Raptor debet absolui ab excommunicatione, & postea contrahere, iuxta *Conc. Trid. sess. 24. cap. 6. de reformat. matrimonij*.
- Præterea, ex defectu eiusdem causæ materialis, matrimonium nullum est, si personæ contrahentes habeant impedimentum essentiale matrimonij, vt putà, quia sunt consanguinei in gradibus prohibitis, vsque ad quartum gradum inclusiue, hoc casu ma-

trimonium nullum est, est quod sit contractum coram Parocho, & testibus, nisi prius super his à Summo Pontifice fuerit dispensatum.

Tertiò ex defectu eiusdem causæ matrimonium nullum est, si personæ contrahentes, vel ambo, vel alter sint inhabiles ad coeundum; Nam isto casu si constiterit per obstetricis matrimonium non fuisse consummatum ob defectum frigiditatis, & vxor cum viro fuerit per triennium, nec fuit consummatum; matrimonium nullum est. *cap. Laudabilem de frigid. & malefic.* Et in isto casu matrimonium ab Episcopo declaratur nullum, non quod matrimonium ipso iure sit nullum. Quod si ambo consentiant simul esse; Vir eam, etsi non vxorem, saltem habeat vt sororem; *dist. cap. Laudabilem, & cap. Consultationi tue de frigid. & malefic.*

Quarto si deficiat in matrimonio contrahendo Parochi presentia, & testium, matrimonium nullum est, ex defectu eiusdem causæ. *Concil. Trid. sess. 24. cap. primo, vt latè suprà declarauimus.*

- 19 Ex defectu causæ formalis, matrimonium nullum est, veluti quando non exprimitur mutuus consensus à contrahentibus, vel per verba, vel per signa, vel per nutus.

Si sponsi diuersæ nationis vellent matrimonium contrahere, & ad inuicem non se intelligerent; tunc per interpretem potest matrimonium fieri, & valet. *Glossa in cap. Ex literis de sponsalibus, l. prima in fine, ff. de verb. obligat.*

- 20 Ex defectu causæ finalis matrimonium est nullum.

Causæ finales matrimonij duplices sunt. *Conarr. in 2. parte de matrimonio, cap. 1. §. 1. num. 7.*

Causæ scilicet primariæ, & secundariæ.

Primariæ sunt illa tria bona matrimonij, scilicet proles, Fides, & Sacramentum; & vt ista tria bona matrimonij quis consequatur, debet matrimonium contrahere; *vt est in Textu in Can. Omne 27. quest. 2.*

Proles significat, vt matrimonium contrahatur ad finem proli procreandæ.

Fides significat, vt matrimonium contrahatur ad seruandam fidem coniugalem.

Sacramentum significat, vt matrimonium sit indissolubile, & in perpetuum contrahatur, non ad tempus, Et ideo dicitur in definitione matrimonij: Indiuiduam vitæ consuetudinem retinens; quia sola morte matrimonium dissolui potest, & dicitur perpetuum, hoc est, durante contrahentium vita.

Causæ autem secundariæ matrimonij sunt, pulchritudo, diui-

tiz, magna dos, affinitas, fauor affinium, & similia.

In contrahendo igitur matrimonio, potest quis meritum acquirere, veluti si contrahat matrimonium ad finem principalem matrimonij, nempe ad sobolem procreandam, & ad reliqua matrimonij bona; quamuis finis secundarius sit magna dos, fauor affinium, pulchritudo, &c.

Verum si quis contrahens mouetur principaliter ob diuitias, pulchritudinem, &c. Secundario autem ad bona matrimonij, valide contraxit, sed non meretur, imò venialiter peccat. *Abbas loc. cit. Nauarrus cap. 22. num. 79.*

Contrahere verò minus principaliter ob aliud temporale, modo principaliter contrahatur propter Deum, nullum est peccatum. Idem *Nauarrus dicto cap. & numero supra cit.*

- 21 Quando verò contrahitur directe contra bona matrimonij, & apponitur pactum, seu conditio turpis à contrahentibus, contra bonum prolis, & alia duo bona matrimonij, tunc peccarent mortaliter; & matrimonium nullum, & inualidum erit; Veluti si quis dicat, quod vult Antoniam vxorem per triennium, non in perpetuum, tunc nullum est matrimonium ex defectu causæ finalis; Vel si dicat, quod ducit aliquam in vxorem cum hac conditione si venena sterilitatis capiat ad sobolem non procreandam, eo quia habeat multos filios; Vel si dicat, quod ducit illam in vxorem, si permiserit se adulterari, & lucrum ex adulterio; Vel si ducit, donec aliam meliorem inuenerit, vel pulchriorem; Vel si filios occiderit, & similia. Bonacina de natura & propriet. matrimonij quest. 2. punct. 10. num. 8. & 10. *Nauarrus cap. 22. num. 62. cap. aliquando. cap. solet 32. quest. 2. & cap. finali de Condit. appos.*

Quæ omnia matrimonia sic contracta nulla sunt, ex defectu causæ finalis matrimonij, & sic contrahentes mortaliter peccant. Notat omnia hæc *Abbas in cap. finali de conditionibus apposis, & in cap. Tunc nos de sponsalibus. D. Thomas in addit 3. par. quest. 49. art. 3. Et est Textus in cap. ultimo de condit. appos.*

Aduertendum tamen est pro maiori intelligentia, quod consensus viri, & mulieris in copulam carnalem, in contrahendo matrimonio, non est necessarius explicite, sed sufficit implicitè, & virtute ad copulam, ex vi contractus, non autem ex parte contrahentis, & est verum matrimonium; Aliter dicendum (& esset nullum matrimonium) quando apponeretur pactum, veluti, si alter se obligat ad non petendum, aut non reddendum; vel si à contrahentibus apponeretur conditio turpis contra bonum prolis, & alia duo bona matrimonij, vt diximus, tunc nullum esset matri-

matrimonium; sed si nihil apponatur, nullumque pactum irritans, licet aliter sit in intentione contrahentium, matrimonium valet, & tenet.

Hinc inferitur, si homo virgo cum puella virgine matrimonium contrahant, & de seruanda perpetua virginitate conueniant ad inuicem de communi consensu, matrimonium est perfectum. *Can. Beata Maria 27. quæst. 2.* Et sic matrimonium Beate Virginis Marix, cum Beato Ioseph fuit validissimum, quæ implicite ex vi contractus consensit in maritalem societatem, sed non in carnalem copulam, & copula nunquam fuit, erat enim Beata Virgo certificata à Deo, nunquam subsequi debere; erat etiam certa, Divina reuelatione Ioseph nunquam petiturum; sic etiam & Ioseph, apud se disposuit Virginitatem seruare velle, & sic consensit in coniugalem societatem; Hæc docet *Diu. Thomas in 4. distict. 30. quæst. 2. art. 1. quæstunc. 2. ad 3;* quod optime etiam explicat *Sanchez lib. 2. de matrim. essentia, disp. 28. num. 3; & 4.* Et habetur in *dist. cap. Beata Maria 27. quæst. 2.* Et *D. Augustinus* ait, in *cap. Institutum 27. quæst. 2;* & *cap. Omne eadem causa, & quæst. Parentes Domini, coniuges fuerunt mente, & non carne.* Et *Glossa in dist. cap. Institutum, Henriquez lib. 11. de matrim. cap. 4. num. 1. Sanchez lib. 5. disp. 10. num. 4. in fine, & alij ab eodem citati.* Alia ratio est, qui a nuptias non concubitus, sed consensus facit.

Hinc inferitur etiam si vetulus cum vetula matrimonium contrahant validum est, quia consensus non concubitus matrimonium facit. *Cap. Coniux 27. quæst. 2.* vide *Bonacin. de natura, & propriet. matrim. quæst. 2. punct. 1. num. 9. & sequent;* & in *quæst. 3. puncto 13. num. 17; & 18.*

Præterea ad maiorem intelligentiam tria distinguenda sunt in matrimonio. Primò vinculum matrimonij, quod contrahitur ex mutua corporum traditione, & acceptance; Secundò mutua cohabitatio in eadem domo; Tertiò vsus matrimonij per copulam carnalem. Hæc duo posteriora non sunt de essentia matrimonij, sed primum; quod subsistere potest, absque duobus posterioribus; sicut enim in rebus quæ vsu non consumuntur, distinguitur dominium ab vsu, & potest dominium haberi absque vsu; Ità in matrimonio dari potest dominium corporis, sine copula, & vsu corporis; ità *Beccanus de incarnatione cap. 28. quæst. 5. num. 3. Bonacina de natur. & propriet. matrim. quæst. 2. punct. 1. num. 10. & seq.*

Ex dictis colligitur, si concubinarius infirmus ad mortem, de cuius salute timetur, duceret concubinam in uxorem in articulo,

vel

vel periculo mortis, in quo carnalis copula consistere non potest, matrimonium validum est; dummodò in præsentia Parochi, & Testium contrahatur. *Cap. Tanta vis, qui filij sint legitimi.* Item *Iason. in l. sed est questum, ff. de liber. & posthumis*: Ità legitimi fiunt filij tempore concubinitus procreati, per matrimonium subsequens, quod animam constituit in statu salutis, & concubinam honoratam relinquit, *DD. in cap. 2. de coniug. leprosf.*

Sic etiam si iuuenis ducat uxorem viduam natura sterilem, quæ nunquam filios procreavit, nihilominus matrimonium validum est, & tenet, *l. penult. C. de nuptijs*; adhibito consensu necessario, ut diximus, cum suis solemnitatibus. Aliter dicendum de frigidis, vel spadone. *Glossa in cap. Quod sedem de frig. & malefic. C. sanctimus de nuptijs, & Glossa in Can. Nuptiarum 27. quest. 1.* ait: in senibus etiam est humanitatis solatium, nemo enim est adeò senex, quod aliquando non calere possit natura, vel artificio; quod non est in frigidis, vel in puero, vel spadone; & ideo senex habilis est ad contrahendum; sufficit enim quod prolem non enitet.



P A R S S E X T A. ⁶³

De impedimentis Matrimonij tantum impedientibus.

QVÆSTIO DECIMA.

S Y M M A R I V M.

- 1 *Quæ sint impedimenta matrimonij.*
- 2 *Quæ sint impedimenta impedientia tantum matrimonium, & non dirimentia.*
- 3 *Quotuplex est impedimentum, vetitum Ecclesia.*
- 4 *Exemplum de impedimento Ecclesia vetito.*
- 5 *Illatio de eodem impedimento.*
- 6 *Vetitum Iuris, matrimonium impediens est multiplex, & sigillatim declarantur illationes.*
- 7 *Impedimentum impediens, & non dirimens, est etiam tempus feriarum, & declarantur singulatim illationes.*
- 8 *Alterum impedimentum impediens matrimonium contrahendum, sunt sponsalia prius celebrata cum alia persona.*
- 9 *Qualem culpam committat contrahens matrimonium cum impedimenti non dirimentibus.*
- 10 *An Episcopus possit dispensare in impedimentis matrimonij non dirimentibus.*

1 **Q**UÆ sint impedimenta Matrimonij.
Resp. Impedimenta matrimonij sunt in duplici differentia; Alia sunt impedimenta impedientia tantum matrimonium; Alia verò sunt impedimenta impedientia, & dirimentia matrimonium.

2 Impedimenta impedientia tantum matrimonium, non dirimentia, his verbis continentur:

Ecclesia vetitum, necnon tempus feriarum,

Atque Cæthechismus, sponsalia, iungito votum.

Impediunt fieri, permittunt facta teneri.

De his impedimentis habetur in cap. Non licet; cap. Nec uxorem 33. quæst. 1. & cap. Cappellanus de ferijs, D. Thom. in addit. 3. par. quæst. 50. art. 1. & alijs.

64 *De impedimentis Matrimonij tantum, &c.*

- 3 Ecclesiæ vetitum significat, quod matrimonium impeditur contrahi, & vetatur ab Ecclesia ne contrahatur; sed si de facto contrahatur, tenet matrimonium, cum hæc impedimenta impediant tantum matrimonium, non autem dirimant illud.

Ecclesiæ vetitum est duplex, scilicet vetitum hominis, & Iuris.

Hominis vetitum impedit matrimonium contrahi, quoties Episcopus, vel alius Iudex Ecclesiasticus ob aliquam iustam causam interdicat, vel vetat ne matrimonium contrahatur: de quo est *Text. in cap. Cum inbibitio*, §. 1. *de clandest. desponsat.*

- 4 Exemplum erit huiusmodi in praxi. Factæ sunt denunciationes in Ecclesia, quod sit matrimonium inter talem, & talem, idè- que sponsi, factis denunciationibus, volunt matrimonium contrahere de præsentī; Interea aliquis Episcopum adit, eique nunciat, quod prædicti sponsi habeant impedimentum; v. gr. quia sponsa fuit concubina patris, vel fratris sponsi; Episcopus optima causa prohibet, ne hoc matrimonium contrahatur, & nullus in eo contrahendo interueniat: Et hoc dicitur Ecclesiæ vetitum. Hoc non obstante si sponsi matrimonium contrahant coram Parrocho, & testibus, Matrimonium firmum, & validum erit; (dummodo quod ille asseruit Episcopo, sit falsum) Contrahentes verò peccant, ità Parochus, qui etiam potest ab Episcopo puniri.

- 5 Inferitur ex his, quod vnus testis fide dignus matrimonium, potest impedire, non obstante, quod dictum vnus, sit dictum, nullius; nam ad matrimonium impediendum sufficit vnus testis fide dignus. *Cap. Præterea il 2. de sponsal.*

Imò licet nullus testis sit; si tamen est rumor, & fama in vicinia, sponfos esse inter se consanguineos, ista fama, & rumor impedit matrimonium de præsentī contrahendum, & ratione solius famæ Episcopus potest, & debet interdicere ne matrimonium fiat, & ne deueniatur per verba de præsentī ad matrimonium, contrahendum, donec exploretur veritas impediementi per famam apposti. Quod sola fama matrimonium impedire valeat, est *Textus in cap. super eo de cognat. spiritual. & cap. super eo de consang. & affin. vide Gloss.* Et quando fama surrexit, tunc opus est, vel contrarium eius quod per famam dicitur probare, vel dispensationem Summi Pontificis obtinere. *Conarr. 2. par. de matrimonio cap. 6. §. 10. num. 21.*

- 6 Iuris vetitam, matrimonium impediens, est multiplex.

Primò impeditur à iure matrimonium contrahi, prætermis-
 sū denunciationibus, seu publicationibus in Ecclesia. *Concil. Trid. sess. 24. cap. 1.*

Si

Si tamen omiſſis publicationibus fiat matrimonium, validum eſt, cum hoc impedimentum ſit tantum impediens matrimonium, non dirimens.

Secundo, inceſtus enim propria conſanguinea, impedimentum Iuris eſt, matrimonium cum alia impediens. *Can. 35. quæſt. 2. & 3.* quod impedimentum in uſu non eſt, ſi tamen ſeruatur alibi, ad ipſum tollendum, ſufficit Episcopii diſpenſatio; ut infra dicam.

Tertiò, vxoricidium, impedimentum Iuris eſt, impediens matrimonium cum altera contrahendum. *Can. Interfectores, & Can. Admonere 33. quæſt. 2.* & ratio eſt, quia vnā occidens, aliam non meretur.

Quartò, Presbytericidio, matrimonium impedit tantum contrahendum. *Cap. qui Presbyterum de penitent. & remiſſ.*

Quintò, Catechiſmus eſt impedimentum impediens tantum matrimonium contrahendum. *Cap. per Catechiſmum de cognat. ſpirit. in 6.* quod ut intelligatur, ſubiicitur exemplum huiusmodi. Per Baptiſmum, & Confirmationem contrahitur cognatio ſpiritualis, iuxta *Concil Trident.* inter illum qui tenet puerum, matrem; patremque pueri baptizati. Accidit quod natus eſt puer, & dubitatur de morte ipſius, idèoque ſtatim domi baptizatur ab aliquo, puer poſtea uiuit, & benè valet, & ad Eccleſiam portatur ad catechizandum; Ille compater qui eum tenet in Catechiſmo, non eſt verè compater, neque commater ſi fuerit fœmina, cum nunc baptiſmi Sacramentum non conſeratur, ſed domi tunc fuit verè collatum. Si moritur mater pueri, pater ipſius pueri, poteſt ducere comatrem, quæ tenuit ipſum puerum in Catechiſmo, & ſic è conuerſo ſi pater pueri moritur, mater ipſius pueri poteſt ducere illum compatrem, qui tenuit puerum in Catechiſmo, abſque Summi Pontificis diſpenſatione; ad tollendum enim hoc impedimentum Iuris, ſufficit Episcopii diſpenſatio, ut infra dicitur; quæ non ſufficeret ſi compater teneret puerum, quando verè baptizatur, cum tunc ſit contracta cognatio ſpiritualis, quam ſolus Summus Pontifex tollere poteſt.

Sextò, Votum ſimplex Caſtitaſis, vel Religionis eſt impedimentum impediens tantum matrimonium. *Cap. Rurſus, & cap. veniens*, qui Clerici, vel vouentes. Veluti ſi quis votum Religionis, vel Caſtitaſis ſimplex fecerit, deindè vxorem duxerit, grauiter quidem peccat, tamen matrimonium validum eſt; impedit enim matrimonium contrahendum, non tamen dirimit contractum, ut infra clarius dicitur.

66 *De impedimentis Matrimonij tantum, &c.*

Quæres ad quid teneatur vouens, qui post votum simplex Religionis, contraxit matrimonium, Resp. Teneri inito matrimonio, sed nondum consumato, Religionem ingredi; nam adimpletio voti, adhuc est illi possibilis; Idco contrahendo matrimonium peccauit. Secundo peccat iterum prima vice petendo, aut reddendo debitum, quia per consumationem matrimonij apponit impedimentum executioni voti, tamen consumato matrimonio, post primam vicem potest petere, & reddere, quia votum Religionis, non est votum Castitatis, & vouens simpliciter Religionem, non tenetur ex vi voti ad castitatem antè susceptam Religionem; Verum tamen est, teneri mortuo altero coniuge ingredi Religionem, quia adhuc potest, & tenetur seruare votum, cuius obligatio per matrimonium præcedens, non fuit extincta, sed suspensa, vel obtinere dispensationem à Summo Pontifice, si non potest contineri. *Bonacina de secundo præcepto Decalogi disp. 4. quæst. 2. punct. 5. §. 5. num. 5. de matrim. tract. 10. par. 1. num. 351.*

Qui verò habet votum simplex Castitatis, aut virginittis, tenetur abstinere, non solum ab illicitis actibus venereis, verum etiam à contractu matrimonij, & actibus matrimonialibus, ità DD. communiter. Ex quo sequitur obstrictum voto Castitatis simplicis.

Primò, mortalitèr peccare contrahendo matrimonium.

Secundò, peccare contrahendo soluto primo matrimonio; aut ineundo sponsalia, antè obtentam voti dispensationem, nisi forte sponsalia celebret sub conditione dispensationis.

Tertiò, peccare consumando matrimonium, aut petendo debitum absque dispensatione; Virginitas enim, & Castitas secundum se importat negationem omnis venereæ voluptatis voluntariæ. DD. *infra citandi.*

Ratione verò puritatis materiæ, communior DD. sententia est, non dari peccatum veniale in materia luxuriæ, nisi tantummodo defectu plenæ aduertentiæ, aut consensus, nam omnis delectatio, & commotio suapte natura tendit ad pollutionem, & grauiter peccat, qui pollutionem intendit, ità etiam qui delectationem, seu commotionem carnis veneream admittit. *Layman lib. 4. tract. 5. cap. 8. num. 2. de voto religioso Castitatis, & alijs. Quamquam qui habet votum simplex castitatis, & contraxit matrimonium tenetur reddere coniugi petenti debitum, non verò petere potest, donec obtineat à Papa dispensationem. Ità Nauarrus cap. 16. num. 30. Valentia, Azorius, Sanchez, Toletus lib. 4. cap. 17. & alijs.*

Et alij communiter. Solutò verò matrimonio non tenetur iagredi Religionem, nam aliud est votum castitatis, aliud Religionis; quæ est aliud longè difficilius, potest tamen si vult; tenetur tamen seruare castitatem. *Bonacina in secundo præcepto Decalogi disput. 4. quæst. 2. punct. 5. §. 5. num. 1. & seq. & multi DD. ab eodem citati.*
 7 Aliud impedimentum impediens matrimonium contrahi tantum, non autem dirimens; Est tempus Feriarum, quo ab Ecclesia interdiciuntur nuptiæ, vt ex *Glossa in cap. Cappellanus de Ferijs.*

Tempus autem Feriarum, quo ab Ecclesia nuptiæ interdiciuntur; de Iure nouissimo *Concil. Trident.* est duplex, scilicet à prima Dominica Aduentus Domini, vsque ad diem Epiphaniæ inclusiuè, & à prima die Cinerum, vsque ad Octauam Paschatis inclusiuè. *Concil. Trident. sess. 24. cap. Ab Aduentu,* licet aliter erat de Iure antiquo, vt in *Canon. Non oportet 33. il. 2. quæst. 4.*

Prohibentur nuptiæ his temporibus, ratione maioris deuotionis, ne rebus carnalibus vacetur.

His autem temporibus, quibus nuptiæ sunt prohibitæ ab Ecclesia celebrari; non prohibetur matrimonium de præsentì contrahi coram Parocho, & Testibus, non prohibentur fieri capitula, seu stipulationes matrimoniales; sed tria tantum prohibentur.

Primò, prohibetur Benedictio sollemnis nuptiarum.

Secundò, traductio vxoris in domum viri, cum canticis, & musicis.

Tertiò, celebritas conuiuij nuptiarum, estò quod fiat, sine sonis, & musicis; Ità *Caietanus in Summula, Verbo Nuptiarum, peccata, Nauarrus cap. 22. num. 71. Conar. in 2. par. de matrim. cap. 6.*

Et in his tribus rebus prohibitis fieri tempore feriarum, nec Episcopus potest dispensare, quia non est suprà Canones, solus Summus Pontifex dispensare potest; & hæc est communis opinio, quam refert *Sotus in 4. sentent. distinct. 32. quæst. 1. art. ult. in fine.*

Si quis in ipsa Quadragesima, vel Hebdomada sancta vellet matrimonium de præsentì contrahere, non prohibetur, & nullum est peccatum; Verum hodiè Episcopi iustis ex causis prohibent quod tempore feriarum, hoc est tempore prohibito, non fiat matrimonium de præsentì, coram Parocho, & Testibus; Neque sponsalia, neque denunciationes; & ideo omnia hæc prohibentur per vetitum Iudicis Ecclesiastici; & ità in praxi obseruatur.

8 Vltimum impedimentum impediens matrimonium contrahendum, sunt sponsalia priùs celebrata cum alia persona. *Nauarr. cap. 22.*

68 *De impedimentis Matrimonij tantum, &c.*

cap. 22. num. 76. ratio est, quia qui contraxit sponsalia cum vna persona, grauem obligationem contraxit standi sponſalibus; nam sponsalia sunt promissio matrimonij, quæ obligationem inducunt sub mortali. Hinc sequitur sponſum qui vni promisit matrimonium, non posse matrimonium cum alia inire, nisi dissoluta fuerint cum causa priora sponsalia. *Bonacina quest. 3. puncto 14. num. 5. de impedimentis non dirimentibus.*

- 9 Qualem culpam committat contrahens matrimonium cum impedimentibus non dirimentibus.

Respondetur cum Syluestro *verb. matrimon. quest. 6. Tolet. lib. 7. cap. 18.* & alijs mortaliter peccare, quia facit contrā prohibitionem Ecclesiæ in re graui; quamuis Sanchez *lib. 7. disput. 17. num. 9.* & alij sentiant non peccare mortaliter (præterquam in voto, prioribus sponſalibus, & interdicto Ecclesiæ) & quod consuetudine receptum esse videatur, vt obstrictus aliquo ex alijs impedimentis, soleat matrimonium contrahere absque dispensatione, neque puniatur, aliter faciendo. Verum sententia Sanchez, & aliorum, admittenda, tantummodò vbi consuetudo inualuit, vt dispensatio dictorum impedimentorum non petatur, nec transgressores puniantur; secus dicendum est, vbi lex in suo robore est, nam, lex in materia grani obligat sub mortali, ità sentire videtur Gutierrez *cap. 87. num. 23. Reginald. lib. 31. num. 192. Bonacina de impedimentis matrimonij, eorumq; dispensat. quest. 3. punct. 14. num. 21.*

- 10 An Episcopus dispensare possit in impedimentis matrimonij non dirimentibus.

Resp. In impedimentis non dirimentibus Episcopus potest dispensare (excepto voto Castitatis, & Religionis absoluto, & perfecto, atq; sponſalibus;) ratio est, quia quamuis inferior non possit dispensare in lege superioris, per se loquendo, nihilominus inquit Nauarrus *cap. 22. num. 85.* & Filiuccius proxime citandus, quod consuetudine receptum est, vt dispensatio istorum impedimento- rum, non obtineatur à Papa, Sanchez, & alij, quos retuli in casu supradicto Filiucc. *rom. 2. tract. 10. cap. 10. par. 2. num. 305.* & 306. Bonacina locoproxime citat. *punct. 15. num. 3.* & alij apud eundem Bonacinam.



De Benedictione Nuptiali.

QVÆSTIO VNDECIMA.

S V M M A R I V M.

- 1 Benedictio nuptialis facienda est à proprio Parocho.
- 2 Pena imposita alijs Sacerdotibus prasumentibus benedicere.
- 3 An sit peccatum mortale consummare matrimonium antè benedictionem Ecclesiæ, sublato scandalo.
- 4 Vtrum qui semel contraxit matrimonium, & mortuo primo coniuge, aliud matrimonium inijt, teneatur in secundo matrimonio recipere benedictionem.
- 5 An sufficiat Parochus vtriusque contrahentis ad huiusmodi benedictionem dandam.
- 6 An ex partita desumpta ex libro Parochi, etiam mortuis testibus, & Parocho, absqus alijs probationibus, plenè probetur matrimonium.
- 7 Quam penam incurrat Sacerdos benedictionem secundis nuptijs imperitians, in casu non permissio.
- 8 Monita scitu digna, & valde utilia.

1 **P**RÆterea agendum est de Benedictione Nuuptiali accipienda à proprio Parocho, neque à quoquam, nisi ab ipso Parocho, vel ab Ordinario; sicut *Concil. Trident.* præcipit hanc benedictionem faciendam ab eisdem, vel ab alio Sacerdote, de eorum licentia; non obstante quacunque consuetudine. *Idem Conc. sess. 24. de reform. matrim. cap. 1.*

2 Si alius Sacerdos sponfos coniungere, aut benedicere ausus fuerit, ipso iure tamdiù suspensus maneat, quamdiù ab Ordinario eius Parochi, qui matrimonio interesse debebat, seu à quo benedictio suscipienda erat, absoluat; præcipit *Concil. Trident. sess. 24. cap. 1.* Insuper idem Concilium hortatur vt coniuges antè benedictionem Sacerdotalem in Templo suscipiendam, in eadem domo non cohabitent.

3 An matrimonium consummare antè Ecclesiæ benedictionem, sublato scandalo, sit peccatum mortale.

Respondetur, Non esse peccatum mortale consummare matrimonium antè Sacerdotis proprii benedictionem, sublato scandalo, & contemptu legis Ecclesiasticæ, maximè si probabile sit incontinentiæ periculum; atque omninò omittere illam, esse tan-

tantum peccatum veniale, quia est quoddam Sacramentale, quod non apparet tanti magni momenti, quanti sunt ea, quæ baptizando præmittuntur, licet eius susceptio, in iure præscribatur. *Can. Nostrates, & Can. Sponsus 50. quest. 5.* tanto magis quod Concilium non hoc iubet præceptuè, sed hortatiuè, inuiciens; *Hortatur S. Synodus. Collectanea Barbosa In Conc. Trid. sess. 24. cap. 1. num. 149. Bonacina de ijs quæ pertinent ad usum matrimonij quest. 4. punct. 6. num. 2. qui multos Doctores citat.*

Hæc Benedictio non debet fieri, nisi in Missa propria de sponso, & sponsa. Ità resoluit *Aldan. titulo 8. num. 31. ubi asserit decisum in Pisauran. 13. Iulij 1630.*

- 4 Sed maior difficultas est, vtrum qui semel contraxit matrimonium, & mortuo primo coniuge aliud matrimonium iniit, teneatur in secundo matrimonio recipere benedictionem.

Respondetur non teneri, etiam si forte primum matrimonium fuerit inualidum; nam benedictio non respicit nuptias, sed personam; Non negatur tamen quando coniux, qui semel in primo matrimonio accepit benedictionem, possit iterum eam recipere ijs locis, ubi consuetudine receptum est, ut uterque eam recipiat, nam consuetudo potest abrogare legem. *Sanchez verò lib. 7. disp. 82. num. 14. citat Durandum in 4. distinct. 42. quest. 3. in fine; asserentem solum interdici benedictionem, quando sunt secundæ nuptiæ ex parte mulieris, cui semel benedictio impertita fuit, quia quasi tota benedictio videtur respicere mulierem, quare ab ea semel accepta, non debet amplius iterari; quoniam si mulier est virgo, & nunquam eam suscepit, quamvis vir sit bigamus, potest benedici; & ita optimè præticatur quasi in omnibus locis, nam hæc ratio Durandi est consona rationi. Quamvis, Sanchez loc. cit. nu. 24. & alij asserunt, consuetudine receptum esse, ut in secundis nuptijs conferatur benedictio, quando alter coniux non suscepit benedictionem. Opinio autem Durandi seruanda est, tamquam tutior, & probabilior.*

- 5 Ad huiusmodi benedictionem dandam, sufficit Parochus vtriusque contrahentis. *Gutierrez de matrimonio cap. 106. num. 8; & 9. Verum Barbosa in Collectanea in Concil. Trid. sess. 24. cap. 1; & numero 154. cum multis DD. existimat, non esse integrum vtriusque contrahentis Parocho, benedictionem huiusmodi impartiri; sed id esse Parochi mulieris, quia quasi semper matrimonium celebratur in Parochia mulieris, & ad illum spectant elemosynæ occasione benedictionis, & non ad alterum Parochum viri. Idem Barbosa loc. cit. asserit, ita fuisse decisum à S. Cong. Rit. in Acherontina, 25. Ianuarij 1602.*

6 Insuper *Conc. Trid. sess. 24. cap. 1.* præcipit Parochum teneri habere librum, ut supra diximus, in quo coniuges, Testes, locum, contractus, diem, mensem, & annum describat. Et obligatur sub mortali, propter finem necessarium vitandi lites. *Sanchez lib. 3. disp. 15. num. 22. Gutierrez de matrimonio, cap. 60. num. 9. & alij.* Unde ex partita desumpta ab hoc libro, etiam mortuis testibus, & Parocho scribente, absque alijs probationibus, plene probari matrimonium, concludunt præfati DD.

7 Quæritur ultimo quam pœnam incurrat Sacerdos, benedictionem secundis nuptijs impertiens, in casu non permissio.

De hac Re Alexander tertius, *cap. primo de secundis nuptijs, sic statuit*, Cappellanum (quem benedictionem cum secunda constituerit celebrasse) ab officio, beneficioque suspensum, cum literarum tuarum testimonio, ad Sedem Apostolicam, nullatenus destinare postonas; At *Glossa*, quædam mulier mortuo viro suo, transiit ad secunda vota, quidam Cappellanus benedixit mulierem istam transeuntem ad secundum matrimonium. Quæ sententia non est lata, sed à Iudice ferenda, quia non habetur in hoc textu cum Sacerdotem esse ipso facto suspensum, sed præcipitur Episcopo, ut ipsum suspensum remittat absolvendum ad Pontificem.

Tamen sententia verior DD. est, eam suspensionem in *dic. cap. 1. de secundis nuptijs*, non esse pœnam ordinariam huius delicti, quando Sacerdos impertivit benedictionem secundis nuptijs legitime initis; quare pœnam arbitrariam imponendam esse, attentis circumstantiis, quæ gravius, aut leuius reddunt delictum; Et resoluunt illam pœnam imponendam esse, quando benedictio impenditur secundis nuptijs, nondum dissoluto priori matrimonio, & benedicit in matrimonio clandestino facto. Eadem *Glossa in dic. cap. 1. de secundis nuptijs subiungit*, illud intelligitur primâ viuente, & sic Sacerdos interesse non debet nuptijs clandestinè factis, multo minus debet illas benedicere. Et DD. infra citandi inquirunt, Pontificem eam pœnam statuissè in facto illo speciali, nec constitutum ibi ius esse, ut ea sit pœna ordinaria huius delicti, hoc est, benedicendo bis sponso in matrimonio legitime inito. Sic *Abbas in eodem cap. 1. num. 5. Nauarrus summa Hispan. cap. 25. num. 137. Sanchez de matrimonio lib. 7. disp. 82. num. 30. qui permultos DD. citat.*

In materia proposita operæ pretium erit aliqua edisserere de monitis, quæ dantur ab Ecclesia coniugibus in Missa de sponso, & sponsa, ut in calce Missalis eiusdem missæ; Vbi dicitur, moneat eos Sacerdos sermone gravi, ut sibi invicem seruent fidem; Oratio-

tionis tempore, & præsertim ieiuniorum, ac solemnitatum, casti maneat &c.

De quibus, ita agendum est à Parochis, vt nullum ex eorum ore verbum excidat, quod fidelium auribus indignum esse videatur, aut pias mentes lædere, aut risum mouere queat, vt eloquia Domini, eloquia casta sint. *Tsal. 11.*

- 8 Duo in matrimonij vsu sunt præcipuè obseruanda; Primum, vt voluptatis causa matrimonio non vacent; meminisse enim conuenit, quod Apostolus hortatur, 1. *Corinth. 7.* qui habent vxores, tanquam non habentes sint; Tum quia à S. Hieronymo dictum est, *lib. 1. contra Iouin. in fine, & habetur in cap. origo 32. quæst. 4.* Sapiens vir iudicio debet amare coniugem, non affectu; & reget impetus voluptatis, nec præcepta feretur ad coitum, nihil est ex diu, quam vxorem amare, quasi adulteram; *Et Tobie 6. 16. 17; & 22.* Archangelus enim Raphael Tobiam admonuit, quo pacto mali Dæmonis vim posset repellere: ostendam, inquit, tibi, qui sunt quibus præualere potest Dæmonium, ijs namque qui coniugium, ita suscipiunt, vt Deum à se, & à sua mente excludant, vt suæ libidini ita vacent, sicut equus, & mulus quibus non est intellectus; Habet potestatem Dæmonium super eos; Deinde subiicit: accipies virginem, cum timore Domini, amore filiorum magis, quam libidine ductus, vt in semine Abraham benedictionem in filijs consequaris.

Alterum est, vt abstineant ah officio matrimonij interdum, causa orandi, & obsecrandi Deum; Et in prius antequam Sacram Eucharistiam percepturi sunt; Sæpius verò cum celebrantur solemnitates ab Ecclesia, scilicet Paschæ Resurrectionis, Pentecostes, Natiuitatis Domini, Corporis Christi, Hebdomadæ sanctæ, & ieiuniorum. *Vide in Decreto 33. quæst. 41. per totum; Et capit. Omnis homo de consecrat. distinct. 2.*

Et Sanctus Augustinus, *sermone 6. de tempore*, inquit: Filij diebus Dominicis, vel alijs Anni solemnitatibus geniti, nasci solent leprosi, vel Dæmoniacy, vel alijs infecti morbis; Vnde sanctissimè facient coniuges si consilium ab Ecclesia in nuptiali benedictione sibi datum, seruent, diebus Dominicis, & alijs Solemnitatibus, ac ieiuniorum ab vsu matrimonij abstinendo. *Teste etiam Nicolio in verbo Filius num. 3.*

Præterea vir debet diligere vxorem suam; Confirmatur auctoritate Apostoli, *ad Ephesios 5. 18. 29. 30.* Viri debent diligere vxores suas, vt corpora sua, qui suam vxorem diligit, seipsum diligit; Nemo enim nunquam carnem suam odio habuit, sed nutrit,

trit, & fouet eam, sicut & Christus Ecclesiam, quia membra sumus corporis eius, de carne eius, & de ossibus suis: Propter hoc relinquet homo patrem, & matrem suam, & adheret uxori suae, & erunt duo in carne una; Sacramentum hoc magnum est, ego autem dico in Christo, & in Ecclesia.

Ergo viri munus est, uxorem liberaliter, & honorifice tractare, & meminisse oportet Euam ab Adamo sociam appellatam esse, cum inquit, mulier quam dedisti mihi sociam. *Genesi 3. cuius rei causa aliqui Patres docuerunt, ut ea non ex pedibus, sed ex latere viri formaretur, ut veluti socia tractaretur, non quasi serua; quemadmodum etiam non ex capite condita est, ut se viri dominam non esse, sed viro potius subiectam, intelligeret. August. 12. de Ciuitate Dei cap. 26. Hugo de S. Victore in August. sup. Genes.*

Denique constat, virum esse caput mulieris, ut est Christus Caput Ecclesiae, & sicut Ecclesia subiecta est Christo, sic uxor subiecta est viro; quod per Apostolum clare patet, virum Christo, & uxorem Ecclesiae comparari; Ecclesia enim subiecta est Christo. *Ephef. 5. 25. & ibidem 24.* Ergo uxores debent obedire viris suis, sicut Sara obediebat Abraham, Dominum eius vocans. *Genesi 18. 12.*

Propterea praecipitur in sacris Canonibus, quod mulieres debent velare caput suum, ut intelligant se esse viris subiectas. Vnde per totum *Textum, & Glossam in decreto causa 33. quaest. 5. cap. Haec Imago. cap. mulierem. Ibi;* Velatur caput, quia non est Imago Dei, quia est subiecta, & non libera, sicut homo; Fecit Deus hominem, ad imaginem Dei fecit illum. *Genesi 1. Et D. Paulus ad Corinth. 1. cap. 11. 7.* Vir quidem non debet velare caput suum, quoniam Imago, & gloria Dei est; Mulier autem gloria viri est; Non enim vir ex muliere est, sed mulier ex viro, etenim non est creatus vir propter mulierem, sed mulier propter virum. Tum quia prauaricatio est inducta per eam; Tum etiam propter Angelos, idest Episcopos, & Sacerdotes, ob reuerentiam Sacerdotum, idest ne Sacerdotes in earum faciem intuentes, inuitentur ad libidinem. Tandem Textus concludit, mulierem constat subiectam dominio viri esse, & nullam auctoritatem habere, nec docere potest, nec testis esse, (nisi in causa matrimoniali, ad fauorem matrimonij) neque fidem dare, nec iudicare, quanto magis non potest imperare. *cap. 33. quaest. 5. Can. 8. 17. & 19. & Glossa Ibi.*

*De Impedimentis impediētibus, & dirimen-
tibus Matrimonium.*

Q V Æ S T I O D V O D E C I M A.

S V M M A R I V M.

- 1 *Quanam sint hac impedimenta.*
- 2 *Exempla pro intelligentia impedimentorum dirimentium ab initio quoad vinculum; Et post matrimonium quoad Torum tantum.*
- 3 *Versus in quibus continentur omnia impedimenta dirimentia.*
- 4 *Primum impedimentum dirimens est error.*
- 5 *Declaratur quodplex est error, & qui errores dirimunt, & qui non dirimunt matrimonium.*

1 **I**mpedimenta impediētia, & dirimentia matrimonium, multa sunt, de quibus infra. Ideò priùs nosse oportet, quod hæc impedimenta, ideò appellantur impediētia, & dirimentia matrimonium; quia si matrimonium fuerit contractum de facto, non de iure, interueniente aliquo infradictorum impedimentorum quod ignorabatur, dum postea scitur, illud impedimentum declarat matrimonium sic contractum ab initio fuisse nullum. Si tamen matrimonium fuit legitime, & de iure contractum, & postea supervenerit aliquod impedimentum istotum, hoc impedimentum non dirimit matrimonium, quoad vinculum, sed quoad Torum tantum. Ità, *D. Thomas in addit. 3. par. quest. 50. art. primo.*

- 2 Exemplum primi impediēti declarantis nullum ab initio fuisse matrimonium, est huiusmodi; Petrus contraxit cum Lucretia sua consanguinea in 3. vel 4. gradu inclusiue, & ignorabatur consanguinitas, dum postea scitur, tale impedimentum impedit, & dirimit tale matrimonium, & talem contractum, & ab initio nullum fuisse Ecclesia declarat, ex eo quia impedimentum fuit antè contractum matrimonium.

Exemplum secundi impediēti impediētis matrimonium, quoad Torum tantum, & non dirimentis quoad vinculum; Est huius-

huiusmodi ; Antonius contraxit matrimonium cum Camilla de iure, & legitime, & inter eos nullum erat impedimentum ; Accidit quod dictus Antonius cognouit carnaliter suam filiastram, seu priuignam, vel sororem germanam, vel consobrinam dictæ Camillæ suæ vxoris, ratione cuius copulæ factus est affinis cum ipsa Camilla ; Hoc impedimentum superueniens post matrimonium legitime contractum, efficit vt Antonius prohibeatur cum Camilla rem habere, siuè petere debitum, sed tantum reddere alteri petenti, vt habetur in *cap. Discretionem de eo qui cognouit consanguineam vxoris suæ*, sed quoad vinculum non dirimitur matrimonium, quia adhuc Camilla innocente viuente, aliam vxorem ducere nequit.

Præterea iste coniux nocens non potest aliam coniugem ducere mortua illa, quam de presenti habet, in pœnam sui delicti, *cap. 1. de eo qui cognouit consanguineam vxoris suæ* ; Quod si ea mortua, aliam ducat, matrimonium tenet ; vide *Glossam in dic. cap. 1. de eo qui cognouit &c. & cap. transmissæ eodem titulo. Sanchez lib. 7. disp. 15. D. Thom. in 4. dist. 34. art. 5.* In quo quis peccat, in hoc punitur ; Sed talis peccauit contrà matrimonium, ergo debet puniri per hoc, quod matrimonio priuetur. *Et ibidem in corpore ait.*

Dicendum quod si aliquis cognoscit sororem, aut aliam consanguineam vxoris suæ, antè matrimonium contractum etiam post sponsalia ; oportet matrimonium separari, ratione affinitatis contractæ ex copula illicita, (quæ vsque ad secundum gradum inclusiue extenditur.) Si autem post matrimonium contractum, & consummatum ; non debet totaliter matrimonium separari ; Sed vir amittit ius petendi debitum, nec potest sine peccato petere, sed tantum debet reddere petenti, quia vxor non debet puniri de peccato viri ; Sed post mortem vxoris debet omninò manere absque spe coniugij, nisi cum eo dispensetur, propter fragilitatem suam, cui timetur de illicito coitu ; Si tamen præter dispensationem contrahat, peccat contrà statutum Ecclesiæ faciens, non tamen propter hoc matrimonium separandum est. *Hec D. Thomas.*

Notandum quod præfatum impedimentum est ad instar aliorum impedimentorum impedientium, & non dirimentium matrimonium. More & vsu constat, quod huiusmodi incestuosus non indigeat dispensatione Apostolica ; Citrà verò dubium potest in eo Episcopus dispensare, sicut in alijs impedimentis non dirimentibus, vt dixi in ultimo dubio in titulo præcedenti, De impedimentis matrimonij tantum impedientibus, *parte 6. quæst. 10.*

Et de hoc incestu loquitur Panorm. cap. 1. de eo qui duxit in matrimonium quam polluit per adulterium. Et eruditissimus Sotus optime in 4. sentent. distinct. 37. quest. unica art. 1. §. circa hoc, & §. & reuera inquit; Reuera cum omnes supradicti Canones impedientorum non sint nisi Conciliorum Prouincialium, nihil mirum, si iam nunc temporis, non tanta eorum habeatur ratio; Etenim fortasse olim in usu erant, quantum ad forum penitentiale, vt Confessarij illas penitencias iniungerent, qui mos iam non viget, propterea Arg. textus iuxta Glossam in cap. si quis de eo qui cognouit consanguineam vxoris sue, his verbis aduertit; Sed caute legendi sunt hi Canones, vt optime admonet Sotus, dum hoc ipsum Decretum interpretatur. lib. 4. sentent. distinct. 37. qu. 1. art. 1. & 2. Hic enim stylus est, & praxis Curia.

Idem Auctor loc. cit. in §. Tandem seq. ait: Ad pacandas conscientias; Notandum, quod vbi consuetudo etiam perseueret petendi dispensationem, quamuis esset peccatum mortale, absque illa contrahere; tamen postquam contractum fuerit, nulla opus est dispensatione, quia & matrimonium solidum est.

Præterea idem Doctor inquit loc. cit. Animaduertendum etiam est, quod sponsalia de futuro non cadunt sub dispensatione, cum ultra peccatum mortale, recedendo absque legitima causa, adsit præiudicium tertij; sic etiam in voto simplici Castitatis, vel Religionis, neque Episcopus, sed solus Papa dispensare potest. Post contractum verò poterit Episcopus super petitione debiti dispensare, in eo qui vouit Religionem, vel Castitatem. Idem Sotus 4. sentent. dist. 37. quest. unica art. 1. §. secunda conclusio.

Totum id quod diximus de incestuoso, qui cognouit consanguineam vxoris suæ, intelligitur de contrahendo matrimonio cum alijs, scilicet mortua sua vxore; quod potest, accedente Episcopi dispensatione. Quando autem vellet contrahere cum alijs consanguineis suæ vxoris, inclusiue vsque ad illum gradum provenientem ex copula licita, iuxta cap. non debet de consanguin. & Affin. indigeret dispensatione Summi Pontificis, & si de facto contraheret, matrimonium esset irritum, vt dicemus infra, de impedimento Affinitatis ex copula licita.

3 Impedimenta impedientia, & dirimentia matrimonium, his verbis a DD. annotantur.

Error, Condicio, Votum, Cognatio, Crimen.
Cultus disparitas, vis, ordo, ligamen, honestas.
Si sis Affinis, si forte coire nequibis.

Si

Si Parochi, & duplicis desit præsentia testis.

Raptaque sit mulier, nec parti reddita tuta.

Hec socianda vetant, & Connubia facta retractant.

De quibus D. Thomas in addition. 3. par. quæst. 50. & sequentibus.

4 Primum impedimentum impediens, & dirimens matrimonium est error, qui enim errat, putat aliud pro alio, vel falsum pro verò. *Can. quamvis distinct. 38. Glossa in Can. unico 29. quæst. 1.* Ideo error matrimonium impedit, & dirimit.

5 Error autem quadruplex est; Error scilicet Personæ, Fortunæ qualitatis, & conditionis: de quibus omnibus. *Glossa in dic. Canone 29. quæst. 1.*

Error personæ, est impedimentum essentialè matrimonij, & illud impedit, & dirimit, quia errans non consentit, imò decipitur, æstimans falsum pro vero, & aliud pro alio. Ideoque nullum est matrimonium, ex defectu causæ essentialis, scilicet consensus, nihil enim est tam contrarium consensui, quam error. *l. si per errorem ff. de iurisdic. omnium iudic. & dic. Can. 29. quæst. 1.* cum erratur non consentitur, & nisi adsit consensus in matrimonio, deficitur in substantia, nam ipse consensus perficit matrimonium; *cap. tua nos. cap. cum locum de sponsal. l. nuptias de regulis iuris.*

Et ultra defectum consensus, error personæ impedit, & dirimit matrimonium, ex defectu causæ essentialis ipsius matrimonij, nempe materiæ, quæ est persona ipsorum amborum contrahentium; Et sic in omnibus contractibus civilibus, quando erratur in materia, seu in corpore, corrumpit, & nullus est contractus *l. in venditionibus ff. de contrah. Empt.* Ità in matrimonio, quando erratur in materia, seu in persona, cum qua sit matrimonium, nullum est matrimonium, ex defectu materiæ, siue corporis.

Et de hoc impedimento erroris personæ, tale est exemplum; Petrus volens contrahere cum Lucretia deceptus fuit, & contraxit matrimonium cum Camilla, quæ erat soror ipsius Lucretiæ, hoc casu quia erratum est in persona, seu in materia, ut dictum est, matrimonium nullum est, ex impedimento erroris personæ. *dic. cap. unico 29. quæst. 1.*

Error Fortunæ matrimonium non impedit, nec dirimit; veluti, Petrus intelligens Camillam esse ditissimam, illam duxit in uxorem, vel è conuerso, illa illum in virum, & ità inter eos contractum est matrimonium per verba de præsentì, post matrimonium contractum apparuit, vel Petrum esse pauperem, vel Camillam esse inopem; sed quia consensus intertuit in utroque, in-

per-

personam tam hominis, quam mulieris; Error iste Fortunæ matrimonium non impedit, nec dirimit.

Hæc conclusio ampliatur, ut etiam procedat, & si dolo fuerit alter ex coniugibus inductus ad contrahendum, alioquin non contracturus matrimonium, nisi illa haberet illas fortunas, & diuitias; nam adhuc matrimonium tenet, & valet, nec dirimitur. Ità firmat *Iason*, & *Abbas in l. Pacta nonissima C. de pactis*, & ratio est, quia non deest in tali matrimonio consensus in personam, seu in corpus, seu in materiam; Quod secus est in sponsalibus, ut diximus supra. Est tamen verum quod hic dolus non debet adhiberi, nec à viro, nec à muliere, esset enim peccatum mortale, resultans in præiudicium proximi. *Bonacina de impedimento erroris quest. 3. punct. 2. num. 6. qui multos DD. citat.*

Error qualitatıs, matrimonium non impedit, nec dirimit contractum; veluti Petrus putabat ducere puellam pulchram in vxorem, & duxit deformem, consentiendo in personam mulieris; vel putabat ducere sanam, & duxit claudam, vel infirmam; vel putabat ducere nobilem, & duxit rusticam; vel ducere virginem, & inuenit defloratam; vel ducere legitimam, & inuenit illegitimam: tales errores qualitatıs matrimonium non impediunt, nec dirimunt, quoniam contrahens debebat cautius se gerere; ideoque matrimonium tenet, & valet. *dic. Can. unico 29. quest. 1. Ità Couarr. in 2. parte de matrimonio cap. 3. §. 7. Nauarrus cap. 22. nu. 23. in fine*, quod secus est in sponsalibus ut diximus,

Est bene verum, quod quando esset error qualitatıs, inter personas valde disparis qualitatıs, & conditionis; veluti fœmina, de gente illustri, si contraheret matrimonium cum Rustico, credens illum esse nobilem; hoc casu Summus Pontifex ad euitanda scandala, quia forsitan Rusticus ille occideretur, simul forsàn cum sua gente, posset dispensare, & dirimere inter eos matrimonium contractum; dum tamen matrimonium sit solum ratum, & non consumatum; Et quando Papa dispensaret, tunc fœmina alteri nubere posset, & Rusticus ille aliam ducere. Hæc dicit *Nauarrus in Consil. 3. de sponsalibus in nonis*, & *in Consil. 49. in vetustis Codicibus*.

Capta opportunitate ex præcedenti casu.

Quæritur vtrum Summus Pontifex aliquando iusta ex causa, in matrimonio rato, & non consumato dispensare possit ut dissoluitur; Et quid de eodem rato, per professionem in Religione.

Resp. Matrimonium ratum, posse dissolui per Papæ dispensationem; quamuis ab aliquibus contra torrentem DD. negatur;

Verum

Verum eorum argumenta facile dissoluuntur, ut est videre apud Sanchez t. m. 1. de matrimonij essentia lib. 2. disp. 14. & num. 1. & seq. & Filicium tract. 10. de sacram. matrim. parte 1. num. 54. & sequen.

Primò, nostra sententia affirmatiua probatur ex praxi Summorum Pontificum; nam D. Anton. 3. parte tit. 1. cap. 21. §. 3. affirmat se vidisse Bullas Mart. V. & Eug. IV. qui dispensarunt, Nanar. sum. latina cap. 22. num. 21. refert ter vel quater ad petitiones suo consilio Paulum III. & Pium IV. dispensasse. Caietanus in Opusculis tom. 1. tract. 28. de matrim. qu. vnica, refert suo tempore sæpè Pontifices dispensasse. Et Henriquez lib. 11. de matrim. cap. 8. num. 11. in commento, lit. F. refert Greg. XIII. vnica die cum vndecim dispensasse. Idem tenuisse Rot. non semel refert Pontius de matrim. lib. 9. cap. 3. num. 2.

Secundò matrimonium ratum non habet omnimodam indissolubilitatem ex ea parte, qua est officium naturæ, nec ex ratione significationis &c. Ergo non est, cur Summus Pontifex, ob Ecclesiæ bonum non possit illud dirimere.

Tertiò Papa dispensat in voto solemnī, quod est fortis, ergo & in matrimonio rato, quod est minus, cum fiat soli homini, in voto autem, Deo & homini sit promissio. Alias rationes vide apud DD. suprà citatos.

Dico præterea recenseri communiter causas sufficientes ad dispensationem.

Prima, est notabilis disparitas in qualitate, & conditione; matrimonium enim ordinatur ad mutuam amicitiam, & concordiam; hæc autem non est ordinariè, nisi inter pares.

Secunda, grauis timor scandali futuri, ut fornicationis, vel inimicitiarum, id enim cederet in magnum damnum commune.

Tertia, lepra alteri superueniens, sic enim impediretur mutus corporis vsus, qui est finis matrimonij.

Quarta, assertio alterius coniugum, quod non habuerit animum contrahendi; nisi induci possit ad illum habendum, periculum enim erit inimicitiae vide DD. suprà citatos, & etiam Bonacinam de natura, & proprietate matrimonij quæst. 3. punct. 11. de indissolubilitate matrim. num. 4.

An idem matrimonium ratum sit solubile per professionem in Religione.

Respondedo; Dissolui, ita ut coniux manens in sæculo libere possit transire ad secundas nuptias. Est de fide, ex multis decretis

zis Pontificum: cap. ex publico, cap. ex parte, cap. verum de conuers. coniug. Accedit nouissimè Trident. sess. 24. Can. 6. Si quis dixerit matrimonium ratum, non consummatum, per solemnem Religionis professionem alterius coniugum non dirimi; Anathema sit.

Præfatæ propositiones intelligendæ sunt cum duplici limitatione.

Prima, vt qualitas circa quam erratur non fuerit appositæ per modum conditionis; Tunc enim matrimonium inualidum esset, E. G. si quis dicat duco te in vxorem si es diues, vel nobilis, si ipsa non esset diues, vel nobilis, deest qualitas, quæ appositæ fuit tanquam conditio, cuius defectu contractus est inualidus; nam contractus vim suam habet à voluntate contrahentium. multi DD. apud *Gutierrez de matrimonio. cap. 89. num. 6. & Sanchez lib. 7. disp. 18. num. 21.*

Secunda est, vt error qualitatis non transeat in errorem personæ; tunc enim cum erretur circa personam, inualidum est matrimonium, defectu consensus absoluti E. G. quando qualitas in qua erratur, respicit aliquam certam, & determinatam personam, distinctam ab ea quæ præsens est, veluti Lucretia contraxit matrimonium cum Titio, qui se fingebar filium Regis alicuius, cuius verè non erat filius; nihilominus Lucretia filium Regis sibi mente proposuit, in illumque consentire directè voluit. In hoc casu, error qualitatis dicitur redundare in errorem personæ, consequenter matrimonium contractum inter Lucretiam, & Titium inualidum est; Ratio est quia Lucretia consensit in eam personam, quam sibi in mente proposuit, scilicet filium Regis illius, & non in personam Titij præsentis. *Bonacina de impedimento erroris quæst. 3. punct. 2. num. 6. & 7. Filiuccius tract. 10. part. 2. num. 34. de imped. erroris, & alij ab ipsis citati.*



*Secundum Impedimentum dirimens
est Conditio.*

QVÆSTIO DECIMATERTIA.

S V M M A R I V M.

- 1 Hoc impedimentum impedit, & dirimit matrimonium: Et est quando erratur in conditione personæ.
- 2 Quid quando error esset in Natione, familia, & lingua.
- 3 An matrimonium possit esse inter hominem liberum, & mulierem seruam.
- 4 An Domini possint prohibere ne sua mancipia, (quando sunt fideles) contrahant matrimonium, & an peccent prohibendo?
- 5 Impedimentum conditionis, siue error materia quando impedit, & dirimit matrimonium, siue ratum, siue consumatum.
- 6 Quid si Titius mancipium Christianum, ducit Bertam etiam Christianam, sed liberam, credens eam esse seruam.
- 7 Quid si ingenuus duceret libertinam, credens eam esse ingenuam.
- 8 Cuius conditionem filij sequantur, & quoad seruitutem, & quoad honores, & nobilitatem.
- 9 Vtrum Filius ita sequatur conditionem matris, ut fiat seruus quouis tempore mater fuerit serua.

1 **S**ecundum impedimentum impediens, & dirimens matrimonium est conditio, scilicet quando erratur in conditione personæ, credens quis ducere liberam mulierem, & postea inuenit esse seruam, siue ancillam: Vel è conuerso, fœmina libera credens ducere virum liberum, & postea inuenit esse seruum, siue mancipium.

2 Si tamen error sit in natione, familia, vel lingua, non impedit, neque dirimit, quia consensus interfuit in corpore, seu materia, & persona. dic. *Canone unico 29. quæst. 1. Nauarrus cap. 22. num. 32. & 33.*

3 Potest esse matrimonium inter hominem liberum, & mulierem seruam, siue ancillam, quando ambo sunt Christiani; nam si vna esset Christiana, & alter infidelis, tunc adesset aliud impedimentum essenziale, scilicet cultus disparitas; de quo suo loco dicetur.

L

Et

Et ita è cōuerso potest esse matrimonium inter hominem seruum, & mulierem liberam, quando libera scit eum esse seruum, & è cōuerso quando homo liber scit eam esse seruam, seu ancillam. *Abbas in cap. 2. de coniugio seruorum*: interueniente semper scientia status; Et ut ambo sint Christiani: ut dictum est.

- 4 Et per hoc, si Dominus habens seruam, & prohiberet illam, contrahere matrimonium cum libero, vel è contrà, cum ambo sint Christiani, impediendo, vel prohibendo hoc matrimonium, peccaret, non habens in hoc potestatem; Cum matrimonium sit de iure naturæ *D. Thomas in addit. 3. p. quest. 52. art. 2.*
- 5 Hoc conditionis impedimentum, siue error conditionis, tunc matrimonium impedit, & contractum dirimit, siue sit ratum, siue consummatum, quando ingenuus, siue liber homo, mulierem seruam ducit, credens esse liberam, & è contrà, quia in statu, & conditione deterioratur, *cap. ad nostram, & cap. 2. de coniugio seruorum.*

Si verò Antonius mancipium Christianum duxerit Liuiam ancillam Christianam, credens eam esse liberam, valet matrimonium: & ratio, quia est paris conditionis, cum sit ipse quoque mancipium, & in conditione sua Antonius non deterioratur.

- 6 Quando Titius mancipium Christianum ducit Bertam liberam, credens eam esse ancillam, si postea appareat eam esse liberam, matrimonium per hoc non irritatur, imò validissimum est, quia Titius prædictus in conditione sua non fuit deterioratus, imò melioratus, quamuis errauerit in qualitate prædicta.

- 7 Petrus ingenuus duxit Camillam libertinam, quæ fuit ancilla, sed manumissa nunc est, & ideò dicitur libertina, putans eam esse ingenuam, si postea appareat illam esse libertinam, an Petrus possit matrimonium dirimere, eo quia in conditione errauerit?

Respondéo negatiue; nam solum errauit in qualitate, non in conditione, cum illa libera sit, licet libertina; in qua Petrus non est deterioratus. Sic è cōuerso, quando femina libera ducit maritum libertinum, quia in qualitate sit erratum, non in conditione; & nulla intercedit inequalitas. *Syluester verbo matrimonium 3. num. 2. circa finem de impedimento conditionis, Henriquez lib. 12. cap. 10. num. 4. ubi citat D. Thomam, Sotum, Nauarrum, vide etiam Bonacinam de impedimento conditionis quest. 2. punct. 3. num. 3. idem Doctor loc. cit. punct. 2. num. 7.*

- 8 Cuius conditionem filij sequantur?

Resp. sequi matris conditionem, ita quod filius remaneat seruus, si mater est serua. Ita habetur in *l. partum 7. C. de rei vendicat;*

cat; Ratio est quia mater grauida non est satis apta obsequijs Domini sui, & pariendo subit periculum mortis, ergo æquitas postulat, vt Domini qui priuantur obsequijs, & subeunt periculum damni, & incommodi, sentiant commodum ex partu illius, iuxta illud axioma, qui sentit incommodum, par est vt sentiat commodum. *Gutierrez cap. 93. num. 5. Sanchez lib. 7. disput. 24.* qui ait filij semper sequuntur conditionem matris quoad seruitutem, & libertatem, non quoad honores, & nobilitatem; in hoc enim sequuntur patrem. *l. legitimè ff. de statu homin.*

- 9 Vtrum Filius ita sequatur conditionem matris, vt fiat seruus quouis tempore mater fuerit serua.

Respondeo filium sequi conditionem matris, & esse seruum si mater eius non erat libera tempore conceptionis, vel tempore partus, vel quocunque tempore medio inter conceptionem, & partum; si verò mater erat libera tempore conceptionis, vel partus, vel medio tempore, filius non remanet seruus; vt habetur *Institut. de ingenuis §. sed & si quis*. Vnus casus excipitur ab hac doctrina, videlicet, quando mater grauida sit serua iure belli iusti, in quo casu fetus fit seruus cum matre, quamuis mater tempore conceptionis esset libera. Ita inquit *Sanchez lib. 7. disp. 24. nu. 14 & Bonacina de impedimentis matrimonij, de conditionis impedimento quest. 2. punct. 3. num. 11*. Verum id intelligitur quando mulier infidelis prægnans est capta ab infidelibus. Christiani autem, capti à fidelibus etiam in bello iusto non dicuntur, neque vocantur mancipia, ob baptismi characteris reuerentiam.

Tertium impedimentum dirimens est Votum.

QVÆSTIO DECIMAQVARTA.

S V M M A R I V M.

- 1 Quotuplex sit Votum, & qua differentia sit inter votum solemne, & simplex.
- 2 Quando votum solemne præcedit matrimonium, illud inuadat, idem dicendum de voto simplici, quod emittunt Patres Societatis Iesu, peracto biennio.

- 3 *Professio facta in Religione approbata à coniugato dirimit matrimonium, dummodo sit tantummodo ratum, & non consumatum.*
- 4 *In matrimonio rato tantum, concessum est spatium duorum mensium, ad deliberandum de ingressu Religionis, & interim debitum negari potest.*
- 5 *Excommunicatio in Clementina contra Religiosos professos contrahendo matrimonium, lata est etiam contra Moniales professas, & Clericos in sacris constitutos.*
- 6 *Quid faciendam à Professo, vel Professa, qui nunquam habuerunt intentionem profitendi, & de facto contraxerunt matrimonium.*
- 7 *Quid agendum quando valide professus, & de facto duxit uxorem, & procreavit filios, & filias, uxore ignorante illum esse professum.*
- 8 *Si post votum simplex Religionis, quis contraheret matrimonium; An sit validum, & peccet; & si potest petere, vel reddere debitum, & si mortuo altero coniuge, teneatur ingredi Religionem? Et quid agendum ab eo, qui fecit votum perpetuæ castitatis, & contraxit matrimonium?*
- 9 *Per professionem in Religione approbata dissolvitur matrimonium ratum, & alter coniux potest alteri nubere, hoc intelligitur post factam professionem, non autem per suspensionem habitus, vel si postea egressus sit. Idem dicendum de militibus professis in Religione Ierosolymitana.*
- 10 *Quid, si quis post matrimonium ratum, Ordines sacros suscepit, an matrimonium sit solutum, quemadmodum solvitur per Professionem.*
- 11 *Quid, si matrimonium non solum ratum, sed etiam consumatum præcedit, & subsequitur postea votum solemne professionis in Religione; an matrimonium dissolvatur.*
- 12 *In quo casu maritus post matrimonium ratum, & consumatum, potest ingredi Religionem, & in eâ profiteri, etiam inuita uxore, vel etiam potest sacris ordinibus initiari, adhuc ea inuita, nec teneatur ad matrimonium redire.*
- 13 *Utrum valide professus post matrimonium consumatum, dicatur adulterium committere, si copulam habeat cum alia.*
- 14 *Quid agendum ab eo, qui proficiscens in longinquas regiones, vel in militiam, eius verò uxor nihil audiens de eo, transiit ad secunda vota, adhuc eo vivente, credens mortuum esse, quando ergo reuertitur hic primus vir quomodo se gerere debeat.*
- 15 *Utrum uterque coniux post consumatum matrimonium possit de communi consensu ingredi Religionem, & profiteri, aut continentiam vovere.*

- 16 *Rogabis. Vtrum quando datur casus, vt alter coniugum possit licite, & valide Religionem ingredi post consummatum matrimonium, altero remanente in saeculo, quæ conditiones requirantur.*

Tertium impedimentum essentiale impediens, & dirimens matrimonium est votum.

- 1 Votum duplex est, solemne, & simplex.

Solemne duplex est, professio scilicet regularis in Religione à Sede Apostolica approbata; Et susceptio ordinis sacri *cap. vnico de voto in 6.*

Simplex verò votum dicitur omne id, quod fit, præter hæc duo, quæ diximus in dicto *cap. vnico in 6.* Et semper dicitur votum simplex, estò quod fiat multis solemnitatibus adhibitis, & iuramentis.

- 2 Igitur sit conclusio. Si quis Professus cuiusvis Religionis approbatæ, contraxerit matrimonium cum omni solemnitate, vitrà excommunicationem in quam incidit ipso facto uxorem ducendo, de qua in Clementina prima de Consanguinitate, & Affinitate, matrimonium nullum est; Quia præcedit votum solemne Religionis, quod matrimonium contrahendum impedit, & dirimit. *Nauar. cap. 22. num. 35. & est communis opinio.*

Sic etiam nullum est matrimonium, quod contraxit Clericus post Subdiaconatum, vel Diaconatum susceptum, eo magis presbyteratum, & incidit in excommunicationem in dicta Clementina prima proximè citata, *Nauarrus loc. cit.* communisque opinio est, de qua nemo dubitat, quando votum solemne præcedit matrimonium; Quamvis in Ordine sacro votum castitatis non sit explicitè, sed implicitè; nam Ordini sacro est annexum votum castitatis, & qui vult antecedens, vult & consequens: Hæc propositio est de fide definita in *Concil. Viennensi*, & in *Tridentino sess. 24. Can. 9.*

Idem dicendum est de voto simplicis, quod emittunt Patres Societatis Iesu, peracto biennio; vt patet ex motu proprio Gregorij XIII. qui incipit *Ascendente Domino.*

- 3 Professio facta in approbata Religione dirimit matrimonium celebratum antè ipsam professionem, modò matrimonium sit tantummodo ratum, & non consummatum; consequenter coniugatus, si ante consummatum matrimonium, professionem faciat in approbata Religione, remanet liber ab obligatione matrimonij, quod dissoluitur per sequentem professionem. Ita definitum fuit tam in *Tridentino sess. 24. Can. 6. de Sacramento matrimonij*, & ab *Ale-*

Alexandro 3. in cap. Verum de Conu. Coniug. quam ab alijs Pontific.

- 4 Notandum, vtrique coniugi post contractum matrimonium, nondum consummatum, concessum fuisse spatium duorum mensium ad deliberandum de ingressu Religionis, quo tempore, vterque coniux potest alteri petenti negare debitum, & licitè potest Religionem ingredi, etiam altero inuito; Elapso verò bimestri, peccat non reddendo debitum petenti. Nihilominus si elapso bimestri Religionem ingrediatur, & indè profiteatur ante consummatum matrimonium, validè proficitur, & matrimonium antecedens dissoluitur, nam matrimonium ratum, & non consummatum dissoluitur per solemnem professionem Religionis approbatæ, quamvis deliberatio ingrediendæ Religionis, facta fuerit post bimestre vt bene ait. *Perez de matrimonio* 6. 18. *Coninch. disp. 26. dub. 4. nu. 49. Sanchez lib. 2. disp. 27. Gutierrez cap. 54. num. 19. Bonac. quest. 3. punct. num. 4. in fine de impedimento voti, & alij communiter.*
- 5 Excommunicatio supradicta in Clementina prima de Consang. & Affin. lata est contra omnes Religiosos professos in Religione approbata, tam viros, quam feminas professas in Religione, approbata, idè si Monialis professæ contraheret matrimonium, esset inualidum, & incideret in eandem excommunicationem.
- 6 Si Monialis, quæ nunquam habuerit animum profitendi, sed professæ sit metu patris, vel matris, quo casu nulla est Professio, de Monasterio egressa fuerit, & de facto matrimonium contraxerit, eo quod nunquam habuit consensum profitendi, & per consequens matrimonium validum esset, & teneret in foro Poli; tamen quia Ecclesia non iudicat de occultis, & si tale matrimonium, toleraretur, magnum scandalum oriretur; Ideo ad hoc, vt matrimonium valeat in foro exteriori, opus est vt fiat declaratio coram Iudice Ecclesiastico, illam nunquam fuisse professam, quia, nunquam habuit animum profitendi in Religione, & id quod fecit, egit exterius timore reuerentiali parentum, vel ob minas actas ab eisdem; & donec hæc probentur, Monialis cogi potest redire ad Monasterium ad euitanda maiora scandala, & præcedente declaratione parentum, & ipsius Monialis, & testium si sint, Iudex Ecclesiasticus declarabit illam professionem fuisse nullam, & irritam, & sic poterit in matrimonium redire, sicque scandala euitarentur. Ita *Nauarrus in Can. statuimus* 19. quest. 3. num. 75. & in *Consil. 89. de Regularibus* num. 2. 6. & 7. *Bonacina de Clausura* quest. 2. punct. 10. difficultate prima. num. 1. & sequen.
- 7 Queritur. Monachus professus, vel Clericus in sacris constitutus abiens

abiciens in longinquas regiones, matrimonium contraxit cum quadam puella ignorante illum esse Monachum professum, vel Clericum in sacris constitutum, & cum illa procreauit filios, & filias; deinde ad se reuersus, videns se esse in statu damnationis, & etiam fecisse iniuriam Religioni, siue Ordini sacro suscepto, optat conuersionem, & Deo seruire toto corde; In hoc casu quid consulendum, & agendum erit?

Resp. Prius erit absoluendus a suspensione; per Apostasiam, idest per Religionem relictam, vt etiam a peccato sacrilegij contracto per ordinem sacrum relictum. Secundo ab alia excommunicatione, vt habetur in *Clementina vnica de Consang. & Affin. in quam incurrit. Nauarrus cap. 27. num. 141.*

Tertiò, Indiget dispensatione ab Irregularitate. *cap. quotquot 27. qu. 1.* quæ irregularitas incurritur etiam antè consummatum matrimonium, vidè infra de impedimento ordinis sacri *num. 16.*

Quartò, Opus est, vt suscipiat habitum monachalem.

Quintò, vt testificetur per publicam scripturam, quod talis mulier contraxit cum eo matrimonium, quod nullum fuit, ratione professionis, vel ordinis sacri suscepti, & ideo quod alium virum ad sui libitum ducat maritum.

Sextò, Reliquat filijs omnia bona sua, quæ acquisiuit à tempore Religionis derelictæ vsque ad illum diem; alia verò bona, quæ antè matrimonium contractum acquisiuit, Monasterio cedunt, & non filijs; Cæterum si nihil habeat, ad vltra non teneatur. Demum prudens Confessarius illi consulere debet, quod vltro se præsentet ad Sanctam Inquisitionem, quò illi pij, & Sapientissimi Patres (vt fertur) vltro sic accedentes benignè suscipiunt, nolentes mortem peccatoris, sed vt magis conuertatur, & viuat, pænitentiasquæ salutares imponendo; Cum hic casus spectet ad ipsam Sanctam Inquisitionem. Ita Ioannes Bernardus *Diæ de Luco in prax. Criminali cap. 74.*

Apostatæ verò Iure communi excommunicationem non incurunt propter apostasiam præcisè, ratio est quia ista excommunicatio in Iure non reperitur; verum in nonnullis Religionibus, ex peculiari priuilegio ipsarum Religionum, sunt excommunicati, vt patet ex priuilegijs Societatis Iesu, concessis a Gregorio XIII. anno 1584. in Bulla 89. *qua incipit Ascendente Domino §. 22. vers. denique*, Vbi Religiosi Societatis deficientes a Religione excommunicantur ipso facto, & Apostatarum pænis subiiciuntur, & absolutio istius excommunicationis impendi non potest ab alio, quam a Summo Pontifice, aut a Præposito Generali Societatis:

Sed

Sed potius Apostatæ aliarum Religionum non privilegiatarum, sunt suspensi a susceptione ordinum, & ab exercitio illorum, & requiritur dispensatio Summi Pontificis. *cap. Consultationi de Apostatis. Vgolinus de Irregularitate cap. 36. §. 4. Henriquez. lib. 13. cap. 40. num. 1. & alij relati à Bonacina de Apostasia quest. 2. punct. 11. §. 4. num. 1. & seq.*

- 8 Dictum est, quando votum solemne præcedit matrimonium; Resolvendum modò, quando votum simplex præcedit matrimonium; & dicendum: quod si quis fecerit votum simplex ingrediendi Religionem quamlibet, & Religiosus fieri; & postea contrahit matrimonium; Contractus est validus, & firmus, sed contrahens cum isto voto, licet simplici, mortaliter peccat, cum fecerit contra votum. *cap. Rursus, qui Clerici, vel vouentes, secundo peccant prima vice petendo, aut reddendo debitum; vt supra dixi. par. 6. quest. 10. num. 6. circa finem cum DD. ibi citatis.* Cum votum simplex sit impedimentum impediens tantum matrimonium, sed non dirimens; & per hoc deinde poterit petere debitum, & reddere suæ uxori. Aliter dicendum est de Castitate, circa petitionem debiti; verum vouens Religionem, nondum Castitatem vouit, sed postea eam vouebit in professione facienda. *Sotus in 4. sentent. distinct. 37. quest. unica art. 1. §. tandem. Nauarrus Consil. 17. num. 8. de Voto lit. D.*

Ille autem, qui fecit votum simplex perpetuæ Castitatis, vel Religionis; Et deinde matrimonium contraxit, quamvis matrimonium si validum, potest tamen reddere debitum, non autem petere, usque ad dispensationem Summi Pontificis. *Nauarr. Consil. 17. num. 6. de voto. litera B. & num. 8. Layman in theologia morali lib. 5. tract. 10. cap. 3. num. 6.* Sed soluto matrimonio, is qui vouit castitatem perpetuam, si superstes sit, seruare tenetur castitatem. Et qui vouit Religionem, soluto matrimonio etiam Religionem ingredi tenetur; In matrimonio enim contracto, & constante, hæc vota remanent suspensa, eoque soluto, vouens ad perficiendum votum tenetur, & quamvis vouens impetrauit dispensationem à Papa; cum hac conditione solet Papa dispensare, vt possit petere debitum, sed soluto matrimonio, vouens adimpleat votum. *Philippus Francus in dicto. cap. unico de voto in 6.*

- 9 Altera Conclusio. Quando matrimonium præcedit, & subsequitur votum solemne professionis, si matrimonium tantum sit ratum, non autem consummatum, per professionem Religionis dirimitur, ita vt coniux, qui remanet in sæculo cum altero possit matrimonium contrahere. Ità est textus in *cap. Verum, & toto titulo de conuers. coniug.*

Exem-

Exemplum est Petrus contraxit matrimonium cum Antonia de presenti, & illud quidem non consumauit, sed ratum tantum habuit, deinde ingressus est Religionem, & in ea professus est; hoc matrimonium dirimitur per professionem, *dic. cap. Verum de conuersione coniugat.* & Antonia remanens in sæculo, potest alteri nubere.

Hæc autem conclusio intelligitur, vt matrimonium ratum soluat, & dirimatur per professionem factam in Religione; non enim dirimitur per susceptionem solius habitus, sed opus est vt profiteatur, ad hoc vt matrimonium dirimatur; cum enim professio sit talis potentia, vt reddat hominem mortuum mundo, & sicut mors omnia soluit, ita gloriosa mors Religionis hoc matrimonium ratum dirimit, & coniux qui in sæculo remansit, expectare debet professionem alterius coniugis, antè autem nubere, aut uxorem ducere nequit, sed postea illam licite potest. Et per hoc si post matrimonium ratum, alter coniux ingressus sit Religionem, nec in ea sit professus, sed egressus sit, matrimonio rato redire tenetur, illudque perficere, sicut per multa *cap. illius tituli de conuers. coniug. Nauarrus in Consil. 1. de conuers. coniug.*

Idem dicendum, si quis matrimonium ratum contraxit cum aliqua, deinde factus est Miles Ierosolymitanus, & in ea Religione professus est; matrimonium ratum dissoluitur; & ratio est; quia illa Religio est approbata ab Ecclesia Romana, eisdemque gaudet priuilegijs, quibus professio claustralis gaudet; & hi milites sunt verè religiosi, cum mundo mortui sint, sicut Monachus, etiamsi non viuant in communi, intelligendo semper post factam professionem; hæc refert *Nauar. in Consil. 2. de conuers. coniug. Henriquez lib. 11. cap. 8. num. 6.*

- 10 Quid, si quis post matrimonium ratum ordines sacros susceperit, an matrimonium ratum præcedens sit solum, quemadmodum soluitur per professionem in Religione approbata à Sede Apostolica?

Respondetur negatiuè, sed matrimonium remanet validum, & ad uxorem illam redire tenetur, cum qua matrimonium ratum præcessit, & priori vinculo stare tenetur. Ità disponitur in *Extrauag. Ioannis 22. incipiente: Antiqua concertationi*, sub titulo *de voto*, & sic testantur communiter DD; nam hoc priuilegium non constat fuisse concessum susceptioni ordinis sacri, sed tantum professioni, ex priuilegio Diuino, quod Ecclesia accepit per Apostolos, & exempla Patrum; Vt testantur communiter DD. *Valentia tomo 4. disp. 10. quæst. 5. punct. 3. de impedimentis dirimentibus*

bus titulo. Votum. Filiuccius tomo primo tract. 10. par. 2. cap. 7. num. 246. in fine de Sacramento matrimonij pag. 371. qui etiam citat, Conarr. in Epitome libri 4. par. 2. cap. 7. §. 4. num. 9.

- 11 Tertia Conclusio, quid si matrimonium non solum ratum, sed etiam consummatum præcedit, & subsequitur postea votum sollemnne professionis in Religione; Quæritur an matrimonium dissolvatur.

Respondeo, quod matrimonium consummatum remanet validum, nec dissolvitur, imò professio nulla est; cum matrimonium ratum, & consummatum præcedat professionem, & mulier quæ remansit in sæculo potest cogere virum suum, qui habitum monachalem susceperit, & professionem fecerit in Religione, ut relinquat habitum, & ad matrimonium redeat, eumque cogere per citationem Episcopi, ad redeundum ad matrimonium iam ratum, & consummatum. Et hoc votum sollemne professionis, remanet simplex, cum nulla sit professio; & cum remaneat simplex, operatur, quod mortua vxore, cum qua matrimonium contraxerat, & deinde fecerat professionem, redire teneatur ad professionem Religionis. Sed si mortua vxore, aliam de facto ducat, secundum matrimonium validum est, sed peccat, cum præcedat votum simplex, quod matrimonium impedit tantum, sed non dirimit; indigeret tamen dispensatione Summi Pontificis de præfato voto simplici, antequam contraheret, & sic non peccaret; obtenta dispensatione, *cap. Rursus qui Clerici, vel voventes. cap. Vxores, cap. Placet de convers. coniug. Navarrus Consil. 3. eodem titulo, cum Iuribus relatis, & DD. ab eo citatis.*

- 12 An maritus in aliquo casu post matrimonium ratum, & consummatum possit ingredi Religionem, & in ea profiteri, etiam inuita vxore, vel etiam possit Sacris Ordinibus initiari, adhuc ea inuita, nec teneatur ad matrimonium redire.

Resp. Tunc posse, quando vxor adulterium commisit, intelligendo hoc, si præcedat declaratio Iudicis Ecclesiastici, per quam declaratur virum posse Ordines sacros suscipere, vel in Religione profiteri, propter adulterium commissum ab vxore sua.

Sed si constat notoriè de adulterio, non indigeret supradicta declaratione Iudicis Ecclesiastici; Et in hoc casu matrimonium dissolvitur per ingressum Religionis, vel Sacri Ordinis susceptionem. Matrimonium tamen quoad vinculum tantum remanet validum, & mulier in sæculo relicta, durante vita viri, alium virum ducere non potest in matrimonium, & id, ad evitandas fornicarum malitias, ne adulterium commissum reportaret eis com-

modum. *Abbas in cap. Discretionem de eo, qui cognouit consang. vxoris suæ, & est textus in Can. Agatosa 27. quæst. 2.* Ità quoque potest mulier profiteri, si vir est notorius adulter. *Abbas in cap. Cunctis de conuers. coniug. num. 4.* Fallit hæc regula, scilicet quando maritus dederit causam adulterij, vtpotè quia ipse fuit leno adulterij commissi à sua vxore; nam tunc non potest ea inuita profiteri Religionem, vel Sacrum Ordinem suscipere, cum culpa sua commissum sit adulterium. *Nauarrus loco proxime citandus;*

- 13 Vtrum qui validè professus est post matrimonium consummatum, dicatur adulterium committere, si copulam habeat cum alia.

Resp. Affirmatiuè. Ratio est quia cum per professionem non, dissoluatur matrimonium quoad vinculum, sequitur Religiosum coniugatum committere adulterium, eo quod carnaliter cognoscat aliam personam distinctam à propria vxore, & dicatur facere contra fidem præstitam in matrimonio. *Bonac. de impedim. matrim. quæst. 3. punct. 4. num. 13. qui alios DD. citat.*

- 14 Queritur Petrus contraxit matrimonium cum Canilla, & consumauit, deinde progressus est ad bellum, in quo per multos fuit annos, & vxor nihil audiuit de marito suo, & credens eum mortuum esse, secundum contraxit matrimonium, quo contracto, & consummato; Petrus reuertitur de bello; Quid agendum in hoc casu valdè frequenti?

Respondetur quod Petrus potest recipere suam vxorem, repellendo secundum virum, cum matrimonium secundum nullum fuerit; Si verò nollet amplius manere cum vxore, posset Sacros Ordines suscipere, vel Religionem profiteri, etiam vxore inuita, nec potest illum cogere, cum adulterium publicè commiserit, quamuis ignoranter; *Nauarrus infra proxime citandus.*

Nec est eadem ratio de eo qui dedit causam adulterio vxoris; nam in præcedenti casu, quando maritus fuit leno adulterij, potest ei obijci, quod ipse fuit causa proxima adulterij; cum sua culpa, & causa fuerit commissum adulterium. Non ità in hoc casu in viro qui fuit in militia, qui tantum fuit causa remota; Sed lenocinium est causa proxima ad adulterium. *Nauarrus Consil. 4. de conuers. coniug. cap. discretionem de eo qui cognouit consang. vxoris suæ.*

- 15 Vtrum vterque coniux post consummatum matrimonium possit de communi consensu ingredi Religionem, & profiteri, aut continentiam vouere?

Resp. Possit, vt patet tum ex cap. qui vxorem 33. quæst. 5. & ex multis alijs iuribus relatis à Sanchez lib. 7. disp. 34; tum quia vterque potest cedere Iuri suo, quod habet circa matrimonium.

Bonacina loc. cit. de impedimento voti num. 11.

- 16 Rogabis, quando datur casus, in quo alter coniugum possit licitè & validè Religionem ingredi post consummatum matrimonium, altero re manente in sæculo, quænam conditiones requirantur?

Resp. cum multis DD. & Iuribus infra citandis, in casu prædicto, qui absque dubio dari potest, requiri tres conditiones.

Prima ut manens in sæculo sit prouectæ ætatis E. G. Sexagenarius ita ut à periculo incontinentiæ credatur ratione ætatis abesse, non autem ratione virtutis; Ex quo patet non posse vnum coniugem ingredi Religionem, quando alter coniux iuuenis vult in sæculo remanere.

Secunda conditio est, ut manens in sæculo emittat votum continentiæ; Vnde validam esse professionem viuius coniugis, factam de licentia spontanea alterius, qui post matrimonium consummatum, manet in sæculo cum voto castitatis, modò antè professionem non fuerit licentia reuocata, inquit, *Sanchez lib. 7. disp. 33. num. 2.* & ratio est, quia iura non irritant huiusmodi professionem, quamuis requirant, ut manens in sæculo votum castitatis emittat, ut patet ex *cap. Cum sis, & cap. uxoratus de Conuersi coniug.*

Tertià conditio est, ut interueniat licentia Episcopi, non quidem de necessitate professionis, sed de præcepto obligante sub mortali, ut ait *Rebellus lib. 3. quæst. 4. num. 18. cum agatur de re grani Henriquez lib. 11. cap. 8. num. 9. Coninchus disp. 25. dubio 6. Bonacina de impedimentis matrimonij quæst. 3. punct. 4. num. 11. & seq.*

Quartum Impedimentum dirimens est Cognatio.

QVÆSTIO DECIMAQVINTA.

Pro cuius intelligentia, sciendum est quod Cognatio triplex est, spiritualis, legalis, & naturalis.

Cognatio spiritualis est illa, quæ contrahitur per Baptismum, & Confirmationem; ut toto hoc titulo de Cognatione spirituali.

Cognatio legalis est illa, quæ contrahitur per adoptionem, vel arrogationem, ut in toto titulo de cognatione legali.

Cognatio naturalis est, quæ contrahitur per parentelam sanguini-

guinis, vt toto titulo de cognatione naturali.

Cognatio igitur spiritualis, de qua nunc agendum est; Est impedimentum impediens, & dirimens matrimonium, quando ipsa Cognatio spiritualis præcedit ipsum matrimonium, vt in *cap. Veniens, cap. Martinus, cap. Super de Cognatione spirituali*.

S V M M A R I V M.

- 1 *Inter quas personas hæc Cognatio spiritualis contrahatur.*
- 2 *Tonuntur exempla ad maiorem intelligentiam.*
- 3 *An requiratur intentio in contrahenda cognatione spirituali, & ponitur exemplum.*
- 4 *Quot persone possint suscipere infantem in Baptismo & in Confirmatione.*
- 5 *An qui mittit Procuratorem ad suscipiendum infantem contrahat cognationem, vel illam potiùs contrahat ipse Procurator.*
- 6 *In confirmatione adhibendus est, vnus tantummodo Patrinus.*
- 7 *An contrahatur cognatio, quando supplentur solemnitates.*
- 8 *Vtrum cognatio spiritualis contrahatur inter susceptores.*
- 9 *Quenam requirantur ad contrahendam cognationem spiritualem.*
- 10 *Vtrum cognatio sequens post matrimonium contractum, impediat petitionem debiti.*
- 11 *An requiratur contactus in suscipiente, seu tenente in Baptismo, vel in confirmatione, & si est necesse vt Patrini respondeant in Catechismo, vel in Baptismo.*
- 12 *Ad quos spectat designare Patrinos.*
- 13 *Qua sint Patrinorum partes, quidque ab illis exigatur.*
- 14 *Qua atas in Patrino requiratur.*

1 **H**Æ cognatio spritualis contrahitur inter baptizantem, & baptizatum, baptizatique patrem, & matrem;

Inter tenentem, & tentum, & patrem, & matrem baptizati.

Cognatio quoque ex confirmatione contrahitur, inter confirmantem & confirmatum, illius patrem, & matrem, ac tenentem, & tentum, illius patrem, & matrem. *Concilium Tridentinum sess. 24. de reformatione matrimonij, cap. 2.*

2 Exemplum. Ioannes tenuit in baptismo, vel Confirmatione Antoniam filiam Petri, & Camillæ, deinde mortuus est Petrus vir Camillæ; Ioannes vellet ducere in vxorem Camillam; An possit.

Respondetur negatiue, & si de facto contraheret matrimonium, esset nullum; Cum cognatio spiritualis illud impediat, & contrahum

tum dirimat. Sic etiam si dictus Ioannes vellet ducere ipsam Antoniam, quam tenuit in baptismo, vel Confirmatione, nec etiam posset, cum adsit cognatio spiritualis impediens, & dirimens matrimonium.

Si verò Ioannes vellet ducere Lucretiam sororem Antoniz, quam tenuit in baptismo, vel confirmatione, hoc est, etiam filiam Petri, & Camillæ, potest hodiè liberè ducere, quicquid sit de Iure antiquo antè *Conc. Trid*; Nam solum iam prohibetur Ioannes ducere eam quam tenuit in baptismo, vel confirmatione, & matrem ipsius baptizatæ, vel confirmatæ.

Quid si Ioannes tenuit in Baptismo, vel Confirmatione Franciscum filium Petri, & Camillæ; Deinde Ioannes mortuus est, & etiam Camilla vxor Petri; Et Petrus, vel Franciscus vellet ducere in vxorem coniugem Ioannis mortui, qui cum tenuit in Baptismo, vel confirmatione, an possit?

Respondetur, quod de Iure antiquo nullo modo poterat, nec pater Francisci, nec ipse Franciscus, verum de Iure nouissimo. *Concil. Tridentini*, distinguitur hoc modo; vt si in Baptismo interuenit etiam vxor Ioannis mortui, vt commater, & tunc procedit, quod disponitur de Iure antiquo; nam cum inter vtrunque sit contracta cognatio spiritualis, neuter potest illam ducere in vxorem. Sed si illa vxor Ioannis in Baptismo non tenuit Franciscum, tunc Franciscus potest ipsam ducere in vxorem, ac etiam pater eius, (nisi pater, vel filius aliquem filium ipsius vxoris Ioannis in Baptismo, vel confirmatione tenuissent;) Et Ratio est, quia cum solo Ioanne fuit à patre Francisci, & à Francisco contracta cognatio spiritualis, cum hic actus baptismi, & confirmationis personalem requirat præsentiam, & contactum, *Concil. Trid. loc. cit.*

3. In cognatione spirituali contrahenda requiritur intentio contrahendi hanc cognationem, vel saltem gerendi munus patrini, aliàs si hæc intentio defuerit non contrahitur cognatio. Et ideo si puer quinque annorum, qui nondum peruenerit ad usum, & annos discretionis, non intelligens quid agat, tenuerit alterum puerum in Baptismo, vel confirmatione, cum eo non contrahitur cognatio spiritualis, quia illud quod agit, non intelligit, non habens rationis usum. *Abbas in cap. Veniens de cognatione spirituali, l. In omnibus, l. Consensu, ff. De action. & obligat. Occasione huius.*

Queritur quidam dubitans quod Petrus haberet rem cum propria vxore, rogauit Petrum, cum vxor eius pepererit filium,

vt

ut eum teneret in Baptismo; Petrus libenter se velle tenere obtulit, verum in mente habuit se nolle habere ullam intentionem contrahendi cognationem spirituales, ne impediretur cum illa rem habere, & ita fecit. Vtrum Petrus si habeat rem cum illa, ultra adulterium, incestum committat; & an illam mortuo viro possit in uxorem ducere?

Resp. Quod si Petrus habuerit intentionem faciendi, quod faciunt patrini, esto quod in mente habuerit non contrahendi cognationem spirituales, nihilominus ipsam contraxit, quia posita causa ponitur effectus; accessorium enim sequitur principale, & qui vult principale, vult etiam accessorium; nam cognatio dependet ab officio patrini, illique est adnexa ex statuto Ecclesie, & per consequens, si habuit intentionem gerendi munus patrini eam contraxit, & si cum illa postea rem habeat, ultra adulterium, incestum committit, & mortuo viro illam in uxorem ducere nequit, cum contracta sit cognatio spiritualis.

Si tamen Petrus non solum non habuit intentionem contrahendi cognationem spirituales, sed nec etiam faciendi quod faciunt patrini, sed solum illum puerum tenuit in baptismo, ac si non tenuisset, & tantum materialiter interuenit non formaliter, vel ut rem gratam faceret patri illius pueri, cum hac fictione; tunc nullam contraxit cognationem spirituales in foro Dei, per regulam: Actus agentium non plus operantur, quam consensus fuerit; *l. Non omnis ff. si certum petatur*. Verum tamen Petrus magnum sacrilegium commisit, fingendo in Sacramentis Ecclesie speculum, *art. 56. Coninchus disp. 32. dub. 2. num. 28. Reginaldus lib. 30. num. 155. Filiuccius num. 191; & alij apud Sanchez lib. 7. de cognatione spirituali disp. 58. num. 4.* Tamen in foro fori reputabitur pro Compatre, quia Ecclesia non iudicat de occultis.

4 Et si de Iure antiquo plures mares, & plures feminae poterant puerum in baptismo tenere, omnesque contrahebant cognationem spirituales; Hodie vero tantum unus, vel una, vel ad summum vnus, & una possunt tenere puerum in baptismo, & hi tantum contrahere possunt cognationem spirituales. *Concil. Trid. in cap. Docet sess. 24. de reformat. matrimonij.*

5 An qui mittit Procuratorem ad suscipiendum infantem contrahat cognationem, vel illam potius contrahat ipse procurator.

Resp. iuxta Sanchez lib. 7. disp. 59. num. 4. & 5. Reginaldus lib. 31. num. 156. Filiuccium tract. 10. par. 2. cap. 5. quest. 7. num. 192. & alios; Cognationem nec contrahi ab ipso mittente; nec à Procuratore. iuxta verò Toletum lib. 7. cap. 4. Perez, 5. 43. fol. 269; & alios.

alios contrahitur ab ipso Procuratore, modò ipsa intendat contrahere.

Sed mihi probabilius dicendum videtur cum Bonacina de impedimentis matrimonij, qu. 3. punct. 5. §. 2. nu. 34. *Rebell. qu. 6. nu. 12. Galeto verbo cognatio. Verballo decis. 147. par. 3. Rota decis. 533. in antiquis, & in novis decis. 669. Emmanuel sd. Coninch. & alij, apud Ledesma q. 56.* Cognationem contrahi à mittente, non verò à Procuratore: Ratio est; tum, quia quæ agit Procurator, non agit proprio nomine, sed nomine mittentis; Illi imputantur acta per Procuratorem facta; nam qui per alium facit, per ipsum facere censetur. *Regula 72. de regulis Iuris in 6;* tum quia ipse fuit designatus, non verò Procurator; demum praxis, & consuetudo ita obseruat.

- 6 Aduertendum est in confirmatione adhibendum esse vnum tantummodo Patrinum, *dic. cap. finali de cognat. spirit. in 6;* quamuis in baptismo possint duo adhiberi, vnus scilicet masculus, & alter fœmina. *Bonacina de matrimonio, quæst. 3. punct. 5. §. 2. num. 31.* Romæ verò pro Sacramento Confirmationis, cum summa prudentia, & sapientia Superiores solent per edicta publicare, quando administrandum est in die Pentecostes, & per sequentes festiuitates, ne audeant tenere in dicto Sacramento, nisi masculus masculum, & fœmina fœminam; Et finis est ad euitanda tot matrimonia inualida, postea enim obliuiscabantur illorum, quos in Confirmatione tenuerunt, & ignoranter contrahebant matrimonia: Sed in masculis, & masculis, fœminis, & fœminis, euitatur hoc periculum, saltem inter suscipientem, & susceptam.

Si tamen per ignorantiam Parochi plures tenuerunt puerum in baptismo, & sic vltra numerum determinatum à *Concil. Trid;* tunc omnes erunt compatres, & commatres, & cognationem contrahent spiritualem omnes descripti in libro baptismi, qui fuerint designati à parentibus, & admissi à Parocho, & simul tenuerunt puerum; omnes enim plenum actum fecerunt suscipiendi puerum in baptismo; & in hoc casu recurritur ad Ius antiquum, ad textum in *cap. vltimo de cognat. spirit. in 6.* Textus enim præfatus non fuit reuocatus in hoc à Concilio Tridentino, citato in prædicto casu. Ità inquirunt, *Bonacina de impedimento cognationis spiritualis quæst. 3. punct. 5. §. 2. num. 25. Sanchez lib. 7. disp. 57. num. 13. Nanarrus cap. 22. num. 39. in fine, Henriquez lib. 17. cap. 11. num. 3. & alij ab ipsis citati,* sed Parochus ab ordinatio puniri potest: Ego autem in hoc casu consulerem Sac. Congreg. Concilij.

- 7 An contrahatur cognatio, quando suppleuntur solemnitates.

Resp. Quando puer ob necessitatem est domi baptizatus, & in Eccle-

Ecclesia suppleatur solemnitates, non contrahitur cognatio ab eo, qui illum suscipit in Ecclesia, quia non dicitur susceptor in baptismo, cum baptismus antea fuerit administratus; Verum in eo casu contrahitur impedimentum Catechismi, quod non dirimit matrimonium, sed tantum impedit, tamen in huiusmodi casu Parochus debet in libro, in quo nomina Patrinorum referuntur, scribere hunc non fuisse patrinum in baptismo, sed tantum in Catechismo. *Sanchez lib. 7. disp. 10. num. 13. Gutierrez cap. 84. n. 7. & alij.*

8 An cognatio spiritualis contrahatur inter susceptores?

Resp. Negatiue; nullo enim Iure constat, huiusmodi cognitionem induci inter susceptores; Propterea si vir & vxor simul alicum puerum de Sacro fonte suscipiunt, non contrahunt inter se cognitionem, consequenter non priuantur iure exigendi debitum. Ita *Nugnus 3. par. quæst. 67. art. 8. propè finem. Filiuccius tract. 2. cap. 7. quæst. 9. num. 162; & alij communiter.*

9 Quænam requirantur ad contrahendam cognationem spiritua-
nalem.

Primo requiritur, ut teneatur infans in baptismo, propterea quando puer est domi baptizatus, & in Ecclesia suppleatur solemnitates, non contrahitur cognatio spiritualis in catechismo, ut supra diximus.

Similiter si puer esset verè domi baptizatus, & aliquis Parochus ignarus re baptizaret iterum; In hoc secundo baptismo non contraheretur cognatio spiritualis à susceptoribus; Ratio est, quia secundus baptismus non est verus baptismus, iuxta regulam *Iuris § 2. in 6.* Non præstat impedimentum, quod de Iure non sortitur effectum. *Sanchez & alij infra citandi.*

Si verò dubium sit de priori baptismo, & infans rebaptizaretur sub conditione; cum non constet utrum baptismus antea collatus fuerit validus, & fieri possit, ut secundus baptismus sit validus, non existente primo valido, consequenter impedimentum cognationis oritur ex secundo; cum Ecclesia præsumat cognationem. *Sanchez lib. 7. disp. 62. num. 5. Gutierrez cap. 100. num. 9. Filiuccius tract. 10. cap. 5. quæst. 7. num. 197.*

Secundo requiritur, ut suscipiens puerum in baptismo illum teneat, quando baptismus solemniter administratur; Propterea suscipiens puerum in baptismo priuatim administrato, non contrahit cognationem spirituaalem; Ratio est, quia Ecclesia instituit susceptores solum in baptismo solemniter, non verò in priuato. Ut constat ex *Tridentino sess. 24. cap. 1. Sanchez lib. 7. disp. 62.*

N

num.

num. 14. Bonacina de impedimento cognat. spirit. loc. cit. num. 11; & infra.

Verum tamen est baptizantem prinatim contrahere cognationem spirituales, consequenter laicus baptizans in extrema necessitate priuatim, sine aliqua solemnitate, contrahit cognationem spirituales, siue baptizans fuerit vir, siue scemina; Ratio est, quia laicus in eo casu confert verum baptismum. Ità Sanchez loc. cit. num. 10. Bonacina quest. 2. punct. 5. §. 2. num. 11. in fine eodem titulo.

Aduertendum est, Iure positiuo quasdam personas prohiberi, quo minus suscipiant hoc munus patrinorum; Nam primò cauetur ne sint Abbates, aut Monachi, aut Moniales, atque ideò Religiosi. Id patet ex Can. Non licet primo de Consecrat. distinct. 4. Et Eugenius Papa in Can. Placuit il 2. 16. quest. 1. præcipit, & monet his verbis: Monachus sit in Claustro suo contentus; quia sicut piscis sine aqua caret vita, ità sine Monasterio Monachus; sedeat itaque solitarius, & taceat; quia mundo mortuus est, Deo autem viuuit; agnoscat nomen suum, Monos enim Græcè, Latine est vnus; Achos Græcè, Latine tristis sonat. Indè dicitur Monachus, idest vnus tristis; Sedeat ergo tristis, & officio suo vacet. Summa Syluestrina verbo baptismus 5. quest. 5.

Ex dictis infertur quod si pater baptizaret filium propriæ concubine, in necessitate, nō potest postea cum ea matrimonium contrahere; nam baptizando contraxit cognationem spirituales, etiam cum matre filij baptizati. Gutierrez loc. cit. num. 12. Sanchez loc. cit. num. 11. Henriquez lib. 11. cap. 12. Nauarrus cap. 22. num. 40. in fine, & alij communiter eodem titulo.

- 10 Vtrum cognatio spiritualis sequens post matrimonium contractum impediat petitionem debiti.

Respondeo distinguendo, aut baptizauit proprium filium in necessitate, aut extrā necessitatem; Si baptizauit in necessitate quando non aderat alius, qui illum baptizaret, alioquin erat periculum, vt filius discederet sine baptismo, tunc non priuabitur Iure petendi, vel reddendi debitum; probatur tum ex cap. Si vir de cognatione spirituali; tum quia necessitas caret lege, ergo excusat à pœna legis; tum quia æquum non est, vt quis subeat pœnam priuationis debiti absque sua culpa, ex eo quod satisfecit suæ obligationi. Si vero scienter baptizauit extrā necessitatem, priuatur iure petendi, quando aderat alius, qui hoc munus obiret; tenetur tamen reddere debitum petenti. Cap. Si vir de cognat. spirit. Ratio cur non possit petere est, quia contraxit cognationem spi-

Spiritualem cum propria coniuge, dummodo scienter hoc fecerit, secus si ignoranter. Ratio cur teneatur reddere petenti est, quia equum non est vt alter innocens absq; sua culpa priuetur Iure suo. *cap. discretionem de eo qui cognouit & c.* Ità *Reginaldus lib. 31. n. 291. Valentia tomo 4. disp. 4. quest. 2. punct. 3. ad finem de ministro baptismi. Henriquez lib. 2. cap. 28. Emmanuel Sa verbo baptismus num. 15. ad finem, & alij.*

- 11 Requiritur contactus, ità vt suscipiens, seu tenens verè dicatur suscipere, seu tenere; Vnde qui tantummodo asistit baptizato, vel confirmato, ipsumque non tangit, vel ipsum tangit tantum extremitate digiti, non contrahit cognationem; eo quod verè non dicatur tenere, vel suscipere, vt patet ex iuribus citatis, & ex *Cong. Card. Ità Speculum prima parte art. 56. Conclus. 7. Henriquez lib. 12. cap. 11. num. 3. Bonacina de impedimentis matrimonij, quest. 2. punct. 5. §. 2. num. 14; & propriè de impedimento cognationis spiritualis.*

Non est tamen necesse, vt patrini respondeant, dum fit Catechismus, vt inquirunt, *Reginaldus num. 150. Coninchus num. 33. eodem titulo, & alij;* quamuis valdè conueniat, vt saltem quando Sacerdos dicit; Vis baptizari; Respondeant, volo; Sed non est necessarium, quia iura loquuntur, & mentionem faciunt tantum de susceptione; Ergo qui suscipit de Sacro Fonte contrahit cognationem, etiam si non respondeat. *DD. citati, & Sanchez lib. 7. disp. 56. num. 10.*

- 12 Ad quos spectat designare patrilinos?

Respondeo spectare ad Parentes, vel alios qui curam pueri habent; & quando parentes, vel alij ad quos spectat designare patrilinos, non designarunt, pertinet ad Parochum eos designare, vt baptismus iuxta cærimonias Ecclesiæ celebretur; hoc etiam potest euenire in confirmatione, quando parentes non designauerunt patrimum, Episcopus illum designet. *Coninchus loc. cit. num. 3. Sanchez disp. 57. lib. 7. Reginaldus lib. 31. num. 153. ad finem.*

- 13 Quæ sint patrinatorum partes, quidque ab illis exigatur?

Catechismus Romanus de Sacramento baptismi pag. 145. n. 28. inquit: hoc munus adeò negligenter in Ecclesia tractari, vt nundum tantum huius functionis nomen relictum sit; quid autem Sancti in eo contineatur, ne suspicari quidem homines videantur. Hoc igitur vniversè susceptores semper cogitent, se hac potissimum lege obstrictos esse, vt spirituales filios perpetuò commendatos habeant; atque in ijs quæ ad Christianæ vitæ institutionem spectant; Curent diligenter vt illi tales in omni vita præ-

beant, quales eos futuros esse solemnī cæremonia sponderunt.
 ✓ Et S. *Augustinus* sermone 163. de tempore, & sermone 215. Vos, inquit, antè omnia tam viros, quam mulieres, qui filios in baptismo suscepistis, monco, vt cognoscatis fideiussores apud Deum extitisse pro illis, quos visi estis de Sacro fonte suscipere, & idem subiungit: At profectò decet maximè cum qui aliquod officium suscipit, in eo diligenter exequendo nunquam defatigari; Et qui se alterius pædagogum, & custodem professus est, minimè pati illum esse desertum, quem solum in fidem, & clientelam suam recepit, donec illum opera, & præsidio suo. egere intellexerit. Quæ autem filijs spiritualibus tradenda sunt, paucis verbis idem Augustinus comprehendit, cum de hoc ipso susceptorum officio loqueretur, inquit enim, debent eos admonete, vt castitatem custodiant, iustitiam diligant, charitatem teneant, & antè omnia, Symbolum, & orationem Dominicam eos doceant, Decalogum etiam, & quæ sint prima Christianæ Religionis rudimenta. Hæc autem etiam habentur in cap. *Vos autem de consecrat. distinct. 4.*

14 Quenam ætas in patrino requiratur?

Resp. Puerum cuiuscunque ætatis posse esse legitimum susceptorem, & contrahere cognationem suscipiendo, modò vsu rationis gaudeat; Ratio est, quia est capax huiusmodi cognationis, & potest habere sufficientem intentionem suscipiendi de Sacro fonte, scilicet faciendi quod faciunt cæteri Patrini. Secus dicendum est, si careat vsu rationis; tunc enim non potest habere sufficientem intentionem. *Sánchez lib. 7. disput. 61. num. 4. & alij apud Bonaciam de impedimentis matrimonij, de cognatione spirituali, quasi. 2. punct. 5. §. 2. num. 17.*

De Cognatione legali.

QVÆSTIO DECIMASEXTA.

S V M M A R I V M.

- 1 Quenam conditiones requirantur, vt aliquis possit adoptare?
- 2 Cognatio legalis vsque ad quem gradum impediatur, & dirimat matrimonium?
- 3 Quando plures extranei adoptati sunt ab vno adoptante, an possint contrahere matrimonium inter se?
- 4 An adoptatus possit inire matrimonium cum filia illegitima adoptantis?

5 Vtrum

- 5 *Vtrum contrahatur legalis cognatio quando aliquis non habens filios; ob deuotionem, siue charitatem suscipit filiam alicuius, in Christo filiam?*
 6 *Qua circumspectio habenda sit ab ordinarijs in his susceptionibus faciendis, ut dicitur pro charitate, siue cerimonia?*

1 **I**mpedimentum Cognationis legalis, Adoptio, & Arrogatio, habetur in toto titulo de Cognatione legali, estque impedimentum impediens, & dirimens matrimonium.

Quenam autem conditiones requirantur, ut aliquis possit adoptare?

Respondeo ex institutionibus de adoptionibus has condiciones requiri. Prima ut adoptans sit sui iuris, & maior 25. annorum; nam Iure communi, nisi sit in ea etate, non habet administrationem bonorum, exceptis castrensibus, vel quasi; Dixi Iure communi, nam Iure particulari, non idem tempus requiritur ubique; ut in Regno Neapolitano, sufficit si sit in etate 18. annorum completorum.

Secunda est, ut adoptans non sit femina; nam femina non potest adoptare absque priuilegio. *Instit. loc. cit. §. femina.*

Tertia, ut adoprans habeat potentiam naturalem ad generandum; nam instituta fuit adoptio, ad supplendum defectum liberorum. Hoc intelligitur ex defectu naturali, ut sunt *Frigidi l. 2. de adoptionibus*. Non verò facti gladio, aut facti Eunuchi per morbum, cum isti sint impotentes tantummodo ex accidenti, non ex defectu naturali.

Quarta, ut adoptans adeò sit prouecta etatis, ut excedat adoptatum decem, & octo annis, ut possit esse quasi Pater carnalis adoptati. His positis quilibet potest adoptare, etiamsi sit Sacerdos, & quilibet potest adoptari, dummodo sit præsens; Nam absens non potest adoptare neque adoptari. *l. neque, l. post mortem §. finali de adoptionibus*. Vbi etiam habetur adoptionem non posse fieri per Procuratorem. *Sanchez lib. 7. disp. 63. eodem titulo.*

- 2 *Vsque ad quem gradum cognatio legalis impediatur, & dirimat matrimonium?*

Resp. Primò inter adoptantem, & adoptatum, & descendentes adoptati vsque ad quartum gradum. *Can. Ita diligere 30. quest. 3.*

Secundò inter Vxorem adoptantis, & adoptatum, & inter Vxorem adoptati, & adoptantem. *l. Adoptiuns ff. de ritu nuptiarum.*

Ter-

Tertiò inter filios adoptantis, & adoptatum, seu adoptaram, (dum filij sunt sub patris potestate) *cap. 1. extra de Cognatione legali, & DD. communiter.*

- 3 Quando plures Extranei adoptati sunt, ab vno, eodemque adoptante, possunt adoptati inter se matrimonium facere. *Emmanuel Sà de matrimonio num. 16.*
- 4 Præterea adoptatus potest inire matrimonium, cum filia illegitima adoptantis inquirunt. *Sanchez lib. 7. disp. 63. num. 36; & alij.*
- 5 In aliquibus locis, vt plurimum non habentes filios, suscipiunt aliquam filiam alicuius in Christo; hæc susceptio non est adoptio, & cognatio legalis, quæ fit seruatis seruandis, nempe coram Principe, vel Magistratu, vel alijs ad quos spectat, & alijs solemnitatibus adhibitis; Nam hæc susceptio in Christo, est cæremonia quædam, & vsus ob deuotionem, nec contrahitur inter eos legalis cognatio. *Abbas in dicto cap. unico de cognatione legali num. 3.*
- 6 In huiusmodi vero susceptione in Christo, Ordinarij inuigilare deberent, Susceptores esse grauis ætatis, & antea fuisse morigeratos; Alias hæc susceptio fieri non debet; Diabolus enim sæpè per hanc cæremoniã, & charitatem exteriorem, suggerit stupra, multaque mala inter susipientem, & susceptam, &c. & vbi accepta fuit pro filia in Christo, fieret serua peccati. Ità *DD. Mo-
nent.*

De Cognatione Naturali, siue Consanguinitate.

QVÆSTIO DECIMASEPTIMA.

S V M M A R I V M.

- 1 Quid sit Cognatio Naturalis, siue consanguinitas?
- 2 Declaratur Definitio.
- 3 Rationes quare inter Consanguineos matrimonium sit prohibitum.
- 4 Cognatio Carnalis, siue Consanguinitas constat lineis, & gradibus.
- 5 Quid est linea, & quotuplex est?
- 6 Declarantur lineæ.

- 7 Declarantur gradus.
- 8 Declaratur linea Collateralis, siue transuersa.
- 9 Regula ad computandos Consanguinitatis gradus.
- 10 Differentia inter Ius Canonicum, & Ciuile circa computationem graduum.
- 11 Quando contractum est matrimonium cum omnibus solemnitatibus, si postea detegatur aliquod impedimentum, quod scitur tantum ab vno solo consanguineo coniugum, & ipsimet coniuges manent in bona fide; nec fama surrexit de hoc impedimento; An Iste debeat admonere Coniuges, vel Parochum, vt detegatur tale impedimentum?
- 12 Vtrum sit obligatio detegendi, & denunciandi impedimenta Matrimonij?
- 13 Vsque ad quem gradum inter Consanguineos matrimonium sit prohibitum?

HÆC Cognatio naturalis, siue Consanguinitas, quæ matrimonium impedit, & dirimit, & inter matrimonij impedimenta primum tenet locum, quia frequentius hoc impedimentum Cognationis, siue consanguinitatis euenit, quam cætera impedimenta. *Couarr. in 2. parte de matrim. cap. 6. §. 6. sic definitur.*

Est vinculum personarum ex eodem stipite propinquo descendendum, carnali propagine contractum. *D. Thomas in addit. 3. par. quæst. 54. art. 1.*

- 2 Dicitur vinculum, idest colligatio, & ligamen sanguinis, loco generis.

Dicitur personarum tam hominum, quam fœminarum.

Dicitur descendendum, quia descendunt ex eodem stipite, eodem trunco, siue principio.

Dicitur stipite propinquo, non remoto; quia cum omnes sumus filij Adam, omnes sumus Consanguinei, vtpotè descendamus à stipite remoto, hic stipites non attenditur, sed proximus, & ideo dicimus stipite propinquo.

Dicitur carnali propagatione contractum, ad differentias co-
gnationis spiritualis, vel legalis, de quibus supra dictum est.

Hæc Cognatio Carnalis, siue Consanguinitas, est impedimentum impediens, & dirimens matrimonium. Vnde si Titius duxerit uxorem Lucretiam sibi consanguineam in quarto gradu, nullum est matrimonium, & si scienter fecerit est excommunicatus. Vt in *Clementina prima de Consang. & Affin.* Si tamen est sibi Consanguineus in quinto gradu, matrimonium valet. *cap. Non debes de Consang. & Affin. & Concil. Trid. loc. cit. & præcipue in cap.*

cap. quinto. Si quis seff. 24. Ultra quartum gradum non prohibetur matrimonium. cap. Non debet de Consanguin. & Affin.

- 3 Ratio autem quare inter Consanguineos matrimonium sit prohibitum, usque ad quartum gradum inclusivè, multiplex est, per D. Augustinum in Can. 1. 35. quæst. 5. & D. Thom. in 2.2. qu. 154. art. 9.

Prima ratio est ad maiorem honestatem, quæ à consanguineis debetur suis consanguineis. Vt *Leuitici* cap. 18. Et est textus in cap. literas de restitut. spoliat. & ibi, Glossa; quia natura ipsa abhorret patrem cum filia, & filium cum matre matrimonio iungi & copulari; Et D. Thomas *suprà* citatus ad 3. arg. ait (referens auctoritatem *Philos. lib. 9. de historia Animalium* cap. 47. tom. 4.) quod quidam Equus, quia deceptus fuit, vt matri commisceretur, se ipsum præcipitavit, quasi præ horrore; eo quod etiam animalibus aliquibus inest naturalis reuerentia ad parentes.

Secunda ratio est; quia sufficit amicitia contracta ex consanguinitate, ad conservandam pacem, & concordiam in Republica inter eos, quam Deus vult, & desiderat; Ideò si adderetur aliud, Exteri restringerentur quo ad pacem, quæ cum omnibus esse debet, vt fiant vnanimes.

Hinc infertur; quod si quis faciat suscipere in baptismo filium suum à fratre (quod quidem potest facere, & non peccat), tamen non bene facit, quia sufficit vinculum fraternitatis inter eos, ad pacem servandam; nec illud viaculum compaternitatis fit cum fratre cum illa decentia, qua fit cum Extero; Ideò parentes ab extraneis suscipere faciunt.

Tertia ratio est, ad evitandum maiorem libidinis ardorem; quia cum frater, & soror naturaliter se diligant, si adderetur amor, qui est ex commixtione venerea, fieret nimius ardor amoris, & maximum libidinis incentivum, quod castitati repugnat. D. Th. loc. cit. in corp.

Quarta ratio est, ad remouendum commercij impedimentum, & cohabitationem; quoniam si frater sorori copulari posset in matrimonium, mater non relinqueret, nec relinquere posset filiam suam tutam cum filio, & per hoc impediretur fidelitas, & cohabitatio: Et ideò ad hæc evitanda, matrimonium prohibitum est, ac propterea vxorem ducturus, non de facile ducit consanguineam in 2. vel 3. gradu.

- 4 Cognatio hæc carnalis, siue consanguinitas constat lineis, & gradibus; vt toto titulo de gradibus cognationis, & præsertim l. Iuris Consultus ff. de gradibus 5. hætenus institut. de gradibus.

5. Linea dicitur Series parentelæ, & ordo cognationis dic. l. *Iuris Consultus*: Et triplex est, Ascendentium, Descendentium, & Transuersalium.

6. Linea ascendentium est hæc, Pater, Auus, Proauus, Abauus, Attauus, & Tricauus.

Linea descendentium hæc est, Pater, Filius, Nepos, Pronepos, Abnepos, & Atnepos.

Linea Transuersalium inter Collaterales hæc est, filius fratris, filia fratris, frater, & soror, Nepos ex parte fratris, Neptis ex parte sororis, & sic de singulis.

Linea autem alia masculina, & alia fœminina est; Alia paterna, & sic masculina, alia materna, & sic fœminina. *Can. ad sedem. Can. Parentele 35. quest. 5.*

7. Gradus verò in cognatione carnali, siue consanguinitate, dicuntur ad imitationem scalarum, ascenditur enim per gradum vnum, & descenditur per eundem gradum. *§. hactenus institut. de gradibus*, veluti per Patrem, Auo, Abauo; & Proauo, & sic de singulis ascendimus.

Descenditur verò per Patrem, filio, Nepti, & Pronepti, & sic deinceps per modum graduum scalarum descenditur.

Ascenditur à genitis ad genitores, quærendo illorum stipitem.

Descenditur à Genitoribus ad genitos, vt antea dixi.

Exempli gratia Caius habet filios, nepotes, pronepotes, abnepotes, omnes istæ personæ constituunt lineam.

Gradus verò est distantia, seu mensura, quæ cognoscitur quanta sit distantia inter Caium, & filios, vel nepotes &c. Vtrum scilicet sint in primo, an in 2. vel 3. vel 4. gradu ad modum scalæ.

Qui quatenus ascenditur ad stipitem, dicitur ascendentium, quatenus autem descenditur ad Sobolem à stipite procedentem, dicitur descendentium, & hæc appellatur linea recta, quia continet directos gradus.

8. Tandem est alia linea Collateralis, seu transuersa, in qua continentur personæ, quæ ex latere, & ex transuerso iunctæ sunt, à quibus nos non ducimus originem, nec ipsæ à nobis, & tamen ab eodem stipite, & sanguine descendimus, vt fratres, & eorum filij.

Hæc autem linea Collateralis, siue Transuersa est duplex; quædam æqualis, nimirum in qua continentur gradus Consanguineorum æquæ à stipite distantium, vt sunt duo fratres, aut duorum fratrum filij. Alia verò inæqualis, nempe quando Consanguinei transuersi, seu collaterales distant inæqualiter à comuni

Stipite, in quo vniuntur, vt contingit in Patruo, & Amita respectu consobrini, distat enim consobrinus ab illis in 2. gradu dispari, quod Patruus & Amita distent à communi stipite, nempe ab Auo consobrini, in quo proximè vniuntur in solo primo gradu, vtpotè qui eius filij sunt, & consobrinus distat ab Auo in 2. gradu, tamquam eius nepos.

Stipes, seu Truncus est persona illa, à qua omnes personæ de quarum coniunctione tractatur descendunt, & originem ducunt; vt constat ex *Can. Ad sedem, & ex Can. Parentela 35. quest. 5.*

9 Triplex autem solet assignari Regula ad computandos consanguinitatis gradus.

Prima traditur pro linea recta, duæ aliæ pro transuersa.

Prima regula est, quando persona, cuius gradus queritur, est in linea recta ascendentium, & descendentium cum alia, si inter ipsam, & alteram personam, nulla persona mediet, sunt illæ in primo gradu consanguinitatis lineæ rectæ; vt sunt parentes & filij; si verò inter ipsas, aliqua persona, aut multiplex mediet, tunc numeratis omnibus personis medijs, & extremis demetur de numero illo vna persona, scilicet stipes, seu Truncus, & quot personæ restant, tot sunt gradus; Verbi gratia Nepos distat ab Auo in 2. gradu lineæ rectæ, quia sunt duæ personæ extremæ, nimirum Nepos, & Auus, & vna media inter ipsas, nempe Pater nepotis, & ità dempta vna, scilicet Auo, manent duæ, & sic sunt duo gradus; Pater ergo cum filio ab ipso descendente, constituit primum gradum, & propterea ipse filius, cum altero filio, qui ab ipso procedit, constituit alterum gradum; Iam igitur inter has tres personas, scilicet Auum, Patrem, & Neptem dantur duo gradus, & consequenter tot sunt in hac linea computandi gradus, quot sunt personæ procedentes, vna semper dempta, hoc est stipite, siue trunco.

Secunda Regula est pro linea Collaterali, siue transuersa, æquali; quot personæ sunt, in hac linea æquali, eodem gradu distant inter se, quo distant à communi stipite, vt duo fratres distant inter se, in primo gradu, quia in eo distant à proximo stipite, in quo coniunguntur, qui est Parens. Filij duorum fratrum sunt consanguinei in 2. gradu, quia in eodem coniunguntur in commune stipite vtriusque proximo, qui est Auus.

Tertia Regula pro linea transuersa inæquali est, quoties personæ in hac linea distant inæqualiter à communi stipite, eo gradu distant inter se, quo remotior distat à stipite. Vt Patruus, & filius ex fratre distant inæqualiter ab Auo, in quo vniuntur, ille
sci-

scilicet patrum distat in primo gradu ab Auo, est enim eius filius, hic verò filius ex fratre distat in 2. vtpotè eius Nepos, distabant igitur inter se in secundo consanguinitatis gradu, dempto stipite, scilicet Auo; sic traditur expressè in *cap. finali de consang. & affin.*

- 10 Sciendum in hac graduum computatione, in linea recta Ius Canonicum concordare cum Iure Ciuili, ac proinde patet, Regulam Iuris Ciuilis vtriusque computationi deferuire, hoc est, etiam Iuri Canonico.

In computatione verò graduum in linea Collaterali transuersa Ius Canonicum non concordat cum Iure Ciuili, quia Canonicum computat gradus modo tradito, propter matrimonia, & quia hæc non possunt nisi inter duas personas consistere, idcirco duas personas in vno gradu constituit; sed leges Ciuiles numerant gradus, vt hæreditas ab vna persona ad alteram deferatur, & idè in singulis personis singulos perficiunt gradus: ita colligitur ex *Authentica de hered. ab intest. venien. collatione 9,*

In materia de gradibus consanguinitatis, & affinitatis, ac etiam de contractibus meus lector in Iure Ciuili Neapolitanus assererat in illis quasi magis scire vetulas; in his plus Mercatores, quam Iurisperitos.

Idem Doct̃or pro Tyronibus hanc Regulam faciliorem tradebat; vt fieret computus ex digitis vtriusque manus; primi digiti, qui vocantur polices, sunt pater, & mater; hoc est stipites, qui non supputantur; secundi digiti, qui appellantur indices, sunt filius & filia, qui sunt in primo gradu consanguinitatis; digiti medij, sunt Nepos, & Neptis, & sunt in secundo gradu; digiti annulares sunt pronepos, & proneptis, & sunt in tertio gradu; digiti auriculares, qui sunt abnepos, & abneptis, sunt in quarto gradu, & sic aberrari non potest.

- 11 Dubitatur, quando contractum est matrimonium cum omnibus solemnitatibus, si postea detegatur aliquod impedimentum, quod scitur tantum ab vno solo consanguineo coniugum, qui manent in bona fide, nec fama surrexit de hoc impedimento; An qui scit debeat eos admonere, vel Parochum vt reueletur tale impedimentum?

Resp. Negatiuè, quia post matrimonium contractum, nemo tenetur admonere proximum de impedimento occulto, ignorato à coniugibus; neque Parochum, quia coniuges sunt in bona fide, & eos admonendo constituerentur in mala fide. Parochus etiam si solus id sciret posset admonere, vt obtineant dispensationem

à Sac. Pœnitentiaria, si speretur fructus, & interim non petant debitum, neque reddant. *Nauarrus cap. 22. num. 83. in fine, & Consil. 10. de sponsalibus in nouis, & Consil. 41. de sponsalibus in antiquis.*

- 12 Vtrum sit obligatio detegendi, & denunciandi impedimentum.

Resp. Affirmatiuè, modò conscij impedimentorum possint hoc facere absque graui suo incommodo, & absque aliorum scandalo, & hoc verum est, etiamsi impedimenta sint occulta, nec probari possint, & ità tenentur denunciare, præmissa tamen prius correctione, si ex ea speretur fructus; quia in hoc casu non agitur de pœna infligenda alteri, sed de vitando damno spirituali ipsorum contrahentium, & de eorum filiorum illegitimatione. Et etiam si quis sciret ex auditu a persona fide digna, seu graui, cui meritò sit fides adhibenda; (& hic solus potest impedire matrimonium, donec in contrarium aliter probetur) secus si audiuit a persona nihil certum sciente, vel si non meminit a qua persona audierit. Ita *Sanchez lib. 3. disp. 13. num. 7. Barbosa in Concil. Trident. in Collectanea sess. 24. cap. 1. num. 34. Bonacina de matrimonio quest. 2. punct. 6. num. 20. Nauarrus cap. 22. num. 83.*

- 13 Vsq̃ue ad quem gradum inter consanguineos matrimonium sit prohibitum?

Resp. Quod de Iure antiquo hæc prohibitio durabat vsque ad septimum gradum, quæ prohibitio fuit tempore Iulij primi Summi Pontificis anno Domini 340. & de ea est *tex. in Can. Primo gradu 35. quest. 5.* Sed hoc fuit commutatum per Innocentium tertium anno Domini 1200. & fuit statutum, vt inter consanguineos, matrimonium non possit consistere vsque ad quartum gradum inclusiue. *cap. Non debet de Consang. & Affin.* & ità hodie seruatur in praxi, ac etiam statutum est notissimè per *Concil. Trident. sess. 24. Can. tertio de matrimonio. Bonacina de impedimento cognationis naturalis quest. 3. punct. 5. §. 1. num. 7.*



PARS OCTAVA ¹⁰⁹

De Dispensationibus :

QVÆSTIO DECIMAOCTAVA.

S V M M A R I V M.

- 1 *An Episcopus possit dispensare in matrimonio contrahendo intra gradus prohibitos .*
- 2 *An Summus Pontifex possit dispensare in primo gradu ascendentium , descendentium , & Collateralium suæ Transuersalium .*
- 3 *Quid requiritur , ut dispensatio sit valida , sicut qualibet alia dispensatio .*
- 4 *Quæ sint causa iustæ , propter quas obtineri potest dispensatio à Summo Pontifice .*
- 5 *Declarantur supradictæ causæ .*
- 6 *In secundo gradu Consanguinitatis , an dispensetur .*
- 7 *Quid intelligatur in Tridentino nomine magnorum Principum .*
- 8 *An hoc Decretum Tridentini procedat in impedimento publicæ honestatis .*
- 9 *Quæ differentia sit inter subreptionem , & obreptionem .*
- 10 *Est differentia inter præscripta gratia , & præscripta Iustitia .*
- 11 *Potestas delegata potest committi expresso solo proprio nomine delegati , aut solo nomine dignitatis , aut utroque , & hæ differentie declarantur .*
- 12 *An commissio facta Vicario Episcopi sub nomine dignitatis transeat eo mortuo vel amoto ad successorem .*
- 13 *Dispensatio commissæ Officiali , vel Vicario Episcopi , an possit per Episcopum , eo Officiali remoto , expediri .*
- 14 *An litera Apostolicæ , in quibus datur facultas dispensandi in impedimenti matrimonij , re integra , per mortem Papæ expirent .*
- 15 *Duodecima Regula Cancellariæ super re prædicta .*
- 16 *An valida sit dispensatio matrimonialis obtenta à Sede Apostolica super impedimento consanguinitatis , vel Affinitatis , non expressæ copula , seu incestu .*
- 17 *An copula incestuosa aperienda sit , si habita fuerit sub spe facilius obtinenda dispensationis , vel ab utroque coniuge , vel solum ab altero .*

- 18 Quid si haberet quis copulam cum Consanguinea, vel Affine, quæ non fuit completa; An hæc copula exprimenda esset in libello supplicationis dispensationis.
- 19 Notabile in hac materia.

1 **Q**ueritur an Episcopus possit dispensare in matrimonio contrahendo inter gradus prohibitos.

Resp. Quod in nullo gradu prohibito consanguinitatis potest dispensare, nec etiam affinitatis usque ad quartum gradum inclusiue, cum hæc prohibitio usque ad quartum gradum, sit facta per Sacros Canones. *cap. Non debet eodem titulo*, Episcopus verò non est supra Canones. *cap. Dilectus*, ibique *Abb. de tempor. Ordinan.*

Imò nec etiam Cardinalis potest dispensare in matrimonio, intra gradus prohibitos contrahendo. *Conarr. in 2. par. de matrimonio cap. 6. §. 10.*

Imò etiam nec Episcopus potest dispensare, ut interim dum venerit dispensatio à Summo Pontifice, ut tactus, & oscula sint licita inter sponso, inter quos matrimonium cum dispensatione erit contrahendum; & in hoc casu esset particeps peccati mortalis, cum hæc sint prohibita, quando adest impedimentum impediens & dirimens.

Oscula verò & amplexus, quando nullum subest impedimentum in matrimonio, inter sponso sunt licita, dummodo non adsit pollutionis periculum, & ulterioris consensus in delectatione, sed tantum fiant per benivolentiam modum. Vide quæ diximus supra *quæst. 3. num. 4. Nauar. cap. 14. num. 18. in fine.*

2 **Q**ueritur an Summus Pontifex possit dispensare in primo gradu ascendentium, descendendum, & Collateralium, siue Transuersalium.

Resp. Negatiue; quia primus gradus est impedimentum de Iure nature, siue Diuino, supra quod non est Summus Pontifex; & est communis opinio. *DD. in cap. Gaudemus de diuortijs*, & est textus in *l. Nuptia consistere non possunt ff. de ritu nuptiarum. Sacrus in 4. distinct. 40. quæst. 1. art. 3. & 4.*

In 2. 3. & 4. gradu transuersali nullus dubitat, quin possit Summus Pontifex dispensare, quia illi tres gradus sunt Iuris positui, supra quod est Summus Pontifex. *Can. Cuncta per Mandum 9. qu. 3. & cap. Proposuit de concess. præbende.*

An autem matrimonium possit consistere in linea recta descendendum, & ascendendum; ita quod si Adam viueret, posset suam

suam descendente in 5. vel 6. gradu ducere in uxorem. Communis est opinio quod matrimonium non consisteret, nec posset consistere, quia in infinitum matrimonium est prohibitum inter ascendentes, & descendentes; *Institut. de nuptijs. Syluester in verbo matrimonium num. 8.*

Sed hæc communis opinio est in abstracto; tum quia non potest habere locum, ita quod quis ducat suam descendente in 5. vel 6. gradu, nam recesserunt tempora, quibus homines sexcentis, & octingentis annis vivebant; tum etiam quia *textus in dicto cap. Non debet*, indistincte loquitur in omni linea, ut vsq; ad 4. gradum inclusivè matrimonium sit prohibitum, ergo indistincte intelligendus est. *Sotus in 4. senten. distinct. 40. quæst. 1. art. 4.* Nec obstant contraria, quia loquuntur de Iure Ciuili, quod in materia nostra nihil attenditur, sed Ius Canonicum; & sic procedit *text. in dic. cap. Non debet*:

- 3 Quid requiratur ut dispensatio sit valida, sicut quælibet alia dispensatio.

Resp. Requiritur, ut causa propter quam impetratur sit iusta, alioquin non erit dispensatio, si iniuste obtineatur; sed dissipatio. *Concil. Trid. sess. 24. cap. 5. Et est textus in Can. dispensationes 1. quæst. 7.* Est bene verum, quod si Summus Pontifex vellet sine mentione causæ dispensare, tam in hac materia, quam in alia, facere posset, & dispensatio valeret in omni foro, cum sufficiat pro iustitia, & ratione voluntas eius, quæ semper præsumitur iusta. *Suarez lib. 3. de dispensationibus disp. 9.*

Sed dispensatio Episcopi opus est, ut sit fundata in causa iusta, & expressa in dispensatione; alias non valet. Ratio diuersitatis est, quia Episcopus non est supra Canones, sed Summus Pontifex est supra illos; *Navarrus cap. 25. num. 74.*

Ex quo inferitur; si Summus Pontifex beneficium alicui, quem scit iure humano incapacem, confert, sine mentione dispensationis, censetur illum facere habilem. Quod nequit facere Episcopus; Nisi quando Episcopus id faciat circa suam Constitutionem Synodalem; tunc enim dispensatio eius sine expressione causæ facta, valet. *Navarrus loc. cit.*

- 4 Causæ iustæ propter quas obtineri potest dispensatio a Summo Pontifice, in his consanguinitatis impedimentis, ad tria capita reduci possunt, scilicet.

Prima est incompetencia Dotis.

Secunda causa iusta est, extinctio magnæ litis, & inimicitiarum.

Ter-

Tertia causa iusta est, angustia loci, de quibus. *Nauarrus cap. 22. num. 87. & idem in Consil. 5. & 6. de Consang. & Affin. in antiquis, & Consil. 13. 14. & 15. eodem tit. in nouis.* Aliàs si falsum exponendo pro vero, vel verum non fatendo, fuerit impetrata dispensatio a Sede Apostolica circa gradus prohibitos, nulla est dispensatio.

- 5 Prima causa iusta impetrandi dispensationem a Summo Pontifice est in competentia dotis; veluti si puella nobilis habens paruum dotem, secundum qualitatem suam, non inuenit virum paris conditionis, nisi consanguineum in 3. & 4. gradu, qui illam velit ducere in uxorem cum illa parua dote; in hoc casu impetratur dispensatio a Summo Pontifice, quia iusta causa adest impetrandi, nempe dotis incompetencia; Nec tenetur accipere virum inferioris conditionis cum illa parua dote, licet mille inueniat, nec etiam tenetur querere virum extra suam Urbem paris conditionis, si non velit exire de patria sua. *Nauarrus infra citandus, & alij.*

Imò ampliatur ista Conclusio, quod etiam procedat, estò quod mulier habeat dotem competentem, & per hoc posset ducere virum paris conditionis in Ciuitate; Tamen nullus vult illam in uxorem, ex aliquo corporis defectu, nisi consanguineus, qui forte aliam cum maiori dote inuenisset uxorem, & tamen vult illam ducere, ne remaneat sine viro, hæc etiam esset iusta causa impetrandi dispensationem a Summo Pontifice, ex capite incompetencie dotis, quia cum habeat illum defectum, indigeret dote duplicata, quam non habet, vel si haberet, id fieret cum magno incommodo suæ domus: *Nauarrus cap. 22. in fine.*

Ampliatur etiam ista Conclusio, quod procedat si mulier illam dotem competentem habeat, ac virum inueniat secundum suam qualitatem, sed tamen Patri suo remanent tres alie filie, quibus opus est, vt inuitæ monachentur, cum pater non habeat dotem secundum earum qualitatem pro alijs duabus filiis collocandis, vnde consanguineus diues vellet dotare illam; imò etiam sorores dotare, hæc esset etiam iusta causa impetrandi dispensationem a Summo Pontifice. *Nauarrus Consil. 15. de Consang. & Affin.*

Secunda causa impetrandi dispensationem, est extinctio magnæ litis, & inimicitiarum inter consanguineos; nam si inter eos magna sit lis, vel inimicitia, possent impetrare dispensationem a Summo Pontifice, quia iusta est causa impetrandi; Intelligendo hoc, nisi sit ex industria, & data opera lis & inimicitia orta ad finem contrahendi matrimonium; nam tunc non esset iuxta causam.

causa. Sanchez lib. 8. de dispensationibus disp. 19. num. 8. qui citat. D. Thomam 2.2. quæst. 63. art. 2. ad 2.

Tertia iusta causa impetrandi dispensationem, est angustia, loci, veluti mulier vult ducere virum in sua Terra, Pago, vel Castello, habens dotem competentem suo statui; Ibi nullus est paris conditionis, nisi multi consanguinei, hoc casu poterit impetrare dispensationem a Summo Pontifice, videlicet contrahendi matrimonium cum consanguineo, propter angustiam loci, in quo non nisi consanguinei sunt, & iusta erit causa dispensandi, nec mulier tenetur querere virum extrâ suam Terram, vel Castellum, licet ab alijs extrâ suum Castellum postuletur; nec tenetur exire de patria sua: Et hæc est praxis. Sanchez lib. 8. de dispensationibus disp. 19. num. 14.

Nota quod si in dispensatione obtinenda, quando duo consanguinei volunt contrahere matrimonium, quorum alter est in 3. gradu, alter verò in quarto gradu, sufficit dicere, quod volunt contrahere matrimonium, tanquam a remotiori est facienda computatio, cum insertione, & mentione proximioris gradus, scilicet tertij gradus, & ita est praxis quoad forum Ecclesiasticum, & quoad forum Poli; Colligitur ex Constitutione Pij V. incipien. Sanctissimus in Christo Pater. Observat Barbosa de officio, & potestate Episcopi in fine 3. par. ubi reperiuntur Bullæ foli. 75.

6 In secundo gradu consanguinitatis an dispensetur.

In secundo gradu consanguinitatis non dispensatur, nisi inter magnos Principes. Trident. sess. 24. de matrimonio cap. 5. Vbi statutum est, ne in secundo gradu dispensetur, nisi inter magnos Principes, & ob publicam causam.

7 Quid intelligatur a Tridentino, nomine magnorum Principum.

In Clementina vnica de baptismo, interdicitur baptisimus extrâ Ecclesiam, nisi filiorum Regis, vel Principum. Et ibi Glossa verbo Regum; ait: Principatum sumi pro notabili potentatu, merito Regiæ dignitati comparando. Atque idem tradunt Ancheranus, Imola, & Suarez 4. quæst. 71. disp. 31. sect. 2. columna 4. explicat, non comprehendendi filios Marchionum, aut Ducum, qui Regibus subduntur. Itâ etiam intelligitur de matrimonio.

8 An hoc Decretum Tridentini procedât in impedimento publicæ honestatis.

Resp. In hoc Decreto Tridentini non comprehenditur impedimentum publicæ honestatis, hoc est, ex sponsalibus de futuro, quod primum gradum non excedit; quia est multò minus impe-

dimentum. Sic *Nauayrus lib. 4. Consiliorum titulo de Consanguinitate in prima Editione Consil. 8. in fine. In secunda Consil. 4. in fine.* Præterea Sanchez existimat, nec procedere in gradu quocunque Affinitatis fornicariæ, quia ea valde imperfecta est, nec secundum gradum excedit; Sed solum procedit in gradibus consanguinitatis; vel Affinitatis ex Copula licita. Ità Sanchez lib. 8. de dispensationibus disp. 19. num. 3.

9 Quæ differentia sit, inter subreptionem, & obreptionem.

Resp. Quando dicatur dispensatio subreptitia, vel obreptitia est. *Textus in cap. super bis de rescriptis*; Et si dispensatio sit subreptitia vel obreptitia, est nulla, & nullum matrimonium in foro Dei.

Tunc verò dicitur dispensatio subreptitia, vel obreptitia quando in ea impetranda exponitur falsum, vel tacetur veritas. Et etiam omnis alia gratia, super qua impetratur dispensatio.

Primò præmittendum est, rescripta alia esse gratiæ, alia iustitiæ; priora dicuntur, quæ ad beneficia, dispensationes, aliasque quascunque gratias obtinendas conceduntur.

Posteriora autem, quæ ad lites forenses impetrantur, & ad committendam causam iudici in foro externo decidendam. Sic *Menochius de arbitr. lib. 2. Centur. 3. casu 201. num. 11.*

Secundò supponendum est, utraque rescripta aliquando appellari subreptitia, aliquando obreptitia. Alij quos refert idem *Menochius de arbitr. lib. 2. Centuria 101. num. 9.* censent subreptionem esse quoties veritas tacetur, vel per confusam, vel per perplexam eius narrationem occultatur; Obreptionem verò quando falsum narratur. At dicendum est, hæc esse Synonima, & nihil inter se differre; Et gratiæ dicuntur obreptitiæ, vel subreptitiæ quoties malè impetrantur; siuè tacita veritate necessariò explicanda, siuè falsum ad rem conferens, in precibus narrando. Atque ità tuentur. *Decius cap. super literis in noua editione. Notab. 1. num. 4. de rescriptis, Rebuffus tom. 2. Constitutionum Regiarum, titulo de rescriptis in præfat. num. 125.*

10 Præmittendum, differentias esse inter rescripta gratiæ, & rescripta iustitiæ,

Rescripta enim gratiæ per subreptionem obtenta, sunt ipso Iure irrita; Secus autem de rescriptis iustitiæ, quæ valida sunt, donec ope exceptionis elidantur, idest donec Aduersarius contra, quem impetrata sunt, excipiat, allegans ea esse subreptitia; quare processus virtute illorum factus, validus erit, si de subreptione minimè exceptiatur.

In spiritualibus tamen debet esse omnis puritas, Sanchez lib. 8. de dispensationibus disp. 21. à num. 1. usque ad tertium inclusivè.

11. Potestas delegata potest committi expresso nomine solo proprio delegati, aut solo nomine dignitatis, aut utroque.

Primo supponendum est, posse tripliciter committi potestatem delegatam alicui; Primo modo expresso solo nomine proprio delegati, ut committimus Francisco; Secundo modo, expresso nomine solo dignitatis, ut committimus Episcopo Asculano; Tertiò modo, expresso utroque, ut committimus Francisco Episcopo Asculano.

Primò, quando fit commissio expresso nomine solo proprio, censetur personalis, & ità extinguitur morte personæ delegatæ.

Secundò, quando fit commissio expresso solo nomine dignitatis, vel officij, tunc commissio erit realis, & eo delegato mortuo, transibit ad successorem, in ea dignitate, vel officio.

Tertiò, Commissio facta expresso nomine dignitatis, & persone simul, censetur personalis, nec transibit ad Successorem; Et hæc est opinio probabilior, quam sequitur etiam Sanchez de dispensat. lib. 8. disp. 27. à num. 1. usque ad 17. qui multa Iura, & DD. refert.

12. An commissio facta Vicario Episcopi sub nomine dignitatis, transeat eo mortuo, vel amoto ad Successorem. DD. infra citandi rejiciunt omnem aliorum limitationem, sustinentes commissionem factam Vicario sub nomine dignitatis esse realem, & ità eo mortuo, vel amoto transire ad Successorem in Vicariatu. Ducuntur, quod detur verè Successor; ut constat ex cap. 1. de officio Vicarij in 6. ubi vult textus, Substitutum in Vicariatu representare, & gerere vices illius, qui prior erat Vicarius; Clementina etsi principalis de rescriptis. Abbas num. 3. opposit. 11. & 12. de officio delegati. Iacobus de Puteo dicit, sic in Rota fuisse decisum. decis. 487. num. 1. lib. 2. & alij, & Praxis ipsa satis attestatur. Et Sanchez lib. 8. eodem titulo disp. 27. num. 10. Et ità dicendum de Vicarijs Capituli, Sede vacante; ac Prælatorum habentium iurisdictionem quasi Episcopalem in sua Diœcesi, & nullo Episcopo sub sunt. Igitur certum est commissiones huiusmodi Vicarijs directas, sub nomine officij transire ad Successorem.

13. An dispensatio commissio Officiali, vel Vicario Episcopi possit per Episcopum, eo Officiali remoto, expediri.

Resp. commissiones factas officiali, vel Vicario non posse expediri per Episcopum, etiam officiali remoto; nam cum aperta differentia sit inter Episcopum, & eius Officialem, ut constat ex cap. Venerabilibus in principio de sententia excomm. in 6. Ibi Archie-

piscopo, vel eius Officiali; Et ita si commissio soli Officiali fiat, nullatenus potest ad Episcopum pertinere; quamvis idem sit Episcopi, & eius Vicarij tribunal. Id autem solum habet verum in causis, quæ iure ordinario competunt Vicario, non autem in dispensationibus, quæ soli Vicario diriguntur. *Federicus Consil. 130. Decius in cap. Quoniam, Abbas in noua editione num. 62. de officio delegati, Nauarrus lib. 1. Consiliorum in secunda editione, titulo de officio Iudicis delegati Consil. 5. num. 1; & alij.*

- 14 Quæres an literæ Apostolicæ in quibus datur facultas dispensandi in impedimentis matrimonij, re integra, per mortem Papæ expirent.

Resp. Affirmatiuè, quia huiusmodi literæ potiùs vicem gerunt mandati, quam gratiæ; Mandatum autem morte mandantis expirat, l. Mandatum C. Mandati, & ita decisum refert Riccius in praxi fori Ecclesiastici parte 4. resolut. 531; quod etiam ex eo colligitur, quia Summus Pontifex in dictis literis non dispensat, sed committit Episcopo, vel eius Vicario vt dispense, si preces veritate niti repperit.

Res autem tunc non est integra, quando delegatus caput vti iurisdictiones leges tenent, Iure Canonico attento, solam citationem desiderari, vt res desinat esse integra; At Iure Ciuili amplius desiderari, nempe litis contestationem. Sic Glossa in cap. Regularum verbo contestata de officio delegati. Secus autem istis non premisis, tunc diceretur res integra; & perit morte concedentis. *Sanchez lib. 8. eodem tit. disp. 28. à num. 80. & sequen.*

- 15 Solent autem Summi Pontifices in Regulis Cancellariæ literas tan gratiæ, quam iustitiæ, à prædecessoribus suis infra annum, ante diem obitus eorum concessas, temporibus debitis eorum, executoribus, seu iudicibus non præsentatas reconualidare, & in statum pristinum, in quo antea fuerant, vel pro quibus erant obtentæ, plenariè restituere; Ità vt executores, seu Iudices prædicti, vel ab eis subdelegandi ad expeditionem negotiorum in eis contentorum procedere possint, & debeant, iuxta illorum formam; Vt in duodecima regula Cancellariæ.

- 16 An valida sit dispensatio matrimonialis obtena à Sede Apostolica, super impedimento consanguinitatis, vel affinitatis, non expressa copula, seu incestu.

Resp. Dispensationem in tali casu esse subrepticiam, & matrimonium postea contractum esse nullum. Ita ait, *Nauarrus in manuali, cap. 22. num. 86. in fine, & censuit Sacra Cong. teste Riccio in praxi fori Ecclesiastici par. 4. resolut. 535.*

Ideò in tali casu commissarius dispensationem expedire non debet; quod procedit siue incestus committatur ante obrentam a S. Pontifice commissionem, siue post illam obrentam, nondum per ordinarium expedita dispensatione. *Rota decis. 2. num. 10. de filiis presbyterorum in nouis, quam refert Vulpus cap. 16. num. 1; & censuit eadem Sacra Congreg. teste Quaranta in verbo matrimonialles dispensationes, vers. quibus expletis, & stylus curiæ sic postulat, vt incestus coniunctus cum consanguinea, vel affine, exprimitur.*

Megalius tamen in verbo affinitas num. 16. etiam relatus ab Antollo de regimine Ecclesiæ lib. 8. cap. 11. num. 3. affirmat, quod si quis obtinuerit a S. Pontifice commissionem, super impedimento consag. vel affinit. expressa iam copula, & priusquam ab eodem ordinario delegato expediatur dispensatio; iterum cum eadem persona copulam habeat, valeret nihilominus dispensatio; quia non nouum inde oritur impedimentum, sed prius nondum sublatum, continuatur. Verum si post dispensationem a delegato, iterum copulam haberet, nondum contracto matrimonio per verba de præsentis, noua indigeret dispensatione; nam cum per dispensationem prius impedimentum sit sublatum, ex noua copula nouum consurgit impedimentum.

Quamuis Riccius in praxi fori Eccles. resolut. 335. num. 1; & 2. aliter asserit. Et primò; inualidam esse dispensationem obrentam ad contrahendum matrimonium cum consanguineo, vel affine; tacito incestu, idest copula, inter affines, vel consanguineos habita, antequam literæ Romam transmitterentur, vel antequam ordinarius, cui data est facultas dispensandi, dispensationem expediret; Quod etiam procedit non solum si copula habita fuit antequam literæ Romam transmitterentur, verum etiam si fuit habita postquam Summus Pontifex concessit dispensationem per ordinarium, vel etiam per alium exequendam; Sicque Sac. Cong. declarasse affirmat.

Secundò inquit, secus dicendum est si copula habita fuit post expeditionem ordinarij; Ratio est, tum quia huiusmodi copula non est incestuosa, cum per dispensationem sublatum sit consanguinitatis, vel affinitatis impedimentum; Tum quia nullo iure, neque stylo curiæ constat faciendam esse huius copulæ mentionem. Et hæc sententia Riccij & aliorum, cui adhereo est verior, & probabilior, qui citat *Rodriguez, & Gutierrez. Id etiam affirmat Sanchez lib. 8. de dispensat. disp. 25. num. 8.*

Obserua tamen, si hæc copula esset occulta, vt in prima distinct. altera

altera dispensatio non esset impetranda à Dataria, sed satis esset, ut illius dispensatio obtineatur a Sacra Pœnitentia, explicata simul consanguinitate, vel affinitate publica, super qua Summus Pontifex dispensationem concessit. Idem Sanchez loco citato n. 11. ac idem Riccius loc. cit. num. 3. in fine.

- 17 An copula incestuosa aperienda sit, si habita fuerit sub spe, facilius obtinendæ dispensationis.

Resp. iuxta Concilium Trid. sess. 24. de matrimonio in cap. Si quis in fine. Dispensationem hoc modo obtentam, non expresso animo facilius impetrandi, esse inualidam; Et Riccius in praxi part. 4. resolut. 533. ait, quod hoc locum habeat, etiam si alter contrahentium tantum talem animum habuerit.

Alij tamen sentiunt, quod si vnus coniugum in copula incestuosa concipiat illam spem facilius impetrandæ dispensationis, impetratio erit valida, expressa copula, licet non exprimatur illa spes facilius impetrandi, ab vno tantum concepta; Sanchez de matrimonio lib. 8. disp. 25. num. 31. de dispensationibus. Diana parte 8. tract. 3. resol. 82. vers. Et tandem, qui citat. Portellum in responso moral. tomo 2. casu 49. num. 11. Et ait, & ratio, quam asserunt est; Non enim par est, ut delictum alterius sit causa punitionis Innocentis; & pœna decreti Tridentini requirit vtriusque culpam.

- 18 Quid si quis haberet copulam cum consanguinea, vel affine, quæ non fuit completa; An hæc copula exprimenda esset in libello supplicationis dispensationis.

Resp. Negatiuè; quia cum simus in materia pœnali, requiritur copula completa, cum seminis effusione; vel si adessent extraordinariæ pollutiones, siuè tactus, amplexus, hæc non faciunt matrimonium consummatum, seu copulam, nec impediunt illud, quamuis sint criminosa, & damnabiles. De quibus ex textus in Can. Extraordinaria 35. quæst. 2. & 3. Riccius dic. par. 4. resol. 535. vide etiam Glossam in dic. textu. Sanchez lib. 8. disp. 25. num. 10. ubi etiam ait, ut si vir vas femine penetrarit, non effuso intra femine, quod is coitus non sit vera copula, sed ad instar cuiusdam tactus impudici.

- 19 In materia proposita, Innocentius XII. amplas facultates, quas habebat officium Pœnitentiariæ Apostolicæ, præsertim in ijs quæ forum internum non concernebant, reformauit, & quoad forum internum nonnullas etiam restrinxit, alias ampliauit, & declarauit, in sua cōstitutione edita tertio nonas Septembris 1692. Et de multis quæ continentur in præfata cōstitutione, scilicet in octo paginis, vnicam tantummodo, quod spectat ad nostram matre-

materiam de matrimonio, hic inferere operæpretium putauit; vt Parochi, & Confessarij pœnitentibus consulere possint. Inquit ergo.

In matrimonijs contrahendis possit maior Pœnitentiarius in foro conscientie tantum super impedimentis occultis, quæ matrimonium non dirimunt dispensare, vel dispensari mandare.

At à dispensationibus super quocunque impedimento, ex quoniam gradu, siuè consanguinitatis, siuè affinitatis ex copula licita, siuè ex cognatione spiritali proueniente, etiam in foro conscientie tantum, tamen si impedimentum sit occultum, & periculum scandalorum immineat, in iisdem matrimonijs contrahendis, abstineat.

In contractis verò matrimonijs à dispensatione, seu matrimonij reualidatione in gradibus primo, & secundo tantum consanguinitatis, vel affinitatis, ex copula licita, etiam in occultis pariter abstineat; præterquam si in huiusmodi secundo tantum gradu impedimentum saltem per decennium durauerit occultum, & oratores simul publicè contraxerint, & conuixerint, & uti coniuges legitimi reputati fuerint. In tertio autem, & quarto gradibus occultis possit dispensare, ac etiam in iisdem tertio, & quarto gradibus publicis reualidare matrimonia nulliter contracta, ex causa subreptionis, vel obreptionis occultæ literarum Apostolicarum, præterquam si falsitas consistat in narratione præcedentis copulæ, quæ tamen antea non intercesserat.

Quod si Oratores qui obtinuerint a nostra Dataria dispensationem super gradu prohibito, tam in primo, & secundo, quam in secundo tantum, ac etiam in tertio, vel quarto, tacita copula inter eos sequuta, quam sine honoris detrimento detegere non valent, & ratione huiusmodi taciturnitatis, petant dispensationem pro matrimonio contrahendo; seu reualidationem matrimonij contracti, possit idem Maior Pœnitentiarius, si copula sit adhuc secreta, in foro conscientie tantum concedere; facta, quando agitur de primo, & secundo, vel secundo tantum gradu compositione quinquaginta ducatorum auri de Camera, ad Datariam transmittendorum, ad effectum ut inconcussi moris est, erogandi in eleemosynas, nisi prior gratia expedita fuisset in forma pauperum, quo casu, etiam hæc gratia absque vlla compositione similiter expeditur.

Si verò Oratores, qui obtenta dispensatione a Dararia super impedimento primi, & secundi, siuè secundi duntaxat gradus con-

consanguinitatis, seu affinitatis, cum expressione quidem carnalis copulæ, sed tacita occulta, & malitiosa intentione in ipsa copula habita, ad facilius habendam dispensationem; pro reuailidatione huiusmodi dispensationis, recurrant ad dictam Pœnitentiariam; possit idem Maior Pœnitentiarius desuper dispensare cum miserabilibus personis explicitè affirmantibus, se vti tales, & sub illa expressa qualitate, & forma miserabilium dispensationes a Dataria obtinuisse; Cum ijs verò qui non tamquam pauperes, sed vti ex honestis familijs, seu vti nobiles, siue vti illustres fuerint, similiter ab eadem Dataria dispensati; Idem Maior Pœnitentiarius non dispense, nisi soluta priùs in Dataria, ad effectum pariter erogandi in eleemosynas, taxa cum Datario pro tempore existente concordanda. Quod si supplicantes sint pauperes, ita vt verè, & realiter integram summam taxatam, vel aliquam eius partem soluere nequeant, præfatus Maior Pœnitentiarius insimul cum eodem Datario opportune provideat. Super impedimento occulto affinitatis ex copula illicita, seu ex actu fornicario proueniente, quotiescunque adit rationabilis causa, licet periculum renelationis, seu scandalorum non immineret, vel non adesset; In matrimonijs tam contractis, quam contrahendis in foro conscientie tantum; Quoties verò affinitas huiusmodi post contractum matrimonium superuenerit, vt debitum peti possit, in eodem conscientie foro dispensare, & dispensari mandare possit, & valeat.

Super occulto impedimento criminis adulterij, si fuerit cum fide data dumtaxat, neutro machinante commissum, possit tam in contrahendis, tam contractis matrimonijs dispensare; Si verò crimen huiusmodi fuisset utroque, vel altero machinante patratum, possit dispensationem concedere, rarò tamen, & quando necessitas postulauerit, ratione alicuius grauis imminents periculi, quod prudentia Maioris Pœnitentiarij, re præsertim discussa in Congregatione, vel Signatura, arbitrandum erit.

Declaramus tamen; quod facultates præfatæ a nobis Maiori Pœnitentiario, & eiusdem Pœnitentiarie officio concessæ circa dispensationes matrimoniales, locum habeant, etiamsi graues, & impedimenta huiusmodi multiplicia sint, quacunque, & quantacunque multiplicitate; Volentes in literis huiusmodi dispensationum matrimonialium posse prolem, vbi opus erit, siue susceptam, siue suscipiendam, non tamen in adulterio conceptam; in foro conscientie tantum legitimam decernere, necnon, apponi clausulam nullis, &c. prout in huiusmodi materijs hæc-

nus

nus ipsa Pœnitentiaria seruare consuevit.

Vota simplicia quæcûque quomodolibet emissa, tamen si priuato iuramento confirmata, etiam castitatis, Religionis, Visitationis liminum Sanctorum Apostolorum Petri, & Pauli de Vrbe, sepulchri Domini, & Sancti Iacobi de Compostella, possit idem Maior Pœnitentiarius in alia pietatis opera commutare, votorum implementum differre, ab illorum transgressionibus absoluerè, & cum ijs qui matrimonium contrahendo votum castitatis transgressi sunt, ad licitè debitum coniugale petendum dispensare, & respectiue commutari, differri, absolui, & dispensari mandare, semper in foro conscientie tantum, possit & valeat; Consideratis causis commutationum, dilationum, absolutionum, & dispensationum huiusmodi, & adiectis clausulis quas apponere, ijsque iniunctis, quæ iniungere hæcenus Pœnitentiaria laudabiliter consuevit.

De Impedimento Criminis.

QVÆSTIO DECIMANONA.

S V M M A R I V M.

- 1 Quot sint species Criminum.
- 2 Circa primum; quando est homicidium purum sine adulterio, in personam alicuius coniugis, utroque machinante, inducitur impedimentum impediens, & dirimens.
- 3 Exemplum ad maiorem intelligentiam.
- 4 Ampliatio.
- 5 Observatio.
- 6 Limitationes.
- 7 Cur hoc impedimentum ab Ecclesia inductum sit.
- 8 Non inducitur hoc impedimentum, nisi mors Coniugis sequatur.
- 9 Quod si aliquis dederit mandatum occidendi, sed postea renouauit mandatum, Coniugis non secuta morte.
- 10 Circa secundum impedimentum quando adulterium est mixtum cum homicidio.
- 11 Exemplum ad maiorem notitiam.
- 12 Limitationes.
- 13 Dubium in hac materia.
- 14 Alia maior difficultas.

- 15 Circa tertium; quando interuenit adulterium mixtum, cum promissione de contrahendo, matrimonio.
- 16 Ampliationes circa hoc.
- 17 Si interpositum sit Decretum ab Ecclesia scilicet separatio Tori, inter Antonium, & Camillam, ob adulterium commissum, an durante ista separatione Tori, possit Camilla alteri fidem dare, & contrahere in futurum, secuta morte Antonij.
- 18 Limitationes.
- 19 Observatio necessaria circa hoc impedimentum.
- 20 Circa quartum; quando adulterium est mixtum cum matrimonio de presenti, inducitur hoc impedimentum.
- 21 Exemplum.
- 22 In hoc impedimento criminis, duo sunt necessaria copulatiue, vt hoc impedimentum contrahatur.
- 23 Si verò mulier ignorabat virum habere uxorem, vel è conuerso, sed potius credebat illa carere, & ita fuit in bona fide; Quaritur, an hoc matrimonium sit validum, & quid sit faciendum.
- 24 Vt matrimonium possit contrahi postea sine dispensatione, requiritur vt semper alterius Coniugis bona fides interueniat, & habita notitia nunquam petat, neque reddat debitum.
- 25 Quid si filij sint nati de hac secunda muliere, qua semper in bona fide fuit, queritur an sint legitimi.
- 26 Si dispensatio subreptitiè à viro sit obte nta à Summo Pontifice, & mulier in bona fide fuit; In foro externo matrimonium pro valido habetur; & filij sunt legitimi, ob bonam fidem alterius.
- 27 Quando mater filios concepit, & peperit in mala fide existens, in supradicta dispensatione subreptitia, ad eos legitimandos, quid requiratur.

1 **Q**uintum impedimentum impediens, & dirimens matrimonium, est crimen. De quo criminis impedimento, est titulus, de eo qui duxit in matrimonium, quam polluit per adulterium; Et etiam Textus notabilis in cap. laudabilem de conuersione infidelium, & multi Canonες in 21. quasi. 1.

Primo circa hoc criminis impedimentum, quatuor species criminum sunt considerande, & de vnaquaque videndum est.

Primum igitur crimen, est homicidium coniugis vnius, vtroque machinante.

Secundum crimen est, adulterium mixtum cum homicidio.

Tertium crimen est, adulterium mixtum cum promissione de contrahendo matrimonio.

Quar-

Quartum crimen est, adulterium mixtum, cum matrimonio de presenti.

2 Circa primum; quando est homicidium purum, sine adulterio, in personam alicuius Coniugis, utroque machinante, inducitur impedimentum matrimonij impediens, & dirimens, *dic. cap. laudabilem de conuersione infidelium, & cap. Super hoc de eo qui duxit in marit. quam polluit per adult. Can. si quis uiuente 31. quest. 1.*

3 Exemplum potest esse huiusmodi; Petrus solutus captus amore Lucretiæ vxoris Pauli, cum qua nullum commisit adulterium, sed ipsa Lucretia ad finem contrahendi matrimonium cum dicto Petro, ipso sciante & consentiente, virum suum Paulum veneno, vel ferro occidit, sequuta morte Pauli, Lucretia non potest contrahere matrimonium cum Petro, ratione impediendi criminis, *ex dist. cap. laudabilem de conuers. infid.*

4 Ampliatur ista Conclusio, quod etiam procedit, siue Petrus, siue Lucretia occiderit Paulum, siue per se, siue per alium, *cap. 1. eodem titulo.*

Ampliatur secundò ut etiam procedat, è conuerso, si Petrus vxoratus occidat suam vxorem, ad finem contrahendi matrimonium Lucretia soluta, siue per se, siue per alium, siue veneno, siue ferro; Dum tamen vterque tam Petrus, quam Lucretia mortem vxoris Petri, machinatus sit; & sic utroque machinante, quod semper intelligitur, matrimonium non potest consistere inter eos. Tantò magis procedit, si Petrus occidat suam vxorem, & Lucretiam virum suum, ad finem contrahendi matrimonium inter eos, ex impedimento criminis, matrimonium nullum est, utroque machinante. Vnde si vnus illorum machinatus sit mortem absque conspiratione alterius, non contrahit impedimentum dirimens matrimonium, modò non intercesserit adulterium cum homicidio. *cap. Super hoc de eo qui duxit in matrimonium, & c. Nauarrus cap. 22. num. 46.*

5 Nota quod semper requiritur consensus vtriusque Coniugis ad occisionem, ut suprà dixi, cum intentione contrahendi inter se; Sed quando interuenit copula, sufficit ad impedimentum dirimens matrimonium, aut adulter, vel adultera occidat, etiam altero ignorante, contrà quem adulterium stat pro eius consensu. *Toletus de instructione Sacerdotum lib. 6. de impedimento criminis, cap. 6. num. 3. Nauarrus cap. 22. num. 46. & dist. cap. Super hoc de eo qui duxit & c.*

6 Limitatur supradicta Conclusio, quod non inducitur hoc impedimentum criminis, nisi sequatur mors saltem vnius coniugis,

ex facto, & opera vtriusque tam Petri, quam Lucretiæ; & ideo si Lucretia viro suo venenum dederit, ad finem contrahendi matrimonium, & Petrus hoc sciuerit, sed tamen ex hoc veneno Paulus vir eius non periit sed sanatus est, sed tractu temporis dictus vir Lucretiæ morte naturali obiit; possent dictus Petrus, & Lucretia contrahere, quia non fuit sequuta mors ex illo crimine; nam requiritur effectus consummatus, scilicet vt mors sequatur. Ità Abbas in dict. cap. Super hoc de eo qui duxit &c. Can. Si quis viuente 31. quæst. 1. & dict. cap. Laudabilem &c. Bonacina de mairimonio, de impedimento criminis, quæst. 3. punct. 6. num. 5. in fine vers. quarta, vide Sanchez lib. 7. de impedimento criminis disput. 78. num. 7.

Limitatur secundò, quando Petrus, vel Lucretia occiderit suum coniugem, altero ignorante, modò non intercessisset adulterium cum homicidio, dict. cap. Super hoc de eo &c. tunc enim possent contrahere.

Limitatur tertio, vt non procedat quando sequuta est mors alterius coniugis, non ad finem contrahendi matrimonium, sed in rixa, vel in bello, vel ob inimicitias, vel huiusmodi, dict. cap. Si quis 31. quæst. 1. vide Glossam.

- 7 Vnde qui conuentionem fecerit cum Berta occidendi illius virum ex odio, siue vindicta, non ex intentione contrahendi matrimonium inter se, non contrahitur impedimentum criminis, ex dict. cap. Si quis loc. cit. Ratio est, quia hoc impedimentum inductum fuit ab Ecclesia, ne alter coniux vita priuaret alterum, ad contrahendum matrimonium cum eo, cum quo fecit conuentionem occidendi alterum coniugem; In supradicto autem casu non priuat alterum vita, ad hunc finem. Sanchez lib. 7. disp. 78. num. 13; & alij.

Præterea; si præfata Lucretia vt facilius contraheret matrimonium cum Petro (dummodo neutro machinante) audita occisione, vel morte ipsius viri, ratam habuit; per hoc, cum ratihabitio æquiparetur mandato, an possint contrahere matrimonium.

Resp. Quod quamuis Regula sit, quod ratihabitio retrotrahitur, & mandato æquiparetur, tamen non habet locum in hoc criminis impedimento fauore matrimonij, & ideo nullum impedimentum criminis est contractum inter eos, quamuis peccatum sit; Glossa in dict. Can. primo si quis viuente 31. quæst. 1. Ioannes Gutierrez de matrimonio cap. 105. num. 8. tomo. 1. 23 & 3. Sanchez lib. 7. disp. 78. num. 6. Nauarrus cap. 22. num. 46. Ac etiam syl.

Syluester verbo matrimonium 8. *quest.* 9. sic inquit: Si homicidium mandauit, vel consuluit, quod idem est, ac si interfecisset: Si verò nihil horum fecit, sed tantum ratum habuit, dicendum est, quod si nihil operata est, vt occideretur; rati habitio non inducit hoc impedimentum, siue sit factum homicidium nomine suo, siue non, licet in alijs maleficijs rati habitio retrahatur, & comparetur mandato. *qui citat Iura, & DD.*

- 8 Limitatur vltimò, quando non succedit homicidium Coniugis, sed alterius consanguinei, etiam patris, vel matris, non inducitur hoc impedimentum; Veluti si Berta filia Petri vult ducere Antonium in virum, & ille eam in vxorem, sed pater non vult dare eam in matrimonio dicto Antonio; Idem verò Antonius occidit patrem Bertæ, illa etiam machinante, ad finem contrahendi matrimonium, sequuta morte patris præfatæ Bertæ, ipsa poterit ducere Antonium in virum, nec adest impedimentum, huius criminis, etiamsi occiderit matrem, vel Tutorem, vel Patrum ipsius Bertæ, nolentes eam sibi collocare; his namque casibus matrimonium consistere poterit inter eos, nam tunc contrahitur hoc impedimentum criminis, quando vnus ex coniugibus occisus sit. *DD. locis citatis: & Sotus in 4. distinct. 37. quest. vnica art. 4.* in principio ait: quamuis sit grauius peccatum, sed non inducit impedimentum patrem, vel matrem occidere. Ratio cur impedimentum ab Ecclesia inductum sit, est, vt vitentur credes, & adulteria inter coniuges, quæ sublata spe contrahendi inter delinquentes, non ità facillè committuntur. *DD. citati Can. Si quis 31. quest. 1.*

- 9 Dixi vt mors sequatur, cum requiratur effectus consumatus, vt supra clarè dixi.

Hinc patet: eum qui dedit mandatum occidendi, sed postea renocauit mandatum, morte non sequuta, non esse reum huius criminis, seu impediendi, cum requiratur effectus sequutus; *dic. Can. Si quis. Bonacina de matrimonio, de impedimento criminis, quest. 3. punct. 6. num. 6. Sanchez loc. cit. num. 7.*

- 10 Circà secundum, quando adulterium est mixtum cum homicidio, inducitur impedimentum criminis impediens, & dirimens matrimonium, *dic. cap. Super hoc de eo qui duxit &c. Can. Denique. Can. Si quis viuente, Can. Illud 31. quest. 1.*

- 11 Exemplum est huiusmodi: Titius committebat adulterium, cum Lucretia vxore Petri, cum qua volens contrahere matrimonium, ad hunc finem occidit Petrum virum Lucretiæ, ipsa non con-

consentiente, siue ignorante, etiam contradicente: secuta morte Petri, inter eos non potest esse matrimonium, ratione criminis; Ideò indigent dispensatione Summi Pontificis, nam in hoc casu sufficit ad inducendum hoc criminis impedimentum vnus coniugis consensus, cum adulterium sit loco consensus alterius coniugis futuri, vt dixi.

- 2 Limitatio. Sed si Titius, qui committebat adulterium cum Lucretia vxore Petri; Petro postea naturaliter mortuo, vellet ducere Lucretiam, in hoc casu potest esse matrimonium inter ipsos, dummodo Lucretia non promiserit Titio cum quo adulterata est se contracturam post obitum Coniugis; Quando ergo intercedit promissio matrimonij inter adulterum, & adulteram cum copula, siue antecedenti, siue consequenti proinssionem, tunc est impedimentum, vt contrahere nequeant, vt habetur in cap. de eo qui duxit vxorem, quam polluit &c. & cap. Significasti eodem titulo. Toletus in instrum. Sacerd. lib. 7. cap. 6. num. 4.

Limitatur, vt non procedat, quando commissum est homicidium mixtum adulterio, non ad finem contrahendi matrimonij, sed in rixa, in duello, vel huiusmodi; tunc enim non contrahitur hoc impedimentum, dic. cap. laudabilem de conuers. infid. vt melius intelligatur.

- 13 Sit dubium. Titius adulterauit cum Lucretia vxore Petri, & publice scitur ab omnibus; Petrus deinde occisus est a Titio, qui in conscientia asserit, se non ad finem contrahendi matrimonium, cum Lucretia occidisse, sed ob inimicitias, vel in rixa. An in hoc casu matrimonium possit iniri inter Lucretiam, & Titium, cum sit homicidium mixtum cum adulterio, vel adulterium mixtum cum homicidio.

Resp. Quod in foro Poli, hoc est in conscientia, & foro Dei, possent contrahere matrimonium; Verum quia Ecclesia non iudicat de occultis; ideò in foro fori necesse est in hoc matrimonio contrahendo dispensatio Summi Pontificis, alias nullum est matrimonium in foro exteriori. Sotus in 4 sentent. distinct. 37. qu. 1. art. 4.

- 14 Sed maior difficultas. Caius committebat adulterium cum Berta vxore Pauli secretò, nullam habens intentionem contrahendi matrimonium cum ea; post adulterium commissum Paulus animaduertens adulterium, decreuit occidere suam vxorem, & Caium adulterum, multaque signa ostendebat ambos occidere, quæ signa cum videret vxor sua, dixit Caio, quicquid maritus operatur, vt ipsos occidat; Caius adulter vna cum adu-

ra per præuentionem occiderunt Paulum, sine intentione contrahendi inter eos matrimonium, sed ipsum occiderunt, vt commodius adulterium committerent, mortemque communem effugerent; sequuta morte Pauli, Berta dixit Caio, vt eam in vxorem acciperet, dum cum ea filios procreauit tempore adulterij; An hoc matrimonium possit consistere, cum sit adulterium mixtum cum homicidio in persona Pauli, vtroque machinante mortem Pauli.

Videtur affirmandum per supradicta; Ratio est, quia huiusmodi homicidium per præuentionem fuit patratum, & ad alium finem, quam ad finem matrimonij contrahendi, & in foro Dei non indigent dispensatione, sicque matrimonium valeret, cum occultum sit homicidium. Ità *Nauarrus in Consil. primo de eo qui duxit in matrimonium quam polluit &c.* Sed si homicidium esset publicum, quamuis sit patratum ad alium finem, non autem ad finem matrimonij contrahendi, tamen præsumeretur in foro Ecclesiastico, quod esset patratum ad finem contrahendi matrimonij; Et per hoc in isto foro requiritur dispensatio. *Nauarrus in dic. Consil. primo; Et in manuali, cap. 22. num. 46.*

15 Circa tertium, quando scilicet interuenit adulterium mixtum cum promissione de contrahendo matrimonio, inducitur hoc criminis impedimentum impediens, & dirimens matrimonium, *cap. finali de eo qui duxit &c. Can. Relatum 31. quæst. 1.* & ratio huius conclusionis est, ne sublata fide præstita ab vxore marito, procuret cum adulterio mortem coniugis.

16 Ampliatur primò ista conclusio, vt hoc impedimentum criminis inducatur, siue vterque sit coniugatus, siue alteruter tantum; semper enim hoc inducitur impedimentum, & mortuo vtroque coniuge, vel altero, non potest inter eos esse matrimonium sine dispensatione. *DD. citandi infra.*

Secundò ampliatur, vt etiam procedat siue adulterium præcedat fidem, siue fides præcedat adulterium; nam semper contrahitur hoc impedimentum, *cap. Significauit de eo qui duxit &c. Sotus in 4. Senten. distinct. 37. quæst. 1. art. 4. Bonacina de impedimento criminis quæst. 3. punct. 6. num. 8. in fine.*

Tertiò ampliatur, vt etiam procedat, siue fides sit præstita de matrimonio contrahendo, siue sit iuramentum appositum, siue nuda tantum sit promissio, nam semper hoc impedimentum contrahitur, nam omnia hæc Domino Deo displicent. *Can. iuramenti 22. quæst. 5.* Et Ecclesia hoc statuit, ne detur ansa captandæ mortis coniugis.

Quan-

Quarto ampliatur etiam si promissio de contrahendo matrimonio fuerit inualida, quia inter promittentes non poterant consistere sponsalia, & inter eos interuenit Adulterium.

Exempli gratia, mulier quædam habebat virum absentem per decem annos, & nunquam nuncium certum habuit de morte ipsius, qui adhuc vivebat; interim commisit adulterium cum Titio, qui sciebat eam habere virum, ac etiam promisit cum ea contrahere matrimonio secuta morte viri; postea venit certus nunciatus de morte viri; Titius non potest contrahere matrimonium, quia interuenit promissio cum adulterio, viuente viro, quamuis sponsalia nulla fuerunt. *Nauarrus Consil. 2. de eo qui duxit &c.*

Quintò ampliatur conclusio, vt procedat, etiam si Adultera haberet virum, cum quo contraxit matrimonium ratum tantum, & non consummatum, vel è conuerso; Adhuc enim hoc impedimentum contrahitur per adulterium mixtum cum promissione de matrimonio contrahendo. *Nauarrus cap. 22. num. 46.*

- 17 Quid si interpositum sit decretum ab Ecclesia, vt separatio Tori inducatur inter Antonium, & Camillam ob adulterium commissum per illam; An durante ista Tori separatione, Camilla possit alteri fidem dare, & contrahere in futurum, sequuta morte Antonij viri sui.

Resp. Negatiue, quia adhuc durat vinculum matrimonij indiuiduum; Ideoque si durante separatione Tori, Camilla enim Titio commisit adulterium, & fides inter eos sit præstita, vel nuda promissio de matrimonio contrahendo, mortuo Antonio viro Camillæ, inter eam, & Titium, non potest esse matrimonium, propter hoc impedimentum inductum. *cap. significasti de eo qui duxit &c. Nauarrus cap. 22. num. 46.*

- 18 Primò limitatur ista conclusio, vt non procedat, quando adulterium tantum interuenit sine promissione de matrimonio contrahendo; Vel è conuerso, quando sola interuenit promissio sine adulterio; nam tunc potest esse inter eos matrimonium sine dispensatione, cum ad inducendum hoc impedimentum duo copulatiue requirantur, adulterium scilicet, & promissio de matrimonio contrahendo. *DD. citati.*

Secundò limitatur, vt non procedat, quando interuenit fides, seu promissio de contrahendo matrimonio, & interuenerunt multi actus impudici, inter virum, & mulierem coniugatam, sed nunquam fuit deuentum ad copulam carnalem, & consummationem ipsius; nam tunc potest esse matrimonium, sine dispensatione, mortuo viro. *Sotus in 4. senten. distinct. 37. quest. 1. art. 4.*

Nauarrus cap. 22. num. 46. cap. significasti, & cap. ultimo de eo qui duxit &c. Can. primo 31. quest. 1.

Tertiò limitatur, quod non inducitur hoc impedimentum, quando altero ignorante, & altero sciente commissum est adulterium, & fides interuenit, vel nuda promissio de matrimonio contrahendo; nam postea inter eos erit, & potest esse matrimonium sine dispensatione, veluti.

Petrus coniugatus rem habuit cum Lucretia soluta, & sic commissum est adulterium, & Lucretia fidem habuit a Petro; ipsum cum ea matrimonium contrahendum, sed nihil sciebat de vxore Petri, & in bona fide stetit, credens illum vxorem non habere; mortua vxore Petri, inter ipsum, & Lucretiam in bona fide stantem, & ignorantem, matrimonium potest consistere. Ità in cap. *ueniens de eo qui duxit &c.* vnde hoc matrimonium non eget dispensatione Summi Pontificis, sed liberè fieri potest. cap. *primo de eo qui duxit &c. Nauarrus cap. 22. nu. 46.*

Quartò limitatur. Hoc verò perplexum est dubium; Si coniugatus fidem dedit Mariæ sine adulterio, & mortua vxore ducit Bertam; & postea adulteratur cum Maria, vtrum tunc exurgat impedimentum, vt mortua Berta, nequeat contrahere cum Maria.

Resp. Quod potest contrahere; & ratio, quia contrahens cum Berta videtur recessisse a fide data Mariæ per intermedium matrimonium, & spes, seu ansa machinandæ mortis vxoris extincta est, inito secundo matrimonio. *Abbas in cap. si quis de eo qui duxit &c. Syluester verbo matrimonium 3. quest. 9. Sotus in 4. sent. distinct. 37. quest. unica art. 4.*

- 19 Illud autem scire oportet in hac materia, quod conclusio in qua asserimus, quod adulterium mixtum cum promissione de matrimonio contrahendo, impedit, & dirimit matrimonium; intelligitur quando promissio interuenit per modum sponsaliorum, mutuo consensu contrahentium; Ideoque si non repromittitur ab altero ex adulteris, hoc impedimentum non contrahitur; Veluti si adultera dicat adultero, post mortem viri mei, & vxoris tuæ, promittis me ducere in vxorem; & adulter non dicit promitto; sed dicit, vulgari sermone; *bastà, bastà*, aut, *qualche cosa farà*, vel alia similia verba, per quæ sponsalia non contrahantur, nec repromittit, nec interrogationi respondet; hoc impedimentum non contrahitur, & per hoc licitè matrimonium sine dispensatione contrahi potest. *Syluester verbo matrimonium num. 9. Sotus & Nauarrus locis citatis, supradicta verba bastà &c. non si-*

R

guifi.

guificant promissionem, neque pollicitationem, nec habent adiunctum periculum machinandæ mortis alterius, ad quam præcauendam Ius induxit hoc impedimentum, Ius autem requirit promissionem; Ficta autem promissio, appellatur promissio solo nomine, nec est vera promissio, consequenter non sufficit ad inducendum hoc impedimentum; quia facta fuit animo decipiendi, & in foro conscientiz non inducit impedimentum. Ità Bonacina de impedimento Criminis quest. 3. punct. 6. §. 3. num. 8. in fine. Henriquez lib. 12. cap. 14. num. 3. Rebellus lib. 3. quest. 8. num. 10. & alij. Sanchez, Gutierrez existimant sufficere fictam promissionem; tamen eorum argumenta facile soluuntur ex præfatis rationibus.

20 Circà quartum, quando adulterium est mixtum cum matrimonio de præfenti inducitur hoc impedimentum, si tamen adulterium interueniat. Solutus in 4. sent. distinct. 37. quest. unica art. 4. §. sed si.

21 Exenplum. Petrus Hispanus, habens vxorem in sua Regione, venit Neapolim, asserens se non habere vxorem, sed esse solutum; Matrimonium de præfenti contraxit cum Camilla Neapolitana consentiente, & sciente illum habere vxorem; si moriatur prima vxor, mortua illa non poterit matrimonium contrahere cum eadem Camilla; Et si cum Camilla velit contrahere, indiget dispensatione, quia contractum est impedimentum criminis inter eos per adulterium mixtum cum matrimonio de præfenti. Ità textus in cap. veniens penultimo, & ultimo de eo qui duxit &c.

22 Vt autem hoc impedimentum contrahatur, duo sunt necessaria copulatiue, & vnum sine altero non sufficit ad dirimendum matrimonium; Primum vt interueniat matrimonium de præfenti cum adulterio; Secundum vt utroque sciente, tam viro, quam muliere committatur hoc adulterium; Id est tam vir, quam mulier sciat adesse aliam vxorem in sua regione. Nam si quis viuente prima secundam huius rei insciam duxerit vxorem, mortua prima licite remanet cum secunda, nouo consensu interueniente, modò impedimentum sit occultum. Summa in cap. veniens, de eo qui duxit in matrimonium, quam polluit per adulterium. Nauar. cap. 22. n. 46. & 47. Sanchez lib. 7. disp. 79. n. 31. qui alios DD. citat. Hinc vt euitentur multæ fraudes, & scandala, rectissime statutum est à Cone. Trident. in cap. Multi sess. 24. vt alienigena ducturus vxorem in aliquo loco fidem producat se aliam non habere vxorem; aliàs non admittatur ad matrimonium contrahendum ab Ordinario loci, eo modo quo diximus supra.

Sic quoque contrahitur hoc impedimentum, si Petrus per te-

stes

stes falsos, & fidem falsam ostendit se aliam non habere vxorem in sua regione, & mulier cum qua contrahit sciebat illum aliam habere vxorem viuentein, vel dissimulauit & tacuit; nam mortua illa vxore in sua regione, inter eos non potest esse matrimonium sine dispensatione Summi Pontificis; Secus si prima non erat legitima vxor. *cap. significat de eo qui duxit &c.*

- 23 Si verò mulier ignorabat illum habere vxorem, sed potius credidit illa carere, vt potè qui per fidem falsam ostendit se carere, & ita fuit in bona fide in matrimonio cum eo contracto; si venerit certum nuncium mortuam esse veram vxorem, an hoc matrimonium cum hac secunda muliere sit validum, & quid sit faciendum.

Resp. Quod matrimonium nullum fuit, sed perfici potest reuocando consensum, in quo non est necessaria dispensatio Summi Pontificis propter bonam fidem, & innocentiam mulieris. *dic. cap. veniens de eo qui duxit &c.* Et in hoc casu, in renouatione consensus mulier decepta potest virum repudiare, quia inter eos nunquam fuit matrimonium; Homo verò deceptor omninò complere, & perficere tenetur hoc matrimonium ne ex suo dolo commodum consequatur. Quod si mulier consenserit, non amplius indiget denunciationibus, neque amplius Parochi, & testium præsentia, cum hoc impedimentum sit secretum, & secreto renouabitur consensus. *Nauarrus cap. 22. num. 46. 47. & 70. in fine. Bonacina de impedimentis matrimonij, & præcisè de impedimento Crimenis quest. 3. punct. 6. num. 8. circa finem §. verum. Et in cap. Propositum, de eo qui duxit in matrimonium quam polluit per adulterium. Sotus in 4. sentent. distinct. 37. qu. unica art. 4. §. Tertium verò Crimen.*

Prudens verò Confessarius, quando mulier est inscia, admonet istum hominem deceptorem, ne reuelet suam turpitudinem mulieri, quia nunquam quietè viuerent, dum eam sic decepit, & renouabitur consensus cum aliquo prætextu, siuè colore, veluti dicat Camilla mea te valdè diligo, & si non consensissem, utique contraherem tecum ob tuas qualitates, & mulier utique similia verba responderet, & sic renouaretur consensus sine scandalo, & hæc est vtilis praxis. Idem *Nauarrus loc. cit.* quod diximus, intelligitur quando impedimentum est occultum, quando verò impedimentum est publicum, opus est, vt denuò matrimonium incant cum dispensatione coram Parocho, & testibus. *Sanchez lib. 7. de impediment. disp. 79. num. 39.*

- 24 Verum retento eodem casu, si post duos menses post matrimonium contractum de præsentia, Camilla Neapolitana habuerit noti-

titiam de alia vxore Petri hyspani, & per hoc constituitur in mala fide, & post illam malam fidem reddit, vel petit debitum a Petro, sicut antea faciebat, cum adhuc viuebat Petri vxor, contrahitur hoc impedimentum, & ea mortua non poterit matrimonium contrahere cum Petro sine dispensatione; cum sit contractum hoc criminis impedimentum, propter malam fidem superuenientem; Nam ad hoc vt possint contrahere matrimonium sine dispensatione, requiritur, vt semper alterius coniugis bona fides interueniat vsque ad certum nuncium de morte primæ vxoris, & habita notitia nunquam petat, neque reddat debitum. *Nauar. Consil. 3. de eo qui duxit &c. & est tex. de hac materia in cap. veniens eodem titulo de eo qui duxit &c.*

- 25 Si autem filij sint nati de hac secunda muliere, quæ semper in bona fide fuit in matrimonio, viuente prima vxore, isti filij legitimi sunt, cum bona fides matris eos legitimos faciat; & ideo in bonis succedere possunt. *cap. Ex tenore, qui filij sint legitimi & cap. penult. fin. de eo qui duxit &c.* & non solum in maternis succedunt, sed etiam paternis, ex dictis Iuribus, quamuis matrimonium nullum, & inualidum fuerit, & totum hoc fit ob bonam fidem, quam habuit alter coniux, ob quam matrimonium quamuis nullum, filios legitimos facit.
- 26 Ex his inferitur, quod si dispensatio surreptitiæ à viro sit obtenta a Summo Pontifice, & mulier bona fide fuit semper in matrimonio, ob illam bonam fidem, matrimonium in foro exteriori pro valido habetur, & filij sunt legitimi, ob bonam fidem alterius coniugis; Ideoque inferri poterit ad similia in quibus bona fides vnius coniugis, facit legitimos filios. *cap. Ex tenore qui filij sint legitimi.*
- 27 Si tamen mater filios concepit & peperit, in mala fide existente ipsa, & viro suo in hac dispensatione surreptitia, tunc filij sunt illegitimi, & ad eos legitimandos necesse est, vt impetretur alia dispensatio a Summo Pontifice, in qua fieri debet expressio, & mentio, quod sunt concepti, & parri in mala fide vtriusque; & vir aliam habebat vxorem. *Abbas in cap. Cum haberet, & in cap. Veniens de eo qui duxit &c.*
- Sed si dispensatio obtineri non possit, eorum Pater de Iure Canonico eis alimenta, & filiabus dotem, quæ loco alimentorum succedit, præstare cogetur. *Abbas loc. cit.*

De Iure verò Ciuili tales filij, & filix omni legum auxilio destituuntur. *Authen. Ex complexu C. de incestuosis nuptijs.* Hodie autem statur non solum de Iure Canonico, sed etiam de Iure Ciuili

nili; quia Ecclesia hoc induxit ex quadam æquitate naturali, ne filij alimentis priuati, pereant.

Sextum Impedimentum impediens, & dirimens Matrimonium est Cultus Disparitas.

Q V Æ S T I O X X.

S V M M A R I V M.

- 1 *Quid significat Cultus disparitas, & qua ratione non potest consistere matrimonium inter duos diuersæ fidei.*
- 2 *An Christianus possit contrahere matrimonium cum Cathecumena; & quid si contraheret cum hæretica, vel schismatica; vel è conuerso.*
- 3 *Quæ sint conditiones, quando alter Coniux infidelis conuersus ad fidem, alter verò remanet in sua infidelitate; ut possit dicere uxorem viua uxore infideli, & è contra.*
- 4 *An matrimonium contractum inter duos Christianos, si alter Coniux fiat hæreticus, vel Apostata dissoluatur.*
- 5 *Quid si prædictus hæreticus resipuerit; an uxor teneatur eum recipere.*
- 6 *An hæretici conscii, habentes complices, & ad fidem conuersi, possint absolui vigore Iubilei, in quo datur facultas Confessarijs absoluedi, à quibuscunque Censuris, etiam in Bulla Cane contentis; Et quid de Hæretico occulto.*
- 7 *Quid faciendum de muliere, quæ habebat virum suum Nantam, qui captus fuit à Turcis, & postea ad notitiam eius peruenit ipsum Turcham esse factum, ibique aliam duxisse uxorem.*

Impedimentum igitur impediens, & dirimens matrimonium est Cultus disparitas.

- 1 Matrimonium non potest consistere inter duos disparis Cultus, idest diuersæ fidei, sed benè consistit inter duos eiusdem cultus, siuè fidei; scilicet non potest consistere matrimonium inter Christianum, & mulierem infidelem vel è contra. Huius ratio est, quia in matrimonio requiritur bona educatio liberorû, & quieta habitatio, quæ ratio cessat inter duos diuersæ fidei, cultus enim dispa-

disparitas generat discordiam. Secunda ratio est, quia matrimonium est humani, & Diuini Iuris communicatio. l. 1. ff. de ritu nuptiarum; quæ non cadit in duos, qui non sunt eiusdem Diuini Iuris, & humani.

Benè tamen consistere potest inter duos eiusdem cultus, veluti inter duos Turcas, Saracenos, Paganos, duos Infideles, vel Iudæos; vel inter duos, vnum Iudæum, & alteram Turcam, quatenus est contractus, non tamen quatenus est Sacramentum; seruato tamen iure naturæ, hoc est, ne filius ducat matrem, vel pater filiam, nec frater sororem, cum sit contra Ius naturæ, & a principio nullum fuit matrimonium inter illos, etiam antequam, conuertantur. Pariter illi qui duxerunt plures vxores, si conuertantur non possunt retinere nisi primam, cum qua debent manere, quamuis dederint illi repudium; quod si ista non conuertatur, tunc possunt de nouo eligere vnā ex conuersis, cum qua contrahant nouum matrimonium, vel aliam in Christiana Religione. Filiucci de matrim. par. 2. cap. 7. num. 231. Toletus lib. 7. cap. 7. num. 2.

Quando Infideles Coniuges ad Christianismum conuertuntur, tunc in suo matrimonio debent perseuerare, quamuis contraxerint contra Ius Canonicum, dummodo non habeant aliquid contra Ius naturæ; vt proximè diximus. Hoc habetur in cap. Gaudentius de Diuortijs, vbi notat Papa, quod si in 2. vel 3. vel 4. gradu contraxerunt, adhuc debent manere, quia hi gradus sunt prohibiti Iure Canonico, quod non obligat Infideles. Idem Toletus loc. cit.

Seruato ordine naturæ matrimonium inter Infideles valet, non ratione Sacramenti, sed ratione ciuilis contractus, ad euitandam fornicationem, ac etiam ad Sobolem procreandam. Abbas in cap. Quanto de diuortijs. Sotus in 4. sentent. distinct. 39. quæst. 1. art. 1. & 2. Notabili 5.

Sic etiam optimè, ratione ciuilis contractus, & ratione Sacramenti inter duos Christianos matrimonium consistit, remotis tamen impedimentis impediētib; & dirimentibus matrimonium. Sed non consistit matrimonium inter Christianum, & Turcam, vel Iudæam, vel alium Infidelem, & Christianam; ratione cultus disparitatis matrimonium impediētis, & dirimentis. Et leges Ciuiles mortis penam imponunt Christiano, cum Iudæa, vel alia infideli matrimonium contrahenti. l. Ne quis C. de Iudæis, & si contrahant nullum est matrimonium, vt dixi Can. 23. quæst. 1. Toletus loc. cit. num. 1.

2. Ampliatur quod nec etiam Christianus, vel Christiana possit contrahere matrimonium cum Cathecumena, vel Cathecumeno; qui nondum est baptizatus, vel baptizata. *Can. Cave, Can. si quis Iudaica, & Can. Non oportet, cum multis sequen. 28. quaest. 1.*

At verò si Christianus contrahat cum Muliere hæretica, vel schismatica, vel Apostata fidem negante; vel è conuerso; matrimonium utique valet, quamuis grauissimè peccet, & valet matrimonium ratione characteris indelebilis baptismi, tam si contraheret scienter, quam ignoranter; esset enim tantum error qualitatis, qui matrimonium non irritat, & valet. *Sotus loc. cit. Nauarrus cap. 22. num. 48. & alij.*

3. Matrimonium inter duos Infideles, valet. ut diximus ratione, ciuilis contractus, non ratione Sacramenti, cum careant baptismo; Sed tamen si post contractum matrimonium, alter coniux conuertatur ad fidem, alter verò remanet in sua infidelitate; matrimonium non dissoluitur, nisi quibusdam conditionibus concurrentibus, quibus casibus coniux ad fidem conuersus potest ducere vxorem, viua vxore infideli; Et vxor conuersa viuo viro infideli, potest alium ducere.

Primus casus est, si Infidelis coniux omninò recedat a coniuge conuersa ad fidem, tunc conuersa potest ducere alium, etiam viuente viro Infideli, ita è conuerso. Si aut; Infidelis coniux vult habitare cum vxore conuersa ad fidem Christianam; Tunc subdistinguitur, nam aut habitatio potest fieri sine contumelia Creatoris, aut cum contumelia Creatoris; Si habitatio succederet cum periculo contumeliæ Creatoris, tunc coniux conuersus ad fidem potest recedere, & transire, vel ad aliud matrimonium, vel ingredi Religionem. Si verò habitatio potest fieri sine periculo contumeliæ Creatoris, tunc locum habet dictum. *D. Pauli 1. ad Corinth.* Si quis frater vxorem habeat infidelem, non dimittat illam; hoc totum habetur in *cap. Gaudemus de Dinortijs.* Habitare cum iniuria, & contumelia Creatoris est, si Infidelis maritus vult inducere vxorem in aliquod peccatum, aut retrahere eam in infidelitatem, tunc enim ut dictum est; conuersa potest coniugem relinquere, & contrahere cum altero in Christiana Religione. *Toletus loc. cit. num. 3.*

Et quando coniux infidelis non vult habitare cum coniuge fidei conuerso ad fidem; Eique infideli præfigitur temporis spatium, veluti per mensem; si infra illum mensem præfixum, Infidelis ad fidem non est conuersus, tunc coniux conuersus secundum potest contrahere matrimonium, viuente coniuge infideli, vel

vel etiam potest ingredi Religionem, quæ cautela optima est; quam ponunt DD. & probant *Tex. in multis Can. 28. quæst. 1.*

Quæres quemnam sequantur filij, quando Parens conuertitur ad fidem, altero persistente in infidelitate.

Resp. Sequi conditionem parentis fidelis, quando filij nondum sunt doli capaces. Ità deciditur in *Can. Iudei 23. quæst. 1. in fauorem fidei.*

Dixi quando filij non sunt doli capaces, nam [filij] doli capaces relinquendi sunt in propria libertate, nec sunt cogendi ad fidem, Ecclesia enim non cogit aliquem ad bonum faciendum per vim, sed voluntarium vult militem; *Can. De Iudeis distinct. 45. ità communiter DD. quos citat. Sanchez disp. 73. num. 16. lib. 7.* In dubio an filij sint capaces doli, præsumendum esse in fauorem fidei, addunt *Emmanuel Sà, Coninchus, & alij citati à Bonacina de impedimentis matrimonij quæst. 3. punct. 7. num. 11. de impedimento disparitatis cultus.*

Quamobrem licet Iure attento, filius minor triennio apud matrem educandus sit, maior autem apud patrem *l. Neque C. de patria potestate.* At id fallit quando alter parens infidelis est, tunc enim Infans, etsi triennio minor sit, apud patrem fidelem, educandus est, & quamuis sit maior apud matrem fidelem; quod ratio ætatis, & patriæ potestatis cedunt fauore fidei. Sic docent *Glossa. cap. finali in fine de conuersione infidelium, & multi DD. citati à Sanchez loc. cit. num. 16. in fine.*

- 4 An matrimonium contractum inter duos Christianos, si alter coniux fiat hæreticus, vel Apostata dissoluatur, ità vt innocens coniux secundum matrimonium possit contrahere, viuo coniuge facto hæretico, vel Apostata.

Respondetur quod non potest contrahere secundum matrimonium, eo viuo; benè tamen fidelis non debet cum eo habitare, cum Apostasia, cum hæresis sit fornicatio spiritualis; si enim per adulterium carnale, sit separatio Tori, tantò magis per fornicationem spiritualem; vt in *cap. vltimo de conuers. coniug. Conarr. in 2. par. de matrimonio par. 2. cap. 7. §. 5. num. 4.* Et quamuis secundum matrimonium contrahere non possit, Religionem tamen ingredi, & in ea profiteri coniux innocens licitè potest. *Canon. Agathosa 27. quæst. 2. Ità Abbas in cap. Mulier de conuers. coniugat. num. 6.*

- 5 Et si prædictus hæreticus resipuerit, & ad fidem sit conuersus, & petit admitti ad cohabitationem Tori cum sua vxore, quæ fidelis remansit; an mulier tenetur eum recipere.

Pri-

Prima opinio est ; si mulier innocens nolit monachari , cum recipere tenetur . Ità *Sotus in 4. senten. dist. 39. quæst. 1. art. 4.*

Contraria tamen opinio probabilior est , quod non tenetur , & ratio est ; nam si per fornicationem carnalem dimissam vxorem , vir non tenetur recipere , estò quod millies eam pœniteat , quanto magis in fornicatione spiritali , cum eius vir factus sit infamis per Apostasiam . *cap. De illa de diuortijs . Alfonsus de Castro lib. 2. cap. 7. Conarr. in 2. par. de matrim. cap. 7. §. 5. num. 4.* Dummodo iudicio Ecclesiæ mulier ab eo recesserit . Et *Vrbanus tertius in dic. cap. de illa de diuortijs* , dixit : ad recipiendum cum nullatenus diuini compellendam .

Hæc tamen procedunt de hæretico publico , vel condemnato , qui confcios , vel complices habeat , & postea resipuit , & ad fidem conuersus , & fuit absolutus à Summo Pontifice . Sed quando hæreticus est occultus , si resipiscit , & emendetur , tunc debet recipi ab vxore fideli ; nam cessat ratio infamiæ : nec fornicatio spiritalis est notoria . *Abbas in cap. mulier de conuers. coniug.*

Et ratio quam assignat . *Glossa in dic. cap. ultimo de conuers. coniug.* quare in fornicatione carnali non compellitur maritus recipere vxorem etiã emendatam ; sed in spiritali compellitur , hæc potest esse : *Quia* si maritus cognosceret vxorem post carnalem fornicationem , postea ea mortua , ad ordines promoueri minime potest , propter defectum Sacramenti , & sic præiudicium ei fieret . *cap. si laici distinct. 34.* sed hoc non contingit in fornicatione spiritali , quia per pœnitentiam purgata est .

Item alia ratio , vel causa est ; quia in fornicatione carnali , siue adulterio anima , & corpus polluitur , sed in spiritali tantum anima : Et in carnali fornicatione non tantum fit in anima , quod displiceat marito , sed etiã in corpore ; quod non fit in spiritali , & vir magis scandalizatur ex eo quod fit in corpore , & magis offenditur , quam ex eo quod fit in anima ; ità causa maioris scandali illati viro fit ; Vt post carnalem fornicationem non compellatur , sed post spiritualem fornicationem compellitur , nisi ad Religionem transire voluerit . *dicta Glossa citata .*

6 In Re proposita hic obiter proponam dubium notabile , & menti tenendum , maxime a Confessarijs tempore Iubilei .

An Confessarij tempore Iubilei possint absolvere hæreticum , confcium , siue habentem complices , siue publicum , virtute eiusdem Iubilei , in quo datur facultas Confessarijs approbatis ab Ordinario absoluendi à quibuscunque Censuris , etiã in Bulla Cænz Domini contentis .

S

Resp.

Resp. Quod talis hæreticus præterquam a Summo Pontifice, non potest absolui, neque a Pænitentiarijs Romanæ Curix, neque per maiorem Pænitentiarium, neque vigore Iubilei, in quo datur facultas Confessarijs absoluendi a quibuscunque Censuris, etiam in Bulla Cænæ Domini contentis; nam hic casus implicite est reservatus Summo Pontifici, & ita declarauit Pius V. & Gregorius XIII. ita etiam est stylus in Romana Curia vide. *Barbosam in Colletanea in Concil. Trident. sess. 24. de reform. cap. 6. liceat Episcopis, aliasque rationes, & Iura inuenies in meo lib. Roma impresso de Suffragijs, Indulgentijs, & Iubileis tit. de Iubileo Extraordinario num. 4. & de Iubileo Romano num. 15. & 16.*

De Hæretico verò occulto alij dicunt, quod possit absolui, cum non dum sit hoc declaratum. Sed alij Authores classici negant etiam vigore Iubilei posse absolui. At hodiè occultus hæreticus potest absolui a Maiore Pænitentiario, siuè per se, siuè per alium per Constitutionem nuper editam ab Innocentio XII. sub die 3. Septembris 1692. incip. *Romanus Pontifex in §. Eos tantum hæreticos in foro Conscientie dumtaxat &c. vide Ioannem Aloysium Ricciū par. 3. dec. 279. & 280. qui multos DD. citat. Sanchez etiam de omnibus præmissis, de præceptis Decalogi tom. 1. lib. 2. cap. 2. num. 2. Manuel addit. ad Bullam §. 9. & alij.*

- 7 Dubitatur. Mulier quædam habebat virum suum nautam, qui nauigando captus fuit a Turcis, & post aliquos annos ad notitiam ei peruenit ipsum factum esse Turcani, ibique aliam duxisse uxorem, quæritur quid faciendum de hac muliere.

Resp. Quod potest monachari si vult, sed non potest alium ducere virum illo viuentis; Sed si talis renegatus fugeret a Turcis relinquendo illam secundā uxorem, & ad fidem reuerteretur, & ad suam patriam veniret; hæc sua vxor fidelis ad sui libitum posset illum recipere, vel dimittere, vt in casu suprā proximè narrato, licet non fuerit ab Ecclesia sententiatus, cum paria sint notorium esse hæreticum, siuè condemnatum; Et ideò non tenetur, nec cogi potest illum emendatum recipere, cum rarissimè accadat, quod tales Christiani renegati ad fidem verè conuertantur, cum sint inconstantes, & malæ vitæ, semper enim remanent in eis reliquæ hæresis; propterea consultius faceret hæc mulier si Religionem ingrederetur, ita DD. *suprā citati in Dubio quinto.*

*Septimum Impedimentum impediens &
dirimens Matrimonium, est Vis
& Metus.*

Q V Æ S T I O X X I.

S V M M A R I V M.

- 1 *In matrimonio requiritur consensus liberrimus, Vis autem, & Metus sunt contraria consensui.*
- 2 *Exemplum primum, & secundum.*
- 3 *An Domini temporales, Magistratus Regij, Barones &c. cogentes suos subditos ad matrimonium contrahendum cum persona certa, & designata, incidunt in excommunicationem latam per Concilium Tridentinum.*
- 4 *Metus duplex est intrinsecus, & extrinsecus; gravis, vel levis, scilicet cadens in constantem virum, vel cadens in inconstantem virum.*
- 5 *An matrimonium celebratum per metum leuem sit inualidum, & quid per metum grauem.*
- 6 *Metus dupliciter incuti potest, vel iuste, vel iniuste; quomodo id intelligatur; & quando matrimonium est validum, & quando inualidum, ponuntur exempla.*
- 7 *Utrum matrimonium sit validum, quando stuprator contraxit cum stuprata etiam consentiente, cum lex indifferenter statuat, ut cogatur cum ea matrimonium inire.*
- 8 *An matrimonium sit validum contractum ab eo, qui sub pena excommunicationis cogitur ad contrahendum matrimonium.*
- 9 *Sed maior difficultas est, utrum validum sit matrimonium, quando Iudex secundum allegata, & probata cogit aliquem ad contrahendum, sed coactio materialiter, & a parte rei est iniusta.*
- 10 *An validum sit matrimonium contractum per metum iuste accusationis; Et quid si incutiatur metus mortis priuata auctoritate inferenda.*
- 11 *Non est opus relaxatione Iuramenti, quando matrimonium celebratum fuit per metum grauem, addito Iuramento, nec hoc matrimonium resoluitur in sponsalia, nec peccat contrahens hoc modo.*

- 12 *Utrum matrimonium celebratum per metum incussum à causa libera, non ad hunc finem ut matrimonium ineatur, sed ob aliam causam, sit validum.*
- 13 *Observandum quoque est, quando metus est ab intrinseco, & quando est ab extrinseco; Ponuntur Exempla.*
- 14 *Metus qui valet rescindere contractum in foro exteriori, valet etiam rescindere matrimonium, tam carnale, quam spirituale in foro interiori, ponitur deinde exemplum.*
- 15 *Remedium in his casibus.*
- 16 *An filij debeant requirere consensum Parentum, antequam matrimonium ineant.*
- 17 *An ipsimet filij peccent lethaliter parentibus inscientibus, contrahendo matrimonium.*

V I S, E T M E T V S.

1 **I**N contrahendo matrimonio requiritur consensus liberri-
mus cap. Cum locum de sponsalibus: & hoc Sacramentum con-
tinet vinculum indissolubile, & si ab initio gratum non est,
vi, vel metu interveniente & cogente, felices exitus habere non
potest. *Can. Præfens 20. quæst. 3.*

Cum igitur in matrimonio requiratur consensus liberrius,
& Vis, & Metus sint contraria consensui, sequitur quod Vis, &
Metus matrimonium impediat, & contractum dirimat.

2 Exemplum est. Paterfamilias minis & verberibus inducit, &
cogit filiam suam ad contrahendum matrimonium cum aliquo
Iuvene, quem filia renuit, & abhorret, nec cum eo vult matri-
monium contrahere; tamen minis, & verberibus inducta, cum
eo Iuvene matrimonium contrahit, omnibus solemnitatibus Ec-
clesiæ intervenientibus, hoc matrimonium nullum est, ob impe-
dimentum Vis, & Metus, l. si patre cogente ff. de ritu nuptiarum.
*Bonac. de impedim. Vis, & Metus qu. 3. punct. 8. num. 6. qui multos
cit.*

Secundum exemplum est. Si Domini temporales, vel Magistra-
tus Regij, & Barones cogerent suos subditos ad matrimonium
contrahendum cum aliqua persona certa, & designata, & adi-
gerent inuitam, vel inuitam; matrimonium nullum est, quia
præcessit in eis Vis, & Metus prædictorum Dominorum, & ipsi
Domini cogentes sunt excommunicati. *Cap. Plerumque sess. 24. in
Tridentino.*

3 In hac excommunicatione non comprehendit Dominos priuatos cogentes sua mancipia contrahere matrimonium, sicut neque comprehendit parentes, qui prohibent, vel cogunt filios inuitos ad matrimonium; nam Concilium loquitur de cogentibus habentibus iurisdictionem in foro externo, vt patet ex præfatione illius Capituli, inquit *Sanchez lib. 4. disp. 22. Gutierrez cap. 29. num. 11.* Nec etiam includi eos, qui prohibent matrimonium contrahi; Concilium enim non loquitur de prohibentibus; sed de cogentibus habentibus iurisdictionem, inquiunt *Nauarrus cap. 27. num. 150. & Idem Sanchez lib. 4. disp. 22.*

4 Supponendum est, metum alium esse intrinsecum, alium extrinsecum; Metus intrinsecus dicitur ille, qui causa intrinseca, vel naturali infertur, qualis est metus grauis ex periculosa infirmitate, aut a feris, siue animalibus; hic metus dicitur intrinsecus, seu a causa intrinseca, vt distinguatur a metu extrinseco, qui fit a causa extrinseca libera, idest ab homine. Constat matrimonium celebratum per metum incussum a causa intrinseca, & naturali esse validum, sicut etiam validum est votum; Sed metus extrinsecus, hoc est ab homine, vel est grauis, aut leuis.

Metus dicitur vel cadens in constantem virum, & est metus grauis; vel cadens in inconstantem virum, & dicitur metus leuis, & est ille quo aliquis maius malum, & inconueniens eligit, ad fugiendum minus; veluti si quis alicui dicat, si non ducis hanc in vxorem, non dabo tibi centum, quæ tibi promissi, qui metus matrimonium non irritat, si iste talis elegerit maius inconueniens, quod est non spontè ducere vxorem, quam amittere centum. Metus grauis cadens in constantem virum est, quo aliquis minus malum eligit, vt euitetur maius malum; vt metus mortis propriæ, aut filiorum, aut rei suæ magnæ, & notabilis amissionis, aut verberum, aut carceris perpetui, & similia, veluti etiam metus infamiæ Iuris, vel facti, cum melius sit bonum nomen, quam diuitiæ multæ. *Proverb. 12.* maiora enim sunt hæc mala, quam ducere vxorem, & contrahere cum quacunque. *Toletus lib. 6. cap. 8. num. 2.*

5 Matrimonium ergo celebratum per metum leuem, cadentem, in virum inconstantem, non est inualidum; tum quia in Iure non habetur ratio metus leuis, tum quia sicut cæteri contractus celebrati per metum leuem, non sunt irriti; ita neque est irritum matrimonium, cum huiusmodi metu celebratum. Nullus enim textus extat illud irritans; neque Ius naturæ ipsum irritat; alioquin

quin omnia plena essent litibus, & controuersijs, cum metus le-
uis frequenter adesse soleat. *Bonacina de impedimentis matrimonij*
quest. 3. punct. 8. num. 8.

Matrimonium autem celebratum per metum grauem, seu ca-
dentem in costantem virum, est inualidum iure Ecclesiastico,
modò metus sit iniuste incussus a causa libera ad hoc, idest ad
extorquendum consensum. Ità *Nauarrus cap. 22. num. 50. & alij*
communiter, & constat ex cap. Veniens il. 2. de sponsalibus, & cap. 2.
de eo qui duxit in matrimonium &c.

Dixi, modò metus sit iniuste incussus; quia si matrimonium
celebratur per metum iuste incussum, validum est; vt testantur
præcitati DD. quod vt melius intelligatur.

- 6 Aduertendum est metum dupliciter incuti posse; Primò iuste,
secundò iniuste, quando iuste incutitur, validum est matrimo-
nium, secus quando iniuste.

Metus verò, qui iuste incutitur ob vnum finem, non semper
licite incuti potest ob alium, vtpotè ad extorquendum matrimo-
nium. Exempli gratia, aliquis habet Ius accusandi Titium ob
iniuriam sibi illatam per contumeliam, vel per furtum, vel per
homicidium; Iste potest metum accusationis incutere Titio, vt
ab eo extorqueat debitam sibi satisfactionem, & in hoc casu dici-
tur, metum iuste incutere. Non potest tamen ob iniuriam sibi il-
latam per contumeliam &c. minari accusationem, vt extorqueat
consensum matrimonij, nam iste metus repugnat libertati matrimo-
nij, & est iniurius Sacramento, cum per huiusmodi metum
Titius cogatur inuitus celebrare matrimonium cum filia, vel so-
rore illius, & matrimonium debeat esse liberum, & non coa-
ctum. Ità *Coninchus num. 15. & alij citati, & Sanchez modo ci-*
tandus.

Ex quo sequitur, eum qui minatur accusationem alteri, cum
periculo longæ detentionis in carcere, vel exilij, nisi ducat pro-
priam filiam, quam consentientem carnaliter cognouit, dici me-
tum iniuste incutere, per ordinem ad matrimonium; Nam qui
cognouit carnaliter aliquam consentientem, non tenetur præcisè
ratione copulæ matrimonium cum ea contrahere, & si contra-
hat, eo quod contrahat per metum iniuste sibi incussum ad ex-
torquendum matrimonium, matrimonium est inualidum. *Bona-*
cina de impedimento Vis, & Metus quest. 3. punct. 8. num. 11.

Secus dicendum est, si ille cui metus incutitur dedit causam
incutiendi sibi metum ob culpam, propter quam iure licito com-
pelli potest ad matrimonium; tunc enim validum est matrimo-
nium, eo quod metus sibi iuste incutitur.

EX-

Explico Rem Exemplis.

Primum exemplum est. Pater minatur accusationem Titio, nisi ducat propriam filiam, quam stuprauit; videndum est in hoc casu, an filia voluntariè consenserit, vel inuoluntariè violata sit; si inuoluntariè violata est, validum est matrimonium celebratum cum metu accusationis, nam hic metus iustè incutitur ob causam, propter quam stuprator iure licito compelli potest ad contrahendum matrimonium; si verò filia voluntariè consenserit, non videtur validum matrimonium celebratum cum metu accusationis, ex qua timeatur graue damnum; nam stuprator virginis consentientis, non dedit causam incutiendi sibi metum ob culpam, propter quam licitè compelli possit ad matrimonium; stuprator enim virginis consentientis, non tenetur illam ducere, nisi alius titulus adsit, veluti si ibi recepta esset lex præcipiens contrahere matrimonium cum stuprata, etiam consentiente; vel si præcessissent sponsalia, siuè promissio matrimonij, vt ait Sanchez lib. 4. disput. 14. num. 7. & alij.

Secundum Exemplum. Aliquis minatur accusare furem quem vidit de furto, nisi talem mulierem ducat, iniuste minatur accusationem, per ordinem ad extorquendum consensum, consequenter matrimonium cum huiusmodi minis, & metu celebratum, videtur inualidum. Reginaldus num. 27. & alij DD. citati à Bonacina eodem titulo quæst. 3. punct. 8. num. 11. in fine.

7 Ex dictis sequitur validum esse matrimonium, quod stuprator contraxit per metum cum stuprata etià consentiente, quando scilicet lex statuit sub pœna mortis, vel alterius mali, vt qui stuprauerit virginem, indifferenter loquens, cogatur cum ea matrimonium inire; & ratio est, tum quia Iudex iuridicè procedens, non dicitur inferre metum. l. continet §. sed vim ff. de eo quod metus causa, tum quia stuprator sponte sua se illi pœnæ subiecit per delictum, cui imposita est à Iure huiusmodi pœna, consequenter nullam patitur iniuriam, si cogatur matrimonium inire cum stuprata. Filiucci tract. 10. cap. 8. par. 2. num. 26. Bonacina de impedimento vis quæst. 3. punct. 8. num. 11. in fine, qui citat Sanchez lib. 4. disput. 13. num. 2. & 3.

8 Item etiam validum est matrimonium contractum ab eo, qui sub pœna excommunicationis cogitur ad contrahendum matrimonium cum qua contraxit sponsalia, & cogitur stare sponsalibus

bus antea celebratis, nam iuste cogitur ob culpam, propter quam iure licito compelli potest; & metus iste prouenit potius à causa intrinseca, quam ab extrinseca. Ità *Henriquez lib. 11. cap. 9. num. 2. & alij, ac etiam Bonacina de impedimento vis quest. 3. punct. 8. num. 13.*

- 9 Sed maior difficultas est, vtrum validum sit matrimonium, quando Iudex secundum allegata, & probata, iuste cogit aliquem ad contrahendum matrimonium cum aliqua, sed coactio materialiter, & à parte rei est iniusta; vt quando Iudex cogeret Titium inire matrimonium cum sponsa, quæ post sponsalia fornicata est, ratione cuius fornicationis, Titius licite potest à sponsalibus resilire, sed cogitur illis stare, & inire matrimonium, eo quod non possit in iudicio probare fornicationem sponsæ.

Resp. cum *Sanchez lib. 4. disp. 13. num. 8. de consensu coactio, & alij ab ipso citatis*, Matrimonium validum esse; Ratio est, tum quia huiusmodi compulsio, & coactio est veridica, & iusta formaliter, & secundum ordinem iuris; tum quia non est credibile Ius positium quod irritat matrimonium celebratum per metum grauem, velle in proposito casu matrimonium esse inualidum, cum Iudex iuridicè procedat, secundum allegata, & probata. Secus dicendum quando Iudex iniuste cogit, quando scilicet non procedit secundum allegata, & probata.

- 10 Insuper validum est matrimonium contractum per metum iustæ accusationis, vel carceris vel mortis, iuridicè per Iudicem infligendæ, incussum Titio à Patre mulieris nisi ducat filiam suam, quam Titius deflorauit; ficta promissione matrimonij; nam metus iuste incutitur per ordinem ad matrimonium. Secus dicendum est, si incutitur metus mortis, priuata auctoritate inferendæ; tunc enim inualidum est matrimonium, eo quod Titius non compellatur iure licito, sed illicito, & iniuste: vt quando pater puellæ inuenerit iuuenem cum filia sua in fraganti stupro, illumque cogit metu mortis ad contrahendum matrimonium cum filia sua; si enim contraheret; matrimonium esset inualidum in foro Dei, etiam si iuramentum ad hoc apposuerit; nam iuramentum esset contra bonos mores, & non est obligatorium iniquitatis: quamuis in foro exteriori reputaretur pro matrimonio, quia Ecclesia non iudicat de occultis; hic autem metus est ab extrinseco, scilicet ab homine iniuste incussus. *Abbas in cap. Veniens il 2. de sponsalibus in fine. Bonacina de impedimento vis quest. 3. punct. 8. num. 15.*

- 11 Sciendum iuxta communioem DD. sententiam, non esse opus relaxatione iuramenti, quando matrimonium per metum grauem

uem celebratum fuit, addito iuramento, neque est opus relaxatione, ubi non adest vinculum, & obligatio. Ità *Rodriquez prima par. cap. 131. num. 4. Bonacina loc. cit. num. 27 & alij.*

Idem dicendum est de sponsalibus per metum grauem celebratis cum iuramento, *ut ait Emmanuel Sà verbo sponsalia num. primo.*

Sic etiam matrimonium celebratum per metum grauem, non resoluitur in sponsalia, neque inducit obligationem sponsaliorum; Ratio, quia huiusmodi contractus est irritus iure positio; sicut enim matrimonium requirit consensum liberum, ità etiam sponsalia, ità *Henriquez lib. 11. cap. 18. num. 6. & alij communiter.*

Neque peccat contrahens matrimonium per metum grauem, quia nulli facit iniuriam, sed potius ipse patitur iniuriam ab eo, qui metum incussit; neque facit iniuriam Sacramento, cum matrimonium non sit irritum defectu ipsius, sed ex decreto Ecclesiæ. Hoc idem asserunt DD. quando matrimonium contrahitur per metum grauem cum iuramento. *Coninchus dispnt. 28. dub. 3. Gutierrez num. 18. Reginaldus num. 80. eodem titulo. Bonacina loc. & titulo citato num. 30.*

12 Matrimonium celebratum per metum incussum à causa libera, non ad hunc finem ut matrimonium incatur, sed ob aliam causam, validum est; *Petrus Ledesma quæst. 47. art. 3. & alij.* Ratio est, tum quia adest sufficiens voluntarium ad matrimonium, quod spontè eligitur, & est gratum contrahenti, tum quia nullo iure constat irritari; Vnde validum est matrimonium celebratum cum meretrice ad euitandam mortem in ijs locis, in quibus consuetudine receptum est, ut morte damnato, si velit matrimonio iungi cum aliqua meretrice, donetur vita; ratio est, quia metus mortis non incutitur ad extorquendum matrimonium, sed iam incussus propter delictum antea commissum, aufertur, oblata occasione ducendæ meretricis. *Bonacina de impedimento vis, & mens quæst. 3. puncto 8. num. 16.*

Ex his sequitur validum esse matrimonium, quod quis contraxit cum aliqua, ad euitandum periculum Animæ; Ratio est, quia metus non est incussus a causa libera, ad extorquendum consensum, sed est metus intrinsecus, non autem extrinsecus, ità *Sotus in 4. distinct. 29. quæst. 1. art. 3. Sanchez lib. 4. disp. 12.*

Ex quo ulterius patet, validum esse matrimonium, quod quis contraxit cum Concubina metu inferni, vel infamiæ, vel mortis, vel naufragij.

Validum etiam est matrimonium contractum ab eo qui damnatus erat ad mortem à Iudice, sed Iudex, vel alius liberationem

I

à mor-

à morte promisit, si filiam propriam duceret in matrimonium; Ratio est, quia hic metus non est incussus ad extorquendum matrimonium, sed iam incussus aufertur, oblata occasione matrimonij, & tradiro modo, quo ille se possit à morte liberare. *Sotus distiñt. 29. quæst. 1. art. 3. Filiuccius tract. 10. cap. 4. quæst. 1. Conarr. Bonacina loc. cit. num. 20. & alij.*

Validum quoque est matrimonium contractum à defloratore puellæ, quem pater, vel frater puellæ volebat occidere, sed ipsemet deflorator sua sponte obrulit se ad celebrandum matrimonium, ut mortem euitaret; Ratio est, quia metus non est incussus ad extorquendum matrimonium, Pater enim, vel frater puellæ defloratæ intendebant defloratorem occidere, non verò metum incutere ad coniungendam filiam, vel sororem in matrimonium cum defloratore; ipse enim deflorator spontè obtulit matrimonium, ut tolleret metum sibi alio fine incussum. Secus dicendum est, si metus mortis fuit incussus ad extorquendum matrimonium. Ità *Henriquez num. 2. Reginaldus num. 77. eodem titulo. Bonacina eodem titulo de impedimento vis loc. cit. num. 22.*

Validum est etiam matrimonium contractum inter filiam Medici, & Egrotum, quem Medicus curare nolebat, nisi duceret propriam filiam; nam metus mortis non est incussus à Medico, sed à morbo. *Sanchez disp. 12. num. 15. Coninchus num. 11. Emmanuel Sà num. 9. Filiuccius num. 105. eodem titulo, & alij.*

Sponsalia celebrata per metum grauem non inducunt impedimentum publicæ honestatis; nam hoc impedimentum inducitur ex sponsalibus validis. Secus dicendum est de sponsalibus celebratis per metum leuem. *Bonacina loc. cit.*

- 13 Observandum quoque est, quando metus est ab intrinseco non irritat matrimonium, tam carnale, quam spirituale; secus est quando est ab extrinseco ut supra diximus, prout *Abb. in cap. Si cut il 2. de Regularibus. Sotus in 4. sentent. distiñt. 29. quæst. 1. art. 3. Conarr. in 2. parte de matrimonio cap. 5. §. 4. & 5. Exemplum est.*

Si quis in Mare naufragium patiendo fecit votum, quod si non interiret Monachus fieret, hoc casu si periculum mortis euaserit, & ad salutis portum peruenerit, omnino votum perficere tenetur, cum ab intrinseco metus venerit; Nec sunt audiendi qui dicunt, hoc votum non valere, quia metu mortis fuit factum; & subiungunt hoc valere, si in Terra fuerit firmatum; Nam semper hoc votum perficere tenetur, cum non venerit ab extrinseco, sed ab intrinseco conscientie suæ, cum ipse fecerit votum, & nemo alius faciendi causam dederit. *Sotus loc. cit.*

Sic

Sic quoque si quis in Carcere fecerit votum; si inde exierit; uotum perficere tenetur; cum hoc votum sit ab intrinseco; Secus esset, si cum fecerit hæc vota, quis mentis compos non fuerit. *Abbas, & Solus locus citatis.*

- 14 Altera propositio est; quod ille metus, qui valet rescindere contractum in foro exteriori, valet etiam rescindere matrimonium tam carnale, quam spirituale in foro interiori; Veluti.

Si metu renerentiali (non quocunque, sed graui, qui scilicet coniunctus est cum minis, vel cum timore malæ tractationis, vel cum alio graui incommodo) & non sua voluntate, aliqua puella professionem fecerit in monasterio; quo casu professio nulla est, quamuis in foro exteriori pro valida reputetur; Ità quoque, si fiat matrimonium carnale, nullum est in foro Dei, quamuis in foro exteriori pro valido reputetur. *DD. supra citati*; quando verò hoc impedimentum probatur in foro exteriori, matrimonium irritum declaratur.

Vnde aduertant Parentes puellarum, ne metu cogant filias suas ad ingrediendum Monasterium, vel ad suscipiendum habitum, vel ad professionem emittendam; nam in tali casu sunt etiam excommunicati, vt decreuit. *Concilium Tridentinum sess. 25. de Regularibus in cap. Anathemati.*

- 15 In omnibus tamen casibus prædictis, in quibus in foro Dei nulum est matrimonium tam carnale, quam spirituale remedium erit, vt renouetur consensus vtriusque coniugis in matrimonio carnali, vt fiat liberè, sicut prius fuit coactus, quamuis absque præsentia Parochi, & testium; Et Confessarius sic debet consulere; sic etiam in professione inualidè facta potest renouari consensus, absque interuentu Superioris, vel Abbatis. *Navarrus cap. 22. num. 70. Bonacina tomo primo de Clausura quæst. 2. pñt. 10. Difficultate prima proposit. 3. num. 3. & sequent.*

- 16 Filij debent requirere consensum parentum antequam matrimonium ineant. *DD. communiter*; Et Catechismus Romanus his verbis innuit; Inter cætera autem maximè hortandi sunt filij familias, vt parentibus, & ijs in quorum fide & potestate sunt, cum honorem tribuant, vt ipsis inscientibus, nedum inuitis & repugnantibus matrimonium non ineant, nam in veteri Testamento licet animaduertere filios à parentibus semper in matrimonium collocatos esse. *2. Genesi 24. per totum, & 28. 29; & 21. cap. Honorantur 32. quæst. 1. & cap. 1. De desponsat. impuber. Idem Catechismus de matrimonio parte 2. num. 32.*

- 17 Sed maior difficultas est, an filij peccent lethaliter parentibus

inſcientibus , contrahendo matrimonium . Bonacina de Matrimonio, quæſt. 4. punct. 17. num. 25. cum DD. ab ipſo citatis, aſſerunt filios peccare mortaliter contrahendo matrimonium , non præmiſſo parentum conſilio, niſi fortè filijs habeant iuſtam cauſam contrahendi abſque ipſorum conſilio .

Et Nauarrus cap. 14. num. 15. in fine dicit , quod non ſolum debent filij de honeſtate, ſed etiam de neceſſitate, quoad effectum non peccandi, licet non quoad effectum, vt ad id cogi poſſint .

Belarminus verò lib. primo de matrimonio cap. 19. propoſit. 3. in fine, & alij inquirunt, exiſtente iuſta cauſa in filio, cum culpæ eſſe immunem, vt ſi pater iniuſtè prohibeat filium ſuum illud matrimonium, quod appetit inire; & benè exemplificat, vt ſi pater indigno matrimonio filium ſuum collocare velit, gratia amplioris dotis; Vel ſi pater velit filium ſuum ducere vxorem ægram, imprudentem, immorigeratam, aut inferioris conditionis, cum qua probabiliter credatur filius fore, vt pacem non habeat; Vel ſi filia vigefimum quintum annum exceſſerit, & pater non cogitat, vel nolit eam collocare in matrimonium; Et ratio eſt, quia Ius Canonicum omnimodam in matrimonio libertatem exigit, ne minuatür contrahendi libertas, cui arridet Ius Cæſarium ex *Authen. Sed ſi poſt Cod. de inefficioſo teſtamento* .

At probabilius exiſtimo cum Sanchez lib. 4. diſp. 23. num. 10. Filios teneri ſub culpa lethali conſilium Parentum circa matrimonium petere, non tamen illud ſequi in caſibus prædictis, & ità licitè poſſe ipſis inuitis, prius tamen conſultis, inire matrimonium, quod volunt; Prætercà quia Iuri naturæ, quo parentes in liberos funguntur, ſub quorum ſunt poteſtate, conforme eſt, ne citrà parentum conſilium, aliquid de re tam graui, vt eſt matrimonij vinculum, à quo totum vitæ inſtitutum pendet, filius delibaret; & ipſa perpetuitatis ratio, & amoris nexus, quo debent coniuges conglutinari, parentum conſilium in nuptijs celebrandis expoſcit .



*Octauum Impedimentum impediens, &
dirimens matrimonium est Or-
do Sacer.*

Q V Æ S T I O XXII.

S V M M A R I V M.

- 1 *An Clerici insigniti ordinibus minoribus contrahendo matrimonium peccent; & Beneficiati perdant beneficium.*
- 2 *Quando Ordo Sacer præcedit matrimonium, illud est nullum ipso Iure.*
- 3 *In quam pœnam incidunt initiati Ordinibus Sacris contrahentes matrimonium.*
- 4 *Quid si constitutus in Ordine Sacro nunquam intellexit inesse in Ordine Sacro Votum Solemne Castitatis?*
- 5 *An matrimonium sit nullum, etiamsi illud contrahat Clericus in Sacris, sed depositus, siue degradatus, vel verbaliter, vel realiter.*
- 6 *Quid si Clericus in Sacris, sub promissione matrimonij contrahendi, virginem violauerit, cum qua deinde matrimonium fecit.*
- 7 *Limitatio valdè digna scitu.*
- 8 *Conclusio certa super re proposita.*
- 9 *Quid si Summus Pontifex dispensaret cum Sacerdote absque legitima causa.*
- 10 *Vtrum suscipiens Ordines Sacros, cum intentione positina non vouendi, teneatur Voto Castitatis.*
- 11 *An Ordo vi præcipi susceptus valeat, obliget, & cum eo recipiatur Character; Et quid quando adest solus metus.*
- 12 *Constat apud omnes eum, qui post matrimonium metu viri constantis recipit Ordinem Sacrum, non teneri continere quoad vsum illius matrimonij.*
- 13 *Vtrum puer ordinatus antè rationis vsum teneatur seruare castitatem, ità vt matrimonium ab ipso postea celebratum sit inualidum.*
- 14 *An iste puer, qui postquam peruenit ad rationis vsum, noluit ratificare votum dicto, vel facto, remaneat suspensus ab vso ordinis, vel frui debeat privilegijs Clericalibus.*
- 15 *Vtrum initiatus Ordine Sacro antè pnbertatem, vel antè 16. annum, teneatur*

- tenetur seruare castitatem, & possit matrimonium contrahere.*
- 16 *Queres quam penam aliam incurrant initiati Sacris Ordinibus, contrahendo matrimonium.*
- 17 *Queres utrum vir coniugatus possit aliquando licite Sacros Ordines suscipere; aut petere, & reddere debitum; & quid quando initiatum absque uxoris consensu.*
- 18 *Utum coniugatus possit ad Episcopatum promoueri.*
- 19 *An uxor que voto castitatis emisso, licentiam coniugi dedit suscipiendi Ordines Sacros, seu ascendendi ad Episcopatum, vel Cardinalatus dignitatem, valide possit mortuo coniuge nouum matrimonium finire.*
- 20 *Utum Orientalibus scilicet Græcis Sacerdotibus licitum sit, vel fuerit contrahere matrimonium.*

Octauum impedimentum impediens, & dirimens matrimonium, est Ordo Sacer habens votum annexum solumne. Castitatis, cap. Cum olim de Cleric. coniug. & in cap. unico de voto in 6. Ità definiuit Ioannes 22. in sua Extranag. Antiqua de voto, & nouissime Conc. Trident. sess. 24. de matrimonio Can. 9.

- 1 Alij verò Ordines non Sacri, scilicet minores, quia non habent votum annexum castitatis, non impediunt matrimonium contrahendum, nec contractum dirimunt; vnde Clerici initiati Ordinibus Minoribus, si non possint, vel nolint sustinere vitam continentem possunt ducere uxorem. Can. Si quis eorum. Can. Lectores. Can. Placuit 32. distinct. cap. primo, & secundo de Clericis coniugatis; Ideò si uxorem ducunt non peccant, quia melius est nubere, quam vri; Solum puniuntur in hoc, quod si habuerint beneficium aliquod, ducendo uxorem, statim illud beneficium vacat. Abbas in dict. cap. 1; & 2. de Clericis coniugatis.

Sciendum quod facienda est distinctio quando Ordo Sacer impedit, & dirimit contractum, quæ talis est; aut Ordo Sacer præcedit matrimonium, aut matrimonium præcedit Ordinem Sacrum.

- 2 Primo casu, scilicet quando Ordo Sacer præcedit matrimonium, quod subsequitur post Ordinem Sacrum susceptum; veluti si Subdiaconus, vel Diaconus, vel præbyter ducat uxorem, & contrahat matrimonium, siue ratum, siue consumatum; illud matrimonium nullum est ipso iure, cum præcedat impedimentum essentiale Sacri ordinis, impediens, & dirimens matrimonium contractum.
- 3 Et talis initiatus Ordine Sacro esset in perpetuo concubinator, cum tot sacrilegijs, & etiam esset excommunicatus per Clementem.

ment. 1. de *Consang. & affin.* & Irregularis, non valens amplius exercere Ordines Sacros absque dispensatione, vt in *Extravag. Ioannis 22.* incipiente *antiqua sub titulo de voto.* Glossa & DD. in dic. cap. *unico de voto in 6.* *Nauarrus cap. 22. num. 52.* & esset casus sanctæ Inquisitionis.

4 Ampliatur Conclusio, quod matrimonium contractum à Clerico in sacris constituto nullum est, etiam si Clericus nunquam intellexit inesse in Ordine Sacro votum solenne castitatis; & ratio, quia hoc votum solenne castitatis est annexum Ordini Sacro, ex statuto Ecclesiæ, & qui vult antecedens, vult & consequens, & in sacris ordinatus illud implicite promittit, perinde ac si esset Regularis professus, siuè Monachus, vt in cap. *unico de voto in 6.* hoc enim votum scire debuit, & si ignorauerit sibi imputatur. *Abbas in dic. cap. unico in 6. & DD. communiter.*

5 Ampliatur secundò, quod matrimonium nullum est, etiam si illud contrahat Clericus in Sacris, sed depositus, siuè degradatus, siuè verbaliter, siuè realiter; & ratio est, quia cum habeat præcedens votum castitatis offibus infixum, & caracterem indelebilem, si deinde matrimonium contrahat, illud est nullum. *Sotus in 4. sentent. distinct. 38. quest. 1. art. 1. Nauarrus loc. cit. & toto titulo, Qui Clerici, vel Poenitentes. Ibi Abbas in cap. 1; & 2.*

6 Ampliatur tertio, si Clericus in sacris sub promissione matrimonij contrahendi, virginem violauerit, cum qua deinde matrimonium fecit, illud quidem matrimonium nullum est. Et Clericus est irregularis, & excommunicatus, vt supra diximus, ac in perpetuum carcerem detrudendus est; Et hic casus spectat ad sanctam Inquisitionē ita *Bernardus Dias in praxi criminali. cap. 74.*

7 Limitatur Conclusio, vt non procedat, sed matrimonium validum sit, si Clericus in sacris illud contrahat cum dispensatione Summi Pontificis; si enim Summus Pontifex dispensaret, & Sacerdos duceret uxorem, illud matrimonium validum esset, & filij ex eo nati essent legitimi: & ratio est, quia Summus Pontifex potest dispensare, cum hoc votum castitatis inhærens Ordini Sacro sit ex statuto, & præcepto Ecclesiastico, & per consequens de iure positiuo, supra quod est Summus Pontifex. ita dicit *Nauarrus Consil. 37; & 38. de voto*, quod Summus Pontifex potest etiam dispensare, vt Monachus professus matrimonium contrahat, & si dispensaret, matrimonium validum esset, & filij ex eo nati essent legitimi; quæ conclusio intelligitur quando dispensatio non fuit subreptitia, vel obreptitia, quia tunc dispensatio nulla esset in foro Dei, quamuis in foro fori reputaretur validum matrimonium.

In Præfata limitatione conclusionis nonnulli DD. discordant, vt est videre apud citatum Nauarrum in dicto Consil. 37; & 38. de voto, asserentes, Papam posse tantummodo dispensare in ordine Subdiaconatus, & Diaconatus, non autem in ordine Presbyterij, tenentes Sudiacatum, & Diaconatum esse quidem ordines participatiuè, sed non integrè vt Sacerdotium, quos DD. refert Dominicus Sotus 4. sentent. distinct. 38. quest. 2. art. 2. de voto, inquiens, hoc esse contrà omnem Catholicorum opinionem, à qua discedere temerarium esset, cum solemnitas voti castitatis in ordine sacro non sit inducta iure naturali, nec Diuino, sed humano Ecclesiastico; vt est textus in dicto cap. primo de voto in 6.

Et idem Nauarrus subiungit in dic. Consil. 38. num. 11. Ibi, Sacrosanta Sedes Apostolica frequenter dispensauit cum Subdiaconibus, & aliquando cum Diaconibus, vt contraherent matrimonium, & multi testantur præsertim doctissimus Michael Medina Franciscanus, qui ait se vidisse multas dispensationes Subdiaconorum, & non paucas Diaconorum; & Ramirus delato sibi Regno Aragoniæ, qui Monachus, & Archipresbyter erat, matrimonium ex dispensatione Sanctæ Sedis Apostolicæ contraxit, vt testantur Paludanus, Caietanus, & alij graues historici; & videtur quod Papa id fecerit iusta causa, tanquam Vicarius Christi, assistente sibi Diuina prouidentia, & habito grauissimorum virorum consilio, quod grauissima res exigebat, & ita piè credi potest non potuisse errare; cum ergo nullo Iure Diuino naturaliter indito, neque supernaturaliter tradito, vitentur Sacerdotibus matrimonia, cum continentia, & Sacerdotium non sint inseparabiliter annexa; Cum denique S. Thomas, & alij expressè affirmant, Papam posse dispensare cum Presbytero iusta de causa de plenitudine suæ potestatis cum quolibet sacro ordine initiato, tam Presbytero, quam Subdiacono, & Diacono iusta de causa; licet contrarium teneat super voto Monachali. Idem D. Thom. 2. 2. quest. 88. in corpore.

Alij distinguunt; quod non potest Papa dispensare cum Presbytero, vt ita contrahat matrimonium, quod simul vtatur eius, & Sacrorum ordinum exercitio; non autem quod non possit dispensare, vt relicto Sacrorum Ordinum exercitio, possit vel coniugio, & actibus coniugalibus, quæ declaratio honestissima est, & digna, quæ in casu præsentis suscipiatur. Idem Nauarrus, loc. cit. 8. Ultima Conclusio certa, & de fide Catholica est, quod Papa potest dispensare circa omne Ius humanum, iuxta cap. cuncta per mundum, & tradunt omnes, & sunt multi Canonès de hac re; Constat

stat autem solemnitatem voti castitatis in Ordine Sacro tacite contentam, esse iure humano inductam, ergo poterit super ea iusta de causa Papa dispensare.

- 9 Si Summus Pontifex dispensaret cum Sacerdote absque legitima causa, validum esset matrimonium ab eo Sacerdote initum, nam censeretur ablatum impedimentum dirimens ab Ecclesia inductum; esset tamen illicitum huiusmodi matrimonium, nam votum castitatis, quamvis iure naturæ non faciat inualidum matrimonium, facit tamen illicitum, quia matrimonium includit obligationem ad copulam, votum verò abstinentiam à copula. teste *Conincho de Sacramento Ordinis num. 115. Bonacina de impedimento Ordinis quest. 3. punct. 9. num. 12. in fine.*

- 10 Vtrum verò suscipiens Sacros ordines cum intentione positiua non vouendi, teneatur voto castitatis.

Resp. Non teneri ratione voti præcisè, sed ratione præcepti Ecclesiastici; & consequenter si iste talis contraheret matrimonium esset inualidum, non ratione voti, cum votum non sit validum, votum enim est lex priuata, quam quisque sibi voluntariè imponit; sed ratione præcepti Ecclesiastici, quo cauetur ne initatus Ordine Sacro validè contrahat matrimonium. *Bonacina loc. cit. num. 11.*

- 11 Constat apud omnes, ordinem vi præcisa susceptum ad nihil prorsus obligare, ratio est, cum desideretur voluntas, eadem non adest; Ergo non valet Ordo, nec Character recipitur, vt constat ex *cap. Maiores de Baptismo*; quare tota difficultas est, quando est solus metus; igitur in eo casu adest voluntas, & valet Ordo, imprimitque Characterem, vt constat ex eodem *cap. Maiores. fatentur omnes D.D. & Sanchez lib. 7. disp. 29. num. 1.*

- 12 Secundò constat apud omnes, eum qui post matrimonium, metu viri constantis recipit Ordinem Sacrum, non teneri continere, quoad vsum illius matrimonij, sed posse illo liberè vti, ac si ordinem non accepisset, eo quod rationi consentaneum minime est, eum iure vtendi matrimonio inito priuari; qui non sua sponte, sed metu graui compulsus ad ordinem ascendit; & id est verum, quamvis matrimonium consummatum non sit, vt fatentur *Abbas cap. Maiores, s. ultimo num. 7. de Baptismo*, Immo habet verum, quamvis vxor continere vellet; *Hostiensis summa eodem titulo num. 5. vers. sed numquid conditionaliter*. Et non solum non teneretur ad castitatem, sed nec etiam ad diuinum Officiū recitandum. *Sanchez lib. 7. disp. 29. num. 2. 6; & 7.*

- 13 Vtrum puer ordinatus antè rationis vsum teneatur seruare ca-

stitatem, ita vt matrimonium ab ipso postea celebratum sit inualidum.

- Respondeo cum Sanchez lib. 7. disp. 30. num. 2. Syluestro verbo *matrimonium* 8. quæst. 12; & alijs ab ipsis citatis, non teneri ad seruandam castitatem, non enim tenetur ratione præcepti, quia non est credibile, Ecclesiam velle ipsum suo præcepto obligare ad seruandam castitatem, nisi ordines susceptos ratificauerit; neque tenetur ratione voti, nam votum est voluntaria promissio facta Deo, infans autem antè rationis vsum non potest Deo promissionem voluntariè facere; ergo non tenetur ad seruandam castitatem.

- 14 Ex quo sequitur ipsius matrimonium esse validum, si postquam peruenerit ad rationis vsum, non ratificauerit votum liberè, spontè, dicto, vel facto; quare huiusmodi infanti postquam ad rationis vsum peruenerit, danda est optio, num velit in Ordine suscepto permanere; si velit, remanebit vinculo castitatis adstrictus; si verò noluerit in eo permanere, remanebit suspensus ab usu ordinis, nec gaudebit, nec frui debet priuilegijs clericalibus; æquum enim non est, vt qui onus sentire recusat, sentiat commodum, contrà Regulam, qui sentit, de *Regulis Iuris* in 6. Idem Sanchez loc. cit. num. 4. & 5. & disput. 29. num. 3.

- 15 Vtrum initiatus Ordine Sacro antè pubertatem, vel antè 16. annum teneatur seruare castitatem, & possit matrimonium contrahere.

Respondet, Idem Sanchez lib. 7. disput. 30. num. 8. & plures alij DD. quos pro se citat, non teneri seruare castitatem. Ratio est, quia professio facta ante decimum sextum annum non obligat; ita neque videtur obligare votum castitatis adnexum Ordinibus Sacris susceptis ante 16. annum; Addens non teneri ad castitatem, nisi post 16. annum ratificet votum; consequenter potest matrimonium contrahere, nisi votum ratificauerit. Ob eandem rationem dici potest, istum non teneri ad recitandas horas canonicas, nisi post legitimam ætatem ratificauerit Ordines susceptos. Mihi autem probabilius dicendum videtur cum Soto de *Iustitia* lib. 7. quæst. 2. art. 5. in fine, *Clauis regia* lib. 6. cap. 5. num. 9. *Conincho* loc. cit. dub. 14. num. 136. *Caetano* 2.2. quæst. 88. art. 9. *Bonacina* de *impedimento Ordinis*, quæst. 3. punct. 9. num. 16. & alijs. Sic ordinatum teneri voto castitatis, & oneri recitandi diuinum Officium; Ratio est, quia qui vult principale, vult etiam accessorium, sed principale est ordo, accessorium est votum, & aliæ obligationes consequentes ordinem; Ergo adolescens qui vult ordines susci-

scipere antè 16. annum, vult etiam obligationes ordini sacro aduexas, videlicet votum castitatis, & onus recitandi Diuinum Officium, *DD. citati*. Ex quo patet istum non posse matrimonium validè contrahere. Neque obstat ratio *Sanchez*, nam aliter sancitum est de professione, quam de susceptione sacrorum ordinum; vnde non valet argumentari ab vno disparato ad aliud.

- 16 Quæres quam pœnam incurrant initiati sacris ordinibus contrahendo matrimonium.

Respondeo incurrere primò in excommunicationem, vt habetur in *Clementia vnica de consang. & affin. vt supra dixi. Nauarr. cap. 27. num. 14. & alij communiter*. Secundò incurrere in irregularitatem, *cap. Quotquot 27. quest. 1.* quæ irregularitas incurritur etiam antè consummatum matrimonium, iuxta *Sanchez lib. 7. disp. 48. Couarr. 2. parte de matrimonio, cap. 6. §. 3. num. 1. & alios*.

- 17 Quæres vtrum vir coniugatus possit aliquando licitè sacros ordines suscipere.

Respondeo posse; Primò quando potest facere diuortium quoad Torum, & habitationem; aut Religionem intrare, etiam inuita vxore. Secundo quando suscipit ordines cum libero, & legitimo vxoris consensu, legitimus autem vxoris consensus est, si ipsa existens iuuenis, ingrediatur Religionem, & profiteatur; Vel si Senex fuerit, saltem voueat castitatem, vt supra diximus, *cap. Agatosa 27. quest. 2. Sanchez lib. 7. disput. 39. num. 6. & alij citati à Bonacina loc. cit. num. 18. de impedimento ordinis*.

Hinc deducitur, eum qui legitimo vxoris consensu sacros ordines suscepit, non posse petere, nec reddere debitum, quia voto castitatis tenetur.

Qui verò suscipit ordines absque legitimo vxoris consensu, non potest petere debitum, quia est adstrictus voto castitatis, & debet abstinere ab omni actu venereo; Potest tamen reddere vxori petenti, vel ab ea reuocari potest, nam ipsa non fuit priuata iure suo, propter Ordines susceptos à viro, absque legitimo ipsius vxoris consensu. *Nauarrus cap. 22. num. 52. in fine, Sanchez, Rodriquez, Gutierrez, Filiuccius citati à Bonacina de impedimento ordinis loc. cit. S. Thomas ab omnibus receptus in 4. distinct. 37. art. 2.*

- 18 Quæres vtrum coniugatus possit ad Episcopatum promoueri.

Resp. posse concurrentibus his conditionibus. Prima est, vt ipsa vxor consentiat. Secunda vt ipsa Religionem ingrediatur, & in ea professionem emittat. *cap. sanè de conuers. coniug. Ibi, prohibemus ne vxoratum præsumatis in Episcopum ordinare, nisi vxor ipsius professæ sit continentiam, sacrum sibi velamen imponat,*

ponat, & Religiosam vestem assumat, ita *Conarruinus* 4. *Decretalium* par. 2. cap. 6. §. 3. num. 3. *Sanchez de matrimonio* lib. 7. disp. 41. num. 2. & alij.


- 19 Quæres, vtrum vxor quæ, voto castitatis emisso, licentiam coniugi dedit suscipiendi Ordines Sacros, seu ascendendi ad Episcopatum, vel ad Cardinalatus dignitatem, validè possit, mortuo coniuge, nouum matrimonium inire.

Resp. Nec licitè, nec validè posse; Quod licitè non possit, patet, quia detinetur vinculo castitatis; Quod verò validè non possit, probatur ex dispositione Iuris irritantis huiusmodi matrimonium. cap. *Quia sunt distincti*. 28. ita, *Abbas in cap. Constitutus* nu. 6. de conuers. coniugatis. *Sanchez lib. 7. disp. 4. num. 2. & alij ab ipso cit.*

- 20 Vtrum verò Orientalibus, scilicet Græcis Sacerdotibus licitum sit, vel fuerit contrahere matrimonium.

Certum est, nunquam licuisse, aut permissum esse, quare si Græcus aliquis Sacerdos contraheret matrimonium, inualidè contraheret; permissum est tamen Græcis iam coniugatis suscipere Sacros Ordines, & vti matrimonio ante sacros ordines celebrato, vt patet ex cap. *alter distincti*. 31.

Vt hæc melius intelligantur; Aduertendum est ordines sacros dirimere matrimonium Iure Ecclesiastico, non solum ratione voti solcmnis, quod est adnexum sacris ordinibus, ex decreto Ecclesiæ, quod Decretum non est acceptatum à Græcis, vt inquit Innocentius. Tertius cap. *cum olim* (alioquin non possent vti matrimonio) sed etiam ratione ipsorum ordinum, & hoc Ius viget in Ecclesia Græcorum, ita vt initiatus ordine sacro non validè contrahat matrimonium; quamuis iam Coniugatus possit ordines suscipere, & vti matrimonio antea contracto *Azorius prima par. lib. 3. cap. 13. Sanchez lib. 7. disp. 28. Bellarminus lib. 1. de Clericis coniugatis cap. 19. Et ex Concilio Romano cap. 8. & ex alijs Concilijs.*



Nonum Impedimentum impediens, & dirimens Matrimonium est ligamen.

Q V Æ S T I O XXIII.

S V M M A R I V M.

- 1 *Quid significet ligamen, scilicet Polygamia.*
- 2 *Summus Pontifex nullatenus in hac pluralitate uxorum dispensare potest.*
- 3 *Quares si Infideles contrabant matrimonium cum multis feminis, an illorum matrimonium validum sit tantummodo cum prima.*
- 4 *Sequitur inualidum esse Iure naturæ matrimonium unus semina cum pluribus viris.*
- 5 *Utrum sint Sacramentum Nuptiæ, non solum prima, verum etiam secunda, & reliqua legitimè celebrata.*
- 6 *An inducatur impedimentum ligaminis, nullumque sit matrimonium secundum consumatum, quando primum matrimonium fuit separatim solemnius iudicio Ecclesiæ, ob adulterium commissum.*
- 7 *Dubitatur; Uxor relicta à viro, post decennium habuit literas testimoniales alicuius Hospitalis, vel Testes deponentes apud iudicem mortuum esse suum virum, unde contraxit secundum matrimonium; si postea primus maritus redierit, an peccaverit, & filij procreati cum secundo viro sint legitimi, & quid agere debeat.*
- 8 *Qualis certitudo de morte coniugis requiratur, ut superstes possit cum alio matrimonium inire; Et nota observationes sequentes.*
- 9 *Utrum uxor quæ contraxit matrimonium cum secundo, credens priorem virum mortuum esse, teneatur recedere à secundo, postquam cognovit priorem virum superstitem esse.*
- 10 *Quares, utrum sit validum matrimonium contractum ab eo, qui falso credebatur superstitem esse priorem uxorem, sed reuera mortua erat.*
- 11 *Quid dicendum de eo, qui contraxit matrimonium, credens adesse impedimentum dirimens, quod reuera non aderat;*

1 **N**onum impedimentum impediens, & dirimens matrimonium, est ligamen, hoc est vinculum alterius matrimonij; Persona enim alligata vni matrimonio, aliud eodem tempore

pore contrahere nequit, nam vir ligatus est suæ uxori, & uxor suo viro; Si tamen quis errorem habens cum qua ligatus est, aliud matrimonium ea viua contrahat de facto, etiam si matrimonium cum secunda consumet, & prima nondum cognita, secundum matrimonium nullum est, sic è conuerso, ex impedimento ligaminis. *Caetanus in verbo matrimonium*, cuius dicti ratio est; quia Polygamia, idest habere plures uxores, siue viros eodem tempore prohibitum est Iure Diuino, & humano. *Cap. Gaudemus de diuortijs*, & toto titulo de sponsa duorum, & nouissime ex Concilio Tridentino sess. 24. de matrimonio Can. 3. his verbis. Si quis dixerit licere Christianis plures simul habere uxores, & hoc nulla lege Diuina esse prohibitum. Anathema sit. Et ex testimonio Christi, *Matthæi 19.* quicumque dimiserit, uxorem suam, nisi ob fornicationem, & aliam duxerit, machatur; Quamuis autem antiquis Patriarchis hoc fuerit licitum, scilicet habere plures uxores, tamen eis fuit permissum ex dispensatione Dei, ad multiplicandam generationem; hodiè verò satis est multiplicata generatio; Et ideo Saluator noster verus Dens, & Homo volens restituere matrimonium ad eam reuerentiam, & decorem, quæ in prima sui institutione habuit ab ipso Deo, sustulit omnino Polygamiam, quasi primæ uxoris matrimonij institutioni aduersam; cum enim interdicit, dimissa uxore propter fornicationem, ad alias nuptias transire; a fortiori is transitus, uxore retenta, interdicius censendus est. *Sanchez lib. 7. disp. 80. num. 1.*

Hinc confutatur aperta hæresis Lutheri, & Anabaptistarum, impie defendentium pluritatem vxorum; quam & spurcissimus Mahumetus in nefanda sua lege suis sectatoribus concessit. Ità *Sanchez loc. cit. num. 2.*

Notandum Polygamiam dici, quando simul plures habentur uxores. Bigamiam verò propriam, & veram esse, quando plures uxores successiue habentur, quando scilicet mortua prima, ducitur secunda.

2. Sequitur, Pontificem nullatenus in hac pluritate vxorum dispensare posse, quod tum lege naturali, tum etiam lege Christi, ob veram Sacramenti significationem interdicta sit, constat enim ex *cap. Gaudemus de diuortijs*; vbi eam nunquam licuisse, citrà Diuinam dispensationem, deciditur; ità docent *D. Thomas 4. dist. 33. quæst. 1. art. 2. Bellarminus lib. 1. de matrimonio cap. 11. proposit. 1. & alij apud Sanchez loc. cit.*

3. Infideles contrahentes matrimonium cum multis feminis, inualidè contrahunt, & illorum matrimonium validum est tantum-

tumodo cum prima, non verò cum alijs, quoniam cum iam in lege Evangelica eiusmodi dispensatio cessata sit per Christum, Saluatorem nostrum, quando *Matthæi* 19. reduxit matrimonium in pristinum statum, in quo vnica vxor licebat; idè nullis fidelibus, nec infidelibus licita est hodiè Polygamia, & dum infideles baptisma susceperint, cogendi sunt ad primam vxorem legitimam redire, separandique sunt ab alijs matrimonijs ea superstite initis, tanquam ab omnino irritis; quod expressè decidit Innocentius Tertius in *dic. cap. Gaudemus de diuortijs*, quia lege naturali ad quam omnes etiam Infideles adstringuntur, id matrimonium erat irritum, & ex sola Dei dispensatione valebat, cessata ergo dispensatione per Christum, iam matrimonium illud manebit in terminis Iuris naturæ irritum. Itaque non dico esse irritum respectu Infidelium propter legem positiuam Christi, ea enim non obligat Infideles ante susceptum baptisma; sed propter Ius Diuinum naturale id irritans; ad quod sublata dispensatione per Christum, reductum est matrimonium in Iure naturali, & ità nunc minimè licere Infidelibus Polygamiam, & secundas nuptias esse irritas; docent *Sotus* 4. *distinct.* 33. *dub.* 1. *art.* 2. *Colum.* 9. *Conclusionem* 3. *Belarminus lib.* 1. *de matrimonio cap.* 11. *ad finem.* *Sanchez lib.* 7. *disp.* 80. *num.* 14. & *alijs.*

4 Sequitur a fortiori, inualidum esse Iure naturæ matrimonium vnus femine cum pluribus viris; tum quia hoc repugnat primario fini matrimonij, qui est prolis procreatio, impeditur enim proles per commixtionem seminum, vel si proles nascetur, non benè educabitur, propter illius incertitudinem; tum quia in hac re nunquam fuit dispensatum, sicut dispensatum fuit, vt vnus vir plures vxores haberet, vt suprà dictum est de antiquis Patriarchis. Ità *Sanchez loc. cit. num.* 4. *Filiuccius num.* 164. *locis citatis, & alijs communiter.*

5 Vtrum non solum primæ verum etiam secundæ, & reliquæ nuptiæ sint Sacramentum.

Respondeo affirmatiuè, nihil enim deest, ratione cuius non sint Sacramentum, cum in illis reperiantur omnia quæ pertinent ad Sacramentum matrimonij; verum tamen est per secundas nuptias, cum non significetur perfectè coniunctio Christi cum Ecclesia, induci irregularitatem, modò copula sit consummata, cum seminis emissionem intra vas; Patet enim irregularitatem etiam induci per bigamiam, non solum quando plures successiuè habentur vxores, sed etiam per eam bigamiam, quæ incurritur per vnum solum matrimonium celebratum cum vidua, vt infra dicemus

mus de bigamia . Bonacina de impedimento ligaminis quest. 3. punct. 10. num. 11.

- 6 An inducatur impedimentum ligaminis , nullumque sit matrimonium secundum consumatum, quando primum matrimonium fuit separatum solemniter iudicio Ecclesiæ ob adulterium commissum ; veluti Petrus cum Lucretia ratum , & consumatum contraxit matrimonium ; Lucretia deinde accusata est ob adulterium commissum , ob quod Ecclesia diuortium fieri declarauit inter Petrum & Lucretiam , hoc igitur casu , an Petrus aliam vxorem ducere possit .

Respondetur , Negatiuè ; quia diuortium factum fuit quo ad Torum , & habitationem , non quoad vinculum matrimonij , & si de facto contrahat , nullum est secundum matrimonium , quia primum matrimonium fuit solutum tantum quoad Torum , & habitationem , non quoad vinculum , quod adhuc remanet , & ab Ecclesia nunquam soluitur : *Matthæi 19.* vt supra . Sed tantum Ecclesia aliquando declarat matrimonium nullum fuisse ab initio contractum propter impedimentum essenziale , tunc enim vinculum matrimonij non tollit , sed in matrimonio vinculum non fuisse declarat , & sic nunquam ab Ecclesia vinculum matrimonij tollitur . *cap. Gaudemus §. penultimo de diuortijs .*

- 7 Dubitatur ; Vxor relicta a viro ad bellum prodeunte , vel in Regiones longinquas , post decennium habuit literas testimoniales alicuius Hospitalis , vel Testes deponentes apud Iudicem Ecclesiasticum mortuum esse suum virum , habitis dictis probationibus mulier contraxit secundum matrimonium , ex decreto præfati Iudicis ; An si postea contrarium inueniatur , & primus maritus redierit , mulier sit in conscientia tuta , & quid agere debeat .

Resp. Etiam si ista mulier matrimonium consumauerit , & filios pepererit cum secundo viro , quoniam bona fide , & cautè matrimonium contraxit , cum decreto Iudicis , non peccauit , & filij procreati enim secundo viro sunt legitimi per bonam fidem matris suæ . *cap. Ex tenore qui filij sint legitimi , & cap. Tanta eodem titulo .* Mulier tamen tenetur redire ad primum virum , eumque recipere , & è conuerso maritus quoque tenetur redire ad vxorem , & potest compelli , quia mulier innocens fuit ; vt in *Can. Per bellicam , & Can. Cum in captiuitate 34. quest. 1. & 2. Conarr. in 2. parte de matrim. cap. 8. §. 2. Nauarrus cap. 22. nu. 53. & ratio est , quia matrimonij vinculum nunquam soluitur , nisi per mortem .*

- 8 Quæres qualis certitudo de morte Coniugis requiratur , vt superstes possit cum alio matrimonium inire .

Resp.

Resp. Requiritur certitudo moralis, seu tantam certitudinem, quantam iudicio prudentis sufficit ad credendum priorem coniugem certo mortuum esse; Ratio est, quia nisi adsit tanta certitudo, contrahentes exponunt se periculo adulterij, cum fieri possit, ut prior coniux sit superstes, huic autem periculo non se exponunt, qui abstinere a matrimonio contrahendo, quando non adest prædicta certitudo. Ità *Sotus 4. distinct. 22. quest. unica art. 5. Sanchez lib. 2. disp. 46. num. 6. Gutierrez de matrimonio cap. 51. num. 1. & alij.*

Hinc sequitur, uxorem non posse matrimonium cum alio contrahere, quando ipsius vir absuit per multos annos; nam certitudo moralis non habetur per absentiam multorum annorum: sic nec habetur per solam famam, cum fama oriri soleat ex auctore incerto, & plerumque fallaci, nisi fortè cum fama existant tanta indicia, ut nullus dubitandi locus relinquatur de morte illius. *Sanchez lib. 2. de matrimonio disp. 46. Nauarrus cap. 27. num. 53. & alij.*

Secundò sequitur, uxorem posse cum alio matrimonium contrahere, quando ipsius vir ingressus prælium, non amplius comparuit, & fama est ipsum perijsse, & per literas eorum, qui prælio interfuerunt acceptum est, ipsum mortuum esse. *DD. citati à Bonacina de impedimento ligaminis num. 14.*

Tamen relinquendum est iudicio prudentis viri iudicare in casibus particularibus, an adsit certitudo moralis, & coniecturæ sufficientes ad contrahendum nouum matrimonium, ut ait *Couarruias secunda parte de matrimonio cap. 7. §. 3. num. 3. & 4. quem alij communiter sequuntur.*

Existimo tamen cum *Sanchez loc. cit. Bonacina loc. cit. num. 16.* Mortem alterius coniugis non sufficienter probari per vnum testem in causa matrimonij, in qua agitur de periculo animæ, nisi fortè adessent aliæ coniecturæ, vel nisi Coniux mortuus sit in loco ità distante, ut non possent facile haberi aliæ probationes; & hoc modo intelligendum est. *cap. In presentia de sponsalibus*, ubi præcipitur Prælatis, ne permittant matrimonium contrahi, donec certum nuncium de morte percipiant. Ob id cauere debent Parochi ne aliquos coniungant, nisi obtenta facultate, siue licentia ab Ordinario, apud quem fieri solent probationes de morte alterius coniugis. Vide *Mascardum de probationibus conclus. 749. & 1705. Gutierrez cap. 51. num. 2. de matrimonio in fine. Sanchez lib. 2. disp. 46. per totam.*

Non nego tamen, quin mulier possit matrimonium contrahere,

secluso scandalo, quando ipsa sola nouit certò mortuum esse virum, quamuis eius mortem probare non possit, vt accidit quando ipsa sola fuit præsens morti sui viri. Ità *Rebellius 2. par. lib. 3. qu. 13. Gutierrez cap. 51. ad finem. & alij*; Ratio est, quia tunc cessat periculum adulterij, modò mulier sit bonæ famæ, & honesta.

- 9 Vtrum vxor, quæ contraxit matrimonium cum secundo, credens priorem virum mortuum esse, teneatur recedere a secundo, postquam cognouit priorem virum superstitem esse.

Resp. Teneri recedere a secundo, alioquin exponit se periculo adulterij, & peccat mortaliter petendo, vel reddendo debitum, post huiusmodi notitiam, nam secundum matrimonium est inualidum. *Can. si virgo 34. quæst. 1: & 2.* Si verò non certò nouit priorem virum superstitem esse, sed tantummodo dubitat, non potest existente dubio petere debitum. *cap. Inquisitioni de sententia excomm.* alioquin exponit se periculo adulterij; tenetur tamen in hoc casu alteri coniugi petenti reddere, quamdiù non constat priorem coniugem superstitem esse; nam alter coniux habet Ius petendi, nec tenetur credere coniugi dubitanti inualidum esse matrimonium, nisi dubitans ità probet, vt alter propter eius motiua, & probationes teneatur credere, vel ità dubitare, vt nequeat deponere dubium. *dic. cap. Inquisitioni de sententia excomm.* sic ibi deciditur: si Coniux scit pro certo impedimentum matrimonij, non debet reddere debitum, potius excommunicationem pati; Si autem hoc ex credulitate probabili, & discreta, quamuis non euidēti, & manifesta sciat, potest reddere debitum, non autem exigere; si ex leui, & temeraria credulitate, deposita conscientia, potest reddere, & exigere. *Gutierrez de matrimonio cap. 49: num. 36. 37. & 38. & alij DD. apud Bonacinam loc. cit. de impedimento ligaminis.*

- 10 Quæres, vtrum sit validum matrimonium contractum ab eo, qui falsò credebat superstitem esse priorem vxorem, sed reuera mortua erat.

Resp. Validum esse, si contrahens habebat intentionem contrahendi quantum poterat; Ratio, quia adest sufficiens consensus inter personas habiles; Secus dicendum est, si non habuit intentionem contrahendi quantum poterat; tunc enim matrimonium est inualidum, eo quod non habuerit animum contrahendi. *Bonacina de impedimento ligaminis loc. cit. num. 18.*

- 11 Quid dicendum de eo, qui contrahit matrimonium, credens adesse impedimentum dirimens, quod reuera non adest.

Resp. Idem dicendum est, quod dictum est de eo, qui credebat suam

suam uxorem viuere, cum reuera mortua erat, vel è conuerso ;
Si matrimonium cum alia contrahit, matrimonium non valere,
si dum contrahit, credit illud non fore validum, quia non con-
sentit legitimè in matrimonio. Secus si credit matrimonium
valere, licet credat, contrahendo peccare mortaliter, vt rectè Syl-
vester verbo *matrimonium* 8. quæst. 13. §. 5. *Nanarrus* cap. 22. nu. 56.

*Decimum Impedimentum impediens, &
dirimens matrimonium est Hone-
stas, hoc est, Iustitia publica
honestatis.*

Q V Æ S T I O XXIV.

S V M M A R I V M.

- 1 *Quid sit Iustitia publica honestatis.*
- 2 *Exemplum.*
- 3 *Quæ differentia sit inter Ius antiquum, & Ius nouissimum in hoc impedimento.*
- 4 *In matrimonio rato de præsentì contracto, Ius antiquum remanet incorruptum, licet matrimonium ratum etiam vocetur impedimentum publica honestatis.*
- 5 *Quando dicatur matrimonium ratum, & ponitur Exemplum.*
- 6 *Quæ conditiones requirantur, vt sponsalia de futuro inducant hoc impedimentum publica honestatis.*
- 7 *Utrum impedimentum publica honestatis contractum ex sponsalibus validis & certis, cesset, quando sponsalia dissoluntur mutuo consensu contrahentium.*
- 8 *Utrum impedimentum publica honestatis possit aliquando concurrere cum impedimento Affinitatis.*
- 9 *Ad quem gradum extendatur impedimentum publica honestatis, consurgens ex matrimonio rato, & non consumato.*
- 10 *Utrum ex matrimonio rato celebrato inter impuberes, scilicet ante 14. annos completos in masculo, & 12. in femina inducatur impedimentum publica honestatis, & quid si malitia suppleret ætatem.*

- 11 *An hoc impedimentum oriatur ex matrimonio celebrato per metum, grauem, vel per errorem personæ, vel quando aliquis sicte consensit.*
- 12 *Ad quem pertinet dispensare in impedimento publicæ honestatis.*

DE hoc impedimento publicæ honestatis tractant DD. præcipue. *Sorus in 4. sentent. distinct. 41. quæst. 1. art. 2. Nanarrus cap. 22. num. 57. Canonista omnes in cap. sponsam de sponsalibus. cap. Iuuenis. cap. Ad audientiam de sponsalibus. Et cap. primo de desponsat. Impuber. in 6. & ibi optime aduertunt omnes DD.*

- 1 *Iustitia publicæ honestatis, est impedimentum proueniens ex sponsalibus per matrimonij decentiam, siue honestatem.*

Secundò inductum est hoc impedimentum, & vocatur Iustitiæ publicæ honestatis, quasi velit significare æquum esse, & decens abstinere ab hoc matrimonio publicæ honestatis causa; Et oritur hoc impedimentum ex sponsalibus de futuro, non ex consanguinitate, siue ex affinitate contracta, scû ex matrimonio contracto consumato.

- 2 *Exemplum erit huiusmodi. Petrus sponsalia de futuro cum Camilla contraxit, & post sponsalia mortuus est Petrus, qui Camillam adhuc non cognouerat; Ioannes frater germanus Petri, non potest ducere Camillam sponsam Petri, propter hoc impedimentum publicæ honestatis impediens, & dirimens; sic etiam si moriatur Camilla sponsa Petri, non potest Petrus postea ducere Iuliam sororem germanam Camillæ, quæ est in primo gradu; & si de facto matrimonium contrahatur, illud nullum est. iuxta Concilium Tridentinum sess. 24. cap. Iustitia.*

Tertiò dicimus, quod hoc impedimentum oritur non solum ex sponsalibus de futuro, sed etiam ex sponsalibus de præsentī, & sic ex matrimonio rato. *Abbas in cap. sponsum de sponsalibus, & in cap. primo de desponsat. impuber. in 6.*

- 3 *Sed quæritur, quæ differentia sit inter Ius antiquum, & Ius nouissimum in hoc impedimento.*

Resp. Quod duplex est differentia. Prima, quia de Iure antiquo hoc impedimentum publicæ honestatis contrahebatur ex sponsalibus de futuro, etiam nullis & inualidis. At hodie de Iure nouissimo *Conc. Trid. in dic. cap. Iustitia sess. 24.* oritur hoc impedimentum ex sponsalibus validis, non autem nullis, & inualidis.

Secunda differentia est, quia de Iure antiquo extendebatur hoc impedimentum vsque ad quartum gradum inclusiue, sicuti

impe-

impedimentum ex consanguinitate , & affinitate proueniens .
cap. Ad audientiam de sponsalibus. At hodiè vltra primum gradum
non extenditur *dic. cap. Iustitia sess. 24. Conc. Trid.*

- 4 Tamen hoc intelligitur procedere in sponsalibus de futuro ,
non in matrimonio rato de præsentì contracto .

In matrimonio autem rato , Ius antiquum remanet incorruptum,
licet matrimonium ratum etiam vocetur impedimentum
publicæ honestatis , tamen vsque ad quartum gradum inclusiue
extenditur . *Abbas in cap. Non debet de consang. & affn. cap. Spon-*
sam de sponsalibus , Et in cap. primo de desponsat. impuber. in 6. Et
nouissimè per Decretum B. Pij V. Incipiens ad Romanum spectat,
vt infra dicemus .

- 5 Tunc autem est matrimonium ratum , quādo coram Parocho
& testibus contractum est per verba de præsentì , vis , & volo , nec
ex eo sequuta est copula carnalis; & quamuis Concilium Triden-
tinum de impedimento huius matrimonij rati nullam faciat
mentionem , tamen remanet dispositioni Iuris communis anti-
qui , quod vsque ad quartum gradum trahit , vt diximus , ac etiam
declaratum fuit à B. Pio V. vt infra clariùs dicemus .

Exemplum de matrimonio rato , quod idem est quod sponsa-
lia de præsentì . Antonius coram Parocho , & testibus , & omni-
bus solemnitatibus per verba de præsentì vis , & volo , ducit in
uxorem Lucretiam, & fit matrimoniū ratum , & non consumatum,
vnde si moriatur Lucretia , Antonius non solum non potest du-
cere in uxorem sororem germanam Lucretiæ , sed nec etiam con-
sobrinam , neptem , & proneptem Lucretiæ ; quia matrimonium
ratum inducit impedimentum publicæ honestatis vsque ad quar-
tum gradum inclusiue , vt ex Bulla B. Pij V. Dictum est supra .

- 6 Vt sponsalia de futuro inducant hoc impedimentum publicæ
honestatis , requiritur vt sponsalia sint valida , vt dispositum est
de Iure nouissimo Concil. Trident. Vt autem sint valida , quatuor
debent habere conditiones .

Primò vt sint pura . 2. vt sint contracta cum cerra persona ,
non verò incerta . 3. Vt inter contrahentium nullum sit impedi-
mentum contrahendi sponsalia . 4. Vt sint valida , ratione con-
sensus ; quæ omnia diximus supra de sponsalibus .

Sequitur , illum qui cum Berta valide contraxit sponsalia , sed
postea celebrat alia sponsalia cum sorore Bertæ , non affici impe-
dimento publicæ honestatis , ratione cuius non possit amplius
cum Berta contrahere matrimonium ; Ratio est , tum quia spon-
salia cum sorore Bertæ sunt inualida , ex sponsalibus autem in-
uali-

ualidis, non confurgit impedimentum publicæ honestatis, ut patet ex *Trident. loc. cit.* sicut confurgit ex sponsalibus prius celebratis cum Berta, ratione cuius impedimenti efficitur, non, valida esse posteriora sponsalia celebrata cum sorore Bertæ; Tum etiam quia hoc expresse habetur in *cap. unico de sponsalibus in 6. ita Sanchez lib. 7. disp. 67. num. 23. & communiter alij.*

Uterius patet eum, qui contraxit sponsalia sub conditione de futuro cum Lucretia, & postea absolute celebrat alia sponsalia, cum Maria sorore germana Lucretiæ, non affici impedimento publicæ honestatis, tum quia priora sponsalia conditionalia, pendente conditione, non sunt vera sponsalia, eo quod deficiat plenus consensus; conditio enim suspendit consensum, usque ad eius aduentum, quamvis ex vi prioris promissionis adest obligatio expectandi euentum conditionis, antè quem euentum, non potest sponsus rem vni sub conditione promissam tradere, alteri; matrimonium tamen esset validum si celebraretur cum Maria sorore Lucretiæ antè conditionis euentum, cum non sit inductum adhuc impedimentum publicæ honestatis, ratione cuius dissolueretur matrimonium. *Sanchez lib. 7. disp. 69. num. 2. Reginaldus lib. 31. num. 129. Gutierrez de matrimonio cap. 103. nu. 13: & 20. Filiuc. tract. 10. par. 2. cap. 6. quest. 6. num. 224. & alij.*

Sequitur, Infidelem qui tempore infidelitatis sponsalia contraxit cum Berta, posse valide matrimonium inire cum eius Matre, vel sorore, non solum ante baptismum, verum etiam post susceptum baptismum; Ratio est quia impedimentum publicæ honestatis non est inductum Iure naturæ vel Diuino, sed Iure Ecclesiastico, cui non sunt subiecti Infideles. Ità *DD. citati, & Bonacina de impedimento publicæ honestatis quest. 3. punct. 11. num. 6.*

- 7 Vtrum impedimentum publicæ honestatis contractum ex sponsalibus validis & certis, cesset, quando sponsalia dissoluntur mutuo consensu contrahentium.

Resp. Negatiue, & ratio est; tum quia impedimenta matrimonij non dependent à voluntate contrahentium, sed ab Ecclesia, quæ illa constituit; tum quia sequeretur impedimentum publicæ honestatis non esse perpetuum, quod esset contrà, *cap. Sponsam, & cap. si quis desponsauerit il 2. 27. quest. 2.* tum quia ratio potissima propter quam inductum est ab Ecclesia impedimentum publicæ honestatis adhuc militat, quando sponsalia mutuo consensu dissoluntur, eo quod non deceat matrimonium contrahi inter aliquas personas, quæ sibi factæ sunt propinquæ per sponsalia; Tandè quia sequeretur hoc impedimentum posse etiam cessa-

re

re per mortem alterius coniugis, non enim videntur sponsalia, magis dissolui per mutuum consensum, quam per mortem; sed falsum est impedimentum publicæ honestatis cessare per mortem alterius coniugis, vt tradunt DD. ex *cap. Sponsam de sponsalibus*, & *cap. Si quis uxorem*, ergo neque cessat per dissolutionem sponsaliorum mutuo consensu factam. Ità Sanchez lib. 7. *disput. 68. num. 20. de impedimento publicæ honestatis*. Bonacina eodem titulo qu. 3. *punct. 11. num. 7.*

- 8 Quæres, vtrum impedimentum publicæ honestatis possit aliquando concurrere cum impedimento affinitatis, ità vt inualidum reddatur matrimonium contrahendum cum propria sponsa, aut cum illa cum qua habita fuit copula.

Resp. Vtrumque impedimentum posse simul concurrere, vt habetur in *cap. literas de desponsat. impub.* Ex quo fit, vt qui celebravit sponsalia cum Berta, & postea copulam habuit cum sorore germana Bertæ, neutram possit ducere; non enim potest ducere sororem Bertæ, propter impedimentum publicæ honestatis, consurgens ex sponsalibus cum Berta celebratis, dirimens matrimonium cum consanguineis Bertæ in primo gradu; neque potest ducere ipsam Bertam propter impedimentum affinitatis ortum ex copula illicita habita cum sorore ipsius Bertæ, dirimens matrimonium vsque ad secundum gradum inclusiue. Ità Nauarrus *cap. 22. num. 57. in fine. Sanchez lib. 7. disp. 68. ad finem.*

Hæc tamen est differentia inter copulam licitam, & illicitam; quoniam ex copula licita oritur impedimentum dirimens matrimonium vsque ad quartum gradum inclusiue; Ex illicita verò oritur impedimentum dirimens matrimonium tantummodo vsque ad secundum gradum inclusiue, vt patet ex *Trident. sess. 24. cap. 4.*

Vnde qui fornicatus est cum aliqua, potest contrahere matrimonium cum consanguinea illius in 3. vel 4. gradu. Bonacina de *impedimento affinitatis quest. 3. punct. 12. num. 6. & alij communiter.*

- 9 Quæres ad quem gradum extendatur impedimentum publicæ honestatis, consurgens ex matrimonio rato, & non consummato.

Respondeo extendi vsque ad quartum gradum; vnde vir mortua vxore, etiam ante consummatum matrimonium, non potest ducere consanguineam vxoris vsque ad quartum gradum. Sic declarauit B. Pius V. motu proprio, qui incipit *Ad Romanum spectat*. Ex quo patet falsum esse quod asseritur a duobus grauius DD. vt est videre apud Bonacinam de *impedimento publicæ honestatis quest. 3. punct. 11. num. 8. & 10.* dicentibus matrimonium ratum inducere impedimentum publicæ honestatis, tantummodo

do

do usque ad primum gradum, nam isti DD. decepi sunt ex in-
advertentia Decreti editi a B. Pio V. anno 1568. quod incipit *Ad*
Romanum. Sanchez lib. 7. disp. 70. num. 16. Rodriguez cap. 234.
& alij communiter.

Ex dictis sequitur primò, ex matrimonio rato Amentium, vel
puerorum non confurgere impedimentum publicæ honestatis,
nam illorum matrimonium est inualidum defectu debiti consen-
sus. Ità DD. communiter.

- 10 Dixi ex matrimonio rato celebrato inter impuberes, scilicet
ante 14. annos completos in masculo, & 12. in fœmina non con-
furgere impedimentum publicæ honestatis, usque ad quartum
gradum (nisi malicia suppleat ætatem;) nam matrimonium in-
ter impuberes irritatur a Iure, eo quod præsumatur non adesse
Iudicium, & consensus sufficiens ad contrahendum. Verum ta-
men est ex matrimonio impuberum confurgere impedimentum
publicæ honestatis usque ad primum gradum, ex sententia eo-
rum, qui dicunt matrimonium impuberum resolui in sponsalia,
vt colligitur ex cap. *Tuæ nobis de desponsac impuberum*. *Valentia*
tom. 4. disp. 10. quæst. 5. punct. 3. §. honestas, Sanchez loc. cit. nu. 8.
Cardinalis Tuscus tom. 7. Conclus. 401. num. 3. Nanarrus cap. 22.
num. 57. & alij.

- 11 Præterea hoc impedimentum non oritur ex matrimonio cele-
brato per metum grauem, vel per errorem personæ, vt patet ex
dictis rationibus. Ità Sanchez lib. 7. disp. 70. nu. 9. & 10. & DD.
apud ipsum.

Nec etiam inducitur hoc impedimentum quando aliquis alteri
fictè consensit; matrimonium enim est inualidum defectu con-
sensus, quamuis fictè consentiens cogendus sit stare matrimonio
ratione scandali, vel alterius incommodi vitandi. Vnde ratione
sacrilegij, ac etiam istorum incommodorum debebat ex animo
contrahere. Ità Bonacina de impedimento publicæ honestatis quæst. 3.
punct. 11. num. 14. Et alij DD. apud ipsum loquentes in simili de
sponsalibus inualidis defectu consensus. Rodriguez autem in sum-
ma casuum conscientie cap. 244. num. 1. de sponsalibus, inquit, spon-
salia obligant sub pena peccati mortalis, & nolens adimplere,
potest compelli in foro exteriori ad implementum promissi, re-
manente alia parte aggrauata, aut notata infamia; si enim non
remaneat grauiata, debet monere Iudex vt dicat, non autem
compellere; qui citat D. Thomam, & Sotum lib. 2. de Iustitia qu. 2.
art. 1.

- 12 Vltimò ad quem pertineat dispensare in impedimento publicæ
honestatis. Ref-

Respondeo pertinere ad Summum Pontificem; ad ipsum enim pertinet dispensare in Iure communi verum etiam est, quando impedimentum publicæ honestatis simul concurret cum impedimento affinitatis, vtrunque impedimentum explicandum esse in petitione dispensationis, & ratio est, quia sunt duo impedimenta. Ità Petrus Ledesma loc. cit. *quaest. 55. art. 4. ad finem*, & alij DD.

*Vndecimum Impedimentum impediens,
& dirimens matrimonium est Af-
finitas:*

Q V Æ S T I O XXV.

S V M M A R I V M.

- 1 *Quid sit Affinitas.*
- 2 *Quotuplex sit Affinitas.*
- 3 *Quomodo, quando, & inter quas personas contrahatur.*
- 4 *Quares an Consanguinei Caij, qui copulam habuit cum Berta, fiant affines cum consanguineis Berta.*
- 5 *Vtrum Titius qui duxit Bertam in uxorem, possit ea mortua ducere illam, quæ sinit uxor fratris Berta, mortuo fratre Berta.*
- 6 *Quares qui nam sint Stipites in Affinitate.*
- 7 *Qui nam sint effectus huius impedimenti.*
- 8 *Vtrum Affinitas dirimat matrimonium iure naturæ in aliquo gradu.*
- 9 *Quid requiratur ad inducendum impedimentum affinitatis.*
- 10 *Quando non oritur Affinitas.*
- 11 *An oriatur Affinitas ex copula habita cum femina omnino inuita; vel ignorante, vel dormiente, vel insana, vel Ebria.*
- 12 *An sit alia pœna constituta ijs, qui sine dispensatione contrahunt matrimonium cum Affinibus, vel Consanguineis.*
- 13 *Observationes necessariae circa titulum de eo qui cognouit Consanguineam uxoris suæ; Et quem effectum pariat affinitas superueniens matrimonio contracto.*
- 14 *Quid de eo qui cognosceret proprias consanguineas, an consurgat hoc impedimentum petendi debitum, per hanc copulam incestuosam.*

- 15 *Quando quis cum voto simplici continentis, matrimonium contraxit, an impediatur à petitione debiti.*
 16 *Quid dicendum de eo, qui post Votum Religionem ingrediendi, & profitendi matrimonium, contraxit ac consumauit, an prohibeatur petere, & reddere.*
 17 *Si vxor in saculo continentiam vouens, marito licentiam dedit sacros ordines suscipiendi, vel Religionem ingrediendi, an eo defuncto ad secundas nuptias transire possit.*
 18 *An Episcopus Iure Ordinario possit super hoc impedimento petendi debitum dispensare.*
 19 *An cui dispensatum est ab Episcopo, vt possit petere debitum; mortua vxore, possit licite matrimonium contrahere.*

1 **A**D primum Affinitas est personarum proximitas, ex copula carnali proueniens. Ità *Couarr. in 2. par. de matrimonio cap. 6. §. 7. num. 2.*

Dicitur proximitas personarum; quia duæ cognationes diuersæ per nuptias copulantur, & vna cognatio ad finem accedit alterius cognationis. *l. Non facile §. Affines ff. de gradibus.* Cognati enim vxoris, affines viro fiunt, & cognati viri, fiunt affines vxori, nuptijs mediantibus.

Dicitur ex copula carnali proueniens, nam hoc impedimentum non prouenit ex origine sanguinis ex eodem stipite, sed prouenit ex copula carnali consummata in vase debito.

Dixi in vase debito, quia ex extraordinaria pollutione hoc impedimentum non nascitur. *Can. Extraordinaria 35. quest. 3. Ibiq; Glossa, & DD.*

2 Ad secundum responderetur, quod affinitas duplex est, licita, & illicita,

Licita est, quæ contrahitur per carnalem copulam maritalem consummatam in vase debito, mediante matrimonio consummato; quoniam ex matrimonio rato tantum, & non consummato, dicitur impedimentum publicæ honestatis, ac etiam dirimit matrimonium vsque ad quartum gradum inclusiuè per Decretum B. Pij V. incipien. *Ad Romanum spectat*, vt dixi in præcedenti impedimento.

Illicita affinitas est, quæ prouenit ex copula fornicaria, seu illicita; & ista impedit, & dirimit vsque ad secundum gradum vt in *cap. in literis, & ibi Abbas cap. discretionem, de eo qui cognouit consanguineam vxoris suæ, & cap. secundo de consanguin. & Affin. Couarr. loc. cit. Concil. Trident. sess. 24. in cap. Præterea.*

3 Ad tertium quomodo, & quando, & inter quas personas affinitas contrahatur?

Resp. Quando duo sese carnaliter per copulam maritalem cognoscunt, fiunt affines cum consanguineis alterius, in eo gradu, in quo sunt ipsi consanguinei inter se; Vt si Caius copulam habeat cum Berta vxore sua, sit affinis cum consanguineis Bertæ, in eo gradu, in quo sunt ipsi consanguinei Bertæ, cum ipsa Berta. Vnde si ipsi sint consanguinei in primo gradu cum Berta, fiunt affines cum Caio in primo gradu; Idem dicendum est de consanguineis viri respectu Bertæ; Nam Berta per copulam maritalem habitam cum Caio sit affinis consanguineis Caij in eo gradu, in quo ipsi consanguinei sunt cum Caio. Ità communiter DD. Reginaldus, Sanchez, Gutierrez, Filiuccius, & alij locis citandis.

4 Quæres an consanguinei Caij, qui copulam maritalem habuit cum Berta, fiant affines, cum consanguineis Bertæ.

Resp. Negatiue cap. quod super bis de Consang. & Affin. licet Caius fiat affinis cum consanguineis Bertæ, & Berta fiat affinis cum consanguineis ipsius Caij; Nihilominus consanguinei Caij, & consanguinei Bertæ non fiunt affines inter se, nullo enim iure probari potest huiusmodi affinitas, propterea duo fratres possunt ducere duas sorores, & filius potest ducere illam, cuius matrem pater eius duxit: scilicet filia vxoris ex alio matrimonio habitam potest nubere filio, aut fratri sui viri. Vide cap. quod super bis de Consang. & Affin. Emmanuel Sà de impedimentis num. 4. Reginaldus lib. 31. num. 145. Sanchez lib. 7. disp. 67. num. 2. Gutierrez de matrimonio cap. 99. num. 8. Coninchus de matrimonio disp. 32. dub. 4. num. 56. Filiuccius tract. 10. par. 2. cap. 6. quest. 3. num. 219. & alij.

5 Quæres secundò, vtrum Titius, qui duxit Bertam in vxorem, possit ea mortua, ducere illam, quæ fuit vxor fratris Bertæ, mortuo fratre Bertæ.

Resp. Posse, ratio est quia Titius per copulam maritalem habitam cum Berta, factus est affinis consanguineis Bertæ, non verò affinibus Bertæ; Vxor autem fratris Bertæ non est consanguinea Bertæ, sed affinis, consequenter Titius poterit illam ducere, mortua Berta, & eius fratre; affinitas enim non generat affinitatem. cap. quod super bis de Consang. & Affin. ità Sanchez loc. cit. Gutierrez loc. cit. num. 6. Filiuccius loc. cit. nu. 212. & 219. & alij communiter.

6 Quæres qui nam sint stipites in affinitate.

Resp. Stipites esse, duas illas personas, quæ carnaliter se cognoscunt.

gnoscent; vnde duæ illæ personæ non dicuntur affines, sed principium affinitatis; vt si Titius carnaliter cognoscat Bertam suam vxorem; Titius, & Berta sunt stipites affinitatis, consurgentis ex ipsorum copula. Ità communiter DD. apud *Henriquez lib. 12. cap. 10. num. 1. ad finem*, in *Comm. lit. G. Sanchez lib. 7. disp. 64. num. 5.*

7 Ad quartum, qui sit effectus huius impedimenti.

Resp. Effectus huius impedimenti affinitatis est, quod dirimit matrimonium saltem Iure Ecclesiastico, siue consurgat ex copula licita, siue ex illicita. *Henriquez lib. 12. cap. 3. & alij DD. citati.*

8 Dixi in propositione, saltem Iure Ecclesiastico, quia difficultas est inter DD. Vtrum affinitas dirimat matrimonium Iuræ naturæ in aliquo gradu.

In qua re, duplex est sententia. Primam tenet *Sotus 4. distinet. 41. art. 3. Conarruias 2. par. cap. 6. Valentia, Vasquez, Coninchus disput. 32. dub. 4. num. 53. & alij asserentes*. Affinitatem Iure naturæ dirimere matrimonium celebratum cum affine in primo gradu lineæ rectæ, quando affinitas oritur ex matrimonio; & ratio est, quia omnes nationes ab huiusmodi matrimonio videntur abhorre.

Dixi in primo gradu lineæ rectæ, quia si loquamur de linea collateralis, certum est affinitatem non dirimere matrimonium Iure naturæ, vel Diuino, consequenter vxor potest mortuo viro ducere fratrem viri mortui, interueniente Summi Pontificis dispensatione. Et hæc fuit magna illa controuersia, quæ suborta fuit tempore Henrici Octauī Angliæ Regis, qui repudiavit Catharinam vxorem fratris mortui, quam cum dispensatione Summi Pontificis duxerat; Eam autem repudiavit hac fictione, quod Summus Pontifex non potuisset dispensare; quod tamen ab eo fieri potuisse, sentiunt omnes DD. apud *Petrum Ledesnam qu. 55. art. 6. vers. his non obstantibus*, & apud *Sanchez loc. cit.* Ratio est, tum quia Iacob vir magnæ sanctitatis duxit duas sorores; *Genesi 29.* Ergo signum est affinitatem in linea Collaterali, siue transversali non dirimere matrimonium Iure naturæ, vel Diuino; Tum quia multi Summi Pontifices in hoc dispensarunt, vt Alexander Sextus cum Rege Lusitanæ, & Iulius Secundus cum Henrico Septimo; tum quia non apparet tanta indecentia, ob quam debeamus dicere affinitatem in linea laterali dirimere matrimonium Iure naturæ. *Rodriquez cap. 228. & alij DD.*

Secunda sententia est. *Caietani 2. 2. quest. 154. art. 9. Sanchez lib.*

lib. 7. disp. 66. num. 7. *Gutierrez Filiucci tract. 10. par. 2. cap. 6. quest. 4. num. 21. & aliorum negantium affinitatem dirimere matrimonium Iure naturæ, in nullo gradu, etiam lineæ rectæ, secluso Iure Ecclesiastico. Ratio est quia aliquando celebrata fuerunt matrimonia cum Nouercis, cum quibus intercedit affinitas in primo gradu lineæ rectæ, tum quia non apparet tanta indecentia inter has personas, quanta est inter consanguineos in primo gradu, nec tanta turpitudine reperitur, quæ videatur sufficiens ad irritandum matrimonium Iure naturæ, vel Diuino in primo gradu affinitatis. Bonacina de impedimento affinitatis loc. cit. num. 7. & alij DD. ab ipso citati.*

9 Quid requiratur ad inducendum impedimentum affinitatis.

Resp. Requiritur copulam cum seminis emissionem intrâ claustrum fœminæ, ratio est, quia ad contrahendam affinitatem, requiritur ea copula, quæ sit sufficiens ad generationem, seu quæ vir, & fœmina efficiantur vna caro. *cap. Fraternitatis 35. quest. 10. seu qua efficiatur sanguinis commixtio. cap. lex Diuina 37. quest. 2.* Sed vir, & fœmina non efficiuntur vna caro, nisi adsit seminis emissio intrâ vas fœmineum, ergo ad contrahendam affinitatem requiritur seminis emissio, &c. ita *Emmanuel Sâ de impedimentis num. 13. Sanchez lib. 7. disp. 64. num. 11. Conincbus disp. 32. de matrimonio dub. 4. num. 46. & alij apud Sanchez.*

Impedimentum verò quod oritur ex matrimonio rato tantum, & non consummato, non dicitur affinitas, sed publica honestas, quæ etiam in illo impedimento dirimit vsque ad quartum gradum, ex motu B. Pij V. vt suprâ diximus.

10 Hinc sequitur primò, non oriri affinitatem, quando sola fœmina semen emittit; nam illius semen non est sufficiens ad generationem, & ad sanguinis commixtionem, emissio verò seminis virilis sufficit, quia semen viri est sufficiens ad generationem; ita *Paludanus, Syluester, Soens, & alij apud Sanchez lib. 7. disp. 64. num. 10. contrâ nonnullos alios existimantes requiri etiam semen fœminæ.*

Secundò sequitur, ex congressu Spadonum non oriri affinitatem, quia Spadones non emittunt semen aptum ad generationem, vt ait *Petrus Ledesma loc. cit. Sanchez loc. cit. num. 11. & alij.*

Tertiò affinitatem non oriri ex actû præpostero extrâ vas debitum, sicut nec oritur ex pollutione extrâ vas fœmineum. Ita *DD. citati.*

11 An affinitas oriatur ex copula habita cum fœmina omninò inuita,

uita, vel ignorante, vel dormiente, vel insana, vel ebria.

Resp. Affirmatiuè, & ratio est, quia ex huiusmodi copula sequi potest generatio, & fit conmixtio sanguinis. *Cap. Discretionem, de eo qui cognouit consanguineam vxoris sue. ita DD. citati, & Sanchez loc. cit. num. 17.*

- 12 Quæres, an sit alia pœna constituta ijs, qui sine dispensatione contrahunt matrimonium, cum affinibus, vel consanguineis.

Resp. Constitutam esse pœnam excommunicationis ipso facto incurrendam ab ijs, qui scienter audent contrahere in gradibus affinitatis, vel consanguinitatis, ubi eadem excommunicatio fertur contrà contrahentes matrimonium cum Monialibus, & contrà Religiosos, & Moniales, atque Clericos in sacris initiatos; vt in Clementina vnica de consanguinitate, & affinitate. Ibi, eos qui scienter in gradibus consanguinitatis, vel affinitatis, &c. *Sanchez lib. 7. disput. 48. num. 1.*

- 13 Quæres, quem effectum pariat affinitas superneniens matrimonio contracto; Vt accidit, quando quis post matrimonium cum Berta contractum, copulam habet cum Sorore Bertæ, ratione cuius copulæ fit affinis cum ipsa Berta.

Resp. Duplicem effectum parere; Primus est, vt coniux qui commisit incestum cum consanguinea alterius coniugis in primo, vel secundo gradu, non possit ab ea petere debitum, priuatur enim iure petendi. Secundus effectus, vt ostendunt DD. est non solum eum qui cognouit consanguineam suæ vxoris prohiberi ne contrahat aliud matrimonium, verum etiam illos consanguineos coniugis, cum quibus alter coniux incestum admisit, prohiberi matrimonium cum alijs. *Sanchez lib. 7. disput. 15. num. 3. de impedimentis*, ait, nec tantum ipsis coniugibus incestus huiusmodi reis interdicitur aliud matrimonium, sed etiam illis consanguineis coniugis, cum quibus alter coniux incestum admisit, hæc sunt verba *Sanchez loc. cit. Constat ex cap. primo de eo qui cognouit consanguineam &c.* Ibi, si quis cum filiastra sua scienter fornicatus fuerit, nec filiastra, nec ille vilo vnquam tempore, alijs se poterunt matrimonio copulare. Ideum definitur in *cap. Si quis cum Nouerca 32. quæst. 7. quod desumptum est ex Concilio Triburiensi*. Ibi, si quis cum Nouerca sua dormierit, neuter ad Coniugium potest peruenire; & Ratio est, quod inique concurrerint ad iniuriam irrogandam matrimonio. *Sanchez loc. cit. qui multos DD. citat; & Bonacina de impedimento affinitatis quæst. 3. punct. 12. num. 20. De hoc dubio vide supra de impedimentis impedientibus, & dirimentibus matrimonium, parte 7. quæst. 12. num. 2. in fine, & quomodo hodiè practicatur.*

Dixi

Dixi in primo, vel secundo gradu; quia ex copula illicita non oritur impedimentum, nisi usque ad secundum gradum; Unde qui cognoscit consanguineam suæ vxoris in tertio vel quarto gradu non priuatur Iure petendi, nam impedimentum petendi oritur ex affinitate ex copula illicita, quæ non extenditur vltra secundum gradum. *Bonacina de impedimento affinitatis qu. 3. punct. 12. num. 20. circa finem, & adest declaratio Cardinalium, vt ait idem Bonacina loc. cit. qui multos DD. citat.*

Aduertendum tamen est, cum qui cognouit consanguineam vxoris suæ in primo; vel secundo gradu, teneri reddere debitum alteri petenti, vt habetur in *cap. discretionem de eo, qui cognouit consanguineam &c.* Ratio est, quia par non est, vt innocens damnum patiatur ob copulam delinquentis.

Ex dictis colligi potest, vtrumque coniugem priuari Iure petendi, quando vterque copulam habuit cum alterius consanguineis, aut etiam quando vnus tantum habuit, sed de consensu alterius; Ratio est, quia Ius relinquit potestatem petendi tantummodo coniugi innocenti. *Bonacina loc. cit. de impedimento affinitatis.*

Secundò colligitur, eum qui per copulam contraxit affinitatem cum sua Coniuge priuari iure petendi, etiam si copula fuerit occulta, nam affinitas oritur, tam ex copula occulta, quam ex publica. *cap. discretionem de eo qui cognouit &c.* vbi nulla fit distinctio inter publicam, & occultam. Ità, *Sanchez lib. 7. disput. 15. num. 13. Gutierrez de matrimonio cap. 87. num. 18. & 19; & alij*, quidquid aliqui apud *Sanchez* sentiant in contrarium.

Addo non requiri sententiam Iudicis ad hanc pœnam incurrendam, cum hæc sit pœna priuatiua, non requirens auctoritatem Iudicis, & ità sit vsu recepta, vt ait *Sanchez lib. 7. disput. 64. num. 18. & lib. 9. disput. 30. Reginaldus lib. 31. num. 294.*

- 14 Obserua; Quod Iura loquuntur de eo, qui cognouit consanguineam vxoris suæ; Et ideo si quis cognosceret proprias consanguineas, hoc impedimentum non contrahit, licet grauius peccat, huiusmodi enim impedimentum non nascitur ex grauitate delicti, sed ex affinitate, quam vir contrahit cum vxore, propter copulam habitam cum eius consanguinea; (nullam verò affinitatem contrahit vir suas consanguineas cognoscens.) *Syluester verbo matrimonium 7. in fine vers. 3. Grassius parte prima decisionum lib. 2. cap. 80. num. 13. Layman lib. 5. tract. 10. cap. 5. num. 3.*

Idem dicendum est de mulieribus, quæ se cognosci à proprijs consanguineis permittut, vt dicunt DD. citati.

Vnde

Vndè neque hoc impedimentum petendi debitum confurgeret ex copula, quam quis haberet cum affinibus coniugis, quia de ea iura non loquuntur. *Bonacina eodem tit. aliàs citatus quæst. 3. punct. 12. num. 10. in fine.*

Adde, quod nec impedimentum huiusmodi contrahitur, si vir eam cum qua copulam habuit, nesciuit esse suæ vxoris consanguineam, cum enim ignorantia à culpa incestus excuset, excusabit quoque ab eius pœna, non autem à peccato, vt in *dic. cap. 1. de eo qui cognouit &c. Vbi DD. Sanchez lib. 7. disput. 15. num. 9.*

Idem dicendum, si vxor à consanguineo viri per violentiam cognoscatur, *cap. discretionem eodem titulo Sanchez lib. 7. disp. 15. num. 10.* Cum enim nullius culpæ rea sit, omnem euadit pœnam; vt expressè habetur in *dic. cap. discretionem citato.* Is vero mariti consanguineus, qui violenter cognoscit, tamquam veri incestus reus, & affinitatis contractæ inter virum & vxorem, incurret impedimentum ad contrahendum matrimonium. Idem *Sanchez loc. cit. Vide supra de impedimentis impediens, & dirimentibus matrimonium parte 7. quæst. 12. num. 2. in fine.*

- 15 Quando quis cum voto simplici continentie matrimonium contraxit, tunc impeditur à petitione debiti, quamvis reddere possit. *Nauarrus Consil. 17. num. 6. de voto litera B.*

Adde, quod licet votum simplex continentie regulariter non dirimat matrimonium iam contractum, sed tantum impediatur contrahendum, ac etiam debiti petitionem. *cap. Meminerimus cap. Consuluit, cap. Rursus qui Clerici, vel vouentes,* tamen peccauit contrahendo, & tenetur adimplere votum, matrimonio soluto, vt supra dictum est, ac etiam de eo qui Religionem vouit. *DD. supra citati.*

- 16 Obserua tamen, quod qui post votum ingrediendi Religionem, & profitendi, matrimonium contraxit & consumauit; neque petere, neque reddere prohibetur, cum nondum habeat votum castitatis, sed tantum votum de vouenda castitate solemniter, à cuius voti expletionem impeditus est, donec matrimonium soluitur; peccauit tamen matrimonium contrahendo. *Nauarrus loc. cit. in Consil. 17. num. 8. de voto. Layman in Theologia morali lib. 5. tract. 10. cap. 3. num. 6. verum Bonacina de secundo præcepto Decalogi disput. 4. quæst. 2. punct. 5. §. 5. num. 5. & alij ab ipso citati, inquirunt, quod etiam peccat, prima vice petendo, aut reddendo debitum; post primam vicem autem potest petere, & reddere; rationem, vide in parte 6. quæst. 10. num. 6. circa finem.*

- 17 Sciendum quoque est, si vxor in sæculo continentiam vouens, Ma-

Marito licentiam dedit sacros ordines suscipiendi, vel Religionem ingrediendi, tam eo viuo, quam eo defuncto, nec licite, nec valide quidem ad secundas nuptias transire potest, *cap. Quia sunt, ubi Glossa verbo fuisse, & cap. sequenti distinct.* 28. *cap. seriatim distinct.* 32. Ità Abbas in *cap. Constitutus num. 6. de Conuers. Coniug. Sanchez lib. 7. disput. 40. num. 2. sequent. & alij ab ipso citati.*

Sic etiam apud Græcos, eo ipso quod mulier consentit, quod vir suus ordinem sacrum suscipiat, obligat se ad hoc, quod ipsa in perpetuum alteri non nubat, quia significatio matrimonij non seruaretur, quæ in matrimonio Sacerdotis præcipue exigitur; Si autem sine consensu eius ordinatur, non videtur ad hoc teneri; hæc sunt verba *D. Thomæ 4. sentent. distinct.* 37. *quæst. 1. art. 2. ad. 4.*

- 18 Potest autem Episcopus super impedimento petendi debitum, Iure ordinario per consuetudinem acquisito dispensare. *Syluester in verbo luxuria num. 4. dicto 5. Grassius parte prima decis. lib. 2. cap. 81. num. 2. & alij apud Layman lib. 5. tract. 10. cap. 1. num. 14. Nauarrus in manuali, cap. 16. num. 34. vers. Interrogatus autem; Diana par. 1. tract. 11. resol. 68. latè Sanchez de matrimonio lib. 8. disput. 12. num. 13. & seq. Barbosa de officio, & potestate Episcopi part. 2. Alleg. 35. num. 8; & seq. & Alleg. 37. num. 12. & alij Doctores.* Potest etiam dispensare Sacra Pœnitentiaria per constitut. nuper editam per Innocentium XII. 3. nonas Septemb. 1692.

Addunt alij, quod hæc dispensatio fieri potest extrà Sacramentum Confessionis, & urgente necessitate etiam per literas, ità *Diana par. 3. tract. 2. resol. 14. ubi citat. Portel. in addit. ad dubium Regular. verbo Confessor dispensans num. 13. & 14.*

- 19 Obserua tamen vt dixi, quod qui fecit votum simplex castitatis, vel Religionis, mortua vxore non potest matrimonium licite contrahere, etiamsi Episcopus cum eo dispensauerit, vt possit petere debitum, nam in tali casu Episcopus non relaxat simpliciter votum, sed solum ex parte, & secundum quid, nempe ad solum petendum debitum, & ita mortua coniuge, tota voti obligatio reuiuiscit. *Bonacina in tractatu de legibus disput. 4. quæst. 2. pun. 7. §. 4. num. 15. Diana parte prima tract. 11. resol. 66. Barbosa dic. par. 2. Alleg. 37. num. 10.*

*Duodecimum Impedimentum impediens,
& dirimens matrimonium est
Impotentia Coeundi.*

Q V Æ S T I O XXVI.

S V M M A R I V M.

- 1 Quot modis dicatur Impotentia.
- 2 Quotuplex sit hoc impedimentum.
- 3 Quando matrimonium nullum est ex hoc impedimento.
- 4 Quando possit probari hoc impedimentum.
- 5 Quid interest inter impotentiam perpetuam & temporalem.
- 6 Quid de femina si tam arcta esset, vel si præ latitudine, aut alia egritudine cognosci minime possit à viro.
- 7 Quid sentiendum de matrimonio Eunuchorum, qui sana & integra virilia habent, & utroque testiculo carent.
- 8 Quid censendum sit de matrimonio senum.
- 9 An validum sit matrimonium celebratum cum femina inepta ad seminandum.
- 10 An validum sit matrimonium initum cum femina arcta, quæ potest fieri apta per incisionem.
- 11 Vtrum femina arcta, quæ potest fieri apta proprio viro per incisionem, teneatur pati incisionem, ut apta reddatur.
- 12 An teneatur virgo pati hanc incisionem à proprio viro, instrumento aliquo digno, vel ferro, vel digitis.
- 13 Quæres quid faciendum sit à Coniugibus, quibus constat adesse impotentiam perpetuam.
- 14 Quid faciendum quando matrimonium dissolutum fuit ab Ecclesia, & facta dissolutione, vir ingressus est Religionem, & in ea professionem emisit, sed postea compertus est error, & deceptio Iudicis, eo quod fuerit tantummodo impotentia temporalis, vtrum professus cognito errore, teneatur redire ad uxorem.
- 15 Vtrum vir qui ex presumptione perpetuæ impotentia sacros ordines suscepit, remanente uxore in saculo, restituendus sit uxori petenti, postquam cognoscitur impotentiam non esse perpetuam.
- 16 Vtrum sint validæ secundæ nuptiæ, quando vnus coniugum inijs secundas

das nuptias, & alter professionem emisit in Religione approbata, credens inualidum fuisse prius matrimonium propter impotentiam præsumptam perpetuam, qua reuera non erat perpetua.

- 17 An Hermaphroditus possit validè matrimonium inire, & iuxta quem sexum.
- 18 Rogabis ad quem pertineat indicare, quinam sexus præualeat, & quid faciendum est in dubio.
- 19 Vtrum Hermaphroditus in quo vterque sexus est equalis, facta semel electione sexus, & contracto semel iuxta illum sexum matrimonio, possit mortuo coniuge mutare electionem, & secundum alium sexum contrahere matrimonium.
- 20 Impotentia superueniens matrimonio consumato, Id non dirimit.
- 21 Quid si impotentia superueniat matrimonio rato, nondum consumato.

DVodecimum impedimentum impediens, & dirimens matrimonium, est impotentia coeundi, de quo impedimento agunt. Nauarrus cap. 22. num. 59. Sotus 4. sentent. distinct. 34. quæst. 1. art. 1. & 2. & totus titulus de frigidis, & maleficiatis.

- 1 Ad primum dico, quod impotentia consideratur dupliciter, alia est impotentia generandi, alia feminandi, seu coeundi.

Impotentia generandi non inducit impedimentum matrimonio, nec impediens, nec dirimens matrimonium. Si verò Senex cum Vetula matrimonium contrahat, licet non possit generare, tamen matrimonium est validum, & sic etiam inter steriles rectè constat matrimonium, quamuis non valeant generare. DD. citati.

Insuper hæc impotentia coeundi consideratur duobus modis, nani aut est naturalis, aut accidentalis; Naturalis est quando quis nascitur debilissimæ complexionis, ita ut semper sit impotens.

Accidentalisis verò est, quando quis ob maleficia sibi illata, est ad coeundum impotens, ideòque accidentalisis appellatur, quia per accidens fit.

- 2 Ad secundum, hoc impedimentum impotentia coeundi, est duplex, vel enim est perpetuum, vel temporale.

Perpetuum tunc est, quando nulla arte medicina, nulloque humano remedio dissolui potest, & liberari; veluti quia ex natura mulier ita est acta, ut nullo modo, & nullo remedio possit cognosci, quod impedimentum coeundi perpetuum, facit nullum esse matrimonium, ideoque si talis mulier matrimonium contrahat, illud nullum est.

Temporale impedimentum est, quando durat ad tempus, ve-

Iuē puer & puella antē pubertatem impotentes sunt, sed ad tempus, adueniente verò tempore pubertatis potentes fiunt, & matrimonium contractum post pubertatem valet, tempore statuto à Iure Canonico.

- 3 Ad tertium vt clarior fiat materia, sciendum est, quod aut matrimonium præcedit coeundi impotentiam; aut ipsa impotentia coeundi præcedit matrimonium.

Quando matrimonium præcedit, & deinde subsequitur impotentia coeundi, tunc matrimonium non impeditur, nec soluitur, sed firmum, & validum remanet.

Exempli gratia Petrus contraxit matrimonium cum Lucretia, post contractum, accidit ipsi Petro impedimentum fortuitum, coeundi, & sic perdidit potentiam coeundi; hoc casu matrimonium non dirimitur, sed firmum remanet. *Abbas in cap. ex literis de frigidis, & maleficiatis*; & habitabunt simul, vti frater, & soror, vt in *dic. cap. citato*.

Secundo casu quando impotentia coeundi præcedit matrimonium; Veluti si quis Iuuenis à Turcis fuerit captus, & ab eis castratus, siue exsecutus fuit; Postea regressus contrahit matrimonium cum Lucretia, quæ liberè, siue spontè illum exsecutum, & impotentem in virum recipere contenta est, tunc matrimonium nullum est, estò quod ambo sint contenti matrimonium contrahere, *dic. cap. citato*.

- 4 Si Aliqui matrimonium contrahant, & multi menses elabuntur, & vxor adhuc est virgo, & alter eorum conqueritur, tunc vxor virum relinquere non potest, nec vir vxorem, sed opus est, vt iudicium Ecclesiæ interueniat, & si impedimentum ex scæmina veniat, probatio impedimenti istius ad copulam, fit per manus honestarum matronarum, si verò impedimentum venit ab homine, tunc probatur per Medicos arte peritos. *Nauarrus Consil. primo & 2. & ultimo de frigidis & maleficiatis*.

Medici autem videbunt, an sit Enochus, & impotens à natiuitate, vel ex accidenti; Si à natiuitate impotens sit, quia impedimentum est perpetuum, Ecclesia declarabit nullum esse tale matrimonium. Et hodiè extat Bulla Sixti V. quod carens ambo testibus, si matrimonium contrahat, illud nullum sit, vt infra dicemus clariùs, si verò vnum habeat testem, quia potest seminare, matrimonium validum est; De qua Bulla Nauarrus mentionem facit in dicto Còsilio in vltima carta in suis voluminibus Romæ impressis; Si verò impedimentum sit accidentale, quia irà Medici periti referunt, tunc Ecclesia statuit, vt vir cū vxore per triennium

nium cohabitent, & si post triennium, adhuc vir impotens sit, Ecclesia tunc declarat nullum esse matrimonium, ut in *cap. Laudabilem, cap. Fraternitatis, cap. Ex literis, & cap. Consultationi de frigidis, & maleficiatis*.

Materia huius impedimenti apprimè necessaria est, quæ frequenter accidit in Tribunalibus Ecclesiasticis, & in Confessionibus occurrit, & facillimè potest circa illam aberrari, tum ob nimiam eius difficultatem, tum etiam quia satis obscurè disputatum inuenitur, proinde vnusquisque eam studiosè perlegere debet,

- 5 Prima Conclusio ad maiorem intelligentiam, Impotentia perpetua ad copulam, reddit irritum sublequens matrimonium, secus de impotentia temporali; Hæc est apud omnes certissima sententia, & de impotentia perpetua constat ex *cap. 2. De frigidis, & maleficiatis, & ex toto eius titulo*. Quando autem impotentia est temporalis, eam non dirimere constat. *Ex cap. Fraternitatis, vers. quamvis igitur, eodem titulo, & ratio vtriusque partis ea est, quod perpetuæ impotentia repugnet obligatio ad copulam coniugalem, ex matrimonij contractu confurgens. cap. Nemo ad impossibile de regulis Iuris in 6.* Secus de impotentia temporali, qui enim in præsentis non est aptus ad soluendum, cum tamen sit spes fore in futurum, potest ad soluendum obligari; Cuius obligationis incapax est, qui nunquam aptus ad soluendum foret,
- 6 Secunda Conclusio, quod si fœmina tam arcta esset, ut non posset semen intrâ vas recipere, nec artè aliqua iuuari posset, incapax matrimonij foret.

Similiter esset incapax matrimonij fœmina, si præ latitudine, aut alia ægritudine cognosci minimè posset à viro; Constat ex eadem ratione, & docent *Hosienfis summa titulo de frigidis, & maleficiatis, 4. quæ impotentia num. 5. & 6. & cap. Consultationi, num. 1. eodem titulo; & Ibi Ioannes Andreas num. 2. Anton. in fine.* Secus est si fœmina recipere posset semen intrâ vas, quamvis semen receptum retinere nequiret, tunc enim valeret matrimonium, quippe tunc vere consumatur matrimonium, ut efficiantur Coniuges vna caro, & ipsa solum sterilis est, quod valori matrimonij non obstat dicimus. *Sanchez lib. 7. de impedimentis disp. 2. num. 11. & 26.*

- 7 Tertia Conclusio, Indubitata sententia est Eunuchs utroque testiculo carentes, esse matrimonij incapaces, ac proinde irritum esse matrimonium quod inierint, quia ad matrimonij veritatem desideratur potentia verum semen intrâ vas femineum emittendi; At Eunuchi quamvis membrum erigant, atque quandam aquo-

aquosam materiam emittant, ea tamen non est verum semen, nec eiusdem rationis cum vero semine, nam testiculi sunt tamquam folles, omnia membra commouentes; nam cor, iecur & cerebrum, quæ sunt tres nostri corporis præcipuè partes transmittunt suos spiritus ad testes, qui virtutem habent hos spiritus retinendi, ex quibus totum corpus calefit; at si testes deficient, spiritus non retinentur, sed euanescent illuc transmissi, nec calor per totum corpus reflectitur; Vnde Eunuchi frigidiores fiunt, & inepti ad verum semen emittendum, vt optimè probant ex Galeni doctrina Antonius Musa in Aphorismis Hipocratis, & Galeni lib. 6. Aphorism. 28. Sanchez loc. cit. num. 17. Sunt autem Eunuchi incapaces matrimonij, quare ita declarauit Sixtus V. motu proprio Anno 1587. de verbo ad verbum refert. *Conttietez in questionibus Canonis in secunda editione lib. 1. cap. 16. num. ultimo.*

- 8 Infertur quartò quid censendum sit de matrimonio senum, eo quod eorum semen sit sterile, & non prolificum, vt ex Aristotile, Galeno, Alberto magno. Tiraquello lib. 6. connubiali. Item quia lex Papia interdicit viris sexagenarijs, ac fœminis quinquagenarijs nuptias.

Verum certissimū est apud omnes, vsusque Ecclesiæ id comprobatur, solam senectutem non ob stare valori matrimonij, quare legem illam Papiam tanquam iniquam, primus omnium abrogauit Claudius Caesar, & eum sequutus est Iustinianus, l. Sancimus &c. de nuptijs, deinde id probatur ex D. Augustino de bono viduitatis, cap. septimo, & refertur in cap. Nuptiarum 27. quæst. 1. vbi agens de nuptiarum bono ait, in quibusdam esse humanitatis solatium. vbi Glossa verbo in quibusdam, explicat de senibus.

Vnde nunquam ob senectutem deneganda est alicui ab Ecclesia facultas incundi matrimonij, nisi aliud impedimentum allegetur, & probetur. Sanchez loc. cit. & alij.

Atque hoc in fœmina quantumcunque Vetula certius est, quia frigiditas coitum viri senis impediens, ipsi non obstat, utpotè quæ patiens est, & semen recipit, ad quod calor iuuenilis minimè desideratur. Syluester verbo matrimonium 8. quæst. 16. dicto 4. in fine. Barbosa in l. 1. par. 1. num. 97. ff. soluto matrimonio, & alij. & ita sustinet D. Thomas 4. dist. 34. quæst. vnica art. 2. ad 2. receptus passim ab omnibus Theologis, & Iuris Pontificij Professoribus.

- 9 An validum sit matrimonium celebratum cum fœmina inepta ad seminandum.

Resp. Affirmatiue, cum huiusmodi matrimonium non censca-

seatur celebratum cum impotente, cum semen fœmineum non sit necessarium ad generationem; iuxta veriore sententiam, ita Hen-
 riquez lib. 12. cap. 7. num. 4. Gutierrez cap. 112. num. 3, & alij.

10. An validum sit matrimonium celebratum cum fœmina arcta, quæ potest fieri apta per incisionem.

Resp. Affirmatiue, nam huiusmodi matrimonium non censetur celebratum cum impotentia perpetua; Secus dicendum est, quando fœmina non potest semen recipere, & adeo arcta est, vt non possit iuuari ita DD. citati.

11. Si quæras vtrum fœmina arcta quæ potest fieri apta proprio viro per incisionem, teneatur pati incisionem, vt apta reddatur.

Resp. teneri, etiam cum graui dolore, quia hoc videtur necessarium ad copulam, cuius potestatem, & Ius transfudit in maritum; nec tenetur tamen huiusmodi incisionem pati cum grauissimo morbi incommodo, quia non videtur obliganda ad debitum coniugale reddendum cum tanto incommodo; Matrimonium tamen cum ea celebratum validum est, eo quod non adsit impotentia perpetua, nam illa fœmina potest arte humana fieri apta per incisionem, (absque vitæ periculo vt suppono) quamuis ipsa nolit eam pati, aut non teneatur pati. *Doctor infra citandus.*

12. Nec tenetur virgo pati hanc incisionem à proprio viro, instrumento aliquo ligneo, aut ferreo ad id apto, digitisque claustra huiusmodi virginis a se ductæ referare, vt sic consumare possit matrimonium; quæ omnia mature, prius expendenda sunt, antequam ad medium adeò rigidum perueniatur, & quando ad illud deueniendum est, Chirurgi peritia desideratur, vt iuxta artis præscriptum fiat; quare existimo id non licere viro propria auctoritate efficere; Er si probabilis timor sit fore, vt id intenter; separanda est mulier, ac in loco tuto constituenda, vt docent DD. citati à Sanchez, donec lis decidatur, aut plena securitas detur; sicut quando ratione sœuitiæ sit separatio. iuxta cap. literas in fine de restitut. spoliat. Idem Sanchez de impedimento matrimonij lib. 7. disput. 39. num. 29.

13. Quæres quid faciendum sit a Coniugibus, quibus constat adesse impotentiam perpetuam.

Respondetur non posse debitum petere, vel reddere, nec posse delectari tangendo, osculando &c. Imò dissoluendum est matrimonium, non expectato triennio, si clare constet adesse impotentiam perpetuam; Ratio est, quia matrimonium celebratum cum impotentia perpetua est inualidum, actus autem coniugales, quales sunt reddere, tangere, osculari &c. non possunt exerceri,

ceri, existente matrimonio inualido; Si verò non tam clarè constet, sed tantummodo dubitetur adesse impotentiam perpetuam, permittuntur Coniuges simul cohabitare per triennium, ut matrimonium consumant, quo tempore si nequeant consumare, non amplius permittuntur cohabitare ad consumandum matrimonium, quia iudicatur adesse impotentia perpetua, & consequenter inualidum est matrimonium, propterea facienda est separatio, propter periculum incontinentiæ; Secluso verò periculo incontinentiæ, iura permittunt, ut vir habeat eam tamquam fororem, quam non potest habere uxorem, *cap. laudabilem, cap. Requisisti 33. quest. 1. Rebellius quest. 16. num. 5. Emmanuel Sà-num. 14. Gutierrez cap. 114. Sanchez disp. 97. lib. 7. & alij communiter.*

14. *Quæres* quid faciendum sit, quando matrimonium dissolutum fuit ab Ecclesia, quæ iudicauit adesse impotentiam perpetuam, & facta dissolutione matrimonij, vir ingressus est Religionem, in eaque professionem emisit, sed postea compertus est error, & deceptio Iudicis, eo quod verè non fuit impotentia perpetua, sed tantummodo temporalis; Vtrum professus cognito errore teneatur redire ad uxorem.

Resp. Distinguendo hoc modo, aut vir professus est, antè consumatum matrimonium, aut post consumatum matrimonium, si professus est ante consumatum matrimonium, non debet redire ad uxorem, *cap. Ex publico de conuers. coniug. ratio est, quia matrimonium ratum tantum dissoluitur per professionem.* Si vero professus sit post consumatum matrimonium, debet redire ad uxorem, quia matrimonium consumatum non dissoluitur per professionem; Consumatum matrimonium hoc loco appello, quando vxor recepit semen viri, quacunque arte, quamuis nulla intercesserit violatio claustris virginis, ut docet *Sanchez lib. 2. disp. 21. num. 6. 7. & 8. Gutierrez cap. 54. num. 21. & deinceps.*

Hinc colligi potest, Primò verum sit valida professio, & matrimonium dissoluatur, quando vterque coniux facta separatione ob errorem impotentis ingressus est Religionem, in eaque professus est, sed postea cognitum fuit impedimentum, propter quod facta fuit separatio, non esse perpetuum; Dicendum enim est validam esse professionem, & matrimonium non dissolui, si professio facta fuit ante consumatum matrimonium, nam matrimonium nondum consumatum dissoluitur per professionem; matrimonium verò consumatum non dissoluitur: Ità DD. à Bonacina citati de impedimentis matrimonij quest. 3. punct. 13. num. 23. Possent tamen in hoc casu (secluso periculo incontinentiæ,) & de

com-

communi consensu vellent se continere, iterum emittere professionem coram superiore, (cum casus sit publicus,) & permanere in Religione, vt antea dixi.

- 15 Secundò colligi etiam potest, vtrum vir qui ex præsumptione perpetuæ impotentia sacros ordines suscepit, remanente vxore, in sæculo, restitendus sit vxori petenti, postquam cognoscitur impotentiam non esse perpetuam; Dicendum est namq; restituentum esse, quia vinculum matrimonij adhuc perseverat, eo quod non sit irritum propter impotentiam præsumptam, nec sit dissolutum per susceptionem Sacrorum Ordinum; propterea vir tenetur reddere debitum vxori, cum ipsa non sit priuata Iure petendi. Non tamen ipse posset petere propter votum castitatis emissum in susceptione Sacrorum Ordinum. *Sanchez lib. 7. disput. 99. nu. 40. & alij apud ipsum Doctorem.*

- 16 Tertiò colligi potest, vtrum sint validæ secundæ nuptiæ, quando vnus coniugum iniit secundas nuptias, & alter professionem emisit in Religione, credens inualidum fuisse prius matrimoniū, propter impotentiam perpetuam præsumptam, quæ reuera non erat perpetua.

In hoc casu distinguendum est hoc modo, aut matrimonium erat consummatum, aut non; si erat consummatum inualidæ sunt secundæ nuptiæ, adhuc autem perseverat vinculum prioris matrimonij, quod non fuit dissolutum per professionem alterius, si verò non erat consummatum, videndum est, num inierit secundas nuptias antè professionem, vel an inierit post professionē alterius coniugis; Si eas iniit post professionem, validæ sunt secundæ nuptiæ, quia prius matrimonium non consummatum dissolutum fuit per professionem alterius coniugis in Religione, consequenter vxor remanens in sæculo potuit post viri professionem validè celebrare matrimonium cum alio; si verò iniit secundas nuptias antè professionem alterius coniugis, secundæ nuptiæ inualidæ sunt propter impedimentum ligaminis, eo quod celebratæ fuerint adhuc subsistente vinculo prioris matrimonij: Vnde vt validè fiant istæ secundæ nuptiæ requiritur nouus consensus post professionem prioris coniugis, coram Parocho, & Testibus, dum impedimentum est publicum. *Sanchez loc. cit. lib. 7. num. 38.*

- 17 An Hermaphroditus possit validè matrimonium inire, & iuxta quem sexum.

Respondeo primò, Hermaphroditum in quo præualet vnus sexus, posse matrimonium inire iuxta sexum qui in ipso præualet, vnde si præualeat sexus virilis potest contrahere cum scemina; Si

præualeat sexus fœmineus, potest contrahere cum viro; Ratio est quia censetur esse illius sexus, qui in eo præualet, vt ait *Baldus in l. Queritur 10. ff. de statu hominum, & DD. proxime citandi.*

Ex quo sequitur, matrimonium esse inualidum si celebraretur iuxta sexum inferiorem, nam si in hermaphrodito præualeat sexus fœmineus censetur fœmina, consequenter non potest cum fœmina contrahere, si autem præualeat sexus virilis non potest cum viro nuptias celebrare, eo quod censetur illas celebrare cum persona eiusdem sexus.

Sequitur etiam, Hermaphroditum in quo sexus est equalis, & neuter præualet, posse eligere quem sexum ipse voluerit, & iuxta illum contrahere matrimonium. *Sanchez lib. 7. disput. 106. Gutierrez de matrimonio cap. 119. Coninch. disp. 31. dub. 7. num. 89. Filiuccius tract. 10. par. 2. cap. 3. quest. 6. num. 91. Nauarrus, Henriquez, Syluester, & alij.*

- 18 Rogabis, ad quem pertineat iudicare quinam sexus præualeat, & quid faciendum sit in dubio.

Resp. Iudicium pertinere ad Medicos, vel ad Matronas peritas, quæ ex pudendarum partium inspectione iudicium ferre debent, vt ex *Turrecremata, Sanchez loc. cit. num. 2.*

In dubio tamen Iudicium ferendum ex ipsius hermaphroditi assertione, nullus enim magis valet hunc statum discernere, quam ipsemet, vel quem valeat diiudicare Medicus innixus assertioni ipsius hermaphroditi. *DD. citati.*

- 19 Vtrum hermaphroditus in quo vterque sexus est æqualis, facta semel electione sexus, & contracto semel iuxta illum sexum matrimonio, possit mortuo coniuge mutare electionem, & secundum alium sexum contrahere matrimonium.

Resp. Non posse absque graui peccato, variaret enim electionem in re grauissima, cum sit valde indecens vti modò vno sexu, modò altero. Si tamen contraheret, validè contraheret; quia nullum ius irritat illius matrimonium, nec illius potentia naturalis aufertur per electionem, aut per iuramentum antea præstitum non variandi electionem sexus. *Vgolinus, Coninchus, Gutierrez, Sanchez, Filiuccius, & alij citati à Bonacina de impedimento impotentie. qu. 3. punct. 13. num. 29.*

- 20 Impotentia superueniens matrimonio consumato id non dirimit.

Quando matrimonium est consumatum, nemo potest in dubium reuocare, an per superuenientem impotentiam cassetur, quod res certissima sit, matrimonium fidelium sola morte naturali

rali dissolui posse ; quando consumatum est . *Sanchez lib. 7. de impedimentis disp. 102. num. 1.*

21 Quid si impotentia superueniat matrimonio rato , nondum consumato .

In hac difficultate verissima sententia est , nec matrimonium ratum dirimi per quamcunque impotentiam superuenientem ; Quod probatur ex *cap. Hi qui 32. quest. 7.* quod est ex Nicolao Pontifice , ubi generaliter dicitur , ob nullam impotentiam superuenientem matrimonium solui ; deinde quod receptissima sententia sit , matrimonium ratum fidelium per solam professionem certissimè dissolui ; aut probabiliter per dispensationem Pontificiam ; & ideo id sustinent ex Theologis D. Bonauentura 4. *distinct. 34. art. 2. qu. 2.* & alij multi citati à Sanchez loc. cit.

P A R S N O N A.

Tractatus de Maleficijs.

Q V Æ S T I O XXVII.

S V M M A R I V M.

- 1 Quid sit Maleficium .
- 2 An Malefici suis maleficijs hominem reddere possint impotentem ad copulam .
- 3 Quae differentia sit inter frigidum , & maleficiatum .
- 4 Quot modis soleant Dæmones arte maleficij viros impotentes ad copulam reddere .
- 5 Quando censetur maleficium perpetuum , & an maleficium maleficio tollere liceat .
- 6 Qui soleant vt plurimum in matrimonio maleficiari , & ligari .

1 **M**aleficium propriè dicitur impedimentum copulae , vel seminationis factum arte dæmonis , vel arte magica , qua etiam dæmon ligat , vtens nomine suo , ac saepe instrumento foemineo ad illa maleficia facienda , *DD. de frigidis & maleficiatis infrà citandi .*

2 Ad primum dubitari non potest, maleficos suis maleficijs reddere hominem impotentem ad copulam, tum quia id comprobatur ex communi Theologorum omnium sententia. Cum *D. Th. 4. distict. 34. quest. unica art. 3. & etiam in 3. par. quest. 58. art. 2.* Idque praxis Ecclesiæ approbat, quæ sic maleficiatos post triennij experientiam, a matrimonio inito separat, tum quia quod id doceat experientia quotidiana multis exemplis comprobata. Et experientia conipertum est maleficiatum quandoque ad omnes, quandoque ad vnâ solam, quam maximè amat, impotentem esse; atque ablato ligamine, potentem esse. *Sanchez lib. 7. disp. 94. num. 1.*

3 Est autem differentia inter frigidum, & maleficiatum, nam Iura non concedunt frigido, vt post separationem ab vna, ducat alteram, quia quod naturale est, respectu cuiusque est; At maleficiato concedunt, quia aliquando dæmon impedimentum facit alicui respectu vnius, non autem respectu alterius. Itâ *D. Thomas 4. sentent. distict. 34. art. 3. Armilla verbo matrimonium §. 49. vide Canones de frigidis & maleficiatis.*

4 Quinque modis solent dæmones arte maleficij viros impotentes ad copulam reddere; quos refert *Paludanus 4. distict. 34. quest. 2. art. 3. num. 16.* & ex ipso omnes desumpsere.

Primus modus est, corpora impediendo, ne sibi mutuo appropinquent ad coitum, vel directè secernendo ea, detinendo, vt in diuersis locis; vel indirectè interponendo se in corpore assumpto, & quando copulari contendunt, iniiciendo intermedium phantasma, vel quid aliud.

Secundus est, itâ inflammando ad actum, vt antè coitum effundatur semen; vel refrigerando ab actu illo, adhibendo occultè virtutes rerum, quas optimè nouit dæmon.

Tertius est, turbando imaginationem, & æstimationem, quæ reddit mulierem viro exosam, menti obijciendo speciem fœminæ deformis, vt eam exosam habeat; vel alterum alteri; vel inuicem odiosos reddendo per calumniam, suspicionem, aut morbi alicuius immissionem, & odio exardescunt, itâ vt alter alterum cedat, vel vnguibus laceret.

Quartus est, prohibendo vigorem membri, reddita viri virga flaccida, saltem quando coire vult.

Quintus modus est, prohibendo missionem spirituum ad membra, in quibus est virtus motiua, quasi intercludendo vias feminis, ne ad vasa generationis descendat, vel ne excidatur, vel ne emitatur, vel semen subtrahendo; his modis addit alium, licet raro-

rariorem. *Delrius lib. 3. disquisitionum magicarum par. 1. quaest. 4. tota sectione octava*; Nempè nimium arctando vas muliebre, aut viri genitalia abscondendo, vel retrahendo.

Additur quod non solum viri, sed etiam foeminae possunt maleficijs impotentes ad copulam reddi, quod omnes fatentur. At frequentius id malum in viros serpit, quod plus operæ, & instrumentorum in eis desideretur.

Adde quia plures sunt maleficae, quam malefici, & ideo daemones potius viros, quam foeminas maleficijs laedere conantur. Sic aduertit idem *Delrius loc. cit. pagina prima*; & *Abulensis notat cap. 19. Matthaei quaest. 90. columna 3.* quod maleficia circa viros fiunt communiter, modis vt supra diximus. At foeminae communiter maleficiantur per solam opinionem, seu phantasie lesionem, & cum vir conatur accedere, illa subito horret genitale viri, quasi improportionatae magnitudinis, & nulla ratione finit se cognosci, cum tamen reuera non ita sit, sed daemon efficit speciem in phantasia mulieris, vt membrum aliter appareat, quam reuera sit; quandoque solet daemon vas foemineum etiam coarctare, vt supra diximus. *DD. citati.*

5. Censetur autem maleficium perpetuum, si non possit auferri per opus humanum, nisi per aliud maleficium, quod absque peccato auferri nequit: Et maleficium maleficio tollere, grauissimum est scelus. *D. Thomas 4. distinct. 34. quaest. unica art. 3. & alij communiter.*

Sed potius maleficiatus ipse recurrat ad *Textum in cap. Si per sortiaras 33. quaest. 1.* Ibi dicitur, quod faciat suorum peccatorum generalem Confessionem totius vitae suae, Eleemosynas largiatur, orationibus, & ieiunijs Domino satisfaciatur; & confugiat ad Ecclesiae ministros, qui eum per exorcismos, ac caetera Ecclesiasticae medicinae munia sanare procurent. *dicto cap. si per sortiaras 33. quaest. 1.*

Et quando Coniuges post esperientiam triennalem, non poterunt copulam habere, praemissis precibus, & alijs remedijs humanis, pro maleficio amouendo, tunc maleficium dicitur perpetuum, quia Deus sic permittit iusto iudicio suo; Iudicia enim Domini recta, & occulta nimis, & si nobis ea reuelare dignaretur, vtique diceremus iustus es Domine, & rectum Iudicium tuum. *Bonacina de impedimento impotentiae quaest. 3. punct. 13. nu. 9.*

6 Solent autem in matrimonio maleficiari, & ligari, vt plurimum ij qui faciunt matrimonium, vt Equus, & Mulus, in quibus non est intellectus, & sola carnis concupiscentia matrimonio

nium contrahunt, aliàs non contracturi; Vel qui contrahunt matrimonium solum sub spe bonorum. Solent etiam ligari, illi qui habentes Concubinam, vxorem ducunt ad parentum exaggerationem, & nihilominus Concubinam retinent; Vel ob alias causas eueniunt ista maleficia, quæ Deo Optimo Maximo sunt notæ, & nobis occultæ. vide lib. Thobia cap. 6. num. 16. 17. & 22. & DD. quos citat Catechismus Romanus de matrimonio par. 2. num. 13.

In his maleficijs Deus vitur dæmone tanquam Carnifice, prout in dic. cap. Si per Sortiarias 33. quæst. 1. cap. Cum infirmitas de pœnitentijs, & remissionibus, dicente Domino languido, quem sanauerat, vade, noli amplius peccare, ne deterius aliquid tibi contingat. Et Glossa in eodem cap. cessante causa, cessat effectus, & cap. potest fieri § 2. de pœnitentia distinct. prima: ibi, quod nocet corpori, iuuat spiritum, & Glossa in eodem, sed sæpè per talia Homo recognoscit peccatum suum, & compungitur, & armatur contra diabolum. Summa Hostiensis lib. 4. de frigidis, & maleficiatis. Sicut fecit Apostolus Corinthio, tradendo eum Satanæ in interitum carnis, vt interimeret in se sceleratam carnis concupiscentiam, vt spiritus saluus sit in die Domini Iesu. Diuus Augustinus tom. 7. lib. 3. in principio Tomi contra Parmenianam loquens de Epistola D. Pauli ad Corinth. ac de actibus Apostolorum 5. inquit, quid agebat Apostolus, nisi vt per interitum carnis saluti spiritali consulere.



PARS DECIMA¹⁹¹

*De penultimo Impedimento scilicet de Raptu
Carmen.*

Raptaque sit Mulier, nec parti tradita tuta.

Q V Æ S T I O XXVIII.

S V M M A R I V M.

- 1 *Iuxta Concilium Tridentinum raptus dirimit matrimonium.*
- 2 *Enumerantur pena lata à Concilio contra raptores, & fautores.*
- 3 *An excommunicatio ipso Iure lata à Concilio sit Pontifici reservata.*
- 4 *An matrimonium contractum inter raptorem, & raptam, dum existit sub potestate raptoris, sit validum.*
- 5 *An raptor ad dotandam raptam teneatur.*
- 6 *Si raptor ducat raptam constitutam in loco tuto, an liberetur ab hac infamia pena.*
- 7 *An Parochus assistens matrimonio raptoris cum raptam, nondum restituta ad pristinam libertatem, ultra penas in cap. finali de clandestina desponsatione, incurrat in penas Decreti Tridentini, cum raptoris esse fautor videatur.*
- 8 *An ille dicatur raptor, qui faminam abducit solum causa explenda libidinis.*
- 9 *Quae requirantur, ut dicatur verè raptus.*
- 10 *An dicatur raptus, quando per vim abducitur corrupta, siue coniugata, siue meretrix.*
- 11 *An eisdem penis raptus, subdatur femina rapiens virum, vel aliam faminam.*
- 12 *An sit raptus, quando quis Virginem opprimit in domo patris, aut illam trahit de uno Cubiculo ad aliud.*
- 13 *An validè celebretur matrimonium cum ea, cum qua celebrata fuerunt sponsalia, quando per vim celebratur matrimonium.*
- 14 *An dicatur raptus, quando sponsa volens abducta fuit ad contrahendum matrimonium, etiam inuitis parentibus, quid de Iure Civili, & quid de Iure Canonico.*

- 15 *Dubatur utrum ille dicendus sit raptor, qui puellam cum qua contraxit matrimonium nondum consummatum, abducit inuitam per vim, quando ipsa vult uti spatio duorum mensium, sibi concesso à Iure, ante consummationem matrimonij.*

De Raptu.

- 1 **A** Trento Decreto Tridentini, raptus dirimit matrimonium, obnoxiusque fit raptor excommunicationi, & pœnis in eo decreto contentis, ut mox dicemus.

- 2 Præmittendum est, Tridentinum sess. 24. de Matrimonio cap. 6. aliquas pœnas raptoribus statuiffe, nimirum, ut matrimonium inter raptorem, & raptam consistere nequeat, quamdiu rapta in potestate raptoris manserit; Secus si iam extrâ illius sit potestatem, ac in loco tuto, & libero constituta.

Deiudè raptores, ac consilium, auxilium, aut fauorem præbentes, sint ipso Iure excommunicati, perpetuò infames, ac omnium dignitatum incapaces, & si Clerici fuerint de proprio gradu decedant.

Tandem, ut raptor teneatur raptam decenter arbitrio Iudicis dotare, si eam duxerit, siuè non.

Quæ excommunicatio est latæ sententiæ, ac proinde nullum actum Iudicis desiderat; quod constat, quia ibi dicitur sint ipso Iure excommunicati. At particula ipso Iure denotat sententiam latam. Veracrux appendice ad speculum, ubi de raptu fol. 85. §. *reliâta* ergo, & fol. 81. §. *hic considerandum*, cui nemo contradicit.

- 3 An hæc excommunicatio sit Pontifici reservata.

Manuel tom. 1. summa 2. editione cap. 213. num. 7. sustinet hanc excommunicationem esse Summo Pontifici reservatam. Verum *Sanchez lib. 7. disp. 13. num. 1.* & *Bonacina de impedimento raptus quasi. 4. punct. 18. num. 9. in fine*, inquirunt, quod Tridentinum in eo decreto minimè reservet, ac subindè locum habeat Regula tradita cap. *Nuper* verò in 2. casu de sententia excommunicationis, nempe ut reservata non sit, cum in Tridentino mentio reservationis non fiat, vide etiam *Filiuccium qui idem dicit de Sacramento matrimonij par. 2. cap. 8. num. 264. circa medium.*

- 4 An matrimonium contractum inter raptorem & raptam, dum sub

sub raptoris potestate existit, nec separata est, ac in loco tuto, & libero constituta, valeat?

Resp. Esse prorsus irritum, ut supra diximus, quare raptus pro eo tempore est impedimentum dirimens; Constat clarè ex decreto Tridentini *sess. 24. cap. 6.* Immo addit benè *Henriquez lib. 12. de matrimonio cap. 14. num. 4.* Id esse verum, licet rapta adhuc sub raptoris potestate constituta, reuera liberè consentiat; quod Tridentinum non eam solam liberatetm petat ad huius matrimonij valorem, sed etiam ut plenè rapta libera sit a raptoris potestate.

5 An raptor teneatur ad dotandam raptam.

Resp. Manifestum esse requiri ad id sententiam Iudicis, quod clarè constat, eo quod Tridentinum addit teneri arbitrio Iudicis dotare decenter. *Sanchez lib. 7. dispnt. 13. num. 1. & Henriquez num. 5. loc. cit.* addunt arbitrium hoc Iudicis fore, attenta qualitate raptoris, & raptæ, & dos arbitrio Iudicis taxanda venit.

Perpetua quoque infamia sententiam Iudicis postulat; Et idem dicendum est de ea pœna decidendi a proprio gradu; Eos decidendos esse, ac deponendos, manifestè significans non depositos esse, donec ministerium Iudicis deponentis accedat, *Navarrus proximè allegandus. Quamvis Bonacina infra citandus, & Coninchus ab ipso citatus teneant*, quod hæc pœna incurratur antè Iudicis sententiam.

De Pœna autem incapacitatis dignitatum posset ambigi, quod sit pœna privatiua, tamen meritò inhabilitatem indigere Iudicis sententia, ob eius pœnæ maximam acerbicatem, docet *Navarrus in Extrauag. Gregorij XIII. de datis pro iustitia, vel gratia. Notabili 31. num. 44. Molina tomo primo de iustitia tract. 2. disp. 96. §. quod attinet ad pœnam*; quod maximè verum est, quia ea dignitatis incapacitas sequitur infamiam, & proinde immèdiatè post infamiam posita est in eo Tridentini decreto; infamia autem minimè incurritur antè Iudicis sententiam. *Sanchez lib. 7. disp. 13. num. 1.*

6 Sed maior difficultas est, si raptor ducat raptam constitutam in loco tuto, an liberetur ab hac infamix pœna, postquam Iudex tulit sententiam. *Aliqui DD. ut Enriquez dic. cap. 14. num. 4. Manuel tomo 1. summa 2. Editione cap. 232. num. 1. Vega 2. tomo summe cap. 34. casu 175. in fine; & Covarruias 4. decretalium 2. par. cap. 7. §. 4. num. 11. in l. unica C. de raptu Virginum dicunt* impositam raptori pœnam, non ità stricte debere seruari in spon-

so de futuro, propriam sponsam rapiente, sed propter præuiam consensus coniugalis promissionem, temperandum esse rigorem illius legis.

Et sic DD. allegati suprâ liberant raptorem, si raptam ducat, ab hac infamiæ pœna, & ducuntur, quod id credendum sit ex pia Tridentini niente, durum etenim esset raptam cogere, vt nubat infami, quod in matrimonij grauamen cederet, contrâ fauorem, quem ipsi Tridentinum concedere intendit.

At optimè Sanchez lib. 7. de impedimentis matrimonij disp. 13. num. 1. in fine sustinet cum alijs ab ipso citatis omninò tenendum esse minimè ab ijs pœnis raptorem eximi, etiamsi raptam ducat, quod id apertis verbis, ibi decernat Tridentinum, vbi enim dixit, posse duci raptam, si ad pristinam libertatem restitutam, consenserit, & tunc concessit, vt eam habeat raptor in vxorem; Subdit hæc: & nihilominus raptor ipse, & omnes illi consilium, auxilium, fauorem præbentes sint ipso Iure excommunicati, ac perpetuò infames, omnium dignitatum incapaces, vbi ponderanda est dictio, nihilominus; quæ non minus hyspanicè *contodo esso* significat. l. finali ff. de in integra restitut. vt notat Rebuffus alios textus allegans l. 59. §. eamque nihilominus ff. de verbor. significatione.

Nemo enim raptam cogit, sed in sua potestate situm est, an id matrimonium, aliudue eligere velit, & sic non est compellere raptam, vt infami nubat; Nec id matrimonij fauori aduersatur, quoniam non ea pœna imponitur ob contractum matrimonij, sed ob raptus delictum; Immò maximus est matrimonij fauor, quod tanti eius Tridentinum libertatem faciat, vt illi contrauenientes, raptu admissio, subdantur, grauissimis pœnis, non obstante matrimonio postmodum liberè subsequuto. Ità Sanchez loc. cit. Lessius, Filiccius citati à Bonacina de matrimonio de impedimento raptus quasi. 4. punct. 18. num. 10.

- 7 An Parochus assistens matrimonio raptoris cum rapta, nondum ad pristinam libertatem, extrâ raptoris potestatem restituta, vitrà pœnas in cap. fin. de clandest. desponsat. nimirum suspensionem triennalem, incurrat in pœnas huius decreti Tridentini, cum fautor raptoris videatur.

In pœnis huius decreti eum minimè subdi existimat. Sanchez *infra citandus*, quæ tantum imponuntur aduersus fautores raptus; At Parochus assistens postea in matrimonio, non fauet raptui, vt potè qui iam omninò admissus est. At vtique incurreret, si antè raptum promitteret illi eam assistentiam, qua animosior factus est,

est raptor ad raptum exequendum, tunc enim verè fautor esset raptus. *Sanchez loc. cit. num. 1. in fine.*

8 Au ille dicatur raptor qui fœminam abducit solum causa explendæ libidinis.

Resp. Non solum illum esse raptorem, qui abducit fœminam, causa contrahendi matrimonij, sed etiam qui abduxit tantum, causa explendæ libidinis, consequenter subiaccere pœnis contræ raptorem constitutis in Tridentino *sess. 24. cap. 6. de reform. matrimonij, vt bene ait Emmanuel Sà verbo matrimonium num. 9.* vbi asserit hoc ità declaratum esse a Cardinalibus. Ratio nostra est, quia Tridentinum generaliter loquitur; cum autem constet illum esse raptorem, qui abduxit causa explendæ libidinis, aut causa contrahendi matrimonij, sequitur etiam ipsum subiaccere pœnis Tridentini.

Addo raptorem subiaccere pœnis Tridentini, quamvis postea non expleuerit libidinem ob superueniens impedimentum, aut eo quod ipsum pœniterit rapuisse, nam adhuc verè dicitur raptor. *Gutierrez cap. 86. num. 13. Reginaldus lib. 31. num. 165. & alij.*

9 Ad raptum duo requiruntur, primò requiritur vis, quando verò nulla vis infertur in abducenda fœmina, sed fœmina ipsa spontè, aut etiam precibus discedit cum amatore nescientibus parentibus, non est propriè raptus, sed potius est fuga voluntaria, nulli enim vis infertur. Ità docet *Sanchez lib. 7. disp. 13. nu. 13. ac etiam Enriquez lib. 12. de matrimonio cap. 14. num. 5.* hunc non subdi pœnis statutis raptui in Tridentino.

Tenent alij. Secus dicendum, si expressè parentes abductioni resisterent, tunc enim grauiùs delinqueretur, vis enim infertur parentibus, vel Tutoribus, vel fratribus, qui habentur loco parentum; vt refert *Sanchez loc. cit. num. 12. 13. & 14.* aut quando discedit precibus adeò importunis, vt æquiparentur violentiæ; vt tradit *Gutierrez cap. 86. num. 15.*

Secundò requiritur abductio causa libidinis, vel matrimonij. Ex quo fit, vt si fœmina non abducatur causa libidinis, vel matrimonij, sed redigendi illam in seruitutem aliquam, non dicitur raptus, sed Plagium. *DD. citati, & Bonacina de rapto.*

10 Addo raptum committi quando fœmina abducitur per vim, siue ipsa sit virgo, siue corrupta, siue coniugata. *Bonacina loc. cit. num. 7. de rapto, & alij quos ipse refert, & Sanchez loc. cit. num. 14. D. Thomas 2.2. quest. 154. art. 7.*

Tandem infertur meretricis raptorem non incidere in pœnam in l. vnica C. de rapto Virg. quod ad eas pœnas incurrendas deside-

retur honestas in muliere rapta. Sed is raptor pœna extraordinaria arbitrio Iudicis puniendus erit; Constat etiam ex *l. verum est 4. ff. de furtis*, atque ita docet *Glossa institut. de publicis iudicijs §. Item lex Julia, verbo, viduam, & alij apud Sanchez lib. 7. disput. 12. nu. 23.*

Quod limitandum est. Nisi vitæ antè actæ pœnitentia ducta, meretrix illa vitam honestam agere cepisset; sed non sufficeret pœnitentia illa, absque honestæ vitæ inceptione. Ità *Salicetus dic. l. unica num. 3. oppositione 1. & alij apud Sanchez loc. cit.*

Etiam limitandum est, nisi meretrix illa esset coniugata, quia tunc marito raptor irrogaret iniuriam in abductione illius meretricis, ac subinde Iure optimo raptoris pœnis obnoxius esset. Ità *Paulus Hippolitus num. 30. Carrerius, Decius, Mascardus, & alij apud Sanchez loc. cit.* quod intellige, nisi maritus esset leno, tunc enim respectu ipsius cessaret iniuria. *DD. citati Sanchez loc. cit.*

9. An ipsdem pœnis raptus subdatur fœmina rapiens virum, vel aliam fœminam.

Quidam affirmant ipsdem pœnis raptus obnoxiam esse fœminam viri raptricem, & ratio, quia in raptu viri concurrunt duo illa requisita ad raptum, videlicet vis, & abductio causa libidinis, vel matrimonij. *Enriquez lib. 12. cap. 14. num. 4. cum alijs recentioribus.*

Existimat tamen *Sanchez lib. 7. de matrimonio disp. 12. num. 25. & disp. 13. num. 16.* cum alijs ab ipso citatis, pœnas Concilij Tridentini non incurri per raptum viri; nam Tridentinum videtur tantummodo loqui de raptore fœminæ; Sed alia pœna extraordinaria puniendam esse, & ratio est, tum quia, rarissimè, & vix auditum est ut fœmina virum rapiat, tum quia maior honestas consideretur in fœmina. *l. si furiosi C. de nuptijs*, tum quia atrocius delictum est raptus fœminæ perpetratus à viro, quam si fœmina virum rapiat, multo enim gravior iniuria irrogatur honestati fœminæ raptæ, quam viri rapti, quippè nec masculus raptus nec eius parentes, ac consanguinei eam iniuriam, & infamiam patiuntur, ac quando fœmina rapta est, quamobrem cum pœna delicto compensari debeat. *cap. non asseramus 24. quest. 1. eadem pœna puniri non debet.*

Quod si fœminam fœminam rapiat, consulendi sunt. *DD. citati*, & breuiter existimo non extendi eas pœnas ad hunc raptum, quod hic quoque casus sit rarissimus; quamvis inuenio aliquos tenere oppositum. Idem *Sanchez loc. cit. disp. 12. num. 25.*

12. An sit raptus, quando quis virginem opprimit in domo patris, aut illam trahit de vno cubiculo ad aliud.

Resp.

Respondetur non committi raptum ab eo, qui virginem repertam in domo patris, vel in alia domo, & non educit de ea domo, sed illam ibi opprimit, aut trahit de vno cubiculo ad aliud, vt ibi illam commodius violet. *Bonacina infra citandus.*

Idem dicendum est, si virginem in agro repertam inde trahat per aliquot passus vt abutatur; Secus si inde deducat in aliquam domum, extrâ illum agrum, aut in alium locum, vt ait *Molina disp. 105. num. 3. Rodriguez in summa prima parte cap. 232. num. 2. Gutierrez cap. 86. num. 9. Bonacina de rapto quæst. 4. punct. 8. nu. 8. de ijs qua pertinent ad vsum matrimonij, & alij apud ipsos.*

- 13 An validè celebretur matrimonium cum ea, cum qua celebrata fuerunt sponsalia, quando per vim celebratur matrimonium.

Resp. Inualidum esse matrimonium contractum cum sponsa, quæ per vim fuit abducta post sponsalia liberè celebrata, nam verè interuenit raptus, & matrimonium celebratum inter raptorem, & raptam inualidum est, quamdiù rapta est in potestate raptoris. Itâ *Rebellus 2. par. lib. 3. quæst. 11. num. 5. Azorius Sanchez lib. 7. disp. 13. num. 15.* quamuis aliqui oppositum sentiant.

- 14 Secus dicendum est, dum sponsa volens abducta fuit ad contrahendum matrimonium, etiam si forte ipsius parentes inuiti essent, hic enim iure quidem Ciuili est raptus; Iure tamen Canonico non reputatur raptus, tum ob textum in cap. *Cum causa de raptoribus*, tum quia fœmina est sui Iuris in causa matrimonij. *Sanchez lib. 7. disp. 12. num. 15.* Secus dic si volens abducatur ad turpem actum inuitis parentibus. *DD. citati.*

- 15 Quæres, vtrum ille dicendus sit raptor, qui puellam cum qua contraxit matrimonium, nondum consummatum, abducit inuitam, per vim, quando ipsa vult vt i spatio duorum mensium, sibi concessio a Iure ante consummationem matrimonij.

Resp. Affirmative; ratio est, quia abducit inuitam per vim, ad explendam libidinem, & facit illi iniuriam, cum sponsa habeat Ius denegandi debitum intra bimestre, vt interim deliberare queat de statu eligendo. Itâ *Azorius 3. par. lib. 3. cap. 14. Molina disp. 105. nu. 7.* vbi plures alios refert. *Bonacina de Rapto qu. 4. punct. 18. num. 13.* licet contrarium sentire videatur. *Lessius lib. 4. cap. 3. num. 70.*

Vltimum impedimentum impediens, & dirimens matrimonium est; Si desit præsentia Parochi, & Testium. Concilium Tridentinum, si Parochi & duplicis desit præsentia Testis. De quibus factis dictum est suprà.

P A R S V N D E C I M A .

*Concomitantia , & Subsequentia
Matrimonij.*

Q V Æ S T I O X X I X .

S V M M A R I V M .

- 1 *Quomodo per subsequens matrimonium filij naturales efficiantur legitimi .*
- 2 *An hoc procedat de Concubino in mortis articulo constituto ducens Concubinam in uxorem .*
- 2 *An ea legitimatio vim habeat excludendi eum , qui deficiente prole legitima , substitutus est .*
- 4 *Limitatio in hac materia .*
- 5 *Quæres ; Clericus in minoribus constitutus , ac etiam beneficiatus habens Concubinam , ducit eam in uxorem , an filij nati in concubinato fiant legitimi per subsequens matrimonium .*
- 6 *De oneribus matrimonij , & de mutuo officio mariti , & uxoris , & de sententia D. Augustini in Can. Nos novimus 17. quæst. 2.*
- 7 *Enumerantur onera .*
- 8 *An Matres teneantur lactare filios proprio lacte eosque nutrire .*
- 9 *Vtrum Coniuges , qui se nocte antecedenti carnaliter cognoverunt , sequenti die à Sanctissima Eucharistia abstinere debeant .*
- 10 *An vxor teneatur sequi virum .*
- 11 *Vtrum Coniuges teneantur simul cohabitare .*
- 12 *An vxor teneatur sequi maritum vagabundum ; hunc casum Inuenies cum sequenti , in parte 14. quæst. 32.*
- 13 *Vtrum vxor debeat sequi virum alio transferentem domicilium .*
- 14 *An vir possit diutius abesse ; vel si liceat ex aliqua causa iusta , inuita vxore .*
- 15 *Quæres Vtrum vir aliquando possit vouere breuem peregrinationem , absque vxoris consensu .*
- 16 *Quid dicendum , si votum sit in subsidium Terræ sanctæ eundi .*
- 17 *Quæres , an vxor possit exequi votum peregrinationis renitente marito .*

Praterea duo proponimus tractanda in hac quæstione, scilicet quæ sint Concomitantia, & subsequencia matrimonij. Ad primum, quomodo per subsequens matrimonium filij naturales efficiantur legitimi.

Ad secundum erit videndum, quæ sint onera matrimonij, tam in viro, quam in vxore.

1 Ad primum tanta est vis, & potentia Sacramenti matrimonij, vt filij nati naturales tantum ex Concubina, per subsequens matrimonium cum ea contractum, fiant legitimi, *cap. Tanta est vis, qui filij sint legitimi.*

2 Quæ Conclusio ampliatur, vt etiam procedat, quando in mortis articulo Concubinus constitutus ducat Concubinam in vxorem, intelligendo coram Parocho & Testibus, nam adhuc filij naturales legitimi fiunt, per subsequens matrimonium. *Iason. in l. Sed & quæsitum, ff. de liber & posthum.*

Idque constat ex vsu Ecclesiæ, etiamsi sic contrahentes non habeant prolem; Tandem quia in eo mortis articulo potest contrahi matrimonium spirituale, emittendo professionem, *cap. Si-ent tenor de Regularibus*, Cur ergo non poterit carnale? *Sanchez de matrimonio libro 7. disput. 105. num. 3.*

Id habet verum, quamuis Senex decrepitis tunc contrahat. Idem *Sanchez loc. cit. num. 6.*

3 Sed maior difficultas est; an ea legitimatio vim habeat excludendi eum, qui deficiente prole legitima substitutus est.

Quamuis multi teneant, quod quando matrimonium initum est fraude excludendi substitutum; tantò magis si maritus suum animum expresse-rit, vel minatus fuerit contrahere matrimonium ad excludendum substitutum, tunc minimè excludi substitutum.

Quamuis etiam prædicta sententia sit valde probabilis, mihi potius cum *Sanchez, Nauarro lib. 3. de restitutione, cap. 5. in noua editione dabo 1. num. 5. & sequentibus*, & vt communis ferè omnium sententia sustinet, dicendum videtur, vt non obstante eo animo exteriori defraudandi substitutum succedat proles per id matrimonium, excluso substituto, propter multas rationes, vt est videre apud *Sanchez lib. 7. disput. 105. num. 7. cum sequentibus*; Tantò magis quod tale matrimonium est vtile morienti, & filijs eius; Est vtile morienti, quia cum tunc agatur de damno salutis æternæ irreparabili, cum immemor non præsumatur morti proximus, & in periculo mortis non præsumitur id agere ob prauum finem contra substitutum est vtile filijs, nam legitimatio consurgens ex matrimonio, in articulo mortis inito, est bonum prolis, cui

cui plurima commoda inde pollulant, & sic cum alijs rationibus referatis à Sanchez satisfiat, argumentis contrarijs.

- 4 Hæc regula, qua asseruimus, quod filij naturales legitimantur per subsequens matrimonium, intelligitur dummodo inter Concubinum, & Concubinam potuerit esse matrimonium tempore conceptionis, vel natiuitatis filiorum, alijs autem non legitimantur; & ideo si Concubinus fuerit vxoratus, & ex concubina filios genuerit, mortua sua vxore, si ducat Concubinam, filij tempore concubiniatus nati, non legitimantur per subsequens matrimonium, nam tempore conceptionis, vel natiuitatis eorum, inter ipsum Concubinum, & Concubinam matrimonium stare, non poterat; Sic è conuerso si Concubina erat coniugata, & Concubinus solutus, nam mortuo marito, si concubina ducat Concubinum adulterum, filij ex concubinato nati sunt spurij, non autem naturales, & non fiunt legitimi, hoc etiam statuitur in dicto cap. *Tanta est vis, qui filij sint legitimi*.

Secundo tanta est vis matrimonij, vt filij nati ex matrimonio nullo, & inualido, sed tantum putatiuo, tamen nascuntur legitimi & naturales, ita vt possint succedere patri, sicut alij filij legitimi, & naturales, cap. *ex tenore, qui filij sint legitimi*. *Conarruias in 2. parte de matrimonio cap. 8. §. 2.*

- 5 Quæres; Clericus in minoribus constitutus, vel etiam Beneficiatus habens Concubinam ducit eam in vxorem; An filij nati in concubinato ipsius, fiant legitimi per subsequens matrimonium.

Respondetur affirmatiue, quia Clericus in minoribus constitutus, quamvis beneficiatus, semper potest ducere vxorem, beneficium tamen ipso iure vacat ducendo vxorem; Secus est si Clericus ille erat in sacris constitutus, vel alio modo voto castitatis obligatus, scilicet per votum solemne emissum in aliqua Religione à Summo Pontifice approbata, cap. *primo de voto in 6.*

- 6 Ad secundum, scilicet de oneribus matrimonij, & de mutuo officio mariti, & vxoris.

Sciendum est, quod in matrimonio vir & vxor ad imparia non iudicantur, cap. *Gaudemus de diuortijs*; Idèdque mutuo vinculo ligantur, & sicut vir ouera in matrimonio subire debet, ita & vxor.

Ducere enim vxorem ex sententia *D. Augustini in Epistola 70. ad Bonifacium Comitem*, est velut nauigare, sicut enim qui nauigat exponit se multis periculis, & proprio motu non ducitur, sed motu ventorum; ita vir vxorem ducendo, exponit se multis oneribus, periculis, & molestijs, & proprio motu non potest nauigare, sed motu vxoris. Et è conuerso, vxor suo motu agere non potest,

potest, sed motu viri, & illius arbitratu stat in matrimonij oneribus ferendis. *Can. Nos nouimus 17. quæst. 2.*

7 Primò vir & vxor tenentur sibi inuicem seruare fidem matrimonij, *cap. Gaudemus de diuortijs.*

Secundò vir tenetur sustinere onera matrimonij in ministrando vxori, & filijs omnia necessaria ad eorum victum & vestitum. *Ripa in Rubrica ff. soluto matrimonio num. 75.*

Tertiò tenetur siuè nobilis, siuè ignobilis sit vir diligere vxorem suam cum moderatione, non immoderatè suprà Deum. *D. Paulus ad Ephesios 5. viri diligite vxores vestras.*

Quartò tenetur tractare vxorem debita mansuetudine, & dulcedine. *Paulus ad Colossenses 3. Nolite esse amari ergà vxores.*

Quintò tenetur abstinere à verberibus in vxorem siuè nobilem; siuè ignobilem, quia socia ei est, non autem serua; Et idè Deus ex costa Adam creauit illam, non ex pedibus, neque ex capite, vt significaret, quod mulier non debet esse caput viri, neque ei subiecta, vt serua, sed socia, medium inter vtrumque.

Sextò peccat maritus coniugem immoderatè percutiendo, vel verberando. *Nauarrus cap. 14. de peccatis coniugum nu. 19. cum neque Dominus seruum ità cedere debeat, l. prima ff. de his qui sunt sui, vel alieni Iuris. §. final. institut. eodem tit.*

Tenetur etiam vir abstinere a verbis contumeliosis, & iniurijs in vxorem, & peccat id facièdo, maximè quando verba suapte natura sunt apta ad infamandum, & indè infamia subsequitur, vel saltem adest periculum probabile eius infamiae. *Nauarrus loc. cit. & refert D. Thomam 2. 2. quæst. 37. art. 2.*

Et è conuerso vxor tenetur sua onera subire matrimonij;

Et primò seruare fidem matrimonij integram, & inuiolatam, hoc est, vt non solum abstineat a reali adulterio, sed etiam a signis, & a malis præludijs adulterij.

Secundò tenetur exhibere reuerentiam viro, & cognoscere se inferiore, & subiectam illi, tanquam capiti suo, & ipsa tanquam corpus; Caput enim viri est Christus, Caput vxoris est vir, vt ait Paulus: Et vxor tenetur obedire viro, etiam ignobili, cum ipsa sic voluerit in contractu matrimonij, lex enim Christiana ità iubet. Immo addit *Nauarrus cap. 14. de peccatis coniugum num. 20. & seq.* vxorem mortaliter peccare si marito sit notabiliter inobediens in his quæ ad regimen domus, familiæ, bonosque mores pertinent; vel si maritus illi aliquid notabile imperet, aut eius iustum præceptum non impleat, vel contemnat, quale est præceptum, vt superflua & vana, moresque incompósitos exuat.

cui plurima commoda inde pollulant, & sic cum alijs rationibus refertis à Sanchez satisfat, argumentis contrarijs.

4. Hæc regula, qua asseruimus, quod filij naturales legitimantur per subsequens matrimonium, intelligitur dummodo inter Concubinam, & Concubinam potuerit esse matrimonium tempore conceptionis, vel natiuitatis filiorum, alijs autem non legitimantur; & ideo si Concubinus fuerit vxoratus, & ex concubina filios genuerit, mortua sua vxore, si ducat Concubinam, filij tempore concubiniatus nati, non legitimantur per subsequens matrimonium, nam tempore conceptionis, vel natiuitatis eorum, inter ipsum Concubinam, & Concubinam matrimonium stare, non poterat; Sic è conuerso si Concubina erat coniugata, & Concubinus solutus, nam mortuo marito, si concubina ducat concubinam adulterum, filij ex concubinato nati sunt spurij, non autem naturales, & non sunt legitimi, hoc etiam statuitur in dicto *cap. Tanta est vis, qui filij sint legitimi*.

Secundo tanta est vis matrimonij, vt filij nati ex matrimonio nullo, & inualido, sed tantum putatiuo, tamen nascuntur legitimi, & naturales, ita vt possint succedere patri, sicut alij filij legitimi, & naturales, *cap. ex tenore, qui filij sint legitimi. Conarruias in 2. parte de matrimonio cap. 8. §. 2.*

5. Quæres; Clericus in minoribus constitutus, vel etiam Beneficiatus habens Concubinam ducit eam in vxorem; An filij nati in concubinato ipsius, fiant legitimi per subsequens matrimonium.

Respondetur affirmatiue, quia Clericus in minoribus constitutus, quamuis beneficiatus, semper potest ducere vxorem, beneficium tamen ipso iure vacat ducendo vxorem; Secus est si Clericus ille erat in sacris constitutus, vel alio modo voto castitatis obligatus, scilicet per votum solemne emissam in aliqua Religione à Summo Pontifice approbata, *cap. primo de voto in 6.*

6. Ad secundum, scilicet de oneribus matrimonij, & de mutuo officio mariti, & vxoris.

Sciendum est, quod in matrimonio vir & vxor ad imparia non iudicantur, *cap. Gaudemus de diuortijs*; Ideoque mutuo vinculo ligantur, & sicut vir ouera in matrimonio subire debet, ita & vxor.

Ducere enim vxorem ex sententia *D. Augustini in Epistola 70. ad Bonifacium Comitem*, est velut nauigare, sicut enim qui nauigat exponit se multis periculis, & proprio motu non ducitur, sed motu ventorum; ita vir vxorem ducendo, exponit se multis oneribus, periculis, & molestijs, & proprio motu non potest nauigare, sed motu vxoris. Et è conuerso, vxor suo motu agere non potest,

potest, sed motu viri, & illius arbitratu stat in matrimonij oneribus ferendis. *Can. Nos nouimus 17. quæst. 2.*

7 Primò vir & vxor tenentur sibi inuicem seruare fidem matrimonij, *cap. Gaudemus de dñorij.*

Secundò vir tenetur sustinere onera matrimonij in ministrando vxori, & filiis omnia necessaria ad eorum victum & vestitum. *Ripa in Rubrica ff. soluto matrimonio num. 75.*

Tertiò tenetur siue nobilis, siue ignobilis sit vir diligere vxorem suam cum moderatione, non immoderatè suprà Deum. *D. Paulus ad Ephesios 5. viri diligite vxores vestras.*

Quartò tenetur tractare vxorem debita mansuetudine, & dulcedine. *Paulus ad Colossenses 3. Nolite esse amari ergà vxores.*

Quintò tenetur abstinere à verberibus in vxorem siue nobilem, siue ignobilem, quia socia ei est, non autem serua; Et ideo Deus ex costa Adam creauit illam, non ex pedibus, neque ex capite, vt significaret, quod mulier non debet esse caput viri, neque ei subiecta, vt serua, sed socia, medium inter vtrumque.

Sextò peccat maritus coniugem immoderatè percutiendo, vel verberando. *Nauarrus cap. 14. de peccatis coniugum nu. 19. cum neque Dominus seruum ità cedere debeat, l. prima ff. de his qui sunt sui, vel alieni Iuris. §. final. institut. eodem tit.*

Tenetur etiam vir abstinere a verbis contumeliosis, & iniurijs in vxorem, & peccat id faciendo, maximè quando verba suapte natura sunt apta ad infamandum, & indè infamia subsequitur, vel saltem adest periculum probabile eius infamiae. *Nauarrus loc. cit. & refert D. Thomam 2. 2. quæst. 37. art. 2.*

Et è conuerso vxor tenetur sua onera subire matrimonij;

Et primò seruare fidem matrimonij integram, & inuiolatam, hoc est, vt non solum abstineat a reali adulterio, sed etiam a signis, & a malis præludijs adulterij.

Secundò tenetur exhibere reuerentiam viro, & cognoscere se, inferiorem, & subiectam illi, tanquam capiti suo, & ipsa tanquam corpus; Caput enim viri est Christus, Caput vxoris est vir, vt ait Paulus: Et vxor tenetur obedire viro, etiam ignobili, cum ipsa sic voluerit in contractu matrimonij, lex enim Christiana ità iubet. Inimò addit *Nauarrus cap. 14. de peccatis coniugum num. 20. & seq.* vxorem mortaliter peccare si marito sit notabiliter inobediens in his quæ ad regimen domus, familiæ, bonosque mores pertinent; vel si maritus illi aliquid notabile imperet, aut eius iustum præceptum non impleat, vel contemnat, quale est præceptum, vt superflua & vana, moresque incompósitos exuat.

Dixi contemnet; quoniam præceptum mariti non est maius, quam præceptum Ecclesiæ, & hoc non obligat semper sub mortali, si desit contemptus; *Nauarrus infra citandus, qui citat D. Thomam 2.2. quæst. 136. art. 9. licet aliàs sic, cum aliquis possit, & Ecclesiæ præceptum non adimpleat. Idem Nauarr. cap. 14. num. 20. in fine.*

- 8 Tertio tenetur nutrire, & lactare filios, saltem per triennium, vt supra dixi. *cap. fin. de conuers. Insid. Can. Ad eius 3. distinct. in fine.* Quod fallit in mulieribus nobilibus, quæ suos filios non tenentur lactare, vbi est consuetudo, quæ nutricibus lactandos tradunt. *Felinus in cap. Illud de præsumpt. Abbas ibidem, & in cap. Quemadmodum de iure iurando. Nauarrus cap. 14. num. 17. de peccatis parentum erga filios, dicit matrem peccare, quæ filium proprio lacte non nutrit, vel negligit notabiliter eligere nutricem bonam, vel gerere curam circa bonam pueri educationem; quamvis nolle filium proprijs vberibus lactare, sine iusta causa, non sit amplius quam veniale, & cum causa neque veniale.*

- 9 Diximus vsque ad triennium; Quoniam deinceps Pater ipse, tenetur omnia necessaria filio exhibere; nisi sit pauper, & filio nulla sint bona, neque ars aut officium decens, quo possit seipsum alere, neque filius sit aliàs adeo ingratus, & criminofus, vt secusdum iura exheredari mereatur. *Argum. l. Necare, & l. si quis à liberis, ff. de liber. agnoscen. quod rectè notauit Syluester verbo filij num. 24.*

Quarto tenetur vxor operari viro, *l. sicut à simili, ff. de oper. liber;* & non laborare, & operari in beneficium suorum consanguineorum, si tamen in beneficium ipsius vxoris, vel filiorum operetur, tunc in viri beneficium operari dicitur. Tamen hæc regula fallit in Matronis nobilibus, quæ viris suis operari non tenentur, cum laborare non cogantur; Ideoque si laborare voluerint, opus suum cui velint licite donant. Ita *Geraldus suo singulari 99.*

Quinto tenetur vxor reddere debitum, quia hoc est onus matrimonij, & si neget sine iusta causa mortaliter peccat, & est communis opinio in hoc.

- 9 Immo quando iusta est causa negandi debitum, precibus negare debet, vt si vxor esset sumptura Sanctissimum, ac tremendum Eucharistiæ Sacramentum die sequenti; secus verò si adesset periculum pollutionis in viro, tunc vxor spiritualiter mane communice, de communi tamen consensu abstinere deberent a debiti solutione ob decentiam tanti Sacramenti, dummodo non adsit periculum incontinentiæ.

Hoc

- Hac de causa DD. ferè communiter aduertunt, Coniuges qui se nocte antecedenti carnaliter cognouerunt, abstinendos esse sequenti die ab Eucharistia, saltem ex consilio & deuotione, præsertim si relictus sit aliquis affectus ad res venereas, & aliqua mentis perturbatio. Hoc tamen limita, nisi iusta causa suadeat eo die communionem sumere, qualis causa videtur esse Festum magnæ sollemnitatis, aut Iubilei, aut si communio commodè differri nequeat in sequentem diem, Ita S. Thomas 4. distinct. 32. quæst. prima. Suarez disput. 68. sec. 2. Sanctus Antoninus 3. par. tit. 14. cap. 6. num. 10. & alij apud Bonacinam de Sacramento Eucharistia disput. 4. quæst. 6. punct. 2. num. 3.
- 10 Tenetur vxor sequi virum. *Can. Vnaqueque* 13. quæst. 2. & ex hoc sumpta occasione videbimus aliqua circa cohabitationem viri, & vxoris.
- 11 Primò vtrum Coniuges teneantur simul cohabitare.
Resp. Affirmatiue, vt patet tum ex *cap. literas de restitut. spoliat.* tum quia matrimonium initur ad suscipiendam prolem, & ad euitandam fornicationem; proles autem non susciperetur, nec fornicatio euitaretur, si Coniuges non cohabitarent simul. Ita *Couarruias in 2. parte de matrimonio cap. 7. in principio num. 5.* Nisi quando vnus coniugum timeret sibi infectionem lepræ, vel alterius contagiosi morbi cohabitando cum altero coniuge infecto, tunc enim non obligaretur cum tanto incommodo, & periculo. Ita *Emmanuel Sà verbo diuortium coniugale num. 15.*
- 13 Ex quo patet, vxorem teneri sequi virum aliò migrantem, & sub reatu culpæ mortalis eum comitari tenetur; *dic. cap. Vnaqueque* 13. quæst. 2. Nisi pactum præcesserit inter eos, ne maritus aliò migraret, tunc enim minimè teneretur, nisi viro aliqua iusta causa, vel necessitas illinc discedendi superueniret, vt morbus, vel capitalis inimicitia. *Nauarrus de peccatis coniugum cap. 14. num. 20.* stantibus istis iustis causis, vir non tenetur soluere pœnam adiectam promissioni, si non seruet promissionem, etiam factam ad pij loci fauorem, etiam in vim donationis, & non pœnæ, quia pœnalia non debent apponi in matrimonio. *cap. Gemma de sponsalibus, vt bene docet Sanchez lib. 1. disp. 4. num. 5. citans alios DD.*
- 14 Ex his inferitur; quamuis vir possit modico tempore, non tamen possit diutius abesse, quia lex Diuina obligat ad cohabitandum, quoniam cum vir & vxor vna caro sint, non debet alter sine altero diutius abesse. Et ità docet *Ioannes Andreas in 6. Anth. num. 15.*

Permissum est tamen viro diù abesse ex causa iusta, vt si Prin-

ceps cum ad bellum conuocet; vel ad familiam gubernandam, & rem familiarem tuendam id uecessarium sit, quia in eo euentu vxor esset irrationabiliter inuita, sic *Sotus 4. distinct. 32. quest. unica art. 3. vers. at uerò & lib. 7. de iustitia quest. 3. art. 1. vers. an. uerò. Sanchez lib. 9. de debito coniugali disp. 4. num. 12. & 13.*

- 15 Etiam infertur, posse virum aliquando breuem peregrinationem absque vxoris consensu vouere, cum sit caput, possitque absque voto illam exequi, nō tamen potest longam peregrinationem vouere inuita vxore. Probatur, quia Deo minimè placent, quæ implenda sunt cum proximi damno, quale est huiusmodi votum, quod in præiudicium debiti, & habitationis coniugalis vergit, ita *Sanchez loco citato.*

- 16 Excipiendum tamen est votum in subsidium Terræ Sanctæ cundi, potest enim vir renitente vxore illud emittere, & exequi teneatur; habetur expresse, *cap. Ex multa, § in tanta de voto*, iustum tamen est, ut ad tempus contineat, fauore boni publici totius Ecclesiæ:

Dixi in subsidium Terræ Sanctæ, quia si peregrinatio esset solius causa deuotionis, non gauderet hoc priuilegio, sed necessarius esset vxoris consensus ad illud votum exequendum; Nam *textus in dic. cap. Ex multa, § in tanta de voto*; In subsidium disponit. Et cum sit in præiudicium vxoris, non est extendendus, quando minimè versatur in subsidium boni publici, sed à sola, & ob solam priuatam voluntatem vouentis, solius deuotionis causa, ita *docent Sanchez & alij ab ipso citati; loco citato.*

- 17 Vxor uerò nullum peregrinationis votum exequi potest renitente viro, sed opus est, ut vir assensum præstet; tum quia vxorem peregrinari dedecet, atque ita esset in viri præiudicium; tum etiam quia in vouendi potestate non sunt pares, eo quod vir sit caput, & vxor ipsi subdita. *Sanchez loc. cit.*



205

P A R S D V O D E C I M A.

De Debito Coniugali.

Materia scitu necessaria, scilicet de peccatis qua committi possunt in usu Matrimonij.

Q V Æ S T I O X X X.

S V M M A R I V M.

- 1 *Quæres utrum Coniuges regulariter peccent mortaliter, non reddendo debitum alteri coniugi petenti expresse, aut tacite.*
- 2 *Aliquando Coniux negando debitum non peccat.*
- 3 *An Coniux febris laborans debitum reddere teneatur.*
- 4 *Si Coniux excusetur à reddendo debito, statim post prandium.*
- 5 *Utrum Coniux sanus teneatur reddere debitum, alteri coniugi leproso.*
- 6 *An peccet femina negando debitum, quando experta est se non posse filios viuos in lucem edere.*
- 7 *Utrum Coniux possit negare debitum, ne multiplicentur filij.*
- 8 *An in casu paupertatis liceat mulieri sumere medicamenta sterilitatis, ut impediatur procreatio filiorum.*
- 9 *Utrum uterque Coniux teneatur reddere debitum infra bimestre post matrimonium ratum, & non consummatum.*
- 10 *An alter Coniux innocens teneatur reddere debitum alteri nocenti, qui commisit adulterium.*
- 11 *Quid si ambo adulterium fecerint.*
- 12 *Si uxor ignorans fuerit adulterij, maritus possit tuta conscientia ob adulterium occultum a se commissum petere debitum ab uxore.*
- 13 *Vir & uxor an sint paves in causa diuortij.*
- 14 *An sit reddendum debitum in loco sacro.*
- 15 *An Coniux possit petere, & reddere debitum suæ uxori quam scit esse obstrictam voto castitatis.*
- 16 *An Coniux teneatur reddere debitum alteri coniugi, qui petit modo indebito quoad situm, & quid dicendum quando adsit iusta causa.*
- 17 *Utrum*

- 17 *Vtrum Coniuges teneantur reddere debitum, quando adest scrupulus, vel dubium, vel opinio, vel scientia, seu certitudo de inualiditate matrimonij, quæ omnia sigillatim declarantur infra.*
- 18 *Quæres, quodnam remedium adhibendum sit, quando constat matrimonium esse inualidum propter impedimentum dirimens, quod non potest manifestari sine infamia, vel sine vita periculo.*
- 19 *Vtrum Coniux teneatur credere alteri Coniugi dicenti se fuisse consensisse in celebratione matrimonij, vel habere aliud impedimentum dirimens.*
- 20 *Vtrum Coniux teneatur credere adesse impedimentum dirimens, & abstinere a matrimonio, quâdo audiuit huiusmodi impedimentum adesse ab alio viro fide digno, vel ab amico, cum iuramento attestante.*

Quamuis me pudeat agere de aliquibus impuris, nihilominus necesse est, ut pudorem vincat necessitas, & verecundiam superet utilitas; Utile enim ac necessarium est Confessarijs nosse huiusmodi materiam, ut pœnitentibus consulere valeant, illisque consilia præbeant opportuna, Nec sunt talia ab animarum Medicis ignoranda. Eloquia enim Domini, eloquia casta, omnia pura puris, & omnia munda mundis, tam scribendo percurrere, quam etiam cogitando mente reuoluere, ut animarum periculo reparetur.

De Peccatis in vsu Matrimonij.

- 1 **I**Nter alia onera matrimonij, hoc vnum est præcipuum de quo mentionem fecimus supra scilicet, ut vir teneatur reddere debitum vxori, & vxor marito, aliàs regulariter peccant mortaliter, non reddendo debitum alteri coniugi petenti expressè, aut tacitè, nisi habeant iustam causam denegandi; ita communiter DD. & præcipue Nauarrus cap. 16. num. 25. de Coniugum luxuria peccatis. Ratio est, tum quia contrahentes matrimonium obligantur ex contractu matrimonij, seu ex iustitia ad reddendum debitum, nam uterque coniux in matrimonio tradit alteri potestatem sui corporis, sed qui facit contra iustitiam peccat mortaliter ex suo genere: ergo coniuges peccant mortaliter non reddendo debitum; tum quia sicut negans debitum ex iustitia in alijs rebus magni momenti, peccat mortaliter, & facit grauem iniuriam Creditori; Ità negans debitum coniugale grauius peccat, & facit grauem iniuriam coniugi petenti; tum quia constat

ex

ex prima ad Corinth. 7. ubi D. Paulus aque dixit, nec virum habere sui corporis potestatem, nec uxorem sui.

- 2 Dixi Regulariter; quia potest fieri aliquando, ut Coniux negando debitum non peccet mortaliter, ut quando petitur beneuolè, & amicè, non tanquam sibi debitum ex iustitia, nec intendens obligare alterum, ad reddendum sibi debitum; sicut amicus solet aliquando petere ab amico res sibi debitas, absque intentione obligandi. Ita Sotus in 4. distinct. 32. quaest. unica, & alij apud Bonacinam de ijs quae pertinent ad usum matrimonij quaest. 4. punct. 1. Qui etiam excusant à mortali coniugem, qui raro negat debitum, non enim videtur facere grauem iniuriam alteri ob paruitatem materiae.

Similiter excusat eum, qui petitus non statim reddit; sed differt per aliquod breue spatium.

Excusant etiam negantem debitum, quando alter coniux frequentius petit, quam par sit, nam in omnibus seruandus est modus; Hæc tamen intelligenda sunt, modò non sit periculum incontinentiae, vel grauis morbi in petente, ob denegatum sibi debitum.

Addo cum Sanchez, Coniugem negando debitum alteri, non peccare mortaliter quando alter remisit, & frigidè petit, aut rogatus facile acquiescit; tunc enim petens non videtur obligare alterum coniugem ad reddendum sub mortali; Secus dicendum est quando instanter petit, nec adest causa sufficiens denegandi debitum, tunc enim obligatur ex iustitia. Idem Sanchez lib. 9. de debito coniugali disp. 2. num. 13.

- 3 Hinc sequitur primò, Coniugem feбри laborantem non tene-ri reddere debitum; secus si tantum doleat capite absque febre, vel si doleat dente; Sicut enim in alijs obligationibus iustitiae debitor tenetur satisfacere, quamuis sibi timeat leue aliquod detrimentum, ita Coniux in praesenti casu tenetur; Non verò tenetur dum feбри laborat, vel dum sanguinem è vena extraxerit, vel dum statim à balneo exijt, & his similibus; Nam ordo charitatis, & naturae non obligat ad consulendum magis alteri, quam sibi ipsi, nam obligatio debiti intelligitur salua incolumitate personae, seu salua subiecti consistentia, ut ait Emmanuel Sa verbo debito num. 15. & alij citati à Bonacina loco citato num. 4.

- 4 Secundò, saepe Coniugem excusari à reddendo debito statim post prandium, quia Copula tunc temporis habita, ex Physicorum dictis solet esse causa grauis detrimenti. Sanchez lib. 9. disp. 24. num. 4. & alij ab ipso citati.

- 5 Tertiò, Coniugem sanum non teneri reddere debitum alteri coniugi leproso, quoties iudicio Medicorum subit periculum grauis infectionis. Idem dicendum de morbo gallico, nam Coniux sanus non tenetur reddere debitum alteri, quoties ex redditione debiti timet sibi contractionem morbi; nisi fortè antè matrimonium sciuerit Coniugem esse infectum illo morbo; tunc enim tenetur reddere, quia per contractum matrimonij scienter se ad hoc obligauit, ita *Petrus Ledesma quaest. 64. art. 1. Sanchez lib. 9. disp. 14. num. 18. & 22.*
- 6 Quartò feminam non peccare negando debitum, quando experta est se non posse filios viuos in lucem edere; Ratio est quia Coniux non tenetur reddere debitum cum probabili periculo vitæ, vxor autem magnum vitæ periculum subit ex morte fetus in ventre, potest tamen petere cum dicto periculo, ad vitandum graue periculum incontinentiæ; nam eligit minus malum, ad vitandum maius. *Rodriquez cap. 135. num. 6. Victoria, Petrus Ledesma quaest. 58. art. 1. ad finem Reginaldus lib. 31. num. 287. & 288.*
- 7 Quæres vtrum Coniux possit negare debitum ne multiplicentur filij.

Resp. non posse, sed grauiter peccare negando debitum. Concedo quidem coniuges posse de communi consensu abstinere à copula, ne plures filij generentur, (secluso tamen periculo incontinentiæ) eo quod vterque voluntariè cedat iuri suo; sed nego vnum coniugem posse negare debitum alteri, ne plures filios suscipiat; Ratio est, tum quia facit iniuriam alteri petenti debitum, tum quia facit contra finem matrimonij, nam finis matrimonij est, procreatio prolis. *Reginaldus lib. 31. num. 289. Bona in loco cit. quaest. 4. punct. 1. num. 12. & alij DD. ab ipsis citatis.*

DD. tamen infra citandi inquirunt, quod Coniux possit excusari à mortali, quando ipsi coniuges non habent facultates sufficientes ad filios alendos, (modo non sit periculum incontinentiæ,) Ratio est quia magna incommoditas, & difficultas in alendis filiis, videtur causa sufficiens ad illum excusandum, sicut excusat in restitutione. Secus dicendum est si coniuges habeant facultates ad alendos filios, quamdiù vel alter eorum vixerit, licet post eorum mortem non superfit filiis, quo se alant; tunc enim non adest prædicta incommoditas: Et mortuis parentibus pertinebit ad prolem sibi victum comparare, & melius est proli nasci cum illa incommoditate, quam nullo modo nasci. Ita *Sanchez lib. 9. disput. 2. num. 3. Petrus Ledesma quaest. 64. art. 1. versus finem, Rodriquez prima parte cap. 243. num. 1. Emmanuel Sà verbo debitum coniugale 18.*

8 Er in prædicto casu paupertatis non licet mulieri sumere medicamenta sterilitatis, vt impediatur generatio, seu procreatio liberorum, essetque graue flagitium, vt in *cap. Si aliquis de homicidio*, & peccaret tam Medicus consulens quam Aromatarius talia medicamenta facientes. *Nauarrus cap. 16. num. 33.*

Nec etiam licet viro in præfato casu extraordinarias agere, pollutiones, nec semen extra vas effundere; peccaret enim mortaliter. *Sotus 4. sentent. distinct. 32. quest. 1. art. 1. Nauarrus cap. 16. num. 33.*

9 Vterque Coniux non tenetur reddere debitum infra bimestre, post matrimonium ratum tantum, & non consumatum, vt in *cap. Ex publico de conuers. coniugat.* Nam lex concedit bimestre tempus Coniugibus ad deliberandum, an velint ingredi Religionem, vel velint consummare matrimonium; & negando infra illud bimestre non peccant, dicto *cap. Ex publico.*

10 Neque alter Coniux innocens tenetur reddere debitum alteri nocenti, qui commisit adulterium; per adulterium enim amisit ius petendi debitum. *cap. significasti de diuortijs, & cap. ultimo de Adulterijs*; Ità vt liceat innocenti facere diuortium quoad Torum ob fidem fractam.

11 Hoc autem limitatur, vt non procedat, quando ambo adulterium fecerint, quia tunc mutua delicta pari compensatione puniuntur, parique iure censentur, siue mutua compensatione tolluntur, vt in dicto *cap. significasti, & dicto cap. ultimo de adulterijs.*

12 Sed difficultas est, an si vxor ignorans fuerit adulterij, Maritus possit tuta conscientia ob adulterium occultum à se commissum petere debitum ab vxore; & videbatur quod petere non posset, quia per adulterium ius petendi debitum amittitur, vt supra diximus. Tamen hoc non obstante contraria opinio verior est, quod scilicet in hoc casu Maritus licet, & tuta conscientia possit petere debitum, quia habitu amisit ius petendi debitum, nou autem actu, hoc est, quod condemnari possit ad non exigendam debiti petitionem, sed quousque non fuerit condemnatus, vel ad notitiam vxoris non deuenit, in possessione petendi debitum se conseruat, & sic actu potest petere debitum tuta conscientia; Quæ tamen opinio intelligitur cum hac modificatione, vt scilicet rogando, debitum petere possit, sed non vt possit extorquere, & ab inuita vxore exigere. Quando autem ad notitiam vxoris venerit adulterium à viro commissum, etiam occultè & secretò, tunc ipsa vxor Iudex est & pars, & potest iustè, & sine scrupulo debitum negare in foro conscientia; nam probatio vi-

tur tantummodo requiri pro faciendo diuortio in foro externo, ita *Conarr. in 2. par. de matrim. cap. 7. §. 2. num. 4. Sotus 4. sentent. distinct. 36. quæst. 1. art. 3. & 4. Caietanus in summula. Syluester verbo debitum, Ronacina de ijs quæ pertinent ad usum matrimonij q. 4. punct. 5. num. 20.*

- 13 Sequitur, virum & vxorem esse pares in causa diuortij, *cap. Christiana 32. quæst. 5. Sanchez lib. 10. disput. 3. num. 6. Gutierrez de Matrim. cap. 129. num. 2. Bonacina loc. cit. quæst. 4. punct. 5. num. 6.*
- 14 Præterea addo, non esse reddendum debitum coniugi petenti in loco sacro; Ratio est, quia circumstantia loci sacri afficit ipsum actum, qui repugnat sanctitati loci sacri, prout pendet tam ex parte petentis, quam ex parte reddentis. *Petrus Ledesma quæst. 64. art. 7.*

- 15 Quid si vnus Coniux consentiat, vt alter voueat omnimodam continentiam, quoad non petendum, & non reddendum; An is qui vouit teneatur reddere alteri petenti, possitque is vouens alteri remittere licentiam, & concedere ius, vt petat.

Respondetur cum *Philarcho de officio Sacerdotis tomo 1. parte 2. lib. 3. cap. 4. §. excipitur*, qui ait: tunc fas esse coniungi, qui prædictam facultatem concessit, petere debitum, & ei petenti posse alterum qui vouit, reddere; quando coactè licentiam concessit, vel fuerit adeo ignarus, vt putarit ei adhuc esse reddendum; sed quando Coniux nec coactus nec iuris ignarus, sed sui præiudicij conscius eam facultatem concessit, videtur ipse quoque tacitè vouisse continentiam, vt nec petere possit, nec ipsi petenti sit reddendum, quoniam volens vnum, censetur velle omne id, per quod peruenitur ad illud. *Nauarrus vero in Manuali cap. 12. num. 59. inquit: peccat, quæ ex consensu mariti emittit votum continentiae, postea vero debitum coniugale posceret, secundum omnes.*

Idem dicendum è conuerso de marito, qui vouit de vxoris consensu, & postea coniugale debitum peteret. Similiter peccat coniux si debitum soluit ei, qui de illius consensu votum emisit, secundum *S. Thomam in 4. distinct. 38. quoniam consentit peccato mortali, quod alter admittit, coniugale debitum exigendo.*

Attamen Coniux non peccaret petendo, si quando concessit licentiam, non intenderit reuinciare Iuri suo, vel si coactè licentiam concesserit, vel si fuerit iuris ignarus; vt suprà dictum est.

Præterea ambo peccarent, si ambo votum simplex continentiae fecerunt, & postea debitum peterent. *Can. quod Deo 33. q. 1. At si votum fecerint ad certum tempus, transacto eo tempore pos-*

possent petere & reddere . Idem *Nanarrus loco citato* .

Est quoque notandum , quod votum vnus coniugum sine alterius consensu de non soluendo debitum , immò etiam de non petendo , est illicitum . *D. Thomas in 4. lib. senten. distict. 32. qu. 2. & alij communiter* .

Sotus in 4. senten. distict. 37. quaest. vnica art. 1. §. secunda Conclusio, inquit: ante contractum matrimonium, tam in voto simplici castitatis, quam Religionis, solus Papa dispensare potest ; Post verò matrimonium contractum potest Episcopus dispensare tantum super debiti petitionem . Vel recurritur ad S. Pœnitentiarium, quæ circa vota simplicia in foro conscientie tantum per Constitutionem nuper editam 3. nonas Septembris 1692. ab Innocentio XII. incipien. *Romanus Pontifex* dispensare potest, vt infra . Ibi .

Vota simplicia quæcunque quomodolibet emissa , tamen si priuato iuramento confirmata , etiam Castitatis , Religionis , visitationis liminum Sanctorum Apostolorum Petri , & Pauli de Vrbe , Sepulchri Dominici , & S. Iacobi de Compostella , possit idem Maior Pœnitentiarius in alia pietatis opera commutare , votorum implementum differre , ab illorum transgressionibus absoluerè , & cum ijs , qui matrimonium contrahendo , votum Castitatis transgressi sunt , ad licitè debitum coniugale petendum dispensare , & respectiue commutari , differri , absolui , & dispensari mandare semper in foro Conscientie tantum possit , & valeat , consideratis causis commutationum , dilationum , absolutio-num , & dispensationum huiusmodi , & adiectis clausulis , quas apponere , ijsque iniunctis , quæ iniungere hætenus Pœnitentia-ria laudabiliter consuevit ,

- 16 Sequitur coniugem non debere reddere debitum alteri , qui petit modo indebito quoad situm , nisi adsit iusta causa , ob quam excusetur a petendo tali modo ; nam petit illicitè , ob circumstantiam actus ; ita *Armilla verbo debitum. num. 6. & alij apud Bonacinam de ijs per pertinent ad vsum matrimonij qu. 4. punct. 3. nu. 10.*

Dixi, nisi adsit iusta causa ob quam excusetur a petendo tali modo , quia potest aliquando adesse causa , vel necessitas propter quam neque sit peccatum veniale , ita petere , vel reddere ; Vt quando vir retro accedens cognoscit vxorem , in vase ordinario naturali , eo quod sit periculum fetus , si ordinario situ congregiatur . Idem dicendum, quando vir est nimis pinguis . Idem, *Bonacina loco cit. num. 10.*

Non nego tamen, quod sit probabilis sententia *Sanchez, Filiuc.*

cij, & aliorum dicentium, simpliciter non esse negandum debitum coniugi petenti solum cum peccato veniali; nam inquirunt isti Doctores, quod semper adest iusta causa excusans redditionem, qualis est ne displiceat petenti, & ne oriantur lites, & discordiæ ad evitanda maiora mala. Sanchez lib. 9. disput. 6. num. 6. Filiuc. de Sacramento matrimonij par. 1. tractatu 10. cap. 9. de redditione debiti num. 303. & alij Doctores citati ab ipso.

Bonacina verò loc. cit. num. 9. bene distinguit, aut petit illicite propter circumstantiam personæ, & debitum erit reddendum; si verò petit cum peccato veniali ob circumstantiam actus, tunc non erit reddendum.

- 17 Vtrum coniuges teneantur reddere debitum, quando adest scrupulus, vel dubium, vel opinio, vel scientia, seu certitudo de invaliditate matrimonij; de omnibus differendum est.

Scrupulus est assensus ortus ex leuibus coniecturis, & sic vterque coniux potest petere, & reddere; quando post matrimonium bona fide ab utroque contractum suboritur scrupulus ex leuibus indicijs de validitate matrimonij. Ità habetur in cap. Inquisitioni de sententia excommunicationis; Ratio est, tum quia Iudex in foro exteriori ità iudicaret per sententiam; Ergo idem iudicandum est in foro conscientiæ; tum quia scrupulus non est sufficiens ratio ad priuandum hominem iure suo; Immo licitum est operari contra scrupulos. Sanchez lib. 2. disp. 41. num. 42. Gutierrez de matrimonio cap. 49. num. 22. Coninshus disp. 34. dub. 10. num. 100. & alij apud Bonacinam loc. cit. punct. 4. num. 2.

Dubium est, quando intellectus non magis in vnam partem, quam in aliam inclinat, sed pendet in vtramque; & ideo coniux qui bona fide contraxit matrimonium, & postea dubitat de valore matrimonij, non potest petere debitum, antequam exhibuerit debitam diligentiam, ad assequendam veritatem. Hæc propositio patet ex cap. Dominus §. secundo de secundis nuptijs, & cap. Inquisitioni §. finali de sententia excommunicationis; Ratio est, tum quia ageret contra conscientiam petendo debitum ante adhibitam debitam diligentiam, ad cognoscendam rei veritatem; tum quia petendo exponeret se periculo fornicationis; Vnde qui bona fide contraxit matrimonium, & post illud contractum dubitat superstitem esse priorem coniugem, non potest petere debitum antè præmissam debitam diligentiam. Verum tamen est ipsum dubitantem teneri reddere debitum alteri coniugi petenti, qui non dubitat de validitate matrimonij, nam alter habet ius petendi, & est in possessione; melior enim est conditio possidentis,

tis, Ità Bonacina de *usu matrimonij. quest. 4. punct. 4. num. 3.*

Vtrum verò coniux dubitans de valore matrimonij, bona fide, & absque dubio contracti, possit non solum petere, verum etiam reddere, quando post dubium adhibuit debitam diligentiam ad assequendam veritatem, sed veritas comperta non est.

Resp. Posse non solum reddere, verum etiam petere; Ratio est, tum quia in alijs contractibus, qui bona fide rem penes se inuenit, & postea incipit dubitare, num res sua sit, vel aliena, iuste potest rem illam retinere, & consumare, eaque uti quando facta sufficienti inquisitione & examine, non inuenit veritatem, sed adhuc dubitat, an res sit sua; melior enim est conditio possidentis bona fide; Ergo etiam coniux dubitans de valore matrimonij bona fide contracti, si premisso sufficienti examine, adhuc perseverat dubium speculativum, potest uti matrimonio petendo, & reddendo; tum quia coniux adhibita sufficienti diligentia laborat ignorantia inuincibili; nam ignorantia inuincibilis est illa, quæ vinci non potest, adhibita sufficienti diligentia, ignorantia autem inuincibilis excusat a peccato. Ità *Sotus de Iustitia art. ultimo quest. 5. Coninchus, Reginaldus, Rodriquez, Valentia, Filiuccius & alij apud Sanchez lib. 2. disp. 41. num. 46.*

Hinc colligitur, quando uterque coniux post matrimonium bona fide contractum, dubitat de valore matrimonij, antè diligentiam sufficientem adhibitam, neutrum posse petere debitum; sicut neque potest delectari de copula cogitata, aut de tactibus, qui licite exercentur inter coniugatos; Ratio est quia uterque se exponeret periculo fornicationis, seu actuum ad fornicationem pertinentium; Post diligentem verò inquisitionem, uterque potest delectari, petere, & reddere, etiamsi veritas nondum comperta sit, & dubium speculativum perseveret. Ità *Sanchez lib. 9. disp. 44. num. 24. Reginaldus lib. 31. num. 300. & alij.*

Si verò coniux mala fide contraxit, vel uterque mala fide contraxerunt, neuter potest petere, vel reddere; & ratio est, quia incipiens possidere rem aliquam mala fide, non acquisiuit vllum Ius in illa; sed quando alter, vel uterque coniux mala fide contraxit, incipit possidere matrimonium mala fide, ergo nullum Ius in illud acquisiuit, consequenter neuter potest petere, vel reddere, nam petere, & reddere supponit Ius ad petendum, vel reddendum. *Nauarrus cap. 22. num. 54. Sotus distinct. 27. qu. 1. art. 3.*

Opinio est assensus vnus partis, cum formidine alterius. Coniux qui bona fide contraxit matrimonium, & postea incipit opinari matrimonium inualidum esse, non potest petere debitum;

tum; Ratio est, quia si potest petere, maxime quia est in possessione matrimonij bona fide contracti; Sed ista possessio non suffragatur opinanti, sed dubitanti post debitam diligentiam: Ergo coniux qui bona fide contraxit matrimonium, & postea incipit opinari matrimonium esse inualidum, non potest petere, adhibita quacunque diligentia, si adhuc perseverat opinio de inualiditate matrimonij.

Sed difficultas est, vtrum coniux qui opinatur matrimonium esse inualidum, teneatur reddere alteri coniugi bona fide.

Resp. Teneri; ratio est, tum quia nullus potest priuare alterum iure suo, & possessione illi acquisita, cui certo constat rem suam esse; In hoc autem casu coniux, qui habet opinionem de inualiditate matrimonij, priuaret alterum iure, & possessione sua, non reddendo debitum; tum quia sic habetur in *cap. Inquisitioni num. 44. de sententia excommunicationis Sanchez lib. 2. disput. 44. num. 3. & alij apud Gutierrez de matrimonio cap. 49. num. 1. & 31. & cap. 50. num. 4.*

Scientia est cognitio certa, saltem moraliter.

Coniux, qui certo moraliter nouit adesse impedimentum dirimens, non potest petere, nec reddere debitum; ita colligitur ex *cap. Inquisitioni citato, & cap. Dominus de secundis nuptijs*; Ratio est, quia cognoscens carnaliter foeminam alienam peccat mortali peccato, sed qui petit, vel reddit debitum, certo sciens adesse impedimentum dirimens, cognoscit alienam foeminam, quae non est sua vxor, ergo mortaliter peccat; & hoc verum est siue matrimonium contractum sit bona fide, siue mala, militat enim eadem ratio. *Sanchez lib. 2. disp. 44. Gutierrez cap. 50. num. 4. Coninchus disp. 34. dub. 10. num. 96. Filinecius num. 342. & alij communiter.*

15 Quæres, quodnam remedium adhibendum sit, quando constat matrimonium esse inualidum propter impedimentum dirimens, quod non potest manifestari sine infamia, vel sine vitæ periculo.

Resp. Quatuor remedia assignari a DD. quos citat *Rodriguez tom. 2. cap. 92.*

Primum remedium est, vt coniux conscius impedimenti petat dispensationem, quando impedimentum est dispensabile, vel ingrediatur Religionem, quamuis non teneatur ingredi.

Secundum remedium, vt fugiat in locum, vbi cesset scandalum peccati.

Tertium est, vt petat diuortium, si adsit causa illud petendi, qualis causa est sæuitia, adulterium &c.

Quartum est, vt habitet cum coninge, ac si esset frater, & soror,

ror, modò non sit periculum alicuius carnalis peccati, quod vt plurimum adesse solet. *Rodriquez loc. cit. Henriquez lib. 11. cap. 11. num. 2. Sanchez lib. 9. disp. 37. num. 14. Bonacina de ijs, quæ pertinent ad vsum matrimonij quæst. 4. punct. 4. num. 18.*

- 19 Quæres, vtrum coniux teneatur credere alteri coniugi dicenti se fide consensisse in celebratione matrimonij, vel habere aliud impedimentum dirimens.

Resp. Regulariter non teneri credere, quamuis alter hoc asserat cum Iuramento; Ratio est, quia verosimilius est ipsum modò mentiri, quam mentitus fuerat in contractu principali; Nam, in cap. *Per tuas de probationibus*; dicitur valde indignum est, vt quod sua quippe voce dilucidè protestatus est, in eundem casum propriè valeat testimonio infirmare; potest tamen illi credere in illius præiudicium, ne petenti reddat, tunc enim non facit illi iniuriam. Ità *Nauarrus cap. 22. num. 82. Emmanuel Sà verbo debitum num. 7. & alij DD.*

Dixi regulariter, quia fieri potest aliquando, vt adsint aliæ sufficientes circumstantiæ & coniecturæ, quibus teneatur credere, & consequenter non possit petere, nec reddere. Ità *Petrus Ledesma quæst. 47. art. 4. Gutierrez loc. cit. num. 37. Nauarrus loc. cit.*

- 20 Quæres vltimò; vtrum coniux teneatur credere adesse impedimentum dirimens, & abstinere a matrimonio contracto, quando audiuit huiusmodi impedimentum adesse non ab altero coniuge, sed ab alio viro fide digno, vel ab amico cum iuramento attestante.

Resp.; Non teneri credere, si vnus tantum attestetur; ratio est, quia licet dictum vnus fide digni, sufficiat, vt iustè credere possit, tamen vni tantum necessariò non creditur, sed duobus fide dignis credendum est. *cap. Cum à nobis de Testibus & attestat.* Verum tamen est, coniugem, qui hoc audiuit a viro fide digno teneri abstinere a matrimonio contrahendo, si nondum contraxit, ne se exponat periculo fornicationis, & inualidè contrahendi. Si verò iam contraxit, tenetur dubitare de validitate matrimonij, consequenter non potest petere, donec adhibuerit debitam diligentiam, iuxta supradicta. Si non audiuit a viro fide digno, potest petere, quia dictum viri, qui non est fide dignus, non exhibet sufficientem rationem dubitandi. Ità *Emmanuel Sà nu. 7. Nauarrus cap. 22. num. 82. Gutierrez cap. 49. num. 23; 32. & 33. & alij apud Sanchez lib. 2. disp. 46. quæst. 3. à num. 25. vbi latè de his differit Bonacina de ijs, quæ pertinent ad vsum matrimonij quæst. 4. punct. 4. num. 20.*

P A R S XIII.

*De causis propter quas licitum est , non solum
negare debitum , verum etiam faciendi
diuortium , quoad habitationem ; &
quoad Torum , & habitationem ,
non in perpetuum , sed ad tem-
pus , quamdiu ipse causa
durant .*

Q V Æ S T I O XXXI.

S V M M A R I V M.

- 1 *Zyid , & quotuplex sit diuortium .*
- 2 *Adulterium est causa sufficiens faciendi diuortium perpetuum , quoad Torum , & habitationem tam in fœmina , quam in viro .*
- 3 *An sodomia actiua , vel passiva , vel bestialitas sit causa sufficiens diuortij tam in fœmina , quam in viro .*
- 4 *An Vxor sollicitata à marito ad sodomie peccatum , possit discedere ad tempus , propter periculum animæ , donec vir resipiscat .*
- 5 *Vtrum in foro externo credendum sit mulieri asserenti se a viro tentatam fuisse de nefando vitio .*
- 6 *Pollutio extraordinaria cum alia , vel secum tantum , an sit causa sufficiens diuortij , vel de concubitu viri cum fœmina mortua , aut cum bestia mortua .*
- 7 *An vir , & vxor sint pares in causa diuortij .*
- 8 *Quæ notitia adulterij requiratur ad faciendum diuortium .*
- 9 *Vtrum coniux innocens possit propria auctoritate facere diuortium ab adultero , siue delictum sit publicum , siue occultum .*
- 10 *Vtrum coniux innocens , qui propria auctoritate fecit diuortium , teneatur reddere debitum , & habitare cum adultera , quando per excommunicationem , vel præceptum à Iudice cogitur reddere , & habitare cum uxore , eo quod delictum sit secretum .*

- 11 *An Maritus innocens teneatur aliquando facere diuortium cum vxore adultera, quando per diuortium sperat emendationem, & fructum.*
- 12 *Quid dicendum sit in supradicto casu de vxore cuius vir adulteratur.*
- 13 *Enumerantur aliqui casus, in quibus non licet facere diuortium, ob coniugis adulterium.*
- 14 *Vtrum coniux innocens possit, facto diuortio, cogere adulterum, vt ad se redeat.*
- 15 *Quid sit dicendum, quando status alterutrius sit mutatus per professionem in religione, vel per susceptionem sacrorum Ordinum.*
- 16 *Quid dicendum sit, quando diuortium non est absolutum, & perfectum, exempli gratia adest spes, vt coniux furens, vel sauius ad pristinum redeat statum.*
- 17 *Si innocens facto diuortio ingrediatur Religionem, vel suscipiat sacros Ordines; Adulter manens in saeculo non tenetur emittere votum Castitatis, aut ingredi Religionem.*
- 18 *Differentia inter incestuosum & adulterum quod coniux innocens potest concedere debitum adultero, non autem incestuoso.*
- 19 *Enumerantur aliqui casus in quibus licet facere diuortium, quoad Torum, & habitationem, sed ad tempus.*
- 20 *Quem nam sequantur filij facto diuortio.*
- 21 *Vtrum matrimonium sit aliquo casu separabile.*
- 22 *Vtrum matrimonio consummato, liceat Religionem ingredi.*
- 23 *Vinculum per coniugis mortem semel dissolutum, an coniuge resurgente redeat.*
- 24 *Vtrum vir teneatur facto diuortio alere vxorem, aut filios, aut saltem possit denegare in foro conscientie alimenta vxori adulterę occultæ.*

I Diuortium significat legitimam Viri & Vxoris separationem, & tripliciter accipi potest.

Primò pro dissolutione matrimonij quoad Torum, idest quoad carnalem copulam: Neque hic loquimur de diuortio quoad Torum tantum, nam ex dictis in precedentiibus constat.

Secundo pro dissolutione matrimonij quoad vinculum, ita vt omnino dissoluatur, ac si nullum esset: Neque hic loquimur de diuortio quoad vinculum, nam ex supradictis patet matrimonium esse indissolubile: quod Deus coniunxit homo non separet. *Matthæi 19.* Neque Ecclesia illud soluere potest, sed aliquando declarat illud irritum, & nullum, quando est contractum cum impedimentis dirimentibus. Vt tradit Sanchez lib. 10. disp. 2. nu. 2. Farinacius tom. 4. quæst. 143. 5. Separatio num. 33. Quamuis ma-

rimonium ratum dissoluatur per professionem in Religione approbata a Sede Apostolica; Ratio est, tum quia coniuges nondum effecti sunt vna caro, tum quia Religio est matrimonium spirituale, & perfectius, & Deo gratius. *Conc. Trid. Can. 6. & 10. de matrimonij Sacramento*. Quoad vinculum pauca notabilia in calce huius tituli proponam. Loquimur ergo de diuortio quoad Torum, & habitationem perpetuò, vel ad tempus.

- 2 Quamuis adulterium non sit causa sufficiens faciendi diuortium quoad vinculum, vt dictum est de indissolubilitate matrimonij; Nihilominus est causa sufficiens diuortij perpetui, quoad Torum, & habitationem tam in femina, quam in viro. Sic habetur in *cap. Gaudemus*, & *cap. literis de diuortijs*, & *Matthæi 19.* vbi dicitur: quicumque dimiserit vxorem suam, nisi ob fornicationem, & aliam duxerit, mæchatur. Ratio est, quia coniuges ex natura contractus matrimonij, tenentur sibi seruare fidem, quoad torum & habitationem, ergo si vnus eorum non seruet fidem adulterando, nec alter innocens tenetur eam seruare; nam frangenti fidem, fides seruanda non est, scilicet quo ad torum, & habitationem. *l. si cum veneris ff. pro socio*, & *cap. Peruenie il 2. de iureiurando*. *Bonacina de ijs, quæ pertinent ad vsum matrimonij qu. 4. punct. 5. num. 2.*
- 3 Sequitur, sodomiam actiuam & passiuam, & bestialitatem esse causam sufficientem diuortij tam in femina, quam in viro, iuxta probabiliorē sententiam; nam per sodomiam, & bestialitatem diuiditur caro coniugis cum carne bestię, vel alterius, modò hoc peccatum committatur cum alio, quam cum propria coniuge. *Bonacina loco citato*. Nam quando committitur cum propria coniuge, non est causa sufficiens diuortij perpetui, quia caro coniugum non diuiditur, nisi per copulam cum alia habitam. Ita *Sanchez lib. 10. disp. 4. num. 8. Filintius tract. 10. cap. 10. quest. 3. qui alios citat*.
- 4 Verum tamen est, Vxorem posse quando sollicitatur a marito ad sodomie peccatum discedere ad tempus, propter periculum animę, donec Vir resipiscat, eamque nolit amplius ad huiusmodi peccatum prouocare, non tamen habet causam sufficientem faciendi diuortium perpetuum. *DD. infra citandi*.
- 5 Vtrum verò in foro externo credendum sit mulieri asserenti se a viro tentatam fuisse de nefando vitio; dissentio est inter DD. Probabilior tamen est sententia negatiua, tum ne detur occasio iæmynis accusandi viros, & impediendi vitam conjugalem; tum quia nullus est idoneus testis in propria causa. *l. Nullus ff. de testi-*

testibus. Et ita decisum fuit in Rota Romana apud *Farinacium*, *decis.* 178. teste etiam *Riccio tom. 1. Praxis matrimonialis Resolutione* 220. Hæc tamen sententia intelligitur, modò præter fœminæ assertionem, non extent alia indicia, quibus Iudex inducatur ad credendum assertioni mulieris, tunc enim non creditur mulieri præcisè. *Riccio loco citato*.

- 6 Dico, pollutionem extraordinariam cum alia, vel secum tantum, non esse causam sufficientem diuortij, quia caro propriè non diuiditur. Ità *Petrus Ledesma quest. 62. art. 1. dub. 4.*

Idem dicendum est de concubitu Viri cum fœmina mortua, aut cum bestia mortua, nam iste concubitus similis est illi, qui cum statua habetur, quem constat non esse sufficientem ad dissoluendum matrimonium; nam exercens huiusmodi actus, non propriè vnitur alteri, nec diuidit carnem suam cum tertia persona. *Bonacina loc. cit.*

- 7 Sequitur, Virum & Vxorem esse pares in causa diuortij. *cap. Christiana 32. quest. 5. Sanchez, Filiuccius, Gutierrez locis supra citatis, & alij communiter*.

- 8 Quæres primò, quæ notitia adulterij requiratur ad faciendum diuortium.

Resp. Requiri, vt coniux volens facere diuortium ob alterius adulterium, certus sit moraliter de adulterio; nam possessio stat pro altero, & nemo in dubio priuandus est sua possessione.

Dixi, certus moraliter, scilicet qui non habet leuem suspicionem, sed maximè fundatam, qualis in foro externo sufficeret ad conuincendum alterum de adulterio; Vt accidit quando ipsa adultera constat proprium adulterium, vel quando inuenta est nuda cum nudo, vel sola cum solo in lecto. *cap. literis de præsump.* non autem sufficiunt verba amatoria, aut lena missa vxori ab adultero, nisi adsint aliæ circumstantiæ loci, temporis, vel personarum. *Bonac. loc. cit.*

Addo, ad faciendum in foro conscientiæ diuortium, non requiri, vt adulterium probetur, nam probatio videtur tantummodo requiri pro faciendò diuortio in foro externo. ità *Sanchez lib. 10. disp. 12. a num. 40. Emmanuel Sd verbo diuortium num. 3. Petrus Ledesma quest. 62. art. 3. Farinaccius tom. 4. q. 143. 5. Separatio nu. 10. Gutierrez cap. 129. num. 4. & 12.*

- 9 Quæres secundò, vtrum coniux innocens possit propria auctoritate facere diuortium ab adultero, siue delictum sit publicum, siue occultum.

Resp. Posse, secluso scandalo. *cap. Dixit Dominus 32. quest. 1.*

Ratio est, quia Iure naturali frangenti fidem, fides seruanda non est; sed posse propria auctoritate facere diuortium, negando debitum, vel in longinqua recedere, quauis in foro externo cogendus sit redire, donec constet de adulterio. ita *P. Ledesma loc. cit. art. 3. Sotus distinct. 36. quest. unica art. 2. cap. 3. Nauarrus cap. 22. num. 23. Sanchez lib. 10. disp. 12. num. 31.*

- 10 Vtrum coniux innocens, qui propria auctoritate fecit diuortium, teneatur reddere debitum, & habitare cum adultero, quando per excommunicationem, vel præceptum, a Iudice cogitur reddere, & habitare cum vxore, eo quod delictum sit secretum.

Resp. Iuxta probabiliorē sententiam, ex natura rei non teneri, quia præceptum superioris non obligat in conscientia, quando procedit ex falsa præsumptione. Itā *Sanchez loc. cit. num. 34. Sotus in 4. distinct. 36. quest. unica art. 4.*

Dixi ex natura rei non teneri; quia ratione scandali vitandi, quod inde sequeretur non obediendo, teneretur obedire Superiori, recipiendo Vxorem, & cum ea habitando. *DD. citati.*

- 11 Quæres tertio, vtrum maritus innocens teneatur aliquando facere diuortium cum Vxore adultera.

Resp. Aliquando teneri sub mortali, quando per diuortium sperat emendationem; & fructum. *cap. Si vir de adulterijs*, Vir enim est caput mulieris, illamque cohibere, & retrahere debet a peccato; Si verò non sperat emendationem, non tenetur facere diuortium; sicut neque tenetur quando timet maiora incommoda sequutura occasione diuortij, vt si periculum adest vt ipsa liberior vacet libidini, vel vt sequantur rixæ & cædes inter ipsum, & parentes vxoris, vel sibi timeat lapsum incontinentiæ, tunc enim non tenetur facere diuortium, eo quod non teneatur cum tanto incommodo corrigere delinquentem, non existentem in extrema necessitate salutis spiritualis, vt patet in simili de correctione. Tunc tamen tenetur facere diuortium, quando imminet scandalum, vt ipse existimetur conscius, & fautor delicti, nec aliàs possit occurrere scandalo, quam per diuortium; Si verò maritus posset alia ratione occurrere scandalo, non teneretur facere diuortium, potest autem occurrere scandalo, manifestando sibi adulterium displicere, reprehendendo vxorem, verberando, &c. Itā *Syluester verbo debitum num. 15. Toletus lib. 2. cap. 20. Nauarrus cap. 16. num. 28. Coninchus disput. 35. dub. 3. Reginaldus lib. 31. num. 329. Gutierrez cap. 129. num. 15. Sanchez lib. 10. disp. 13. num. 10. Bonacina de ijs, quæ pertinent ad vsum matrimonij quest. 4. punct. 5. num. 13.*

12. Quid dicendum sit de vxore cuius Vir adulteratur; Quamuis ipsa non teneatur ex officio corrigere Virum, cum ipsa non sit eius caput, nihilominus tenetur præcepto correctionis, sicut cæteri, quando adest spes emendationis, & fructus; Præterea tenetur præcauere scandalum; quamuis rarò censeatur causa scandali eo quod communiter credatur Vxori displicere adulterium Viri. Idem Nauarrus cap. 16. num. 28.

Addo, vxorem rarò teneri denegare debitum viro adultero, vt ipsum corrigan, nam denegatio debiti, vt plurimum erit occasio maioris mali: ita Emmanuel Sà loc. cit. num. 6. Petrus Ledesma, Sanchez Filiuccius & alij D.D. loc. cit.

13. Quæres quartò, vtrum dentur aliqui casus, in quibus non liceat facere diuortium ob coniugis adulterium. Hic loquimur de diuortio, infra enim dicemus, quando coniux potest negare alteri debitum, in parte 14. quæst. 33.

Resp. plures dari casus. Primus est in cap. fin. de Adulterijs, quando vterque coniux commisit adulterium; Ratio est, quia paria delicta mutua compensatione abolentur, non tamen refert vtrum vnus commiserit adulterium propriè & alter sodomiam, vel bestialitalem, modò certò constet de adulterio, & delicto; nec refert vtrum vnus deliquerit antea, vel post; vel vtrum vnus sapius adulteratus sit & alter tantum semel, vel vtrum delictum sit publicum, vel occultum; nam in foro conscientia non requiritur probatio, sed sufficit, vt caro coniugum diuisa sit. Sanchez lib. 10. disput. 6. & alij communiter.

Secundus est, quando vir dedit vxori causam proximam adulterandi, vt quando expresse, vel tacitè concessit vxori facultatem adulterandi, aut quando conscius adulterij vxoris, nò vult prohibere, cum possit absque suo graui detrimento.

Dixi, quando vir dedit causam proximam vxori adulterandi, quia quando vir fuit tantummodo causa remota, & occasio adulterij vxoris, potest ab ea facere diuortium. (vt accidit quando vxor adulteratur, eo quod vir iratus eam expulerit domo, aut necessaria alimenta denegauerit, aut debitum negauerit.) Ità Petrus Ledesma quæst. 62. art. 1. Sanchez lib. 10. disput. 3. num. 7. Coninchus disput. 35. num. 7. Henriquez, Reginaldus, Filiuccius, Gutierrez, Emmanuel Sà citati à Bonacina de ijs, quæ pertinent ad vsum matrimonij quæst. 4. punct. 3. num. 14. Tamen in his tribus, quæ continentur in proxima antecedenti Parenthesi, alij aliter sentiunt apud Sanchez loc. cit. inquiunt enim, esse causam proximam, & præsertim de debiti denegatione à marito, Diuus verò Chris-

stomus in *Can. si tu abstines* 37. *quest.* 2. ait. Si tu abstines sine vxoris voluntate, tribuis ei fornicandi licentiam, & peccatum illius tux imputabitur abstinentiæ.

Tertius casus est, quando vxor commisit adulterium tantum materialiter, credens illum, cum quo commisit adulterium esse proprium virum, aut credens mortuum esse priorem virum. & nupsit. *Sanchez lib. 10. disput. 5. sicut enim ignorantia excusat à culpa, ita & à pœna, cap. Ità ne, & cap. Proposito 32. quest. 5. Guttierrez, Filiuccius citati à Bonacina loco proximè citato.*

Quartus est, quando vxor carnaliter cognita est per violentiam, dico per violentiam, quia si cognita fuit per metum grauem, grauis controuersia fit inter DD. Vtrum vir possit ab ea facere diuortium, *vide Sanchez lib. 10. disp. 5. num. 10. & 16. & alios ab ipso citatos, vide etiam in dic. cap. Proposito 32. quest. 5.*

Quintus est, quando Coniux innocens condonauit alteri adulterium expressè per verba, aut tacitè per signa, vt quando vir probabiliter sciens vxorem commisisse adulterium, adhuc illi spontè debitum reddit, vel petit, vel illam adhuc retinet, vel illam recipit, cum antea dimisisset; nam per illam condonationem cedit iuri suo, quamdiu alter coniux reconciliatus non relabitur denuò in adulterium, eo verò relabente reuiuiscit ius diuortij, *ut bene ait Sanchez loc. cit. disp. 5. num. 19. Coninchus disp. 34. dubio 2. num. 11. & alij ab ipsis citati.*

14. Vtrum Coniux innocens possit facto diuortio cogere adulterum, vt ad se redeat.

Resp. Affirmatiuè; & ratio est, quia sententia diuortij facta est in pœnam adulteri, & in fauorem innocentis; ergo coniux innocens potest alterum reuocare facto diuortio propter adulterium, & adulter tenetur ad illum redire, alioquin sententia diuortij vergeret in pœnam innocentis; Hoc autem intelligitur modò status alterutrius, non sit mutatus, per professionem in Religione, vel per susceptionem sacrorum ordinum; cum enim status assumptus immutabilis sit, coniux non haberet amplius ius reuocandi. *DD. citandi.*

15. Hinc patet Coningem adulterum, vel innocentem posse post sententiam diuortij suscipere sacros ordines, vel profiteri in Religione, manente altero coniuge in sæculo, vt patet *ex cap. Agatosa 27. quest. 2. & cap. Constitutus de conuers. coniug. & Glossa in dicto cap. Agatosa & Sanchez infra citandus.*

Caveat tamen innocens, ne ordines sacros suscipiat, aut Religio-

gionem ingrediatur, quando delictum alterius est occultum, fieri enim potest, ut non probato delicto, restituitur uxori adulteræ, & sequeretur scandalum. *DD. modò citandi.*

- 16 Addo cum *DD. infra citandis*, transitum ad Religionem, vel Ordines licitum esse, non solum ob diuortium factum ob adulterium, verum etiam ob diuortium factum ob sœuitiam, tunc enim coniux sanæ mentis potest ordines suscipere, vel professionem emittere, cum militet eadem ratio, ac in diuortio ob adulterium, vel hæresim; Modò tamen diuortium sit absolutum, & perfectum, scilicet parte citata, & Iudicis auctoritate, nec adsit spes, ut coniux furens, vel sœuus ad pristinum redeat statum, par enim non est, ut alter coniux ob temporale impedimentum priuetur simpliciter iure matrimonij, nisi Summus Pontifex iusta de causa aliter decernat. *Sanchez lib. 10. disput. 18. num. 47. & 48. & sequent. Nauarrus Consil. 5. de diuortijs; Filiuccius tract. 10. cap. 10. quest. 14. num. 107. Henriquez in summa lib. 12. cap. 5. num. 10.*

- 17 Insuper addo, quod si innocens factò diuortio ingrediatur Religionem, vel suscipiat Ordines Sacros, tunc adulter manens in sæculo, non tenetur emittere votum castitatis, aut ingredi Religionem, ita *DD. citati*. Sed non potest iterum celebrare matrimonium cum alio, viuente coniuge, nam matrimonium non est adhuc solum quoad vinculum, vide clariùs supra in titulo de *Impedimento voti num. 16.*

- 18 Est differentia inter incestuosum & adulterum; Coniux enim innocens potest gratiam reconciliationis concedere adultero ad petendum debitum, ut dixi *cap. si vir de adulterijs*, quamuis non teneatur illum reuocare, *cap. admonere 33. quest. 2.* Non tamen, potest concedere licentiam incestuoso, qui copulam habuit cum consanguinea ipsius coniugis innocentis. *DD. citati. Vide clariùs suprà.*

- 19 Multæ sunt causæ sufficientes ad faciendum diuortium non, perpetuum quad torum, & habitationem, quamdiù ipsæ causæ durant, scilicet ad tempus.

Prima causa est sœuitia viri, seu periculù grauis damni, seu malè tractationis, nisi ab ipso sufficiens cautio exhibeatur de non offendenda Coniuge, ut patet ex *cap. literas de restitut. spoliat. Filiuccius tract. 10. cap. 10. quest. 13. num. 402. Riccius verbo praxis matrimonialis parte prima resolut. 219.*

Addo cum *Sanchez lib. 10. disp. 18. num. 19.* non solum sœuitiam præteritam præbere iustam causam diuertendi, sed etiam timorem futuræ sœuitiæ, & malæ tractationis. Hæc sœuitia præsumi potest

potest, quandiù vir retinet concubinam domi, vel etiam extra domum, consequenter vxor potest recedere donec vir dederit sufficientem cautionem pignoratitiam, vel fideiussoriam, vel saltem iuratoriam; (quamvis Riccius contrarium teneat de iuratoriâ, & asserit itâ fuisse decisum). expellendi concubinam, illamque non recipiendi in futurum; nam retentio concubinæ est causa seuitiæ, & multarum molestiarum inter Coniuges. Præterea qualis cautio præstanda sit a viro, vt vxor cogi possit ad habitandum cum eo, vide dictum Ioannem Aloysium Riccium decisione 68. in secunda parte.

Secunda causa est furor alterius Coniugis, quando furor est itâ vehemens, vt alter Coniux periculum subeat cohabitando.

Tertia, quando vnus coniugum tentauit alterum occidere, vt ostendit Sanchez disput. 18. num. 22. lib. 10. Conarr. 4. decret. par. 3. cap. 7. §. 6. Riccius dicta decis. 68. & alij communiter.

Quarta, quando alter Coniux instigat alterum ad peccatum, & præmissa correctione non desistit ab instigando, in quo casu coniux instigatus timens sibi lapsum, potest recedere, quia non tenetur cum altero coniuge permanere cum tanto periculo animæ. Nauarrus cap. 22. num. 22.

Quinta est, quando delictum vnus coniugis potest esse alteri causa grauis damni, vt quando vxor est venetica, interficiens filios, aut quando timetur ne interficiat virum.

Sexta causa est, lapsus vnus in infidelitatem, vel hæresim; lapsus enim in hæresim, vel infidelitatem est quædam fornicatio spiritualis, ob quam licitum est facere diuortium, sicut est licitum ob fornicationem carnalem. cap. Idololatria, & cap. Quanto de diuortijs, & ius naturale confert ius vitandi proprium animæ periculum. Nauarrus cap. 22. num. 22. Coninchus disput. 35. num. 24.

Septima causa potest esse votum comuni consensu emissum, in quo casu possunt coniuges separari quoad Torum, si remiserint sibi obligationem reddendi debitum; Immo possunt ambo Religionem ingredi, & in ea profiteri, vt supra diximus. Syluester verbo diuortium, Sanchez lib. 10. disp. 21. num. 10. Bonacina de ijs, quæ pertinent ad vsum matrimonij quæst. 4. punct. 5. num. 25 in fine.

20 Quem nam sequantur filij facto diuortio.

Si attendamus ius Authenticorum, quando culpa alterius coniugum diuortium factum est, apud innocentem est educanda proles, habetur expresse authent. vt liceat Matri, & Ana. §. illud Col. lat. 8. unde desumitur Authen. Si Pater, C. diuortio facto. Sanchez lib. 10. disput. vltima per totam.

Pro maiori intelligentia quoad vinculum Matrimonij.

- 21 Quæritur vtrum matrimonium sit aliquo casu separabile.

Resp. Loquendo de vero matrimonio, dico quod est duplex vnum scilicet Ratum, idest legitimè contractum per verba de presenti; Aliud ratum simul, & consumatum per copulam carnalem, etiam legitimè contractum.

Separatio enim matrimonij est duplex, vna quoad vinculum; quæ est, quando vterque, vel alter coniugum potest cum alio de nouo contrahere.

Alia quoad conuersationem coniugalem, vinculo stante; quæ est duplex, scilicet quoad torum, & quoad habitationem.

Igitur quantum ad vinculum; Matrimonium ratum, dupliciter solui potest. Et primò per mortem naturalem alterius, vel vtriusque Coniugum. Secundò per mortem ciuilem, idest professionem tacitam, vel expressam Religionis approbatæ, ita quod remanens in sæculo potest liberè cum alia contrahere, nisi impediatur ex aliquo voto.

Matrimonium verò consumatum solui potest morte naturali, non autem ciuili, neque quocunque alio modo; vt in *cap. Gaudemus de diuortijs*, nec etiam auctoritatæ Papæ, vt in *cap. Ex publico de conuers. coniug. Syluester verbo diuortium num. 2.*

Quod tamen fallit, si illud esset inter coniuges infideles, scilicet si nolit infidelis cohabitare fidei conuerso, vel si velit cohabitare, sed non sine iniuria Creatoris, vel si trahere nitatur ad infidelitatem, tunc solueretur vinculum matrimonij, & Coniux fidelis posset contrahere cum alia; tamen si ante contractum aliud matrimonium Coniux infidelis vellet cohabitare cum fidei sine contumelia Creatoris, teneretur illum recipere; tanto magis si conuertatur reliquus coniux, iuxta *D. Thom. relatum à Syluestro verbo Matrimonium 8. num. 10.* Ratio est quia fides non soluit, sed perficit matrimonium.

- 22 Vtrum Matrimonio consumato, liceat Religionem ingredi.

Resp. Licet ex communi consensu vtroque intrante, & proficiente, quo casu soluitur matrimonium quoad Torum, & habitationem, sed non quod vinculum; vnde si vnus egrediatur a Religione, scilicet post professionem, non propter hoc potest alter exire, sed compelli debet ad reditum; Nec si vnus alium, visitans exigit debitum, alter reddere debet. *Idem Syluester verbo diuortium num. 16.*

- 23 Vinculum per coniugis mortem semel dissolutum, an coniuge resurgente redeat.

F f

Resp:

Resp. Negatiuè; Ratio, quia mors omnia soluit; *Authen. de nuptijs, §. deinceps*. Obligatio enim semel extincta amplius non reuiuiscit; tum quia hoc Sacramentum non imprimit characterem, unde si Lazarus resuscitatus habuisset uxorem, non recuperasset eam, nisi nouiter contraxisset.

Idem est in spiritali matrimonio, nam Religiosus resuscitatus, post mortem non tenetur ad religionis obseruantiam; quia seruitus personalis, quæ debetur à persona ratione personæ, vt in matrimonio & religione, extinguitur morte, quod patet ex verbis aliquorum profitentium obedientiam vsque ad mortem.

Similiter Curatus & Episcopus resuscitatus, quamuis retineat consecrationem suæ characterem, non retinet tamen Ecclesiam, nisi sibi noua electione, aut prouisione conferatur, quia mortuus est suæ sponsæ, idest Ecclesiæ. *Syneſter verbo diuortium num. 5.*

- 24 Vtrum verò vir teneatur facto diuortio alere uxorem, aut filios, aut saltem possit denegare in foro conscientie alimenta uxori adulteræ occultæ.

Vide *Sanchez lib. 10. disput. 8. num. 25. Sardum de alimentis titulo primo quest. 118. Menochium Consil. 853. Riccius decis. 35.* Et ne lector remaneat anceps de hoc dubio, *Inlinus Clarus lib. 5. receptarum, §. Adulterium vers. falsa autem, & Anton. Gab. tomo primo Commen. Opin.* asserunt virum teneri alimenta præstare uxori adulteræ, etiam facta Tori separatione, quia non desinit esse vxor.

Alij vero permulti sentiunt uxorem expulsam a viro ob adulterium non notorium alendam esse a viro; secus ob adulterium notorium; Vnde in priori casu, probato postea adulterio dicunt priuandam uxorem alimentis futuris per sententiam; quia ob adulterium non notorium minimè priuatur vxor iure, quod habet in virum, nec alimentis, nisi sequuta sententia. *Sardus de alimentis loc. cit. titulo 7. quest. 16. & 17.* eamque reddit rationem, quia ob adulterium notorium vir potest uxorem domo expellere. *Ioan. Lupus cap. Per vestras, §. 39. num. 5. de donat.*

*Multis modis peccare possunt Coniuges in
Contractu Matrimonij.*

Q V Æ S T I O XXXII.

S V M M A R I V M.

- 1 *Declarantur modi in quibus in contractu matrimonij Coniuges peccare possunt.*
- 2 *An contrahentes peccent habentes pro fine contrahendi matrimonium tantum delectandi carnali copula, acquirendi Diuitias, honores &c. Et quid si ista essent motiua tantum, & non finis.*
- 3 *Et per alias causas vt infra.*

1 **P**rimò defectu consensus, quando scilicet interiùs non consentiunt, in quo casu matrimonium est inualidum, quamuis in foro externo præsumatur validum, vt patet ex suprà dictis.

Secundò ex parte alicuius impedimenti dirimentis, vt diximus suprà :

Tertiò defectu absentię Parochi, & testium, vt dictum est.

Quartò defectu ætatis, vel temporis.

Quintò defectu denunciationum, de quibus etiam suprà egimus.

Sextò ex parte suis quando Contrahentes in contractu matrimonij sibi proponunt malum finem, nam peccant iuxtà grauitatem, vel leuitatem finis propositi, vt supra dixi. *Nauarrus cap. 22. num. 79.*

2 Aduerte contrahentes posse contrahere ob vnum ex his tribus finibus.

Vnus est ipsemet finis matrimonij, scilicet Proles; remedium concupscientię, & mutua obsequia, qui per hos fines contrahit, benè facit, & meretur.

Alter est finis malus, quando quis contrahit, vt abutatur vxore, vt furetur, vt occidat, vel simile, quidquid id faciat mortaliter peccat. *Toletus in summa de matrimonio*, scilicet de peccatis, quæ in ipso matrimonio committi possunt.

Tertius finis est cum sumitur pro fine aliquo; qui licitus est contrahenti, tamen non est finis matrimonij; verbi gratia, qui contrahit habet finem delectandi copula carnali, acquirendi diuitias, honores &c. Isti non sunt veri fines matrimonij, tales contrahentes hoc modo, solum venialiter peccarent. *Caletanus verbo matrimonium in summa.*

Adde si aliquando ista essent motiua tantum, & non finis, mouet enim pulchritudo scemine aliquem, vt contrahat; sicut Iacob motus fuit a Rachel; similiter mouet ob delectationem futuram, tunc si ista, & similia essent tantum motiua, & non finis; nullum esset peccatum. *Toletus loc. cit. Nauarrus loc. cit. cap. 22. num. 79.*

- 3 Item ratione alicuius peccati mortalis, nondum deleti per Confessionem, vel per contritionem; nam recipiens Sacramentum indignè, peccat mortaliter; Sed qui contrahit matrimonium cum peccato mortali, nondum deleto per confessionem, vel contritionem, indignè recipit Sacramentum, ergo peccat mortaliter. ita *Sanchez, Rodriquez, & alij communiter apud Gutierrez cap. 83. num. 13.*

Tandem ob omiffas Benedictiones; Coniuges enim post contractum matrimonium debent benedici tempore debito, quamuis non peccent mortaliter consumando matrimonium antè benedictionem, & qui benedictionem omittit sine contemptu, non peccat mortaliter, nam benedictiones sunt tantummodo Sacramentalia, quæ non videntur tanti momenti, quanti sunt ea quæ baptizato præmittuntur, vt suprà latè diximus, licèt illarum susceptio à Iure præscribatur. *cap. Nostrates, & cap. Sponsus 3. quest. 5. Bonacina de ijs, quæ pertinent ad usum matrimonij quest. 4. punct. 6. num. 1. in fine, & num. 2. Sanchez lib. 7. disp. 82. num. 6. & alij ab ipso citati.*



*Multis modis Coniuges peccare possunt
in usu Matrimonij.*

QVÆSTIO XXXIII.

S V M M A R I V M.

- 1 An Coniuges peccent mortaliter habendo copulam in Vase non debito, ac etiam effundendo voluntariè semen extrà vas naturale.
- 2 Vtrum peccent Coniuges non seruando modum in copula.
- 3 Quid dicendum, quando vir accedit vxori, tanquam non ad suam, hoc est cum cogitatione alterius personæ. Et an sit exprimenda in confessione circumstantia status personæ.
- 4 Num Coniuges debeant sibi constituere finem honestum, E.G. Procreationem filiorum, vel fugam incontinentiæ, alioquin peccent, ob rationem mali finis, quem sibi constituunt.
- 5 An accedendo ad gravidam, quando adest notabile periculum abortus, sit peccatum lethale, & quid dicendum secluso abortus periculo.
- 6 Vtrum accedens ad vxorem tempore menstrui naturalis peccet, & quid dicendum quando menstruum est continuum.
- 7 Rogabis vtrum vxor teneatur reddere debitum viro petenti tempore menstrui.
- 8 Est de iustitia vtrumque coniugem posse petere, & reddere copulam, & nulla causa rationabili existente, mortaliter peccant.
- 9 Enumerantur casus, in quibus vnus potest negare alteri, etiam petenti debitum, de quibus communiter DD.
- 10 Obserua, quod sunt multi casus, in quibus vir tenetur reddere debitum vxori, etiam postquam commisit adulterium, dummodò non perseueret in illo.
- 11 Enumerantur casus.
- 12 Vtrum necesse sit Coniuges in actu matrimoniali simul seminare.
- 13 Vtrum maritalis copula licita sit seni, qui dum congregitur cum sua vxore, fundit semen extrà vas, nec potest seminare inirà vas fœmininum.
- 14 Vtrum licita sit copula vxori, quæ post coitum non potest semen retinere inirà vas.

- 15 *Quam malitia speciem habeat pollutio inter coniuges extra vas debitum.*
- 16 *An peccent illi, qui dimittunt uxores suas, & vagantur per alienas provincias.*
- 17 *Vtrum Coniuges teneantur simul cohabitare.*
- 18 *An vxor teneatur sequi virum, quando nullum extat pactum in contrarium.*
- 19 *Vtrum vir qui cum vxore fecit conuentionem, non trasferendi aliò suam habitationem, possit eam alio transferri.*
- 20 *Vtrum vxor teneatur sequi virum, si vir tempore contracti matrimonij solebat vagari.*
- 21 *Vtrum vir debeat sequi vxorem aliò transferentem domicilium.*
- 22 *Vtrum Maritus possit abstinere à cohabitatione vxoris, propter dotem sibi promissam, sed non solutam.*
- 23 *An liceat Coniugibus habere copulam in loco sacro, & an sit sacrilegium.*
- 24 *An committatur sacrilegium, quando ibi coniugalis copula occultè habetur ex legitima necessitate, vel ex nocturna pollutione, vel de sanguinis effusione facta ad sui defensionem.*
- 25 *Quid nomine loci sacri intelligatur.*

Multis alijs modis etiam peccare possunt Coniuges in vsu matrimonij iam contracti, vt patet ex his duobus versibus, in quibus exprimitur quid seruandum sit in vsu matrimonij, vt actus matrimonialis licitus sit & meritorius.

Sit modus, & finis, sine damno, solue, cohare :

Sit locus, & tempus, tactus, nec spernito votum.

- 1 **C**ircà particulam sit modus. Circà modum peccatur mortaliter, quando fit copula contrà naturam, puta in vase non debito, & quando etiam semen voluntariè effunditur extra vas naturale, his duobus modis est mortale.

2 Quando verò in vase proprio semen effunditur, quamuis modus non seruetur, puta si fœmina sit superior, siuè à posteriori partè semen recipiat, siuè alius sit præposterus modus, tunc non est mortale, nisi cum sit periculum effundendi semen extra vas, quo periculo non stante, vt dicit *Albertus magnus 4. distinct. 31. & 32. art. 24.* non est mortale, sed si fiat ob solam delectationem est veniale, si ob necessitatem aliquam nullum est peccatum. *Toletus in summa de peccatis in vsu matrimonij. Henriquez lib. 11. cap. 16. num. 6. vide infra clarius parte 16. quæst. 34. num. 21. Ibi Sanchez & alij DD.*

3. Circà finem aduertendum est, quod cum Coniux accedit vxori tanquam non suæ, hoc est cum cogitatione alterius personæ, tunc est mortale, exprimendum in confessione; ac etiam circumstantia status personæ, quam mente reuoluit; Vnde si mente reuoluat vxorem alterius committit adulterium mentale, & sic de alijs &c. *Reginaldus lib. 31. num. 333. conclus. 2. & alij communiter.*
4. Ergo Coniuges, debent sibi constituere finem honestum. EG. procreationem filiotum, & fugam incontinentiæ, alioquin peccant, pro ratione mali finis, quem sibi constituunt; Vnde vir accedens ad vxorem causa delectationis peccat, sed non mortaliter; *Vt ait Sanchez lib. 9. disput. 11. num. 4. & alij apud Bonacinam de ijs quæ pertinent ad usum matrimonij quest. 4. punct. 6. num. 7. Diuus Thomas 4. distinct. 31. art. 3. Diuus Augustinus de Bono coniugali tomo 6. cap. 6. lib. 5. contra Iulianum cap. 7. fin. tomo 7.*
5. Circà particulam sine damno. Accedere ad grauidam, quando adest notabile periculum abortus, est mortale; Ratio est, quia repugnat rectæ rationi, vt aliquis velit delectationem capere, cum graui damno, & periculo alterius. *Nauarrus 16. num. 25. Syluester verbo debitum num. 8. Sanchez lib. 9. disput. 22. num. 1. & DD. ab ipso citati.*

Dixi, cum periculo abortus, quia secluso abortus periculo, non videtur illicitum accedere ad vxorem grauidam, nulla enim sufficienti ratione probatur hoc esse illicitum, alioquin Coniuges essent obnoxij innumeris peccatis, cum vt plurimum vxores sint grauidæ. *Sanchez lib. 9. disput. 22. num. 6. qui multos DD. citat.*

Periculum abortus adesse potest. Primò tempore coagulationis, & formationis fœtus; Secundo quando animatur fœtus; Tertio præcipue quando Coniuges congregiuntur proximè antè partum, nam eo tempore periculum est, vt fœtus ob seminis abundantiam suffocetur. Rarò tamen constat coniugibus, hic, & nunc subesse tale periculum, vt teneantur illud sub mortali cuitare. *Ita Sanchez, Coninchus, Reginaldus, & alij locis citatis.*

6. Circà hanc particulam etiam addo, accedere ad vxorem tempore menstrui naturalis, quod fœminæ pati solent singulis mensibus, vt plurimum est peccatum veniale; Ratio est, quia videtur esse quædam inhonestas, & turpitudo naturalis accedere tempore menstrui ad vxorem; quamuis si fœmina perpetuum patiatur menstruum, aut sit periculum incontinentiæ, nullum sit peccatum, vt dicit Syluester verbo debitum, §. 6. relatus à Toletò loc. cit. Tempore autem menstrui dicit S. Thomas loc. cit. quod non potest fœmina petere debitum, sed reddere petenti, primum admonendo

do virum de menstruo, hoc autem peccatum est tantum veniale, quia nullum est periculum notabile, nec impeditur generatio.

Dixi menstrui naturalis, quia quando fluxus menstruorum est continuus, non peccat vir accedendo ad uxorem, alioquin, rarò posset vti iure suo. Ita Reginaldus lib. 31. num. 342. & alij apud Sanchez lib. 9. disput. 21. num. 8. contrà quosdam existimantes esse peccatum mortale, eo quod asseratur præiudicium proli, quæ monstrosa solet nasci, quando Coniuges congregiuntur tempore menstrui, sed hæc ratio facilè dissolvitur dicendo, prolem rarò monstrosam nasci, ex hoc præcisè, quando copula tempore menstrui habetur.

Addo, melius esse proli, vt ità nascatur, quam vt nullo modo nascatur.

- 7 Rogabis, vtrum vxor teneatur reddere debitum viro petenti tempore menstrui.

Resp. non teneri reddere, quia adest vt suprà dixi turpitudine tenens se, ex parte actus, faciens actum illicitum, immò peccat venialiter reddendo, nisi prius admoneat virum de menstruo, vt ait D. Thomas loc. cit. vel nisi etiam adsit iusta causa reddendi tunc temporis, vt suprà dixi Toletus loc. cit. Bonacina de peccatis continuentibus in vsu matrimonij quest. 4. punct. 6. num. 10. qui multos DD. refert.

- 8 Circà particulam solue; Aduerte vtrumque coniugem habere potestatem suprà corpus alterius, ità vt alter de iustitia possit alteri debitū copulæ petere, & qui negat (nulla causa rationabili existente) mortaliter peccat, iuxta illud Apostoli 1. Corinth. 7. nolite fraudare inuicem.

- 9 Sunt aliqui casus, in quibus vnus potest negare alteri petenti debitum, de quibus communiter DD. verbo debitum:

Primus est, quando est impotens, qui non potest reddere; Verum est, quod si sua culpa factus est impotens mortaliter peccauit in eo, quod se impotentem fecit, tamen postea non facit nouum peccatum in non reddendo post pœnitentiam primi peccati.

Alter casus est, cum timet probabiliter grauem infirmitatem, ex ipsa copula, nec hoc est contrà illud cap. Quoniam de coniugio leproforum, vbi dicitur, quod debet accedere ad leprosum coniugem, hoc enim intelligitur, cum non timetur contagium consilio Medicorum; si enim timetur, probabiliter non tenetur.

Tertius casus est, cum vnus coniugum commisit adulterium, vt suprà dixi, tunc enim perdit ius petendi, & ille alter potest negare absque peccato, nisi etiam ipse commiserit, vt statim dicemus.

Quar.

Quartus casus est, quando matrimonium est ratum, & nondum consummatum, & vnus vult ingredi Religionem, tunc non tenetur reddere petenti. *cap. Ex publico de conuers. coniug.* assignat tempus duorum mensium, in quo debet talis deliberare statum, aut ingredi, aut reddere debitum.

Quintus casus est, quando vnus illorum fecit votum castitatis, antè matrimonium; aut post, sed ex consensu alterius, tunc enim non habet ius petendi contra votum, & alter negare potest; Si verò alter habuerit intentionem remittendi suum ius petendi, scilicet renunciandi iuri suo circà petitionem, nec ipse potest petere, nec alter reddere absque peccato, nisi intercedat dispensatio voti, vide *Bonacinam de ijs quæ pertinent ad vsum matrimonij quest. 4. punct. 3. num. 7. & 8.*

Aduerte etiam, aliquando non solum coniugem posse non reddere debitum alteri, sed mortaliter peccare reddendo, & hic casus vnus est, nempe cum vxor in adulterio petinaciter manet, siue perseueranter, nec emendatur, tunc maritus tenetur non reddere illi debitum, vt habetur in *Can. Si quis uxorem 32. quest. 1.* In omnibus præmissis, vide *Toletum de peccatis in vfu matrimonij.*

Tamen casus iste limitatur a DD.

Primò a *Riccardo 4. dist. 32.* quando illa vult desistere a peccato, & non perseuerare in adulterio, tunc enim potest reddere, absque peccato.

Secundò limitatur a *Syluestro verbo debitum, §. 10. num. 12.* quando vir timet peccatum incontinentiæ, nisi accedat vxori, tunc enim potest; Neque enim tenetur cum periculo animæ suæ procurare correctionem alterius; nam hic Canon fuit factus ad emendationem fœminæ.

Tertiò limitatur ab *Armilla verbo debitum, §. 16.* scilicet quando timentur rixæ graues, & scandalum, nisi reddat debitum.

Quarto limitatur a *Plaudano distinct. 32;* quando nulla speratur emendatio ipsius; Cum enim vir non potest corrigere, non tenetur abstinere.

Limitatur etiam ab eodem, quod solum obligetur vir non reddere debitum vxori perseueranti in adulterio. Non tamen obligetur vxor non reddere debitum viro adultero perseueranti in adulterio; Nam Canon solum loquitur de viro habente vxorem adulteram. *Toletus loc. cit.*

- 10 Aduerte etiam, quod sunt multi casus, in quibus vir tenetur reddere debitum vxori, etiam postquam commisit adulterium, dummodo non perseueret in illo.

- 11 Primus est, cum & ipse vir adulterium commisit, ut habetur in *cap. Significasti de adulterijs*: Nota quod supra locuti sumus, quando non liceat facere diuortium, hic autem loquimur quando possit Coniux alteri debitum negare.

Secundus casus est, quando vir potuit prohibere adulterium, & noluit, vel ipse prostituit uxorem, *cap. Discretionem, de eo qui cognouit consanguineam uxoris sue*.

Tertius est, quando vir cognoscens uxorem suam fornicatam esse, & accessit. *Can. Dixit Dominus 32. quest. 1.*

Quartus est, quando uxor fornicata est violenter, vel quia credens maritum mortuum, iterum nupsit, vel quia credens alienum esse suum virum, & accessit; tunc enim non perdit ius petendi, quia hæc fornicatio est marerialis, & non adest peccatum. *ita habetur in Can. Proposito 34. quest. 2.*

Quintus casus solet addi, quando vir dedit occasionem foeminae adulterandi, quia noluit reddere debitum. *Can. Secundum verba 33. quest. 5. & ita dicit S. Thomas super 1. Corinth. 7. & Armilla verbo matrimonium num. 37.* Alij tamen relati ab eodem Armilla inquirunt, non propter hoc excusari quin maritus possit eam dimittere, & negare debitum, ut supra dixi.

- 12 Circa hanc particulam solue, hic solum supersunt aliquæ difficultates breuiter examinandæ.

Et Prima, utrum necesse sit Coniuges in actu matrimoniali simul seminare.

Respondetur: Negatiue, quia secundum probabilissimam sententiam semen foemineum nec actiue, nec passiuè concurrit ad generationem; Expedit tamen utrumque coniugem simul seminare; nam semen foemineum iuuat saltem ad formandum formosioris fœtum, quia de causa coniux tardior ad seminandum, potest se tactibus præparare ad copulam, ut possit simul cum altero seminare. *Sanchez lib. 9. disput. 17. num. 12.*

Præterea potest vir postquam seminauit continuare copulam, ut foemina quæ nundum seminauit, seminare possit, hoc enim pertinet ad completam uxoris copulam. *ita Caietanus 2.2. qu. 154. art. 12. & alij apud Henriquez lib. 11. cap. 16. num. 7.*

Ex quo patet, quod si vir postquam seminauit, se retrahat, ante seminationem uxoris, uxor se possit tactibus excitare, donec seminet, *ita inquit Sanchez infra citandus*. Ratio est quia grauem alioquin sentiret afflictionem, si cogeretur ita remanere libidine excitata, tum quia illi actus ordinantur ad completum actum coniugalem, qui consistit in utriusque seminatione; tum quia
quam-

quamvis semen Vxoris non sit necessarium ad generationem, nihilominus est valdè utile, cum iuuet ad formandum pulchriorem fetum; tum quia sicut licitum est coniugi præparare se ad copulam, ita etiam perficere actum copulæ. Hoc tamen non valet in Viro qui tactibus se polluit, postquam femina se retraxit, ut patet ex contraria ratione; prodigeret enim semen a natura institutum ad generationem. *Sanchez lib. 9. disput. 17. num. 12. Bonacina de ijs, quæ pertinent ad usum matrimonij quæst. 4. punct. 6. nu. 15.*

Verum non est recedendum a sententia negatiua, quam docent *Rodriquez apud Dianam tom. 2. tractatu 6. de Sacramento matrimonij resol. 213. num. 1. & 2. & alij, quos refert, & sequitur, idem Diana, etiam in par. 9. tract. 8. resol. 31.* Vbi etiam soluuntur argumenta superius allata in fauorem sententiæ affirmatiuæ. Præterea illa, pars vbi *Sanchez* affirmatiuam sententiam docuerat, abraza fuit ab isto Authore in editione Antuerpiana, ut refert *Leander à Sanctissimo Sacramento par. 2. tract. 9. quæst. 41.* licet ipse opinioni affirmatiuæ fauceat.

- 13 Secunda difficultas, an maritalis copula licita sit Seni, qui dum congregitur cum sua Vxore, fundit semen extrà vas, nec potest seminare intrà vas scæmineum.

Resp. Cum *Nanarro, Reginaldo lib. 31. num. 334. Conclus. 6. & alijs apud Sanchez lib. 9. disp. 17. num. 20.* Senem quando habet probabilem spem seminandi intrà vas, posse coire, conando seminare intrà vas debitum, utitur enim iure suo, quamvis semen fortasse extrà vas fundatur præter intentionem, ut patet a simili in frigidis, quibus concessum est triennium ad experiendum an sint potentes. Si verò Senex sciat se non posse effundere semen intrà vas, non potest uti copula, quia semen voluntariè prodigit, cum sciat illud effundendum, quamvis possit uti osculis, & amplexibus, secluso periculo pollutionis extrà vas in utroque coniuge.

- 14 Vtrum sit licita copula Vxori, quæ post coitum, non potest semen retinere intrà vas.

Resp. Affirmatiuè; Ratio est, tum quia ista seminis expulsio euenit per accidens, & præter intentionem, tum quia vxor sæpè retinebit semen necessarium ad generationem, expulso superfluo. Verum tamen est, scæminam quæ post copulam statim mingit, vel aliquid aliud facit, ut receptum semen effundat, peccare mortaliter, facit enim contrà finem ad quem institutum est semen a natura; ut bene ait *Sanchez loc. cit. disp. 20. num. 3. Rebells lib. 3. quæst. 19. num. 15. Reginaldus lib. 31. num. 334. ad finem alios citans.*

- 15 Ultima difficultas est, quam malitiæ speciem habeat pollutio inter coniuges extrâ vas debitum.

Resp. Habere speciem adulterij, quia coniuges non seruant fidem ad inuicem datam ad Proles generationem. Addo cum Sanchez lib. 9. disp. 18. num. 4. & Reginaldo num. 333. hanc circumstantiam necessariò explicandam esse in Confessione, videlicet pollutionem commissam fuisse cum propria Vxore, alioquin penitens non sufficienter explicaret peccatum; vt ostendit etiam Bonacina de ijs, quæ pertinent ad vsum matrimonij quæst. 4. punct. 6. num. 19.

16. Circâ particulam cohære, per quam cohabitatio mariti & vxoris in eodem Toro, & domo significatur; Vndè peccant illi qui dimittunt vxores suas, & vagantur per alienas prouincias, noluntque redire ad eas; nec sunt absoluendi, donec firmum saltem propositum habeant, absque mora redeundi; Toletus in Summa de matrimonio de peccatis in vso matrimonij. De cohabitatione Viri & mulieris multa iam antea diximus, restant nunc aliquæ difficultatès hic examinandæ.

- 17 Prima est, vtrum coniuges teneantur simul cohabitare.

Resp. Affirmatiuè, vt patet, tum ex cap. literas de restitut. spo- liat. tum quia matrimonium initur ad suscipiendam prolem, & ad vitandam fornicationem; Proles autem non susciperetur, nec fornicatio euitaretur, si coniuges simul non cohabitarent.

- 18 Ex quo patet, Vxorem teneri sequi virum, quando nullum extat peccatum in contrarium. cap. vnaqueque 13. quæst. 2. Concedo tamen Vxorem non teneri, sequi Virum, aut cum illo cohabitare, quando adest iusta causa non cohabitandi, seu non sequendi Virum, vt accidit quando Vxor non potest illum sequi absque graui damno animæ, vel corporis, aut quando habet iustam causam faciendi diuortium, quoad Torum, & habitationem iuxta supradicta; aut quando vnus coniugum timet sibi infectionem lepræ, vel alterius morbi contagiosi, cohabitando cum altero coniuge infecto, tunc enim non obligatur cohabitare cum tanto incommodo. Ità Emmanuel Sà verbo diuortium coniugale, num. 15. Nauarrus cap. 16. num. 25. Sanchez lib. 9. disput. 24. num. 29. Valentia tom. 4. disp. 10. quæst. 5. punct. 3. Verum tamen est coniugem sanum in hoc casu non debere ab altero coniuge ita longè recedere, vt non possit alteri coniugi cætera obsequia exhibere, non enim eximitur ab alijs obsequijs præstandis. Ità Reginaldus lib. 31. num. 303. Sanchez loc. cit.

- 19 Secunda difficultas est, vtrum Vir qui cum vxore fecit conuentionem

tionem non transferendi aliò suam habitationem, possit aliò transferre.

Resp. Non posse, nam tenetur seruare promissionem, & fidem alteri coniugi datam. *Sanchez lib. 1. disp. 40. num. 5. citans quam plures DD.*

Concedo tamen, superueniente noua, & iusta causa transferendi aliò habitationem, posse aliò transferri; vt accidit quando Vir compellitur aliò se transferre per exilium, aut ad defendendas res familiares, aut ob inimicitias capitales, aut propter aeris intemperiem, nam promissio non transferendi alio domicilium, censetur facta sub hac conditione, nisi iusta causa superueniat transferendi. Ità *Rodriquez 1. par. cap. 15. num. 2. & DD. apud Sanchez lib. 1. disp. 40. num. 3.*

Hinc sequitur, Vxorem teneri sequi Viri infortunium, quamuis pactum fecerit non transferendi aliò domicilium, non quidem per modum pænæ, sed tanquam onus adnexum matrimonio. *Gutierrez cap. 23. num. 11. & alij DD. ab ipso citati.*

20 Tertia difficultas est, vtrum Vxor teneatur sequi Virum, si Vir tempore contracti matrimonij solebat vagari.

Resp. Affirmatiuè, nam vxor censetur se voluisse ad hoc onus obligari, modò Vir non vagetur ex turpi aliqua causa cum peccato. Si verò femina ignorabat Virum solitum esse vagari, non tenetur illum sequi, quia non tenetur tantum onus subire sequendo Virum vagantem, nisi fortè posset illum sequi absque suo notabili incommodo. Ità *Sanchez loc. cit. num. 6. Reginaldus loc. cit. num. 311. Gutierrez de matrimonio cap. 23.*

21 Quarta difficultas est, vtrum Vir debeat sequi Vxorem aliò transferentem domicilium.

Resp. Affirmatiuè, quando transfert ex causa necessaria, quia coniuges sunt parès, quoad mutua obsequia coniugalia.

Dixi, quando transfert ex causa necessaria, quia seclusa necessitate, Vxor uon potest cogere Virum ad sequendum seipsam, ipsa enim est subdita Viro, & Vir est caput Vxoris, sed potius Vir potest eligere domicilium, & cogere Vxorem ad sequendum seipsum, nisi adsit pactum in contrarium, vt dictum est, aut nisi adsit iusta causa non cohabitandi simul. *Sanchez loc. cit. num. 14. Gutierrez cap. 23. num. 14. & alij communiter.*

22 Vtrum Maritus possit abstinere a cohabitatione Vxoris propter dotem sibi promissam, sed non solutam.

Dissentio est inter DD. sed probabilius videtur dicendum, non posse

posse, quia obligatio cohabitandi non oritur ex dote soluta, sed ex ipso matrimonij contractu; potest tamen maritus cogere promittentem, ut sibi promissam dotem soluat. Ità Sanchez lib. 9. disp. 5. Reginaldus loco citato num. 304. Bonacina de ijs, quæ pertinent ad usum matrimonij quest. 4. punct. 6. num. 14.

- 23 Circà particulam sit locus, copulam habere in loco sacro, secundum communem sententiam est sacrilegium. Riccardus verò distinct. 32. art. 1. quest. 3. & Angelus verbo debitum §. 22. limitant, nisi sint violenter in illo loco, puta tempore belli, aut a Iudice se defendant, aut simili causa, & mulco tempore illic cogantur esse, tunc enim non esset peccatum. Syluester verò verbo debitum §. 3. num. 5. melius dicit, quod cum reddit debitum ob periculum incontinentiæ, non est peccatum, nec violatur Ecclesia, aliàs esset peccatum sacrilegij. Toletus loc. cit.

- 24 Committitur ergo sacrilegium, quando copula habetur in loco sacro absque necessitate, nam per copulam polluitur Ecclesia, & fit specialis iniuria Ecclesiæ, seu loco sacro. Syluester loc. cit. Sanchez lib. 9. de matrimonio disp. 15. num. 10. Nauarrus cap. 16. num. 32. & alij quos refert Lessius lib. 4. cap. 3. dub. 12. num. 85.

Dixi absque necessitate, quia iuxta communionem sententiam, sacrilegium non committitur, quando coniugalís copula occultè habetur ex legitima necessitate, ut accidit quando periculum est incontinentiæ in aliquo coniuge, nec alibi adest opportunitas coeundi; ita Azorius par. 2. lib. 9. cap. 5. Filiucius tract. 30. num. 121. Coninchus quest. 83. art. 3. dub. 1. num. 221. apud Suarez 3. par. tom. 3. disp. 81. versic. 3. violatur, versus finem. Nauarrus cap. 16. num. 32.

Idem dic de nocturna pollutione, & de sanguinis effusione facta ad sui defensionem; nam ubi nulla est culpa contra loci sanctitatem, ibi nullum est sacrilegium contra locum sacrum, ità DD. citati.

- 25 Nominè loci sacri in hac materia intelligitur Ecclesia consecrata, vel benedicta, Cæmeteria, & Oratoria constituta auctoritate Episcopi, & deputata ad Diuinum Cultum ut ostendit Sanchez loc. cit. Syluester verb. loca num. 4. & sequent. Reginaldus lib. 14. num. 40. & alij apud Bonacinam loc. infra citando.

Secus dicendum est de Monasterijs, Dormitorijs, Cubilibus Sacerdotum, vel Religiosorum; & Oratorijs priuatis non constitutis auctoritate Episcopi, quamuis enim loca sint pia & Religiosa, ità ut gaudeant immunitate Ecclesiastica, non tamen sunt facta, ut copula, vel pollutio in illis habita, specialem sacrilegij mali-

malitiam habeant, nisi in ipsis extet Altare ad faciendum Diuina. Ità Syluester verbo Ecclesia nu. 1. Bonacina de ijs, quæ pertinent ad vsum matrimonij quest. 4. punct. vltimo.

Circa particulam, Tempus, Difficultas est, vtrum licitum sit congregari cum vxore eo die, quo sumenda est Sanctissima Eucharistia; Remitto te, ad suprà dicta par. 11. quest. 29. num. 9.

Et an licitus sit die Dominico tempore magnarum solemnitarum, et Ieiuniorum vsus matrimonij.

Resp. Affirmatiuè, quia nullo Iure prohibetur, nec est opus feruile. Nauarrus cap. 16. num. 24. Bonac. loco proximè citato, & alij ab ipso citati. Verum de Consilio, & vtilitate, vide supra in titulo de Benedictione nuptiali quest. 11. num. 8. 5. Alterum.

Circa particulam Tactus, Difficultas est, vtrum tactus & oscula in sponsis de futuro quando sint licita; vide supra de sponsalib.

Et an sint licita inter coniuges.

Resp. Tactus, & Oscula in coniugatis excusantur, etiam si capiuntur ob delectationem, absque intentione copulæ coniugalis, modò non adsit periculum pollutionis extra vas. Sanchez. Azorinus, Lessius, Coninchus, Henriquez citati à Bonacina loco citato, quest. 4. punct. 9. num. 6.

Circa particulam, nec spernito votum, difficultas est, vtrum licitum sit coniugi astricto voto castitatis petere, vel reddere debitum. De qua re, satis dictum est supra.



De Immunitate Ecclesiastica , hîc obiter obseruandi sunt aliqui casus singulares , spectantes vt plurimum ad nostram Materiam .

Q V Æ S T I O XXXIV.

S V M M A R I V M .

- 1 *Vtrum Immunitate Ecclesiastica gaudeant Cappella prinatorum Palatiorum .*
- 2 *Euummerantur qui non gaudent Immunitate Ecclesiastica .*
- 3 *An qui cum armis prohibitis in Ecclesia se recipiunt , gaudeant immunitate Ecclesiastica .*
- 4 *An Clerici , qui post patrata delicta ad Ecclesias confugiunt , debeant immunitate Ecclesiastica gaudere .*
- 5 *Vtrum mater occidens filium infantem , immunitate Ecclesiastica gaudere debeat .*
- 6 *Qui veneno committit homicidium , an gaudeat immunitate Ecclesiastica .*
- 7 *An gaudeat immunitate Ecclesiastica mulier , quæ medicamentis procurat abortum .*
- 8 *An furans in Ecclesia , debeat gaudere immunitate Ecclesiastica .*
- 9 *Copula habita in Ecclesia destructa auctoritate Episcopi , an habeat malitiam Sacrilegij .*
- 10 *Vtrum qualibet pars , seu spatium Ecclesiæ sit locus sacer .*
- 11 *An sit sacrilegium , & violetur locus sacer , quando copula habetur supra tectum Ecclesiæ , aut ibi aliquis occiditur .*
- 12 *Quando copula habetur extrâ parietes Ecclesiæ , aut quando aliquis suspenditur in parietibus Ecclesiæ exterioribus , an sit sacrilegium , & violetur locus sacer .*
- 13 *Vtrum sit sacrilegium , cum copula habeatur in aliquo subterraneo , aut in cauerna fabricata sub pauimento Ecclesiæ .*

- 14 *An sit sacrilegium copulam habere in Turri, quod vulgò Campanile dicitur, vel in sacristia, & Cameris Ecclesiæ adhaerentibus.*
- 15 *An sit sacrilegium copulam habere, aut aliquem interficere in porta Ecclesiæ extra limen.*
- 16 *Et quid dicendum de Ecclesiâ diruta.*
- 17 *Dubitatur quando nam polluat Ecclesiâ.*
- 18 *Si quæras an polluta Ecclesiâ, censeatur etiam pollutum Cæmeterium illi contiguum.*
- 19 *An Ecclesiâ polluat quando consecratur, vel benedicitur ab Episcopo excommunicato publico.*
- 20 *An polluat Ecclesiâ, quando in ea sepelitur excommunicatus vitandus.*
- 21 *Casus singularis de quo aliàs interrogatus fui & acriter defendi; an sepeliri possit in loco sacro excommunicatus vitandus, qui existens in mortis periculo, fuit absolutus in foro penitentiae, aut qui dedit signa contritionis.*
- 22 *Vtrum Ecclesiâ polluat quando in ea sepelitur Paganus, aut Infidelis, aut Cathecumenus, vel filius alicuius fidelis antè baptismum.*
- 23 *An filius possit sepeliri cum Matre, quæ moritur in partu una cum filio, antequam filius susceperit baptismum.*
- 24 *Quomodo se gerere debeat Sacerdos, quando inter celebrandum Ecclesiâ violatur.*
- 25 *An Ecclesiâ dicatur polluta, quando delictum non est publicum.*
- 26 *Vtrum celebrans in Ecclesiâ polluta, vel sepeliendo aliquem, vel persolvendo Divina officia, incurras in aliquam censuram, sicut Sacerdos celebrans in loco seu Ecclesiâ interdicta, sit irregularis.*
- 27 *Quares à quo nam possit Ecclesiâ polluta reconciliari.*

Immunitate Ecclesiastica non gaudent Cappellæ priuatorum Palatiorum Sacra Congr. Episcoporum, & Regularium in *Marsicæ*. 17. *Novembris* 1617. & Sac. Congr. Immunitatis in *Perusina* extractionis 9. *Decemb.* 1631. penes *Lezzanæ* tom. 3. verbo *Immunitas* num. 4.

2 Immunitate Ecclesiastica non gaudent publici latrones, viarumque grassatores, qui itinera frequentata, vel publicas stratas obsident, & Viatores insidijs aggrediuntur, & Depopulatores agrorum, homicidiaque in Ecclesijs, & Cæmeterijs perpetrantes; Et qui proditoriè aliquem occidunt; Assassinijs, hæresis, aut læsæ Maiestatis Rei. *Gregorius XIV.* in sua *Constitut.* incipien. *Cum aliàs Kalendas Iunii* 1591. apud *Laert.* *Cherub.* in *Bullar.* tom. 2. pag. 964. De cuius materia *Quaranta* in *Summa Bullarj* verbo *reue-*

rentia Diuinorum Officiorum, & Ecclesiarum.

- 3 Immunitate Ecclesiastica gaudent qui cum armis prohibitis in Ecclesia se recipiunt Sac. Congr. Episc. & Regul. in *Salernitana* 3. Septemb. 1616. *quam refert Aldan. in Compen. Canon. resolut. lib. 2. tit. 28. num. 12.*
- 4 Immunitate Ecclesiastica debent gaudere Clerici, qui post delicta patrata ad Ecclesias confugiunt.
Et in hoc casu Abbatis opinio communiter est reprobata, eadem Congr. Episcop. & Regul. in *Tropien.* 24. Ianuarij 1617. sub die 17. Augusti 1618. *Lezana in Summa quest. Regul. tom. 3. verbo Immunitas Ecclesiarum num. 6. Carolus Maranta tom. 2. respon. 50 num. 6. ubi attestatur sic fuisse responsum Episcopo Neocastren. de anno 1618. & Episcopo Auersæ de anno 1633. Ratio est, quia Clerici non debent esse inferioris conditionis Laicorum.*
- 5 Immunitate Ecclesiastica non gaudet Mater occidens filium infantem. Sac. Congr. Concilij sub die 3. Decemb. 1632. penes *Lezzanam tom. 3. verbo Immunitas num. 12.*
- 6 Immunitate Ecclesiastica non gaudet, qui veneno committit homicidium. Sac. Congr. Concilij sub die 3. Decemb. 1632. attestante *Sellio Select. Canon. cap. 32. num. 10. Boer. decis. 109. num. 5. vers. secundo in eo.*
- 7 Immunitate Ecclesiastica non gaudet Mulier, quæ malis medicamentis procurat abortum. S. Cong. Concilij sub die 3. Decemb. 1632. referente *Sellio cap. 32. num. 12. Farinacius de Immunitate num. 142. ad finem.*
- 8 Immunitate Ecclesiastica gaudet furans in Ecclesia. vide *Bonacinam tom. 2. circa primum Decalogi preceptum disp. 3. qu. 7. punc. 5. num. 7. & præcisè punct. 6. §. 2. nu. 11. qui alios DD. refert.*
- 9 Ex dictis supra colligi potest, copulam habitam in Ecclesia auctoritate Episcopi destructa, non habere malitiam sacrilegij, non enim est locus sacer, nisi fortè sit destructa, ut iterum reedificetur, tunc enim adhuc est locus sacer, & gaudet Immunitate: Ita *Bonacina disp. 4. punct. ultimum num. 10. in fine de ijs, quæ pertinent ad usum matrimonij.*
- 10 Vtrum quælibet pars, seu spatium Ecclesiæ sit locus sacer, in ordine ad sacrilegium peccati commissi in loco sacro, præter violentiam abstractionem.

Resp. Illud spatium dici locum sacrum, quod spectat ad interius corpus Ecclesiæ a tecto interiori usque ad pavementum, hinc colligitur solutio multorum casuum cum *Nauarro num. 251. Grassio lib. 2. cap. 48. Suarez tom. 1. de Religione lib. 3. cap. 9. num. 7. &*

par.

par. 3. de Eucharistia disp. 81. sec. 4. Reginaldo lib. 29. num. 182. Nugno par. 3. quest. 83. art. 3. dub. 2. Filiuccio tract. 30. num. 135. & alijs.

- 11 Infertur primò, non esse sacrilegium, nec violari locum sacrum quando copula habetur suprà tectum Ecclesiæ, vel cum ibi aliquis occiditur. *DD. citati.*
- 12 Secundò, non esse sacrilegium, nec violari locum sacrum, quando copula habetur extrà parietes Ecclesiæ, aut quando in parietibus Ecclesiæ exterioribus aliquis suspenditur, modò illi parietes non inferuiant pro muro Cæmeterij, tunc enim esset sacrilegium, cum sit locus sacer. Ità *DD. citati à Bonacina loc. cit. num. 13.*
- 13 Tertiò, non esse sacrilegium cum copula habetur in aliquo loco subterraneo Ecclesiæ, vt in cauerna fabricata sub pauimento, modò locus ille subterraneus non sit sepultura; Ratio est, quia locus ille censetur esse extrà Ecclesiam, nec spectat ad interius corpus Ecclesiæ, a testò interiori vsque ad pauimentum. *DD. citati.*
- 14 Quartò, non esse sacrilegium copulam habere in Turri, quod vulgò Campanile dicitur, quia Turris non spectat ad interius Ecclesiæ corpus. Idem dic de sacristia, & Cameris Ecclesiæ adhzrentibus; Contrarium dic de Choro, & Cappellis, nam Chorus, & Cappellæ spectant ad interius Ecclesiæ corpus. Ità *DD. citati, & Bonacina citato num. 15. Barbosa allegat. 28. num. 45. secus dicendum circà Immunitatem.*
- 15 Quintò, non esse sacrilegium copulam habere, aut aliquem interficere in porta Ecclesiæ extrà limen, idest extrà lineam, quam attingunt valuz, modò limen non spectet ad Cæmeterium. Ità *Suarez loc. cit. disp. 81. sect. 4. vers. quinto violatur, ad finem.*
- 16 Sextò, non esse sacrilegium, copulam habere, aut aliquem occidere in Ecclesia diruta, quia non est amplius Ecclesia, neque nomen habet Ecclesiæ. *DD. citati.*

Committitur autem sacrilegium, quando copula habetur in Cappella de nouo addita Ecclesiæ, aut in aliqua parte, secundum quam prior Ecclesia laxata est, & extensa; Ratio est, quia pars addita fit vnum corpus cum priori, consequenter gaudet illius priuilegijs. *DD. citati.*

- 17 Quæres quando nam polluat Ecclesia.

Resp. Ecclesiam pollui primo per voluntariam seminis humani effusionem in ea. *cap. Ecclesijs de consecrat. distinct. 1. & cap. si Ecclesia de consecrat. Eccl. in 6.*

Dixi humani, idest hominis etiam pagani, aut scemina non autem bruti; siue effusio fiat per actum conjugalem, siue per alium actum.

Dixi per voluntariam, quia si effusio sit inuoluntaria, vt si contingat in somnis, aut etiam in vigilia, sed coactè, non polluitur Ecclesia. Immo Nauarrus, Syluester, Tabiena, & alij quos refert Sayrus lib. 5. cap. 16. num. 11. & alij existimant Ecclesiam non pollui per pollutionem in somnis contingentem, etiam si fuerit voluntaria in causa; nam eo ipso quo fit in somnis non est libera, consequenter non habet secum adnexam aliquam loci irreuerentiam, ob quam Ecclesia pollui debeat; Requiritur ergo ad Ecclesie pollutionem, vt pollutio sit voluntaria, quamuis non sit necesse, vt semen in terram effundatur, nam loci sanctitas violatur, etiam si semen in terram non decadat, sed recipiatur in vase naturali sceminae, vel in alio loco.

Dixi Effusionem, vt aduertamus non sufficere paruam distillationem, & modicam humectationem. vt ait Grassius loc. cit. num. 16. Suarez 3. par. tom. 3. de Eucharistia disp. 81. sect. 4. Nugnus loc. cit. & alij. Nam effusio importat aliquam copiam.

Secundo Ecclesiam pollui per iniuriosam sanguinis humani effusionem in ea; aut quando datur causa naturalis eius effusionis, aut mortis. cap. unico de Consecrat. Ecclesia in 6.

Dixi per iniuriosam, quia si fiat ad sui defensionem, cum moderamine inculpatæ tutelæ, vel ab Amente, vel a Furioso, vel a puero vsum rationis nondum habente, vel casu a Tegula cadente, non polluitur Ecclesia, cum talis effusio non sit propriè iniuriosa. Grassius loc. cit. num. 21.

Similiter pollueretur Ecclesia si Martyr in ea occideretur, nam illa actio esset iniuriosa, & iniqua; licet passio esset grata Deo. ita Grassius loc. cit. num. 24. Suarez 3. par. de Eucharistia disp. 81. sec. 4. referens alios DD.

Dixi effusionem, quia requiritur aliqua sanguinis abundantia, & non sufficiunt duæ vel tres guttæ; immo Grassius loc. cit. nu. 25. & alij putant non sufficere emissionem sanguinis è Naso, vt accidit in rixa puerorum, saltem quando non sufficit ad peccatum mortale.

Dixi sanguinis, quia Ecclesia non polluitur quando aliquis alterius carnes contundit, vel ossa frangit absque sanguine, immo; vt Ecclesia polluat, requiritur, vt vulnus fiat in ipsa Ecclesia; Vnde non polluitur Ecclesia, quando aliquis vulneratur extrà Ecclesiam, & postea sanguinem fundit in Ecclesia. DD. citati.

Dixi in ea, quia si quis existens in Ecclesia vulneret aliquem

exi-

existentem extrà Ecclesiam, non ob id polluitur Ecclesia, etiamsi vulneratus postea se recipiat in Ecclesiam. *DD. citati.*

Dixi, aut quando datur causa naturalis eius effusionis, vt aduertamus Ecclesiam pollui, quando aliquis vulneratur in Ecclesia, & statim se recipit extrà eam, antequam in ea sanguinem emit-
tat, nam in ea data est causa naturalis effusionis; vt ait *Gambacurta de casibus referuatis casu 6. Grassus loc. cit. Nanarrus, & alij locis citatis.*

Dixi aut mortis, vt aduertamus Ecclesiam pollui, quando quis in Ecclesia per suffocationem occiditur, absque sanguinis effusione, aut quando per carnificem suspenditur; vt habetur in *cap. proposuisti de consecratione, & cap. Ecclesijs eodem titulo distinc.*
1. Syluester verbo *Consecratio* 2.

- 18 Si quæras, an polluta Ecclesia, censeatur etiam pollutum Cæmeterium illi contiguum.

Resp. Affirmatinè, quia Cæmeterium benedictum gaudet eodem priuilegio quo Ecclesia, accessorium enim sequitur principale, & nobilius trahit ad se minus nobile. Polluto autem Cæmeterio non censetur polluta Ecclesia, quia minus nobile non trahit nobilius. *cap. unico de Consecratione in 6.* Vbi etiam habetur polluto vno Cæmeterio, non censetur pollutum alterum, quoties vnum Cæmeterium non est contiguum alteri, & ab eo seiunctum medio pariete, licet de vno ad aliud per portam intermediam pateat accessus. Ità *Sayrus lib. 5. cap. 16. num. 18. & alij communiter.*

- 19 Polluitur etiam Ecclesia, quando consecratur, vel benedicitur ab Episcopo excommunicato publico: iuxtà *DD.* communiorem sententiam, quamuis *Suarez & Coninchus locis citatis oppositam teneant sententiam*, & inquirunt, quod oppositum nullo claro textu inuitatur, & in pœnalibus non est facienda extensio, nisi in Iure habeatur, vt in pluribus ostendit. *Alterius de censuris lib. 1. disp. 10. cap. 6. sub fine*, quamuis ipse non recedat a comuni sententia.

- 20 Polluitur etiam Ecclesia, quando in ea sepelitur excommunicatus vitandus *cap. Consuluisi de Consecratione.* Verum tamen est, quando sepelitur excommunicatus vitandus, illius ossa proijcienda esse a loco sacro, modò dignosci possint ab alijs ossibus, ne simul cum ipsis abijciantur ossa aliorum fidelium, non enim æquum est, vt iusti pro iniusto patiantur. *Bonacina loc. cit.*

- 21 An sepeliri possit in loco sacro, qui fuit absolutus in foro Sacramenti penitentia in periculo, vel articulo mortis; aut qui ostendit solum signa contritionis.

Certum est, eum qui in periculo vel articulo mortis fuit absolutus in foro Sacramenti penitentiae, per Presbyterum suum iuxta formam Ecclesiae posse sepeliri in loco sacro, hic enim reuera fuit absolutus etiam ab excommunicatione, consequenter non afficitur priuatione Ecclesiastica sepulturae, quae est effectus excommunicationis. vide in *cap. Parochiano tuo de sepulturis*:

Qui verò in mortis articulo dedit signa contritionis, sed non obtinuit absolutionem sacramentalem, non est sepeliendus in loco sacro, donec absoluator corpus, adhuc enim effectibus excommunicationis afficitur; Si verò iam fuit sepultus, non videtur exhumandus, sed quamprimum petenda est absolutio a legitimo superiore, ut fiat dignus Ecclesiastica sepultura, & haeredes illius compellendi sunt per Ecclesiam ad satisfaciendum pro eo. *cap. a nobis de sententia excommunicationis il. 2. eodem titulo. Bonacina de excommunicatione disp. 2. quaest. 2. punct. 4. §. 3. num. 7.*

- 22 Præterea polluitur Ecclesia, quando in ea sepelitur Paganus, siue Infidelis. *cap. Ecclesiam de consecrat. distinct. prima*; non verò polluitur quando Cathecumenus sepelitur ante susceptum baptismum, nam praesumitur decessisse cum baptismo flaminis. Ita Sayrus lib. 5. *cap. 16. num. 24.* Vbi addit Ecclesiam non pollui quando sepelitur in ea filius alicuius fidelis ante baptismum, quamuis enim ille filius reuera non sit fidelis, propriè tamen non est gentilis, siue Infidelis, sicut est filius infidelis, filius enim infidelis si sepeliatur in Ecclesia polluit Ecclesiam, ac si grandioris esset etatis. Sayrus loco citato num. 25. Suarez autem cum Bonacina, Conincho locis citatis putant Ecclesiam pollui si sepeliatur filius alicuius fidelis ante baptismum, nam filius ante baptismum est infidelis, saltem negatiue, cum non habeat fidem; & ita est usus, & praxis.
- 23 Si quæras, an filius possit sepeliri cum matre, quæ moritur in partu una cum filio, antequam filius susceperit baptismum.

Resp. Cum Hostiense, Vgone, & alijs apud Sayrum loc. cit. nu. 26. Possit; tunc enim filius censetur pars matris, & pro honore matris Christianæ cum ea sepelitur.

- 24 Quomodo se gerere debeat Sacerdos, quando inter celebrandum Ecclesia violatur.

Resp. Sacerdotem debere missam inchoatam intermittere, si nondum Canon missæ inchoatus sit; Si verò missæ Canon inchoatus sit, debet missam absoluere, nam sacrificium inchoatum In re Diuino perficiendum est, censetur autem inchoatum incepto Canoue, cum Hostia tunc proximè præparetur ad consecrationem. Suarez disp. 81. sect. 4. Reginaldus num. 179. Nugnus dub. 2.

ad

ad finem, Coninchus num. 236. locis citatis; & alij communiter.

- 25 Adde, Ecclesiam non pollui, nisi delictum sit publicum, consequenter non indigere reconciliatione, nisi delictum sit publicum. Ita *Suarez 3. par. disput. 81. sec. 4. versiculo, secundo dubitari solet; Nauarrus cap. 27. Nugnus, Coninchus, Henriquez loc. cit. num. 251.* & alij, ratio autem cur Ecclesia non sit reconcilianda, nisi publicè constet Ecclesiam esse pollutam, est, tum quia ita usu & praxi receptum est, vsus autem & praxis, est optima legis interpres; tum quia sicut occultis criminibus iniungi non solet publica pœnitentia, ne delinquens iniuriosè diffametur, ita neque Ecclesia, censenda est polluta, & reconcilianda, nisi publicè constet de pollutione, siuè de crimine inducente pollutionem, alioquin Ecclesia diffamaretur, publicè autem constare potest de pollutione Ecclesiæ dum euidencia facti, aut confessione delinquentis, aut alia simili ratione pluribus innotuit delictum in Ecclesia perpetratum fuisse. ita *Nauarrus in Manuali cap. 27. num. 256. Sotus in tertio distinct. 13. quest. 2. art. 3. Coninchus de Sacramentis tom. 1. qu. 83. art. 3. dub. 1. num. 230.*

- 26 An celebrans in Ecclesia polluta incurrat aliquam censuram.

Resp. Iuxta *Azor. 2. par. lib. 10. cap. 26. & Grassium loc. cit. num. 28.* Celebrantem in Ecclesia polluta ab eo die, quo delictum in ea commissum publicatum fuit, incurere suspensionem. Sed iuxta communiorē sententiam. *Sayr. lib. 5. de censuris cap. 14. num. 36. Henriquez lib. 9. cap. 27. num. 7. Suarez loc. cit. vers. sed queret aliquis, & aliorum,* quorum sententiā mihi probatur, dicendum non incurere suspensionem, vel Irregularitatem celebrando missam, vel sepeliendo aliquem, vel persoluendo Diuina Officia; Ratio est, quia nullo Iure probetur talem pœnam incurere, præsertim cum pollutio Ecclesiæ non sit censura.

Suspensio autem, vel Irregularitas non incurritur, nisi sit in Iure expressa. Sicut dicitur Sacerdotem fieri irregularem celebrando in loco, seu Ecclesia interdicta, modò illa Ecclesia sit denunciata interdicta, alioquin non diceretur vitanda. Ità *Suarez disp. 33. sec. 3. num. 1. & seq. Bonacina de Interdicto disp. 5. punct. 7. num. 6.* Si verò Sacerdos celebraret missam, vel Officia Diuina recitaret in Ecclesia publicè polluta, seu violata, mortaliter peccaret, secus si violatio esset occulta. *Anila loco infra citando.*

- 27 Quæres. a quonam possit Ecclesia polluta reconciliari.

Respondeo, Ecclesiam pollutam non consecratam posse reconciliari, seu benedici a simplici Sacerdote; Expedit tamen obtinere licentiam ab Episcopo, vel eius Vicario generali. Vide *Glos-*

sam

ſam in fine in cap. ſi Eccleſia de conſecratione Eccleſiæ, vel Altaris.

Si verò Eccleſia polluta erat conſecrata, debet reconciliari, ſeu benedici a proprio Epifcopo, vel ab alio Epifcopo de licentia proprij Epifcopi. *cap. Aqua per Epifcopum, de conſecratione Eccleſiæ vel Altaris.* Nec Epifcopus proprius poteſt committere ſimplici Sacerdoti reconciliationem Eccleſiæ conſecratæ; Poteſt tamen Papa. *Auila infra citandus.*

Addo, non eſſe neceſſariam reconciliationem, quando Eccleſia fuit occultè violata, & poſt violationem, antequam publicaretur violatio, conſectum in ea fuit miſſæ ſacrificium; nam Eccleſia cenſetur ſufficienter reconciliata per præſentiam Sanctiſſimi Corporis Chriſti. *Azorius 2. par. lib. 9. cap. 5. Henriquez lib. 9. cap. 7. num. 6. Graſſius prima par. lib. 2. cap. 28. num. 30. Sayrus Coninchus, Suarez, Reginaldus, Auila par. 5. de cenſuris diſp. 7. dub. 3. & alij locis citatis.* Oppoſitum tamen probabilius cenſet *Thomas Tamburinus de ſacrificio miſſæ cap. 1. §. 4. num. 5.*

P A R S X V I.

Enumerantur aliqui caſus de peccatis Luxuriæ.

Q V Æ S T I O XXXV.

S Y M M A R I V M.

- 1 *An duplex ſacrilegium committatur ab eo, qui cum ſit ſimul Sacerdos & Religioſus committit aliquod luxuriæ peccatum.*
- 2 *Gravior difficultas eſt, utrum habens votum ſimplex, & ſolemne Caſtitatis, committat duplex ſacrilegium per peccatum luxuriæ, & ſatisfaciat in Confeſſione dicendo ſe violaffe votum Caſtitatis.*
- 3 *Utum Sacerdos committens peccatum luxuriæ teneatur dicere Confeſſario ſe eſſe Sacerdotem, vel habere votum ſolemne caſtitatis, quando Confeſſarius cognoscit eum eſſe Sacerdotem.*
- 4 *Quando Coniux nimius eſſet in petendo, rationiſque limites excederet, an ſemper teneretur alter reddere, vel moderatè.*

§ An

- 5 An esset lethale scelus rarissimè, & magna cum difficultate reddere.
- 6 Vtrum hac circumstantia detegenda sit in Confessione, quando Vir crebro se polluit, aut ad alias fœminas accedit, si aduertat se inde reddi notabiliter impotentem ad satisfaciendum moderatè uxori, & ultra crimen pollutionis, aut adulterij admittat aliam culpam aduersus la-
gem Iustitiæ.
- 7 Quid si Coniux medijs licitis se reddat impotentem ad reddendum de-
bitum.
- 8 Quid si abstinentiæ sint moderatæ, licet illis reddatur minus potens.
Et an sint consulendæ Vxori abstinentiæ, quibus deformior reddatur.
- 9 An teneatur Vir vti callidis, & medijs aliquibus, quibus potentior reddatur.
- 10 An Vir possit immoderatas abstinentias vouere, absque Vxoris con-
sensu, & pares sint in hoc coniuges, aut neuter possit vouere absti-
nentiæ.
- 11 An vir excusetur à Ieiunio obligatorio, si reddatur impotens ad debi-
tum, vel minus potens.
- 12 An Vxor excusetur à Ieiunio, ratione conseruandi amorem mariti erga
ipsam.
- 13 Quid dicendum de fœmina nubere volenti, si per Ieiunium deformis
efficiatur, ita vt multo difficili nubat, an excusetur à Ieiunio.
- 14 Dubitabis an idem censendum sit, nempe uxorem à Ieiunio Ecclesia-
stico excusari ob viri præceptum, non adimplere iubentis.
- 15 An possint Coniuges mutuo consensu esse separati.
- 16 An in extrema necessitate sit præferenda uxor parentibus, filijs, cœ-
terisque viri cognatis.
- 17 Quando Coniux peccat ob aliquam circumstantiam ipsi actui inhere-
ntem, an peccet similiter reddens.
- 18 An vsus matrimonij propter solam delectationem sit peccatum.
- 19 Vtrum ratione modi, vel situs reddatur vitiosus congressus coniu-
galis.
- 20 Difficilius tamen dubium est, an Coniugi exigenti modo indebito quo-
ad situm, teneatur, aut licitè possit alter reddere.
- 21 Vtrum sit culpa lethalis quoties in actu coniugali, vase naturali omis-
so, innaturale vsurpatur.
- 22 Quid si maritus velit sodomiticè copulam inchoare, non animo consu-
mandi, nisi intra vas naturale.
- 23 An liceat Coniugi tardiori ad seminandum, antè concubitus tactibus
venerem excitare, vt vel sic possit in ipso concubitu simul cum Co-
niuge effundere semen.
- 24 Qualis culpa sit habito legitime coniugali actu, fœtus conceptionem
impe-

impedire, aut iam concepti abortum procurare, etiam ubi id ad matris vitam tuendam desideraretur.

- 25 *Num liceat matri medicinis uti ad salutem tuendam, cum periculo ab ortu fetus animati.*
 26 *Difficultas maior est ubi probabiliter constat fatum nondum animatum esse.*

1 **A**N duplex sacrilegium committatur ab eo, qui cum simul sit Sacerdos, & Religiosus committit aliquod luxuriæ peccatum.

Valde probabile est, vnum tantummodò sacrilegij peccatum ab eo patrari, qui cum sit, simul Sacerdos, & Religiosus, professus, committit aliquod luxuriæ scelus; Idem dici potest de femina copulam habente, cum Sacerdote Religioso professo.

Hæc propositio non est æquæ cerra apud omnes, nam est duplex sententia.

Prima affirmat esse plura peccata, videntur enim esse duæ rationes malitiæ, speciei inter se distinctæ, eo quod Religiosus aliter dicatur persona sacra ratione voti Religionis, & aliter ratione Sacerdotij; unde, ut Religiosus agit contra votum factum in professione; Et ut Sacerdos agit contra Constitutionem Ecclesiæ, qua præscribitur, ut initiatus ordine sacro seruet castitatem; Ita Petrus Ledesma cap. 19. de penitentia. Coninchus de Sacramento Ord. disp. 20. dub. 13. num. 131. & alij.

Secunda sententia, negativa est; Ratio est, tum quia votum solenne Castitatis adnexum Ordinibus sacris, est eiusdem rationis cum voto emissio in professione, tum quia diuersitas peccatorum non desumitur ex diuersitate præceptorum; sed ex virtutibus, aut ex motiuis specie distinctis; sed Religiosus tenetur seruare Castitatem, propter idem motiuum, & propter eandem virtutem, propter quam Sacerdos tenetur eam seruare; ergo non committit duplex sacrilegium; Tum quia qui sæpius idem votum simplex repetit, non committit plura peccata transgrediendo votum; ergo neque committit plura sacrilegia, qui peccatum luxuriæ committit, quando tenetur voto solemniori Religionis, & Sacrorum Ordinum.

Hinc deducunt DD. proximè citandi, penitentem accusantem se de copula, satisfacere dicendo in confessione se esse Religiosum, vel Sacerdotem, vel Diaconum; Et feminam dicendo habuisse copulam cum Sacerdote. Ita Rodriguez prima parte cap. 53. num.

num. 5. *Henriquez lib. 3. de penitentia cap. 5. num. 6. litera I. Sanchez lib. 7. de matrimonio disput. 27. num. 27. & alij quos citat Idem Sanchez, quorum sententiam valde probabilem putat, ac etiam Lessius lib. 4. cap. 3. dubio 12.*

2. Sed grauior difficultas est, vtrum habens votum simplex, & solemne castitatis, committat duplex sacrilegium per peccatum luxuriz, & satisfaciatur in confessione dicendo, se violasse votum castitatis.

Ad quam difficultatem respondet *Sanchez loc. cit. num. 31. Filiucius num. 177. & alij* satisfacere dicendo se violasse votum castitatis, aut se habere votum, quia votum simplex & solemne sunt eiusdem speciei, & differunt tantummodo accidentaliter.

Alij vero cum Arragonio 2. 2. quest. 88. art. 7. Bonacina de ijs, quæ pertinent ad vsum matrimonij quest. 4. puncto ultimo num. 30. Azorio 3. par. lib. 2. cap. 27. quest. 10. Conincho de penitentia disput. 7. dub. 4. num. 20. Existimant non satisfacere, dicendo se violasse votum castitatis, Ratio est, tum quia votum solemne differt specie, a voto simplici, vt patet ex diuersis effectibus quos solemne votum parit; tum quia fornicatio, seu aliud peccatum luxuriz habet priuationem perfectionis alio modo debitæ in adstricto voto solemnî, quam habeat fornicatio in adstricto voto simplici; ergo adstrictus voto simplici, & solemnî committit duplex peccatum, cum peccata distinguantur penes priuationes perfectionum diuersarum.

3. Vtrum verò Sacerdos committens peccatum luxuriz, teneatur dicere Confessario se esse Sacerdotem, vel habere votum solemne castitatis, quando Confessarius cognoscit eum esse Sacerdotem.

Resp. Non teneri, quia Confessarius sciens ipsum esse Sacerdotem sufficienter cognoscit peccata ipsius carnalia habere oppositionem cum voto solemnî castitatis. Ita *Pitigianus tomo 2. distinct. 16. quest. unica art. 5. §. quis pag. 330. Azorius prima par. lib. 4. cap. 4. quest. 6. vltra medium, Toletus, & alij communiter.*

4. Insuper, quando Coniux nimius esset in petendo, rationisque limites excederet, non semper teneretur alter reddere, sed moderate, quia in omnibus rebus debet modus adhiberi, dummodo non addit periculum incontinentiæ; Et in hac materia quia vir reddendo debitum fit in dies impotentior, sperma enim amplius emissum deficit, facitque homines citò senescere, *Aulthore Aristotile de longitudine, & breuitate vite in cap. finali*, quamuis in femina minus periculum sit. Ita docet *Sotus 4. distinct. 32. quest. unica*

art. 1. post 2. conclus. Henriquez lib. 11. de matrimonio capit. 15. num. 7. & alij.

5. Effet autem lethale scelus, rarissime, & magna cum difficultate reddere, quia notabiliter Coniuges debito coniugali defraudarentur, sæpèque incontinentiæ periculum paterentur, nec ob magnam alterius difficultatem auderent petere. Capua par. 1. decis. lib. 2. cap. 83. num. 7. Ludouicus Lopez prima par. instruc. cap. 8. 5. Igitur resolutione & alij.

6. Virum autem crebrò se polluentem, vel ad alias scēminas accedentem, si aduertat se indè reddi notabiliter impotentem ad satisfaciendum moderatè vxori, vltà crimen pollutionis, aut adulterij, vel alterius speciei; admittere peculiarem culpam, aliam aduersus legem iustitiæ, quia tenetur aptum se debito coniugali reddendo præseruare, quare hæc circumstantia detegenda est in confessione. ait Sanchez loc. cit. dispnt. 3. num. 3. lib. 9. de debito coniugali.

7. Quid si Coniux medijs licitis se reddat impotentem ad reddendum debitum.

Resp. Quamuis media quibus Coniux efficitur notabiliter impotens sint aliàs licita, vt si sint immoderata ieiunia aut vigiliæ indiscretæ, si id aduertat, peccat, quia quando aliquid prohibetur, interdicitur similiter omne id, per quod peruenitur ad illud, l. Oratio, ff. de sponsalibus, cum ergo viro prohibeatur debiti negatio, similiter interdicitur nimis excessus in vigilijs, & abstinentijs, per quæ vir cogitur debitum negare, sic docet Paludanus 4. distinct. 32. qu. 1. art. 2. num. 8. D. Antoninus 3. par. tit. 5. cap. 20. §. 10.

8. Quid si abstinentiæ sint moderatæ, licet illis reddatur minus potens: Et an sint consulendæ vxori abstinentiæ, quibus deformior reddatur.

Coniux se extenuans, aut debilitans absque fraude & bona fide medijs honestatis, vt seruans Ecclesiæ ieiunia, & alia moderata ex deuotione, impendensque moderatè tempus honestis studijs, vacat culpa, quia sic non efficitur impotens, sed minus potens, nec tenetur cum spiritali iactura, a spiritalibus operibus abstinere, vt se potentiorē, & robustiorē conseruet, sicut nec tenetur desistere ob eam causam a ceteris corporalibus exercitijs, ita D. Thomas, & reliqui quos refert Sotus loc. cit. quæst. vnica art. 1. in fine.

Quando autem vigiliæ, & abstinentiæ censeantur limites prudentiæ excedere, aut esse immoderatæ, pensandum est attentè viri conditione; alij enim alij robustiores sunt, & etiam atten-

ta vxoris conditione, quædam enim parce sunt, aliæ verò venum frequenter appetunt; denique id pro regula seruandum est, vt vir eas vires conseruet, non eas extenuas abstinentijs & vigilijs, quibus indiget ad moderatè reddendum vxori, attenta eius conditione, ne eam incontinentiæ periculo exponat.

Similiter etiam non licet vxoribus ita se abstinentijs, & vigilijs dare, vt deformes, & viris exosa reddantur, quia ipsi animum præberent turpes alios amores quærendi; sic *Sotus loc. cit. & alij DD. allegati, & Armilla verbo debitum num. 2.* docent eas abstinentias minimè vxoribus consulendas esse.

- 9 An teneatur vir vti calidis, & medijs aliquibus, quibus potentior reddatur.

Resp. Non teneri maritum vti calidis, vt potens ad copulam efficiatur, sed suæ obligationi satisfacit, si se impotentem minimè reddat, quia lex matrimonij tantum ipsum adstringit, vt moderatè attentis suis viribus reddat, & ne huic obligationi obstaculo sit nimijs vigilijs & abstinentijs; non enim tenetur medijs aliquibus vti, vt potentior efficiatur. Hoc tamen intellige verum, si de iustitiæ rigore, & lege loquamur; aliquando enim lege charitatis ad id tenebitur vir, nempe quando sine corporeæ salutis notabili detrimento id possit efficere, & vxor graue incontinentiæ periculum patiat, nisi frequentius sibi coniugali copula subueniatur, lex enim charitatis quoscunque obligat, nedum Coniuges verum alios ad consulendum necessitati spiritali proximi, vbi commode, & absque notabili proprio periculo subueniri possit; ita sentiunt *Paludanus 4. distinct. 3. quest. 1. art. 2. num. 8. Sanchez loc. cit. & alij.*

Addeit *D. Antoninus loc. cit. Rosella verbo debitum num. 5. apud Sanchez loc. cit. disput. 2. num. 15.* Minimè excusari tunc coniugem negantem debitum, eo quod dies sollemnis sit, aut Eucharistiam sit suscepturus, propter rationem suprâ allatam, quamvis laudabile sit precibus non importunis hac occasione alterum auertere; per rationes suprâ allatas.

- 10 An vir possit immoderatas abstinentias vouere, absque vxoris consensu, & pares sint in hoc coniuges, vt neuter possit vouere abstinentias.

Ex dictis infertur, virum absque vxoris consensu minimè vouere posse abstinentias, vigilijs &c. quæ debito coniugali moderate reddendò obstant; sicut nec vxor inconsulto viro eadem vouere potest, quia neuter coniux potestatem sui corporis habet, quoad debitum coniugale persoluendum, ita docent *Glossa in cap.*

mani-

Manifestum, verbo nisi auctor 33. quest. 4. Paludanus 4. distinct. 33. quest. 3. art. 1. conclus. 7. num. 10.

- 11 An vir excusetur a ieiunio obligatorio, si reddatur impotens ad debitum, vel minus potens.

Secundò inferitur, excusari a ieiunio Ecclesiæ coniugem, qui aliter vxori suæ reddere debitum non potest, quia sicut ieiunium non impedit opera necessitatis, & subinde non obligat eum, qui ieiunando munus suum obire nequit, ità nec opus obligationis, quale est hoc, cò vel maxime quod non reddere, est in præiudiciū tertij. Insuper cum duo concurrunt præcepta incompatibilia, alterum humanæ abstinentiæ, alterum Iure naturale Diuinum, ad iustitiamque pertinens reddendi debitum, hoc tanquam fortiùs præualere debet. Ità docent Caietanus *summa verbo ieiunium cap. 5. de personis quas obligat ieiunium, §. excusantur infirmi ad finem. Emmanuel Sà. summa verbo ieiunium, §. excusat a ieiunio, & alij apud Sanchez loc. cit. Ludouicus Lopez 2. par. instruct. de ieiunio cap. 111. ad finem*, Vbi dicit tunc verum esse, excusari ex hac causa virum a ieiunio, quando nisi die illa ieiunij, qua debitum signis petit vxor vir reddat, patietur ipsa incontinentiæ periculum, aut ægreferet, aut suspicabitur virum amore alio turpi captum esse; Secus si precibus, & verbis blandis posset illam auertere. Hæc moderatio est valde probabilis.

Quare aberrant viri existimantes se a ieiunio excusari, vt fortiores sint ad copulam maritalem; nam vt suprà dixi, non tenetur vir vti calidis, vt potentior sit ad copulam, ac proindè minus poterit ieiunium ea de causa soluere; quod intelligo, vt dixi nisi vxori periculum incontinentiæ immiueat, nisi vir ad copulam, frequentioreni potentior efficiatur; lex enim charitatis tunc obligans, potentior est præcepto Ecclesiastico. *Sanchez lib. 9. de debito coniugali disput. 3. num. 10.*

- 12 Tertiò inferitur, excusari vxorem a ieiunio, ratione conseruandi anorem mariti erga ipsam, vt ieiunans nequeat satis placere marito, a quo minus quam par est amatur, aut despicitur, quod pallida deformisque reddatur, quia est damnum notabile, estque valde necessariùs ad vitam coniugalem quietè traducendam mutuus coniugum amor. *Ledesma 2. parte 4. quest. 17. art. 2. dub. 7. folio 201. colum. 3. Emmanuel Sà num. præcedenti relatus, Caietanus loc. cit.*

- 13 Quartò, Inferitur idem dicendum esse de fœmina nubere volentij; si enim a ieiunio deformis efficiatur, ità vt difficillimè nubat, excusabitur a ieiunio, id enim notabile damnum censetur. Ità

Ludo-

Ludovicus Lopez 2. par. instruct. de ieiunio cap. 111. ad finem.

- 14 Dubitabis, an idem censendum sit, nempe vxorem a ieiunio Ecclesiastico exusari ob viri præceptum, soluere iubentis.

Pars enim negatina suaderi videtur, quia potius est Ecclesiæ obediendum; nec vir dominium habet in vxorem quoad præcepta Ecclesiæ, sicut habet quoad ieiunia, ad quæ sua sponte vouendo se mulier adstrinxit; Sed dicendum est ob solum præceptum viri minimè excusari; Verum si notabiles discordiæ oriantur inter ipsam & virum, nisi ipsi obtemperet, tunc aliqui dicunt posse soluere ieiunium, saltem accedente proprii Sacerdotis arbitrio. Ita *Innocentius Rubrica de obseruatione ieiunij num. 1. & ibi Abbas n. 8. Syluester verbo ieiunium quæst. nona cap. 8. §. 25. Philarchus de officio Sacerdotum tomo 1. par. 2. lib. 3. cap. 25. §. quod ieiunia. Qui benè hoc temperat cum Palacio, nisi in contemptum ieiunij Ecclesiastici id præciperet maritus, tunc enim vita potius exponenda esset, quam ieiunium omittendum. Idem Sanchez loc. cit.*

- 15 An possint Coniuges mutuo consensu esse separati.

Resp. Possunt Coniuges mutuo consensu separari, quoad Torum; Probatur ex 1. ad Corinth. 7. nolite fraudari ad innicem, nisi ex consensu ad tempus, vt vacetis orationi, & ex D. Gregorio, & refertur in cap. sunt qui 27. quæst. 2. vers. si verò, ibi si verò vtrique conueniant continentem vitam ducere, hoc quis audeat accusare? sic Sotus 4. distinct. 27. quæst. 1 art. 4. vers. at verò citrà mortem.

Hoc tamen intellige duplici moderatione, altera est dummodo legitima adsit causa, vt amor continentix seruandæ; Secus quando odio, aut indignatione ducti Coniuges communi consensu separantur. Altera ne pariat uterque, aut alteruter incontinentix periculum, vtraque moderatio colligitur, ex testimonio D. Pauli 1. ad Corinth. 7. Nisi fortè de consensu ad tempus, & iterum reuertimini in id ipsum, ne tentet vos Satanas propter incontinentiam vestram. Et docent Hostien. in cap. veniens num. 1. de Regularibus, vbi Ioannes Andreas num. 9. Abbas cap. Ad id quod num. 3. de sponsalibus.

- 16 An in extrema necessitate sit præferenda vxor parentibus, filijs, cæterisque viri cognatis.

In hac difficultate *Henriquez lib. 11. de matrimonio cap. 8. nu. 1.* ait, vxorem præferendam esse filijs, alijs cognatis, & refert pro se D. Thomam 2. 2. quæst. 26. art. 11. qui id minimè dicit; Sed sic distinguendum est, extrà casum extremæ necessitatis potius tenetur vir vxori, quam parentibus succurrere, quia in ijs quæ ad

æconomicam rationem citrà extremam indigentiam attinent, ætior est coniugalis vnio, iuxta illud Genes. propter quod relinquet homo patrem & matrem &c. & adhaerebit uxori suæ. Et Matthæi 19. itaque iam non sunt duo, sed vna caro. In extrema autem necessitate potius Parentibus est subueniendum, quia est debitum antiquius erga Parentes; & ratio boni, quod est dilectionis obiectum inuenitur eminentius in Patre, teste D. Thoma citato art. 11. diliguntur enim Parentes vt principium, ac proinde maior est cum illis coniunctio, quoad esse absolute, quibus in extrema necessitate subuenitur, ita videtur sentire D. Thomas 2. 2. quæst. 26. art. 11. ad primum. & docent ibi Valentia 2. 2. disput. 3. quæst. 4. punct. 5. Coroll. 10. & alij apud Sanchez lib. 9. disput. 4. num. 26.

- 17 Quando Coniux peccat ob aliquam circumstantiam ipsi actui inhaerentem, an peccet similiter reddens.

Regula est, quando petens delinquit mortaliter ob aliquam circumstantiam ipsius actus, & non ob circumstantiam personalem, tunc reddere est mortale, EG. petit Coniux in loco sacro, aut publico, aut cum periculo abortus, petitio illa non est illicita ob circumstantiam tenentem se ex parte petentis, sed ob circumstantiam ipsius actus, qui sanctitati loci sacri repugnat, ipsiunque polluit, aut si est in loco publico aduersatur honestati naturali, aut si est cum abortus periculo, est in damnum tertij, ad cuius bonum actus ille suapte natura non ordinatur; Ac subinde ipsa redditio eandem malitiam habet, quia sicut petitio afficitur illa praua circumstantia, ita & redditio, vtraque enim polluit locum sacrum, aduersatur honestati, estque in tertij damnum. Ita tradit Petrus de Soto lect. 16. de matrimonio fin. Sanchez lib. 9. de debito coniugali disput. 6. num. 16.

- 18 An vsus matrimonij propter solam delectationem sit peccatum.

In hoc casu non desunt, qui asserunt actum coniugalem ob libidinem explendam exercitum, culpam esse mortalem, & probant primo ex D. Hieronymo in cap. 5. ad Ephesios, & refertur in cap. liberorum 3. 2. quæst. 4. Ibi, liberorum in matrimonio opera concessa sunt, voluptates autem quæ de meretricum capiuntur amplexibus, in vxore damnata sunt; Et melius ex eodem lib. 1. contra Iovinianum, & refertur cap. Origo 32. quæst. 4. Ibi, adulter est in suam vxorem amator ardentior; Si ergo talis copula est damnata, & tanquam adulterina, erit manifesta lethalis culpa. Secundo quia coniux sic vtens coniuge, non refert illius vsum in Deum, sed in solam delectationem, ac proinde frui vult creatura, in ea

con-

constituens ultimum finem; sic sentiunt *Hugo in dicto cap. Orig. Hostien. summa tit. de matrimonio, §. quis sit effectus num. 23. fin. & alij apud Sanchez dicto titulo disput. 11. num. 1.* Addentes esse morale, virum calidis uti, vel alijs medijs quibus naturam excitet, ut sepius coire possit.

Alij verò alterum extremum sequuti, censent nullam esse culpam actum coniugalem propter voluptatem exercitum; tum quia uti ad libitum re sua, qualis est alteruter coniux alterutrius, culpa vacat; tum quia in eo accessu inuenitur Sacramenti bonum, coniux enim propter voluptatem accedens, limites matrimonij non transgreditur, sed propter illius vinculum accedit, aliàs omnino astenturus, sic tenent *Amain in 4. distinct. 31. quæst. vnica, & ibi Maioris quæst. vnica conclus. 7. Celaia quæst. vnica fin. & refert Martinum de magistralis, Palacios ibi disput. 2. fol. 691. & sequentibus, & dicit esse satis probabile. Hæc Opinio hodiè est damnata ab Innocentio Undecimo num. nono, & lata est excommunicatio contrà asserentes, opus coniugij ob solam voluptatem exercitum, omni penitus caret culpa, ac defectu veniali.*

Ultima opinio multorum DD. cui adhæreo, est, quod actus coniugalis solius voluptatis gratia exercitus, nec fines matrimonij transgrediens, sit tantum culpa venialis; Conclusionem hanc expresse docent *D. Augustinus de bono coniugali cap. 6. tomo 6. Ibi Coniugalis concubitus generandi causa non habet culpam, concupiscentiæ verò satiandæ tamen cum coniuge, venialem; & lib. 5. contrà Iulianum cap. 7. fin. tomo 7. Diuus Gregorius respons. 10. ad interrogationes D. Augustini, & habetur cap. vir cum propria 33. q. 4. D. Anselmus in eum locum D. Pauli 1. ad Corinth. 7. hoc autem, secundum indulgentiam dico. Quod autem sit veniale inde probatur, quia est debiti ordinis peruersio, cum actus suapte natura tendens ad prolis bonum, referatur ad finem voluptatis capiende; Adde abusum rei esse quærere actum propter delectationem illi adiunctam, cum delectatio sit propter ipsum actum, non verò actus propter delectationem illi adhærentem. Ideò hanc tueretur *D. Thomas 4. distinct. 31. quæst. 2. art. 3. D. Bonaventura art. 2. quæst. 3. & alij permulti apud Sanchez de debito coniugali lib. 9. disput. 11. num. 4.**

- 19 Vtrum ratione modi, vel situs, reddatur vitiosus congressus coniugalis.

Præmittendum verò est, qualis sit modus concubendi naturalis quoad situm; Is autem est, si mulier succuba, vir autem incubus sit, quia modus hic aptior est effusioni seminis virilis, receptio-

prionique in vas fœmineum, ac retentioni, & congruentior est rerum naturæ, cum vir agens, fœmina verò patiens sit. Quamobrem omnis deuiatio ab hoc modo aduersatur aliqualiter naturæ, eoque magis quo fini huic situs contrarius est, vnde minor est deuiatio dum coniuges a latere, aut sedendo, standoue coniunguntur, pessimè tamen dum præposterè pecudum more, aut virò succubente, ità aduertit *Abulen. cap. 5. Matth. quest. 227. & omnes.*

Quæstio igitur est de qualitate culpæ, dum vir inuerso situ, aliquo modo ex dictis, seruato tamen vase debito, vxorem cognoscit.

Duplex est sententia. Prima culpam lethalem constituit in omnibus his modis, aut in aliquibus, Ratio est, tum quia is non est vsus vxoris, vt sic, vxor enim est ad solum naturalem concubitum; & confirmatur quia hi modi naturæ ordini aduersantur, nec ità certa est proles, tum quia est abusus Sacramenti coniugij. Constat autem peruersionem vsus, & ritus etiam accidentalium in alijs Sacramentis sacrilegam, lethaliter esse.

Præterea nō solum situs, sed etiam personæ conditio variatur, est enim naturale viro agere, fœminæ verò pati; vir autem succubans, quantum est ex ipsa situs forma patitur, & fœmina incubans agit, quam mutationem quantum natura ipsa abhorreat, quis non videat?

Insuper quia in *Historia scolastica cap. 31. super Genesim ex Metodio*, dicitur etiam diluuij causam fuisse, fœminas in insaniam versas abusas fuisse viris, illis incumbentibus, his succubis; & confirmatur quia teste *Abulense cap. 5. Matth. q. 227. & aliqui de hoc modo congressus exponunt locum illum, D. Pauli ad Romanos 1. num. 26* fœminæ eorum immutauerunt naturalem vsus, in eum qui contrà naturam est, quod inter peccata lethalia Paulus ibi annumerat, & ideò hanc sententiam tuentur de omnibus modis. *Vide Sanchez lib. 9. de debito coniugali disput. 16. num. 12. & 3. & seq. qui multos DD. refert.*

Secunda sententia cui *idem Sanchez* tamquā probabiliori adheret, ait, nullo ex his modis commiscendo se coniuges, seruato vase legitimo, esse culpam mortalem, sed grauem venialem, increpandosque esse grauiter coniuges ità coenantes; Probatur primo quia semen non recipitur in fœmineam matricem per infusionem, seu descensum, sed per attractionem, eo quod sit virtus naturalis in ea, semen attrahens, sicut in stomaco respectu cibi; quod vel eo constat quod refert *D. Thomas quodlibeto 6. art. 18. citatus ab eodem Sanchez loco supra citato* nempe cum fœmina quædam

dam in eodem lecto, cum patre accubaret, ab ipso semen in somnis emissum, attraxit, grauidaque inde effecta est. Idemque in balneis accidisse, in quibus erat semen a viro decisum; attestatur graues DD. Et hanc virtutem attractiuam esse in matrice docet *Aristoteles lib. 2. de generatione Animalium cap. 4.* Ergo nullus corporis situs in concubitu obstat generationi, ac proinde non, constituet culpam lethalem, cum seruetur finis matrimonij legitimus, qui est, posse sobolem concipi: & inordinate quærere delectationem, intrâ matrimonij limites, solum sit culpa venialis, & confirmatur, quia si matrix semen distans attrahit, a fortiori sibi contiguum attrahet; & retinebit, quare hanc opinionem tenet *Albertus magnus 4. distinct. 31. art. 24. & alij graues DD. apud Sanchez loc. cit. num. 3. Nauarrus verb. cap. 16. num. 42.* inquit, quod Coniux habens copulam cum coniuge alia via quam naturali, extrâ vas naturale, vel tali modo, quo vxor non possit suscipere semen, aut retinere, secundum omnes peccat mortaliter; Qui autem habet copulam intrâ vas naturale, ita vt vxor possit suscipere semen, & retinere, non peccat mortaliter, quamuis fœdus sit modus, eam habendi, quamquam graue peccatum veniale admittit, & dignus est qui eo modo vitur magna reprehensione, peiorque animali bruto, quod in eiusmodi actu modum naturalem seruat. *Nauarr. loc. cit.*

Quare si experientia constaret in eo concubendi modo semen minimè retineri, sed effundi ob fœminei vasis minimam humiditatem, vel laxitatem, esset peccatum mortale; iuxta omnes, vt benè aduertit *Ludouicus Lopez prima par. instrum. cap. 82. §. igitur loquendo, & cap. 87. in fine*, quia impeditur generatio, quæ est finis principalis matrimonij.

Id autem aduertunt DD. aliquando inuersionem debiti situs, omninò culpa carere, videlicet vbi non captandæ voluptatis gratia accidit, sed aliqua iusta causa interueniente, vt quia dispositio corporis aliud non patitur, ob pinguedinem viri, vel propter suffocandi fœtus periculum in præguante, vel alia simili causa, honesta occurrente. sic *D. Thomas 4. distinct. 31. in fine* in expositione literæ, quamuis enim solius dispositionis corporis aliud non patientis meminerit, ac DD. extendunt ad alias iustas causas. *Caietanus in summa verbo matrimonium cap. ultimo de peccatis in usu eius vers. 2. & 2.2. quæst. 154. art. 11. dub. 4. ad 4. §. ad 2. de modo. Ledesma part. 4. quæst. 51. art. 6. propos. 7. & alij apud Sanchez loc. cit.*

20 Difficiliùs tamen dubium est, an coniugi exigenti modo inde-

bito quoad situm, teneatur, aut licite possit alter reddere,

Et quidem quando sic concubere esset lethale propter periculum effusionis extrà vas, non est dubium esse mortale, etiam reddere, *vt bene Ludonicus Lopez prima parte instruct. cap. 32. §. igitur loquendo*, & Ratio est, quia talis congressus est prohibitus ob circumstantiam ipsi actui inhærentem, est enim contra naturam, atque perinde ac si vir peteret, & vxor cooperaretur sibi ad pollutionem, quare nullus timor etiam mortis excusaret tunc scēminam reddentem.

Quando autem est venialis culpa in exigente, est tota difficultas; Quidam enim ex ijs qui censent esse culpam venialem variare situm, dicunt vxorem non teneri reddere, quia non petitur debitum modo debito, & naturali, sic *Armilla verbo debitum n. 7. & D. Antoninus 3. parte tit. 1. cap. 20. §. 7. vbi dicit Coniungi quocunque sine petenti, modò naturaliter petat, teneri alterum reddere; & clarè §. 5. dicit consulendum esse vxori ne reddat viro petenti, non seruato legitimo situ. Quamuis alij oppositam sententiam doceant quando adest tantum culpa venialis; vt est videre apud Sanchez loc. cit.*

²¹ Vtrum sit culpa lethalis, quoties in actu coniugali, vase naturali omisso, innaturale vsurpatur.

Et quidem vbi in vase innaturali copula consumiatur, aut est animus consummandi, manifesta est sodomia lethalis, peccatumque contrà naturam, quia aduersatur fini naturali illius copulæ, qui est prolis generatio, nec vxor ad similem copulam, sed ad solam copulam intrà vas legitimum vxor est. DD. omnes.

²² Quid si maritus velit sodomiticè copulam inchoare, non animo consummandi, nisi intrà vas naturale.

Circà hanc quæstionem tetigit Nauarrus lib. 5. *Consil. in vtraque editione tit. de pœnitent. & remis. Consil. 7. & facillè ab hac expeditiuit, dicens tantum reperiri peccatum tactus cuiusdam illiciti, quare apertè solam venialem culpam in eo actu agnoscit, nullamque reddit rationem; huic sententiæ fauere videtur Quandus 4. distinct. 31. quæst. vnica proposit. 3. Vbi ait omnem coitum libidinofum excusari inter coniuges, modò non sit periculum extrordinariæ pollutionis.*

Sed sententia eruditissimi Sanchez, cui adhæreo est vera, asserentis esse culpam lethalem sodomix inchoatæ, idque meritò, quia ille tactus nec ex se, nec ex tangentis intentione potest ad actum coniugalem referri, eo quod medium improporcionatum, & alterius ordinis luxuriæ sit, quoniam non dicitur vas legitimum seruari

uari, quando vsurpatur illegitimum, ad alterius luxuriæ ordinem tendens, licet intrâ illud non consumetur. *Idem Sanchez lib. 9. de debito coniugali dispnt 17. num 5.* Et hæc sententia est omninò tenenda.

- 23 Licitum est autem Coniugem tardiozem ad seminandum, ante concubitum, tactibus venerem excitare, vt vel sic possit in ipso concubitu simul cum coniuge effundere semen, *Caietanus 2.2. q. 15. art. 11. ad finem dub. 5. Tabiena verbo luxuriosus quæst. 6. §. 7. &* ratio est, quia licet semen mulieris non sit ad generationem necessarium, multum tamen confert ad faciùs generandum, tum quia vis actiua seminis virilis in fœmineum agens, conceptum pulchriorem, ac nobiliorem format, tum etiam quia fœminea matrix voluptate effusionis seminis irritata, ac incensa auidius virile semen complectitur; Et fœmineum semen valdè vtile esse generationi, ad idque a natura institutum, vel ex eo conuincitur, quod natura nihil frustraneum, sed vniuersa in finem aliquem referens agit, & hæc seminis simul effusio licet non sit necessaria est saltem vtilissima; quamuis non sit necesse vtrumque coniugem seminare simul, quare dum vir semen effundit, minimè teneretur fœminæ effusionem expectare.

- 24 Qualis culpa sit habito legitime coniugali actu, fœtus conceptionem impedire, vbi id ad matris vitam tuendam desideraretur.

Primò præmitto, fœminam sumentem, & ei porrigentem potionem, vel quiduis aliud, quo prolis conceptioni obsteret, mortalis culpæ contrà naturam reum esse; ità vt nullo bono fine honestari possit, quia data opera impeditur semen a suo naturali fine generationis, parumque, & solum secundum magis, & minus distat a seminis effusione extrâ vas, ità *D. Thomas 4. dist. 27. quæst. 3. art. 1. & quæst. 1. ad 3. in expositione litteræ, & alij apud Sanchez de debito coniugali lib. 9. disp. 20. num. 2.*

Eriam infertur, similem esse lethalem culpam, quoties ex ipso congressus modo, est periculum abortus, secus quando non est ex modo inordinato, sed quod vxor sit infirmæ, ac delicatæ complexionis, quia vir in priori casu abortui causam præbet, secus in posteriori. *Henriquez lib. 11. de matrimonio cap. 15. num. 4. & Sanchez loc. cit.*

Duplex hic oritur difficultas; prior num liceat procurare abortum fœtus nondum animati, necessarium ad matris salutem; Posterior num liceat matri medicinis vti ad salutem tuendam, cum fœtus animati abortus periculo.

P A R S X V I I.

Tractatus valdè utilis de Bigamia.

Q V Æ S T I O XXXVI.

S V M M A R I V M.

Quid, & quotuplex sit Bigamia, & qualiter ex vera Bigamia irregularitas oriatur.

- 1 *Quid sit Bigamia.*
- 2 *Quotuplex sit Bigamia.*
- 3 *An contrahatur irregularitas bigamia, absque matrimonio de iure, vel de facto inito.*
- 4 *Utrum in quacunque bigamię specie, quæcunque matrimonia inean-
tur, & cum femina cuiusque status, contrahatur irregularitas in
illis matrimonijs sine coniunctione carnali.*
- 5 *Minor difficultas an requiratur ad incurrendam irregularitatem in
illa copula, seminis virilis emissio intrà vas fæmineum.*
- 6 *An contrahens & consumans matrimonium cum ea qua corrupta est,
non membro naturali viri, sed aliquo instrumento, vel cum mem-
bro virili, non intromisso semine, efficiatur bigamus, aut irregularis.*
- 7 *Magna difficultas. Dubitatur an matrimonium duplex contractum an-
tè baptismum, vel vnum antè, & aliud postea, vel vnicum cum
corrupta antè baptismum, vel cognovisse uxorem adulteram, & tan-
dem omne illud matrimonium, quod post baptismum contractum ef-
ficeret contrahentem bigamum, & irregularem, efficiat similiter si
antè baptismum ineanatur.*

De Bigamia interpretatiua.

- 8 *Quare contrahatur irregularitas ex Bigamia interpretatiua.*
- 9 *Quot modis incurratur Bigamia interpretatiua.*
- 10 *Quæ differentia sit inter Polygamiā, & Bigamiā.*
- 11 *Rogabis cur Ecclesia statuerit illum esse bigamum, vel irregularem,*
qui

- qui contraxit cum femina ab alio cognita; non fit verò bigamus qui contraxit matrimonium cum virgine, licet ipse sepius fornicatus sit.
- 12 An per multiplicatas fornicationes, vel adulteria ex parte viri inducatur bigamia.
 - 13 Vtrum dicatur bigamus, qui cum femina vidua, vel corrupta contraxit matrimonium inualidum, ob aliquod impedimentum dirimens.
 - 14 An copula nefanda sufficiat ad irregularitatem bigamiae incurrendam.
 - 15 Quæ requirantur ad incurrendam irregularitatem bigamiae.
 - 16 An multiplicitas matrimonij rati, & nondum consumati, inducat bigamiam.
 - 17 Quando dicatur matrimonium consumatum.
 - 18 An sponsalia multiplicata, etiamsi subsequuta sit copula inducant bigamiam.
 - 19 An dicatur bigamus, qui post separationem à sua uxore adultera, reconciliationem cum ea iniit, eamque post reconciliationem carnaliter cognouit, etiam de mandato Iudicis.
 - 20 Vtrum ducens faminam à se solo defloratam, efficiatur irregularis.

De Bigamia similitudinaria.

- 21 Qualiter incurratur irregularitas ex bigamia similitudinaria.
- 22 An Clericus in sacris constitutus virginem ducens fiat irregularis.
- 23 Quid dicendum de professo ad nuptias transeunte, etiamsi cum virgine.
- 24 An Bigamiae irregularitas tollatur per ingressum Religionis, & alia irregularitates.
- 25 Quis possit in Bigamia dispensare.
- 26 An Episcopus possit dispensare cum bigamis, saltem ad suscipiendos Ordines minores, vel ad usum susceptorum, vel ad primam Tonsuram, vel ad beneficium simplex.
- 27 An Episcopus possit dispensare in bigamia similitudinaria cum eo, qui contraxit cum virgine, si occulta sit.
- 28 Quæres an bigamus, qui ordinibus fuit initiatus absque dispensatione, gaudeat privilegijs Clericorum.
- 29 An ad impetrandam bigamiae dispensationem, sit opus explicare ternas, vel quaternas nuptias interuenisse, & quid si concurrant simul duæ, vel tres species bigamiae, scilicet veræ, interpretatina, & similitudinaria.
- 30 Quæsitum scitu dignum, & notabile.
- 31 Minor autem difficultas est, an filij nati ex matrimonio inualido ob impedimentum occultum, censeantur legitimi, dum uterque contrahens

trahens bona fide, ex probabili errore iuris vel facti contraxit in facie Ecclesie, scilicet coram Parocho & testibus, & factis denunciationibus.

De Bigamia.

Quid, & quotuplex sit Bigamia, & qualiter ex vera Bigamia irregularitas oriatur.

Bigamie irregularitas est quedam irregularitas orta ex defectu Sacramenti, scilicet ex defectu significationis Sacramenti; Cum enim ad Ordines promoti creentur Sacramentorum Ministri, decuit promouendos nulum circa Sacramenti significationem defectum pati; Bigamus autem defectum in matrimonij Sacramento patitur, eo quod matrimonium idem rationem Sacramenti induit, quod significat coniunctionem Christi cum Ecclesia, quæ coniunctio est vnus cum vna; At Bigamia hoc tollit, Bigamus enim cum pluribus matrimonium iniit: quæ ratio traditur à *Celestino 3. in cap. debitum de bigamis*, Solet etiam alia ratio tradi, quod duplici matrimonio copulari, signum nimis incontinentiæ sit, quæ valde Ecclesiæ ministros dedecet. Aptè autem matrimonium significat vnionem Iesu Christi, cum Ecclesia vnica sua, & sancta Sponsa; & *Glossa in dic. cap. Debitum de bigamis*, inquit, quod vir significat Christum, qui copulauit sibi Ecclesiam militantem. *Apostolus ait 2. Corinth. 11. Despondi enim vos vni viro virginem castam exhibere Christo.* Vxor verò significat Ecclesiam triumphantem, in qua non est macula, neque ruga. *Apocal. 21. Vidi Civitatem sanctam descendentem de Celo, sicut sponsam ornata viro suo. Hymn. Regina formosissima Christo iugata Principi, Celi corusca Ciuitas &c.* ad quam nos Christus per magnum Incarnationis Mysterium, & suam passionem aggregauit. Et sic vtraque, scilicet tam Triumphans, quam Militans Ecclesia dicitur, ac vocatur vnica Christi sponsa. *Glossa in penultimo 5. in dicto cap. Debitum de bigamis.*

2 Triplex autem communiter species Bigamie assignatur.

Prima est Bigamia vera, quæ est quoties quis duplex matrimonium legitimum init, vtrumque consumans; dicitur hæc vera bigamia, quia in hoc duplici matrimonio verè deficit representatio vnius matrimonij Christi cum vnica Ecclesia, habetur autem hæc species in *dict. cap. Debitum de bigamis. cap. Percipimus*

distinçt. 34. & cap. finali distinçt. 51. quod est ex Concilio Toletano 4. cap. 18.

Secunda est Bigamia interpretatiua, quæ est, cum duplex matrimonium initur, & consumitur vtrumque, non tamen vtrumque validum est, sed solum alterum, aut neutrum; Vel cum quis ducit non virginem, hoc est viduam, vel si virginem duxit, eam, post adulterium cognouit; de qua differendum est infra.

Tertia est Bigamia similitudinaria, nempe cum quis in sacris constitutus, aut professus matrimonium init, & consumit, etiam cum vnica & virgine, de qua etiam infra differendum est.

In Præsenti de Bigamia vera discutiendum est.

3 Ex his deducitur, numquam Biganiæ irregularitatem contrahi, absque matrimonio de iure, vel de facto inito, quare nullo modo contrahitur ob plurimum cuiusque status concubinatum, vt expressè de presbytero plures concubinas habente decernitur in cap. penultimo de bigamis, & docent omnes: Et ratio est, quia cum desit matrimonium cum illis, & affectus ad matrimonium, contrahendo illud irritum; Imò coniunctio illa concubinaria, nihil habeat cum coniunctione Christi, cum Ecclesia, nec ad illam significandam apta; ideo ab eius significatione deficit.

4 Id autem tamquam fundamentum in quavis bigamiz specie statuendum est, nullam bigamiz speciem contrahi, nec ratione, illius irregularitatem, quæcunque matrimonia incantur, & cum foemina cuiusque status, nisi carnalis commixtio in illis matrimonijs intercedat; vt expressè definitur in cap. Debitum de bigamis de contrahente duo matrimonia, vel cum vidua; si enim non sit in vtroque Coniugio copula, non est bigamia.

Et similiter decernitur ibi, cotrahentem cum vidua, a priori viro non cognita, minime esse irregularem, quamvis cum illa consumat. Nec similiter si contrahat cum vidua a priori viro cognita, vel qualitercunque corrupta, si cum illa copulam non habeat, non incurrit in irregularitatem, cap. finali dist. 34. quod est ex Gelasio Papa; & ratio redditur in dic. cap. Debitum, quod matrimonium copula non consumatum, minime sufficiat ad significandum matrimonium Christi cum Ecclesia, per Incarnationis Mysterium contractum; Nec vir ille dicitur carnem suam in plures diuississe, ac proinde huiusmodi matrimonium qualitercunque contractum, aptum non est ad tollendam perfectam Sacramenti matrimonij significationem; Nec obstat cap. fin. de bigamis, ibi enim sermo habetur de Subdiacono iueunte matrimonium, atque ita vt bigamus & irregularis habetur; In hoc casu ponderatur affectus

fectus intentionis cum opere subsequuto. *vbi Glos. fin. explicat cum opere, scilicet carnali.* Atque ita docent DD. & specialiter cum hac generalitate docent D. Thomas 4. *distinct.* 27. *quest.* 3. *art.* 1. & ibi Paludanus *quest.* 4. *art.* 2. *num.* 10. & 11. Toletus *lib.* 1. *summe cap.* 26. *num.* 5. & alij. Et sic non sunt audiendi aliqui asserentes per matrimonium ratum contrahi bigamiam, quod omnes reprobant per Textum expressum in *cap. Debitum de bigamis*, quare copula necessaria est, ut quis irregularitatem incurrat, sicut in bigamia vera, & interpretatiua, & ita docent Anton. *cap. nuper nu.* 7. *de bigamis*, & ibi Abbas *num.* 3. Tabiena verbo *bigamia quest.* 3. *fin.* Eiusdem sententiae videntur clare esse alij DD. qui explicantes casum bigamiae similitudinariae, quam Ordine Sacro, aut professione ligatus matrimonium iniens incurrit, aiunt si matrimonium ineat, & consumatur. Ricchardus 4. *distinct.* 27. *art.* 4. *quest.* 1. *corpore* & ibi Paludanus *quest.* 4. *art.* 2. *num.* 12. Nauarrus *summa cap.* 27. *num.* 195. Emmanuel S^a *summa verbo irregularitas, in irregularitate ex bigamia num.* 4. & alij apud Sanchez *de bigamia*.

- 5 Minor autem difficultas est, an requiratur in copula illa seminis virilis emissio intra vas femineum; Quidam enim id negant, asserentes satis esse ad bigamiae irregularitatem vasis feminei absque seminis immisione penetrationem, ducuntur quod per eam copulam praesumat Ecclesia seminis emissionem, ac proinde matrimonium perfecte consummatum esse; Atque ideo existimant contrahi irregularitatem hanc per talem copulam, quia deficitur a perfecta sacramenti significatione, quoad externa. Ita Paludanus, Tabiena Vivaldus Henriquez *lib.* 11. *de matrimonio cap.* 15 *num.* 3. addens hunc in utroque foro esse bigamum, & alij apud Sanchez *lib.* 7. *de bigamia disp.* 83. *num.* 6. & ita haec pars est valde probabilis.

At probabilius Sanchez citatus, & alij ab eodem relati existimant non oriri bigamiam nec irregularitatem in foro conscientiae ex eiusmodi copula, sed tantum in foro externo ob praesumptionem perfectae copulae; Quare si haec res occulta esset, ac posset ille absque scandalo ad ordines promoueri, ea copula non obstar, nec dispensatione indigeret, utpote qui verè bigamus non est, quia in *dis. cap. Debitum de bigamis* expressè petitur coniugium commixtione corporum consummatum, sufficiens ad representandam coniunctionem Christi cum Ecclesia per Incarnationis Mysteriorum; At non est consummatum sola vasis penetratione, nec id matrimonium repraesentat unionem Christi, ut dixi, sed solum quando copula consumatur, ergo non inducit bigamiam, defi-

ciente seminis emissionē; Præterea quia hic non diuidit carnem suam in plures, ac si copula non interuenisset; non enim fit vna caro cum Vxore sic cognita, cum matrimonium minimè consumauerit, vt habetur in *cap. lex 27. quæst. 2. & cap. 2. de conuers. coniug.* & ita hanc partem sustinet idem Sanchez *loc. cit.* Borgasius de Irregularitate *par. 5. tit. de bigamis nu. 21. & 22. Vega primo tomo summa cap. 38. casu 4.*

- 6 Hinc deducitur contrahentem, aut habentem copulam cum ea, quæ corrupta est, non membro naturali viri, sed aliquo instrumento, vel cum membro virili non intromisso semine, minime effici Bigamum, aut irregularem; quod verè carnem suam in plures non diuiderit; quamuis aliqui DD. contrarium sentiant, dicentes satis esse eam feminam corruptam esse absque seminis effusione. Sanchez verò cum DD. citatis, inquit primam sententiam esse probabiliorē.

Similiter voluntariè polluta absque viri congressu est solum materialiter virgo, & illam ducens non est Irregularis; E conuerso violenter corrupta cum seminis immisione, est formaliter virgo, & tamen illam ducentem reddit bigamum. Idem dicendum quamuis femina verè virgo sit, quoad corpoream integritatem, si tamen virile semen ex concubitu, quacunque arte receperit intrà vas, id sufficeret ab bigamiam, quia ea copula matrimonium consumatur, & efficitur femina vna caro cum eo, cum quo concubuit. Non tamen erit bigamus, aut irregularis, si vxor aut femina, quam ducit sit sola copula extrà vas cognita, aut sodomiticè, vt docent Vinaldus *candelabro Sacramen. 2. par. disput. 21. num. 2. 23. & 25. & Sanchez loc. cit.*

- 7 Demum dubitatur, an matrimonium duplex contractum antè baptismum, vel vnum antè, & aliud postea, vel vnicum cum corrupta ante, vel post baptismum, vel cognouisse vxorem adulteram, & tandem omne illud matrimonium quod post baptismum contractum efficeret contrahentem bigamum, & irregularem, efficiat similiter, si ante baptismum in eatur.

Qua in re, magna orta est quæstio inter D. Augustinum, & D. Hieronymum, nam hic *Epistola 83. ad Oceanum, & refertur cap. 1. & 2. fin. quæst. 3. & in Epistola ad Titum cap. 1.* sentit ea matrimonia antè baptismum inita, non imputari ad hanc irregularitatem contrahendam; Idem insinuat *Glossa ordinaria in littera 1. ad Timotheum 3. Maioris 4. distinct. 27. quæst. 6. dub. ultimo.*

Ductus est autem D. Hieronymus, quod ea matrimonia iam baptizato non imputentur, quasi nouus homo per baptismum eff-

effectus sit. Secundò quia cum hæc irregularitas sit de Iure Pontificio inducta, non potest afficere Infideles. Et confirmatur quia priuatio supponit habitum, vt est commune Axioma dialecticum, Cum verò Infidelis sit incapax ordinis, erit quoque incapax irregularitatis, quæ priuationem habilitatis ad ordines suscipiendos importat. Tandem à pari; quando affinitas ex fornicatione consurgens non contrahitur ante baptismum; nec etiam impedimentum aliquod præstat matrimonio post baptismum, quia non enti, nequit inesse qualitas aliqua. *l. si seruum §. i. ff. de act. emp.*

In contrariam autem sententiam iuit *D. Augustinus in Epistola ad Titum, & de bono coniugali cap. 18. & refertur in cap. Acutius distinct. 26. & cap. fin. 28. quest. 3. & D. Ambrosius lib. 1. de officijs cap. ultimo, & refertur cap. penultimo distinct. 26. & penè vniuersi Theologi sequentes D. Thomam 4. distinct. 27. quest. 3. art. 2. & omnes DD. Iuris Pontificij cap. Gaudemus de diuortijs, cum Glossa in cap. 1. verbo post baptismum dist. 26. & cap. 2. verbo dispensare de bigamis. Et iam hoc est definitum ab Innocentio Epistola 22. cap. 2. & Epistola 2. cap. 5. & refertur cap. Deinde distinct. 26. & cap. si quis viduam il primo 34. distinct. Ibi: si quis viduam, licet laicus duxerit uxorem, siue ante baptismum, siue post baptismum, non admittatur ad Clerum, quia eodem vitio videtur exclusus. In baptismo enim crimina dimittuntur. Et cap. vna tantum distinct. 26. Ibi: in baptismo culpa dimitti potest; quare iam certum est, quod sicut omne illud matrimonium, quod propter significationis defectum reddit biganum, & irregularem, si post baptismum ineatur; impedire quoque antè baptismum initum, ne infidelis ille possit post baptismum susceptum promoueri ad ordines; Et ratio est manifesta, quod Ecclesia non induxit impedimentum hoc ad Ordines suscipiendos, in alicuius delicti pœnam, vt ea post baptismum vna cum delicto remittatur; Sed quia id matrimonium non est aptum ad significandam coniunctionem Christi cum Ecclesia; qui defectus æque inuenitur in matrimonio antè baptismum, ac post illum inito; sicut antè baptismum corrupta, non consecratur post illum instar Virginum; Vide præfatum cap. Vna tantum ultimo distinct. 26. Ibi: Intelligere debemus, quia in baptismo culpa dimitti potest, lex aboleri non potest; In coniugio non culpa, sed lex est, quod culpæ est igitur, in baptismo relaxatur, quod legis est, in coniugio non soluitur. Ità refert Sanchez lib. 7. de impedimentis disp. 65. num. 10. in fine & num. 11. & disp. 83. num. 8. & 9. vide Bonacinam de Irregularitate, & defectu Sacramenti, disp. 7. qn. 2. punct. 5. num. 13.*

De

De Bigamia Interpretatiua.

8 **Q**uare contrahatur Irregularitas ex Bigamia Interpretatiua. Bigamia interpretatiua ob id dicitur, quod a vera Bigamia partim deficit, partim verò illi assimilatur; deficit a vera, quod hæc contrahitur facta vera diuisione carnis, per dno consumata, & legitima matrimonia. At in interpretatiua non verè diuiditur caro in plures, sed ex quadam Iuris interpretatione, aut propter affectum contrahentis, qui duo contraxit, & consumauit coniugia, quamuis non validè vtrumque, aut saltem alterum; ac proinde ex parte suæ voluntatis, ac affectus carnem suam in plures diuisit.

Aut propterea quod cum per matrimonium consumatum efficiatur vna caro cum vxore, ducens viduam a priori viro cognitam, vel quamcunque corruptam, atque cum ea consumans; vel ducens Virginem, & post adulterium illam cognoscens, censeatur ex Iuris interpretatione carnem suam in plures diuisisse; propterea Vxor cum qua efficitur vna caro, in plures diuisit, nempe in ipsum Virum cognoscentem, & in eum, a quo aliàs cognita fuit, quare id matrimonium deficit a significatione matrimonij Christi cum Ecclesia, quod est vnus, cum vna intacta.

9 Hinc deducitur quatuor modis posse bigamiam hanc interpretatiuam incurri.

Primus, est quando quispiam duo init, & consumat matrimonia, alterum de Iure, idest validum; & alterum de facto, idest irritum, siue priori coniuge viuentem, siue defuncta.

Secundus est, quando duo init matrimonia de facto, idest ambo irrita.

Tertius est, quando ducit Viduam, a priori viro cognitam; vel per fornicationem corruptam, & cum ea consumat matrimonium.

Vltimò quando Virginem a se ductam, atque postmodum adulterij ream carnaliter cognoscit, de quibus modis est seorsim agendum.

Bigami omnes prædicti a promotione ordinum repelluntur, & sunt ipso Iure Irregulares. Assignant verò DD. quatuor causas ex Canonibus collectas; propter quas Bigami irregulares sunt, & ab Ordinibus arcentur, quas collegit Panormitanus in Rubrica prima de Bigamis.

Pri-

Prima est ex defectu Sacramenti; ex *cap. debitum de bigamis*. Est autem defectus Sacramenti sic; Bigamia enim non habet totam perfectionem matrimonij, quantum ad significationem, nam matrimonium signum est, non tantum unionis Animæ cum Deo per gratiam, & vnus Verbi cum natura humana, sed etiam unionis Christi cum Ecclesia. *cap. debitum de bigamis*, hanc tertiam significationem non habet Bigamia, nam unio Christi cum Ecclesia, est vnus cum vna, Bigamia autem est vnus cum pluribus, nempe vnus Vxoribus cum pluribus maritis successiue, aut vnus mariti cum pluribus Vxoribus; cum ergo Sacerdotis sit ministrare Sacramenta, meritò repellitur ab Ordinibus, is qui imperfectè recipit vnum Sacramentum, hac de causa Irregularitas hæc dicitur ex defectu.

Altera causa est, propter prærogatiuam Ordinis. *distinct. 26. Can. vna*, vt tanto Officio nemo accederet, qui imperfectione aliqua esset notatus.

Tertia est, quia præsumitur incontinens, qui pluries contrahit. *Can. proposuisti distinct. 82.* Bigamus enim quisque incontinentiæ argumentum habet.

Quarta est, quia Bigamus non potest faciliè ceteros hortari ad castitatem, & continentiam, quam de eo non præsumunt. *Can. vna distinct. 26.* Hæ sunt causæ propter quas Canones a Promotione, & Ordinum exercitio repulerunt Bigamos, quamuis non sint omnes hæ causæ simul in singulis Bigamis, vt in sequentibus manifestabitur.

Primus ergo modus, & secundus Bigamiæ Interpretatiuæ sunt, quando quis duo init matrimonija irrita, vel saltem alterum irritum, & alterum validum; neuter modus inuenitur in Iure expressus, sed vtrumque colligunt DD. ex ratione tradita in *cap. Nuper in fine de bigamis*, vbi sermo habetur de Clerico, qui autem sacrum ordinem matrimonium contraxit, atque in eo iam constitutus aliud iniit, atque deciditur cum tanquam Bigamum reputandum, non propter Sacramenti defectum, cum saltem posterius matrimonium irritum fuit, sed ob intentionis affectum ad duo matrimonija cum opere carnali subsequuto; & ex parte sua vtrumque contraxit, licet obstante Ordine sacro, posterius fuerit irritum; atque sic contrahens, erit ex Iuris interpretatione Bigamus & Irregularis.

Atque ideo priorem modum quando vtrumque matrimonium est irritum, affirmant ex Theologis *Ricardus 4. distinct. 27. art. 4. quest. 3. ad primum*. ibi *Paludanus quest. 4. art. 2. num. 10. Sotus quest.*

quæst. 3. art. 1. Col. 4. Nauarrus in summa cap. 27. num. 195. & alij.

Posteriorem autem modum, uimirum quando alterum matrimonium est validum, alterum autem irritum, siue simul, siue successiue inita sint, docent ex Theologis D. Thomas 4. distinct. 27. quæst. 3. art. 1. quæstiuncula prima, in corpore, & ibi Durandus qu. 4. num. 7. Maioris quæst. 6. paulo post principium, & alij apud Sanchez lib. 7. de imped. disp. 84. num. 3. de bigamia.

Hinc deducitur Irregularem esse, qui vera Vxore nondum cognita, eaque superstite ad aliud de facto matrimonium transit, illud consumans, si postea coactus ab Ecclesia redire ad legitimam Vxorem, eam carnaliter cognoscat, quod ex tunc verificetur huic duo iniisse, ac consumasse matrimonia, alterum de Iure, alterum de facto. ita D. Thomas 4. distinct. 27. quæst. 3. art. 1. Astensis 2. par. summa lib. 6. tit. 7. art. unico quæstiuncula 2. apud Sanchez loc. cit. num. 4.

Tertiùs modus bigamiæ interpretatiùs est, quando quis unicuique matrimonium cum Vidua contrahit, dummodo sit a priori Viro cognita. Can. curandum distinct. 34. & cap. 2. de bigamis, siue eam duxerit autè baptismum, siue post, ut habetur Can. si quis Viduam distinct. 34. in quo præponitur sententia Augustini opinioni Hieronymi, ut supra dixi. Si tamen Vidua remansit virgo, qui cum ea contrahit non est irregularis, ut patet cap. debitum de bigamis. Et si aliquis duxerit Viduam cognitam, tamen ipse non cognouit, non fit Irregularis, hoc deciditur ex eodem cap. debitum; ut expressè docent Panormitanus. cap. super eo de bigamis num. 7. & Turcremata Can. si quis viduam distinct. 34. & est communis sententia ut dicit Toletus de bigamia cap. 60.

Sicnti etiam, quando quis ducit corruptam ab alio, etiamsi semel celebret nuptias, censetur Bigamus, & est Irregularis. Can. Qui in aliquod distinct. 51. & Can. Curandum est distinct. 34. hoc autem debet intelligi, quando cognouit eam, aliter enim non censetur irregularis; ut notat Panormitanus cap. super eo de bigamis, num. 7. Vbi notat idem Panormitanus, etiamsi ignoranter eam cognouerit, censetur irregularis. Vnde qui ducit aliquam putans Virginem, & corrupta est, eamque cognouit ignoranter, Irregularis est. Idem affirmant Glossa cap. Nemo distinct. 32. Toleus loc. cit. Ignorantia enim non excusat a bigamia, cum non efficiat, quin caro illius feminæ in plures diuisa fuerit. Bonacina de Irregularitate ex defectu Sacramenti disp. 2. quæst. 2. punct. 5. num. 10. Nauarrus cap. 27. num. 195. & alij communiter.

10 Sciendum, tunc dici Polygamiã quando simul plures habentur

tur Vxores. Bigamiam verò propriam, & veram esse, quando plures Vxores successiue habentur, quando scilicet mortua prima, ducitur secunda. *Bonacina de impedimentis matrimonij qn. 3. punct. 10. num. 1.*

- 11 Rogabis, cur Ecclesia statuerit illum esse Bigamum, vel irregularem, qui contraxit cum fœmina ab alio cognita; non esse verò bigamum, qui contrahit matrimonium cum virgine, licet ipse sæpius fornicatus sit.

Respondetur, hoc statutum fuisse ab Ecclesia, tum quia defectus virginitatis in Sponsa arguit maiorem indecentiam, quam in Viro, est enim ignominiosum ducere fœminam fornicariè cognitam ab alio, sicut etiam ignominiosum videtur contrahere cum scenica, idest publica fabularum actrice, & ob id contrahens cum ea est Irregularis, etiamsi illa Virgo fuerit. vide *Can. si quis 115. distinct. 34.* Contrahens enim cum vili persona, similis illi efficitur.

Tum quia sicut motus non specificatur a termino a quo, sed a termino ad quem; Ità etiam matrimonium, non specificatur ab ipsomet contrahente, qui sæpius fornicatus est, sed ab altero contrahente ad quem terminatur, qui est fœmina, cuius caro sæpius diuisa est, vnde si fœmina esset capax Ordinum fieret bigama ducendo Virum fornicarium, sicut ipse Vir fit bigamus contrahendo, & consumando matrimonium cum ea, quæ fuit ab alio carnaliter cognita. *Suarez sec. 3. num. 9. Sayrus cap. 4. nn. 13. Filiuccius num. 117. Bonacina de Irregularitate disp. 7. quæst. 2. punct. 5. num. 7. & alij communiter.*

- 12 Additur, multiplicatas fornicationes, vel adulteria ex parte Viri non parere bigamiam, nam ad incurrendam Bigamiam non sufficit quælibet ex parte viri, sed requiritur vt copula habeatur cum ijs, cum quibus contraxit matrimonium, matrimonium enim est illud, quod significat coniunctionem Christi cum Ecclesia, quam non significat fornicatio. *cap. Acutius 28. quæst. 3.* Quo circa ille non dicitur Bigamus, qui post multas fornicationes cum alijs fœminis, etiam Viduis commissas; contraxit, & consumauit matrimonium cum Virgine. *cap. Quia circa de bigamis;* consequenter bene ait *Vgolinus, Reginaldus, & Sanchez Presbyterum* qui plures Concubinas habuit, non ligari irregularitate bigamiæ *Bonacina loc. cit.*

- 13 Insuper additur, illum non esse bigamum, qui cum fœmina, Vidua, vel corrupta contraxit matrimonium inualidum, ob ali-quod impedimentum dirimens; Ratio est, tum quia existente,

matrimonio inualido, nulla est significatio, seu defectus significationis, tum quia non est expressum in Iure hunc esse Bigamum, ità *N. Marrus cap. 27. num. 195.*

- 14 Neque ad Irregularitatem Bigamiæ sufficit copula nefanda, tum quia hæc non significat coniunctionem Christi cum Ecclesia, tum quia ex nullo titulo apparet hanc esse Bigamiam. ità ait. *Vgolinus loc. cit. §. 1. nu. 5. & alij communiter.*
- 15 Ex dictis colligi potest, ad Bigamiam duo requiri, primò vt matrimonium cum duabus contrahatur verè, aut Interpretatiuè, aut similitudinariè. Secundò requiri copulam actualem; Nam matrimonium ratum, significat vnionem Verbi cum Ecclesia per gratiam; Consummatum verò significat coniunctionem Christi cum Ecclesia per Incarnationem. Bigamia verò inducta est quatenus matrimonium cum duabus consummatum non perfectè significat coniunctionem Christi cum Ecclesia, per mysterium Incarnationis.
- 16 Præterea addo, multiplicitatem matrimonij rati, non dum consummati, non inducere Bigamiam, consequenter illum non esse Bigamum, qui contraxit cum vna, eaque mortua ante consummationem matrimonij, nouum matrimonium contraxit cum virgine, & cum ea copulam consumauit, nullo enim titulo est Bigamus: vt patet ex *cap. Debitum de bigamis*; Sicut non est Bigamus qui ducit eam in vxorem, quæ contraxerat matrimonium cum altero, morte præuento antè consummationem matrimonij. *cap. ultimo distict. 34.* Ratio est, quia deficit carnis coniunctio.
- 17 Tunc dicitur matrimonium consummatum, quando femina recipit semen intra vas debitum, quouis modo receperit. Ità *Vasquez Sanchez disp. 83. Toletus lib. 1. cap. 61. & 62. Bonacina loc. cit. & alij communiter.*
- 18 Etiam multiplicata sponsalia non inducere bigamiam, etiam si subsequuta sit copula, quia sponsalia coniuncta cum copula, non significant coniunctionem Christi cum Ecclesia per incarnationem, sicut significat matrimonium consummatum, inquit *Valentia tom. 4. disp. 7. & 19. punct. 5. colum. 1437. & alij communiter.*
- 19 Dico, illum etiam esse bigamum, qui post separationem a sua Vxore adultera, reconciliationem cum ea iniit, eamque post reconciliationem carnaliter cognouit. ità *Couarr. in Clemens. si furiosus 1. p. §. 2. num. 2. Reginaldus num. 83. Bonac. loc. cit. & alij.* Et hoc verum est etiam si debitum reddiderit de mandato Iudicis, adhuc enim deficit significatio. ità *Maiolus lib. 1. cap. 32. num. 7. Suarez disp. 49. sec. 3. num. 17. & DD. communiter apud Sayrum cap. 4. num. 20.*

Et

Et idem dicendum est quamvis scēmina sit vi præcisa cognita ; illam enim ducens , aut etiam ductam virginem , cognoscens post adulterium violentum , efficitur Irregularis & Bigamus , quamvis enim illa vis præcisa excuset scēminam a culpa , tamen non efficit warrimonium illud esse aptum ad significandam coniunctionem Christi cum Ecclesia ; atque ita docent *Glossa cap. Nemo , Verbo Virgo distinct. 32. Turrecrem. Henriquez lib. 12. de matrimonio cap. 6. num. 19. & alij apud Sanchez lib. 7. de impedim. disp. 34. num. 15. in fine .*

20 Ultima difficultas an ducens scēminam a se solo defloratam efficiatur Irregularis .

Duplex est sententia . Prior affirmat , deducitur ex *cap. Qualis 30. quæst. 5.* quod est ex Leone Papa , ibi de Sponsa habenda , ne quispiam Bigamus efficiatur , sic dicitur qualis debeat esse Vxor , quæ habenda est secundum legem ; Virgo , Casta , & desponsata in Virginitate . Et *cap. unico de Clericis coniugatis in 6.* Ibi qui cum vnicis , & Virginibus contraxerunt , ubi clarè petitur virginitas Vxoris , tempore initi matrimonij , etiam in præsentī casu in hac deficit , cum reuera adsit corruptio tempore , consensus , & consumationis matrimonij , consequenter per id matrimonium non possunt significari nuptiæ inter Christum , & Ecclesiam ; alias etiam rationes DD. adducunt apud Sanchez , ergo nequit efficere , ut ducens corruptam a se , non sit Bigamus .

Posterior sententia cui adhæreo , tenet hunc non esse Bigamum & irregularem . Probatur , quia irregularitas ducentis corruptam idē contrahitur , quod cum scēmina , cum qua vir efficitur vna caro , diuiserit carnem suam in plures , censetur etiam virum diuisisse ex Iuris interpretatione , quod hic nullatenus reperitur ; Vxor enim non diuisit carnem suam in plures , cum ab vno solo cognita fuerit ; Præterea quia matrimonium illud retrotrahitur purgans præcedens vitium . *Cap. Tanta , qui filij sint legitimi* , atque ita perinde est , ac si a principio quauo ipsam Virginem deflorauit , duxisset ; Et argumenta contraria non obstant , nam hi textus petunt virginitatem in Vxore tempore initi matrimonij , ad hunc sensum , ut ea non sit ab alio corrupta ; Et idē hanc sententiam tuentur ex Theologis *D. Thomas 4. distinct. 27. quæst. 3. art. 1. & multi DD. apud Sanchez loc. cit. num. 13.*

De Bigamia similitudinaria.

- 21 **Q** Valiter incurratur Irregularitas ex Bigamia similitudinaria, eo quod in sacris constitutus, aut Professus Vxorem ducat.

In hac difficili questione primò sermonem habeo de Clerico in sacris constituto, & deinceps de Professo.

Et quidem non cadit in dubium, quin Clericus in sacris constitutus Viduam cogitam a priori Viro, Vxorem ducens, ac cum illa consumans, efficiatur Irregularis, id enim expresse deciditur. *cap. finali de bigamis*, vbi dicitur, hunc non esse propriè Bigamum, quod de facto matrimonium, idque irritum inierit, & sic non defecerit a significatione Sacramenti matrimonij; sed ob affectum intentionis ineundi matrimonij, cum opere carnali subsequuto, esse irregularem instar Bigami. *DD proxime citandi.*

- 22 Dubium autem est de Clerico in sacris constituto virginem ducente, an sit Irregularis.

In hoc casu varij varia dicunt; At verius est, incurri hanc Bigamię similitudinarię irregularitatē a constituto in sacris, quamvis cum vnica & virgine contrahat; Probatur ex *cap. primo qui Clerici vel vouentes*, vbi de Diacono qui Vxorem accepit, dicitur posse Episcopum cum ipso, post peractam penitentiam dispensare, vt Diaconi officium exequatur; Et *cap. 2. eodem tit. de Subdiacono qui matrimonium inijt*, deciditur, vt si ad Religionem transeat, concedat ei Episcopus ascensum ad ordines superiores; quod si transire nolit, minimè permittat, cum in Subdiaconatu ministrare, nec ad alios ordines promoueri, sed solum in minoribus ministrare; Ratio autem huius similitudinarię Bigamię ea est, quia hic post matrimonium similitudinariū initum cum Christo, per votum solemne Castitatis ordini adnexum, de facto ad alias nuptias transiit, eas consumans copula, ac etiam propter affectum ad duplex matrimonium, cum opere subsequuto; idest cum copula. *Sanchez lib. 7. disp. 85. num. 2. de bigamia.*

Id autem tanquam fundamentum in quauis Bigamię specie statuendum est, nullam Bigamię speciem contrahi, nec ratione illius irregularitatem, quęcunque matrimonia incantur, & cum femina cuiusvis status, nisi carnalis commixtio in illis matrimonijs intercedat, vt expresse definitur in *cap. Debitum de bigamis* de contrahente duo matrimonia, vel cum Vidua; Si enim non sit
in

in utroque coniugio copula, non est Bigamia. Et similiter decernitur ibi, contrahentem cum Vidua a priori Viro non cognita, minimè esse irregularem, quamvis cum illa consumeret, & similiter si contrahat cum Vidua a priori Viro cognita, vel qualitercunque corrupta, si cum illa copulam non habeat, non est Irregularis. *cap. fin. distin. 34.* quod est ex Pelagio Papa, & ratio redditur in *dic. cap. Debitum*, quod matrimonium copula non consummatum minimè sufficiat ad significandum matrimonium Christi cum Ecclesia per Incarnationis mysterium contractum, nec vir ille dicatur carnem suam in plures diuisisse. docent *D. Thomas 4. distinct. 27. quæst. 3. art. 1. qu. 1. ad 3. & alij apud Sanchez lib. 7. disp. 83. num. 4. de impedimentis.*

- 23 Dicendum est idem prorsus de Professo ad nuptias transeunte, quod dictum est de Clerico in sacris constituto, quia eadem similitudo Bigamiz reperitur in Professo, cum post matrimonium similitudinarium per professionem cum Christo initum, affectet aliud matrimonium contrahere. Et hoc colligitur ex *cap. Quot quot 27. quæst. 1. communiter DD.* ita illum textum intelligentes; Ibi: quotquot virginitatem pollicitam præuaricatæ sunt professione contempta, inter Bigamos, idest qui ad secundas nuptias transierunt, haberi debent; ubi licet sermo sit de scæminis, quæ nec inter Virgines consecrabuntur; *Glossa in eodem cap.* Id à fortiori in viris procedit, atque ita esse irregularem hunc ex bigamia similitudinaria, quamvis unicam & virginem ducat, & consumans ait *Sanchez lib. 7. de impedimentis disp. 85. nu. 8. & alij quos ipse citat.*

Et *Nauarrus cap. 27. num. 195.* inquit: similitudinaria est, quam incurrit ordine sacro insignitus, vel voto solemnè adscriptus cum aliqua etiam vnica contrahens, & consumans. *cap. Quotquot citato & cap. fin. de bigamis*, licet illa sit Virgo.

Dixi ordine sacro insignitus, vel voto solemnè adstrictus, ad significandum quod nec laicus, nec minoribus tantum initiatus contrahens cum Vidua, siue corrupta inualide, siue nulliter propter aliquod impedimentum efficitur irregularis; ut in Sacra Penitentiaria conclusum fuit; tum quia nullo Iure id cauetur; Et irregularitas non contrahitur, nisi in casibus a Iure expressis. *cap. Is qui de sententia excommunicationis in 6. & clarius infra dicam. num. 30.*

- 24 An Bigamiz Irregularitas tollatur per ingressum Religionis, & aliz Irregularitates.

Quamvis *Anton. cap. fin. num. 9. de bigamis*, & ibi *Abbas nu. 2. sen-*

sentire videntur bigamiae irregularitatem contractam ante Religionis professionem deleri hac emissa, secus si postea contracta sit; Alij diuersa dicunt. Tamen vera sententia est, nullam deleri irregularitatem, præterquam in casibus in Iure expressis, nimirum quando oritur ex defectu natalium, idest eo quod quispiam illegitimus sit; constat quia *cap. primo de filiis Presbyterorum*, tanquam quid speciale decernitur tolli hanc irregularitatem defectu natalium, & quidem non omnino, sed quoad ordines suscipiendos, manente dignitatum incapacitate; Ergo secus est in alijs irregularitatibus, quas tolli non est in Iure expressum. Fautentur tamen DD. huius sententiæ, professionem Religionis præbere causam facilioris dispensationis; ita Sanchez lib. 7. de impedimentis disp. 86. num. 2. & 3. qui citat multos DD. in fauorem huius sententiæ.

25 Quis possit in Bigamia dispensare.

Resp. In quacunque bigamia potest Papa dispensare; Ratio est, quia Papa potest dispensare in ijs, quæ sunt de Iure humano, bigamia autem est de Iure humano. Nauarrus cap. 27. num. 197. S. Thomas lib. 4. distin. 27. quæst. 3. art. 3. quem sequitur Ancher. in cap. 1. de bigamia, & Rota decis. 447. affirmat in omni bigamia, posse Papam dispensare, cum sit de Iure humano, & licet fuerit inducta a S. Paulo cap. Lector cum Glossa distin. 34. dicente Episcopum debere esse vnus Vxoris Virum 1. Thimoth. 3. Ad hoc respondetur Apostolum fecisse hoc præceptum, tanquam Episcopum particularem, non verò promulgasse illud tanquam Apostolum, & conditum a Deo; Quamuis in vera bigamia non soleat sine magna causa, ordinaria potestate dispensare, iuxta Rotam in prædicta decis. 447. In interpretatiua verò & similitudinaria solet, & iuste potest cum iusta causa. Nauarrus loc. cit.

26 Præterea nemo alius (nisi quatenus illi concedatur a Sede Apostolica) potest dispensare in bigamia vera, & interpretatiua ad suscipiendos Ordines Sacros, vel ad vsum susceptorum; iuxta omnes cap. super eo de bigamis. Immo hoc tempore Episcopum non videtur posse cum bigamis dispensare non solum ad suscipiendos Ordines Sacros, vel ad vsum susceptorum, verum neque ad minores, vel ad primam Tonsuram, vel ad beneficium etiam simplex, vt colligitur ex Trident. sess. 23. cap. 17. ad finem. Idemque expressè declarauit S. Card. Congreg. apud Garziam 7. par. cap. 6. nu. 5. contra sententiam nonnullorum DD.

27 In bigamia verò similitudinaria occulta, Episcopus dispensare potest cum eo qui contraxit cum Virgine, Iure sibi hoc concedente.

te . cap. 1. cum Glossa, qui Clerici vouentes . *Nauar. cap. 27. nu. 197. in fine.* Abbates verò, & alij Superiores Religiosi non possunt dispensare, nisi habeant specialia priuilegia . *Bonacina de Irregularitate disp. 2. quæst. 2. punct. 5. num. 15. in fine qui multos DD. citat.* Hoc autem est obseruandum, Episcopum posse dispensare in irregularitatibus similitudinarijs, quæ ex peccato procedunt, si occultæ sint in iusceptis, & in suscipiendis iuxta formam *Concil. sess. 24. cap. 6. de reformat. Toletus cap. 62. num. 7. in fine. Sanchez lib. 7. de imped. disp. 86. num. 23.*

- 28 . Quæres vtum Bigamus, qui Ordinibus fuit initiatus absque dispensatione, gaudeat priuilegijs Clericorum .

Resp. Gaudere, si est initiatus Ordine Sacro; Ratio est, quia non potest viuere vt laicus, ergo debet viuere vt Clericus, & consequenter gaudere debet priuilegijs Clericorum . Secus dicendum est si est initiatus solum minoribus ordinibus, hic enim priuatus est omni priuilegio Clericali, vt patet ex cap. *Vnico de bigamis in 6. vide Vgolinum §. 5. num. 3. Sayrum cap. 5. num. 2. Filiuccium qu. 11. Suarez. sect. 5. nu. 4. & seq. Bonacina loc. cit.*

- 29 . An ad impetrandam bigamiæ dispensationem sit opus explicare ternas, vel quaternas nuptias interuenisse, & quid si concurrant simul duæ, vel tres species bigamiæ, scilicet veræ, interpretatiuæ, & similitudinariæ .

Tandem obseruandum est, in impetratione dispensationis bigamiæ, non esse necessariam mentionem ternarum, vel quaternarum nuptiarum, aut vltiorum, sed satis esse referre binas nuptias, quia nullus textus trigamiam meminit, sed solum bigamiam . Præterea, quia adeò incapax est ordinis suscipiendi, ac representandi coniunctionem Christi cum Ecclesia Trigamus, ac Bigamus; Item Iudex Reos morti tradens irregularis est sine peccato, imò quamuis cum merito contrahatur, tamen non est opus in dispensatione impetranda, vt mentionem faciat de illis, sed satis est dicendo se morte damnasse hominem . Et ita docent *Nauarrus lib. 1. Consiliorum titulo de bigamis, in vtraque editione, & toto Consil. 2. Henriquez lib. 12. de matrimonio cap. 6. num. 9. Sanchez lib. 7. de imped. disp. 86. num. 24.*

Tamen necessariò facienda est mentio, quando sunt diuersæ species bigamiæ, scilicet vera, vel interpretatiua, vel similitudinaria, vel si simul concurrant, quia sunt diuersæ species, vt si duo quispiam init matrimonia valida, & alterum cum corrupta, tunc adesset bigamia vera, ratione duplicis matrimonij, & interpretatiua, eo quod alterum cum corrupta fuerit contractum, & sic in reli-

reliquis casibus, in quibus plures species concurrerint; nam omnium mentio facienda est, vt in matrimonio quando ad sunt impedimenta consanguinitatis, & affinitatis concurrentia, vel plures consanguinitatis gradus, mentio de omnibus facienda est, vt diximus. *Sanchez lib. 7. de imped. disp. 86. num. 24.*

- 30 Quæsitum dignum, & notabile, de quo aliàs interrogatus fui, vt certior essem de mea sententia, nuper consului Sac. Pœnitentiariam, hoc modo videlicet.

Episcopus cuiusdam Ciuitatis consulit eruditissimos, & Sapientes Sac. Pœnitentiariæ Patres, vt dignentur sibi significare, quomodo se gerere debeat in sequenti casu.

Quidam Iuuenis in sua Diœcesi accepit Vxorem Viduam, & diu cum ea vixit, postea apparuit esse inter se consanguineos in quarto gradu consanguinitatis, miserunt Romam pro dispensatione, & interim eius Vxor mortua est, antequam Papa dispensasset; Talis Iuuenis nunc petit fieri Sacerdos. Queritur an sit bigamus, & possit initiari Sacris Ordinibus absque Summi Pontificis dispensatione; humillimè deprecando de rescripto.

His verbis in Signatura conclusum fuit. NON INDIGERE, IVXTA NARRATA-Ratio est quia, ea quæ ab initio non valent, tractu temporis conualescere non possunt, hoc autè matrimonium ab initio irritum fuit, propter impedimentum dirimens consanguinitatis. Neq; obstat tempus, neque filij ab eo geniti, neq; bona fides, cum in hoc matrimonio putatiuo neque adsit bigamia vera, neque interpretatiua, nec similitudinaria; Tum quia nullo Iure id caueatur; Et irregularitas non contrahitur nisi in casibus a Iure expressis *cap. Is qui de sententia excommunicationis in 6. vide Nanarrum in manuali cap. 27. num. 195.* qui dicit quod fuit aliàs decisum, ac idem *Nanarrus lib. 1. titulo de bigamis, in toto Consilio 1.* Et rescriptum præfatum penès me seruetur.

- 31 Minor autem difficultas est, an filij nati ex præfato matrimonio putatiuo, sed inualido ob impedimentum occultum dirimens, censeantur legitimi, dum vterque contrahens, bona fide, ex ignorantia impedimenti contraxit in facie Ecclesiæ, scilicet coram Parocho, Testibus & denunciationibus præmissis.

Respondeo legitimos esse, consequenter non esse Irregulares. *cap. Pernenit, & cap. Ex tenore qui filij sint legitimi. ita DD. communiter.*

Quamuis *Suarez disp. 50. sect. 1. num. 11. Filiuccius num. 132.* putant, id verum esse solum dum vterque bona fide contraxit, vt in casu nostro: Sed etià verius satis esse si alter tantum sit in bona fide

fide, ut constat ex dic. cap. *Ex tenore*, tum quia sic etiam colligitur ex cap. *Peruenit citato*, ubi iudicatur legitima quædam foemina, eo quod orta fuit ex matrimonio legitime contracto, ubi in summa eiusdem cap. *babetur*, ad dicendum prolem illegitimam, non sufficit probare impedimentum matrimonij si fuit in facie Ecclesiæ contractum. Et ex cap. *Ex tenore citato*. Ibi ignaram, ubi asseritur filium susceptum ex Vidua, in matrimonio copulata cum Viro aliam Vxorem habente, censi legitimum, quia ipsa inscia erat Coniugij, & matrimonium celebratum fuit in facie Ecclesiæ. Confirmatur etiam ex l. Regia 3. tit. 3. par. 4. & l. 1. tit. 3. eadem parte. Et ratio est vrgentissima, quod Proles quæ nihil mali gessit iure optimo ratione bonæ fidei alterius parentis, sit plene legitima, Iuraque omnia legitimæ Prolis sortiatur. Sanchez lib. 8. de dispensat. disp. 34. num. 46. Bonacina de Irregularitate disp. 7. qu. 2. punct. 3. num. 3. ubi alios DD. citat.

P A R S XVIII.

De Fornicatione simplici, & Concupinatu.

Q V Æ S T I O XXXVII.

S Y M M A R I V M.

- 1 Quot sint species luxuriæ.
- 2 Quid sit simplex fornicatio.
- 3 An fornicatio sit peccatum mortale.
- 4 An liceat permittere Meretrices.
- 5 An peccent locantes domum Meretricibus.
- 6 Vtrum excusentur famuli comitantes herum eantem ad Meretricem, aut comitantes concubinam.
- 7 An absolui possit Concupinarius antequam eiciat concubinam.
- 8 An absolui possit filius familias, qui in domo patris retinet concubinam.
- 9 An sit deneganda absolutio Adolescenti, qui ex carnis fragilitate sæpius committit pollutionem.

- 10 *Quandonam aliquis absolui possit antequam relinquat occasionem peccandi.*
 11 *Quando fornicatores absolui possint.*
 12 *Vtrum Maritus qui incepit copulam cum Vxore, possit ab ea desistere antequam ipse, & Vxor seminauerit.*
 13 *Vtrum fornicans possit desistere ab inchoata copula.*

1 **S**pecies luxuriæ sunt septem, nempe fornicatio, Adultèrium, Incestus, Stuprum, Raptus, Sacrilegium, & peccata contra naturam. *D. Paulus ad Galatas*, inquit, qui talia agunt, Regnum Dei non possidebunt, & *1. ad Corinth. 6.*

2 Fornicatio simplex est concubitus soluti cum soluta; ita communiter. Soluti dicuntur, qui sunt liberi a Coniugio, a voto, ab Ordine Sacro, a Religione, Professione, & a Cognatione.

3 Vtrum Fornicatio sit peccatum mortale.

Resp. Affirmatiue, tum quia hoc aperte habetur ex *D. Paulo ad Corinth. 6.* tum quia valde repugnat rectæ rationi, & Inri naturali, & est contra bonam educationem, & institutionem *Protilis*. ita *Grassius 1. par. lib. 2. cap. 7. Lessius lib. 4. cap. 4. dub. 7. Filiuccius tract. 30. num. 39. & alij communiter*:

Ex dictis sequitur, fornicationem nunquam licitam esse, quia est intrinsecè mala, sicut Mendacium, & Periurium.

Dices; Dominus præcepit *Osea Propheta cap. 1.* vt sibi sumeret Vxorem fornicationum, & filios de fornicatione susciperet; Ergo signum est fornicationem non esse peccatum, alioquin Deus hoc non præcipisset *Oseæ*.

Respondeo Primò, ex hac obiectione ad summum sequi fornicationem fieri posse licitam dispensatione Diuina. iuxta *Durandum 4. distinct. 33. qu. 2. nu. 10.*

Respondeo Secundò, Deum præcipisse *Prophetæ*, vt sumeret illam, quæ antea fuerat fornicaria, vt de impudica fieret pudica, & honesta; Quisque enim solutus potest sibi ducere in Vxorem meretricem, & meretur, retrahendo illam a peccato.

Respondeo Tertiò, cum *Nicolao de Lyra* Vxorem dici fornicariam, eo quòd esset mulier gentilis, quæ dicebatur fornicaria ob fornicationem spirituales, idest propter Idolatriam; Et ex his omnibus responsionibus constat ex illa obiectione non inferri fornicationem esse licitam. *Bonacina de his, quæ pertinent ad vsum matrimonij de fornicatione qu. 4. punct. 14. nu. 3.*

4 Vtrum liceat Principibus permittere meretrices in aliquo loco Ciuitatis.

Resp.

Resp. Affirmatiuè; Ratio est, quia etiam Deus perimitit aliqua mala, vt vitentur maiora. *D. Thomas 2. 2. qu. 100. art. 2. quem omnes sequuntur. Bonac. loc. cit.*

5 Quæres vtrum locantes domos meretricibus excusari possint a peccato.

Resp. Affirmatiuè, etiamsi eas possint alijs commodè locare, modò locent ad habitandum, non ad meretricandum; Ratio est, tum quia vtuntur Iure suo, nullus autem peccat, vtendo Iure suo, tum quia non censetur cooperari peccato illorum, nam locus se habet extrinsecè, & remotè ad peccatum, cum ex loco non soleat sumi occasio peccandi, vt ait *Valentia tom. 3. disp. 5. qu. 20. punct. 5. fol. 1133. & qu. 21. punct. 4. fol. 1171. Lopez, Azorius, Lessius, Nauarrus autem cap. 20. num. 15. ait, præsertim quando locantur in ea parte Ciuitatis, vbi permittuntur habitare.*

Prædicta Doctrina limitanda est, modò in domo quæ locatur non sit aliqua specialis commoditas, & aptitudo ad peccandum ratione situs, aut alterius causæ; Et modò inde non immineat aliquod graue detrimentum personis honestis, quæ domos vicinas inhabitant, intelligendo quando locantur intrà Ciuitatem. In his enim casibus non licet locare domos meretricibus absq; graui causa: vt inquit *Sanchez in summa lib. 1. cap. 7. num. 20. Lessius lib. 2. cap. 14. num. 39. Vitandum enim est semper proximi scandalum, & damnum. Bonac. loc. cit.*

6 Vtrum excusari possint famuli comitantes herum euntem ad meretricandum.

Resp. Possè excusari famulos comitantes herum, quando non possunt ab huiusmodi comitatu desistere absque graui damno; Ratio est, tum quia vtuntur Iure suo, tum etiam quia id faciunt sine vilo consensu in peccatum, quoniam non inducunt, neque, iuuant directè ad illud; Sicut etiam famuli ministrantes mensæ Concubinariorum. Iuuantes Concubinam ad se ornandam.

Et Opifices qui calceos, Sandalia, vel vestes vendunt meretricibus. *Nauarrus cap. 20. num. 16. Azorius 2. par. lib. 12. cap. 18. qu. 8. Sanchez loc. cit. & alij apud Bonacinam de iis quæ pertinent ad vsum matrimonij qu. 4. punct. 14. num. 6.*

Aliter dicendum, si famulus submissis humeris scienter adiunget herum suum ascendere per fenestras ad stuprandam virginem, vel eidem deferuit deferendo scalam, aperiendo ianuam, aut quid simile cooperando, peccat enim mortaliter; & ratio est quia directè inducit, & iuuat herum ad peccatum illius virginis, vel alterius formine, etiamsi id faciat metu notabilis detrimenti, vt pu-

ra ne a Domino malè tractetur, ne toruis oculis aspiciatur, ne domo expellatur; Aliter afferendo, incideretur in excommunicationem Sedi Apostolicæ reservatam, cum sit vna de propositionibus damnatis ab Innocentio XI. num. 51.

- 7 Quæres, an Confessarius possit absolvere pœnitentem antequam dimittat concubinam, quam domi retinet.

Respondetur; Pœnitentem regulariter non esse absolvendum, antequam dimittat concubinam, seu quamdiù persistit in proxima occasione peccandi, quam tenetur statim euitare, & quam potest relinquere; Ratio est, quia quamdiù pœnitens non dimittit concubinam, seu quamdiù persistit in proxima occasione peccandi, non censetur habere sufficientem dolorem, & propositum vitandi peccata in futurum, & sic non potest absolui. *Coninchus disput. 8. de pœnitentia dub. 18. num. 134. Filiucci tract. 30. cap. 2. num. 56. & alij communiter.*

Dixi regulariter, nam si quis retiner domi Ancillam, cum qua primo Anno ter, vel quater repentina libidine correptus rem habuit; sed modò cum magno dolore & firmo proposito accedit, & cum Dei auxilio sperat fore, vt non amplius relabatur; absolui potest inquit *Grassius lib. 1. decisionum cap. 28. n. 13. & alij citati à Bonacina loco citato num. 12. eodem titulo;* Verum tamen, est magnam prudentiam opus esse in Confessario, ne absolutionem impendat indigno. Sed si talis sequenti Anno. cum eadem peccauerit, esset recidiuus, & sic non erit absolvendus, nisi cessante causa peccati expellendo eam a domo sua.

Dixi, seu quamdiù persistit in proxima occasione peccandi, quia persistenti solum in remota occasione non est deneganda absolutio, alioquin absolutio deneganda esset omnibus, cum omnes existant in occasione remota, qualis est Valerudo, Diuitiæ, Confanguinei &c. aut necesse esset migrare ex hoc mundo in quo quid quid est, potest esse occasio peccandi, ita communiter DD.

- 8 Hinc colligi potest, filium familias, qui de domo patris non expellit seruam, cum qua peccare solet, posse absolui, modò habeat firmum propositum non peccandi amplius in futurum, & promittat se non amplius solum cum sola conuersaturum, & rogare eam, vt idem faciat; & Ratio est, quia hæc non dicitur occasio voluntaria respectu filij familias, qui non est sui iuris; quamquam omninò expedit, peccatum idem sepè committentibus differre absolutionem. Ita *Grassius loc. cit. num. 12. Lopez prima parte cap. 78.*

- 9 Colligi etiam potest, Confessarium non cogi ad denegandâ ab-

so-

olutionem adolescenti, qui sæpius in mollitiem incidit, ex carnis fragilitate, nam huiusmodi occasio non censetur voluntaria, cum adolescens non possit illam expellere; Verumtamen est, Confessarium debere salutes pœnitentias iniungere; Præterea debere aliquando disferre absolutionem, ut pœnitens cum maiori proposito proponat euitare huiusmodi turpia peccata. *Coninchus de pœnitentia disput. 8. dub. 17. num. 134. Henriquez lib. 12. cap. 6. litt. M.*

- 10 Quando nam quis absolui possit, antequam relinquat occasionem peccandi.

Respondet *Nauarrus cap. 3. num. 15. sum Lopez loc. cit. Zerola de pœnitentia cap. 25. quest. 17.* posse aliquem absolui etiam si non relinquat occasionem, concurrentibus his tribus conditionibus. Prima est dolor de peccatis præteritis. Secunda est firmum propositum non peccandi in futurum. Tertia est Credulitas quæ credit se cum Dei auxilio non peccaturum, quando se in ea occasione inuenerit. At si secunda vice esset recidiuus non debet amplius absolui, nisi prius relinquat occasionem proximam. *Bonacina de fornicatione quest. 4. punct. 14. num. 17.*

- 11 Additur, fornicatorem qui modò cum vna, modò cum alia congregitur, posse absolui, modò firmo constantique animo deliberauerit in posterum non peccare, dummodò nullam domi, vel alibi retineat, aut alar, ita *DD. citati.* Idem sentire videtur *Emmanuel Sæ verbo absolutio num. 12.*

- 12 Quæres, utrum Maritus qui incepit copulam cum vxore, possit ab ea desistere, antequam ipse, aut vxor seminauerit.

Respondeo, Primò Maritum non posse absque peccato mortali desistere contrà voluntatem vxoris ab iuncta copula; Ratio est, quia faceret iniuriam vxori, quæ habet ius petendi completam copulã, ita *Caietanus 2.2. quest. 154. art. 1. Sanchez lib. 9. de matrimonio disput. 19. num. 9.*

Respondeo secundò, Maritum non peccare mortaliter retrahendo se a seminando de consensu vxoris, quamuis ipsa vxor non seminauerit, modò non sit periculum pollutionis extrã copulam; Ratio est, quia nulli facit grauem iniuriam, scienti enim & volenti non fit iniuria. Verum tamen est, hoc non esse permittendum, immò eos Confessarij reprehendere debent, quia frequenter est periculum pollutionis in altero coniuge, vel in utroque, ut ait *Speculum loco proxime citando fol. 346.*

Respondeo tertio, Maritum non posse absque peccato mortali desistere a copula quando ipse non seminauit, & vxor iam seminauit, nisi fortè adsit vrgentissima causa desistendi, ita *speculum*,

3. par. art. 15. Concl. 5. Sanchez loc. citato, Henriquez lib. 11. cap. 16. num. 7.

Ratio est, quia si maritus desisteret prodigeretur semen fœminæ, & fieret contrà finem generationis, cum semen ordinatum sit ad generationem, quæ in præfenti casu sequi non posset; Non esset tamen peccatum mortale, si fœmina ipsa se retraheret, vel conaretur non seminare postquam maritus seminauit, quia nulli facit grauem iniuriam se retrahendo, nec facit contrà finem generationis in re graui, cum semen fœminæ non sit necessarium ad generationem, iuxta communio rem sententiam, vt supra dictum est.

Dixi nisi fortè adsit vrgentissima causa, quia ex causa vrgentissima potest maritus relinquere imperfectam copulam, etiamsi fœmina seminauerit, vt si graue periculum vitæ superueniat perficiendo; Vel ità exigat naturalis honestas, eo quod interim aliqui superueniant, aduertentes ad illum actum; & hoc verum est, etiamsi alioquin sequutura sit pollutio extrà vas, nam hæc pollutio non censetur voluntaria, sed præter intentionem, vt ait Sanchez lib. 9. de debito coniugali disput. 19. num. 6.

- 13 Rogabis, vtrum fornicans possit desistere ab inchoata copula. Respondetur posse, etiamsi fœmina renuat, aut etiam si adsit periculum effusionis seminis, aut alterius peccati in muliere; Ratio est, quia quilibet tenetur se retrahere a peccato; Idem dic de fœmina fornicante, potest enim se retrahere antequam vir seminet, etiamsi ipsa seminauerit, vt patet ex dicta ratione. Ita Sanchez loc. cit. num. 7. Bonacina de ijs, quæ pertinet ad vsu m matrimo-
nij, quæst. 4. punct. 14. num. 17. & alij DD. apud ipsum.



P A R S XIX.

De Pollutione, seu Mollitie.

QVÆSTIO XXXVIII.

S V M M A R I V M.

- 1 *An Pollutio sit peccatum mortale.*
- 2 *An Pollutio in semidormiente sit mortale peccatum.*
- 3 *Quando nam Pollutio dicatur sufficienter voluntaria.*
- 4 *Quando nam Pollutio excusetur à mortali.*
- 5 *Utrum à mortali excusetur pollutio, qua sequitur ex agitatione itineris, vel cursu equi, vel ex positione corporis supini.*
- 6 *An pollutio proveniens ex causa veniali sit mortale peccatum.*
- 7 *An liceat procurare pollutionem ob sanitatem.*
- 8 *An liceat desiderare pollutionem, aut de illa iam sequuta gaudere.*
- 9 *An omnes pollutiones sint eiusdem speciei.*

1 **P**ollutio voluntaria est peccatum mortale; Ratio est, tum quia pollutio est contrà ordinem naturæ, & contrà naturam generationis, ut paulo post ostendam, tum quia I. ad Corinth. 6. dicitur neque Molles Regnum Dei possidebunt. Ex quo deducitur Pollutionem, seu Mollitiam voluntariam esse peccatum mortale, cum excludat a Regno Dei, a quo non, excludit veniale per se.

Dixi Pollutio voluntaria, quia pollutio quæ contrà vel præter voluntatem sequitur, non est peccatum, nullum enim est peccatum, nisi sit voluntarium.

- 2 Ex quo sequitur, Pollutionem in semiexpergefacto, non esse peccatum mortale, eo quod non sit sufficienter voluntaria, defectu pleni iudicii & advertentia. Ita Nanarrus cap. 16. num. 8. Valentia tomo 3. disput. 9. quæst. 3. punct. 3. col. 16. 76. Emmanuel Sâ verbo luxuria. Lessius lib. 4. cap. 3. dub. 14. num. 94. & 163. in prima editione & alij communiter.
- 3 Sed magna difficultas est in cognoscendo, quando nam pollutio dicatur sufficienter voluntaria, ita ut imputeretur ad peccatum mortale. Ad quam difficultatem.

Respon-

Respondeo, tunc non censi sufficenter voluntariam quantum pertinet ad præsentem materiam, quando provenit ex aliqua causa necessaria, vel utili, vel honesta. Quando verò provenit ex causa, quæ neque necessaria est, neque utilis, neque honesta, existimo pollutionem censi voluntariam; & imputari ad peccatum mortale, modo proveniat ex causa proxima notabiliter influente in pollutionem; Si verò proveniat ex causa remota, aut ex causa quæ non influit notabiliter in pollutionem, pollutio non censetur sufficenter voluntaria, ita ut imputetur ad peccatum mortale; nisi adsit periculum consensus, vel intentio pollutionis. Ita colligitur ex Suarez tertia parte quæst. 80. art. 7. in comm. folio mihi 825. Sanchez de matrimonio lib. 9. disput. 45. Lessio lib. 4. cap. 3. dub. 14. Vasquez 1. 2. disput. 115. cap. 3. num. 9. & in Opusc. de restituto cap. 3. §. 2. dub. 6. num. 24. & alijs citatis à Sanchez loc. cit.

Ratio cur pollutio non sit peccatum, quando provenit ex causa honesta, utili vel necessaria est, tum quia qui eam patitur dicitur potius pati, quam agere; hæc doctrina militat etiam quando pollutio sequitur ex causa remota ipsius pollutionis, ad quam illa causa non disponit, nam pollutio inde sequens non censetur sufficenter voluntaria, cum non proveniat ex causa proxima, vel ex dispositione propinqua, sed proveniat per accidens, & præter voluntatem ex miseria naturæ nostræ contracta per peccatum originale, quæ multum nos excusat in hac materia. DD. citat.

4. Quando pollutio excusat a mortali.

Hinc sequitur, non committi peccatum mortale, quando pollutio sequitur vi naturæ, vel quando sequitur ex aliqua causa quæ habet alium effectum; nam pollutio inde sequens non censetur sufficenter voluntaria, ut quando sequitur ex comestione ciborum calidorum, vel locutione cum femina, cum quæ habet necessitatem loquendi propter aliquod suum interesse. Ita Navarrus cap. 16. num. 7. Multò minus est peccatum quando pollutio sequitur ex causa, quæ habet alium effectum, quæque assumitur propter utilitatem, vel bonum finem, ut quando quis audit Confessiones; hoc tamen intelligitur, modo non sit periculum consensus in pollutionem, quia tunc potius debet omittere Confessiones, & quidvis aliud ad evitandum eam, quod tunc esset, quando quis expertus esset in similibus occasionibus ferè semper peccasse mortaliter, deliberatè consentiendo. Filliucius tract. 30. cap. 8. quæ 6. num. 149.

5. Sequitur excusari a mortali pollutionem ex agitatione itineris, pedestris, vel equestris, modo equitans non se componat ad eum finem

finem, vel non habeat periculum consensus in pollutionem, vt supra dixi ità Sanchez *loc. cit. num. 7. Nauarrus, Lessius, Vasquez locis citatis*. Similiter excusari potest a mortali pollutio, quæ sequitur ex positione corporis supini, modò aduertenter, & data opera, non iaceat tali modo, vt indè sequatur pollutio. *DD. citati*.

6 Præterea Addo, pollutionem non esse peccatum mortale, quando provenit ex causa venialiter luxuriosa, vel leuiter influente in pollutionem, vt ex aspectu curioso, vel ex lectione curiosa; Ratio est quia huiusmodi causa leuiter concurrat ad pollutionem, consequenter non est simpliciter causa pollutionis, nec pollutio indè sequens censetur sufficienter volita, ità vt imputetur ad peccatum mortale. Ità *Vasquez loc. cit. Lessius loco citato, & alij apud Henriquez lib. 11. cap. 16. num. 6.* Modò non sit periculum, consensus in pollutionem, siue distillationem, vel delectationem; si verò alias expertus sit sequi pollutionem, vel delectationem ex huiusmodi aspectibus, vel lectione curiosa ex libris profanis, tunc daretur causa ad pollutionem. *DD. citati*, & teneretur abstinere mortificando sensus.

7 Non est licitum procurare pollutionem propter sanitatem, nec Medicus potest præbere medicinam, quæ nihil aliud operetur, quam incitare naturam ad pollutionem. *Nauarrus loc. cit. Emmanuel Sæ verbo luxuria n. 11. & alij citati à Bonacina loco infra citando.*

Ratio est, tum quia hoc est contrà naturam generationis, nam semen est à natura institutum ad copulam coniugalem, vt proles indè suscipiatur, & educetur, tum quia si licitum esset ob sanitatem procurare pollutionem, homo sæpius sibi persuaderet licitum esse procurare pollutionem, & semen prodigere; sicque pareret via infinitis peccatis.

Præterea *Emmanuel Sæ verbo luxuria num. 10.* addit, ceptam in somno pollutionem, non tenetur Enigilans reprimere, sufficit enim non placere.

Vtrum sit peccatum mortale procurare magnam commotionem spirituum ordinatorum ad pollutionem, vel ad magnam distillationem.

Respondeo cum *DD. citatis* esse peccatum mortale, quia huiusmodi actio est causa proxima pollutionis, & notabiliter in eam influit; sicut autem non licet procurare pollutionem, ità neque licet procurare dictam commotionem, vel distillationem.

8 Non est licitum desiderare pollutionem, vel de illa iam sequuta gaudere, vel affectu libidinis, vel propter delectationem ipsius; Ratio est, quia hoc esset consentire directè in pollutionem,

quod est peccatum, cum pollutio voluntaria sit peccatum mortale. Ob finem verò honestum licitum est gaudere de pollutione, vel ob sanitatem, vel ob sedatam tentationem, non autem ob pollutionem, ita Nauarrus cap. 16. num. 7. Emmanuel Sà verbo luxuria num. 11. Caietanus 2. 2. quæst. 154. art. 4. & alij apud Emmanuel Sà loc. cit. ac etiam Lessius lib. 4. cap. 3. dub. 14. Sanchez in summa lib. 1. cap. 2. num. 17. Filiuccius tract. 30. cap. 8. quæst. 5. num. 144.

9. Pollutiones sunt eiusdem speciei, si secundum se sumantur; Ratio est, quia eandem habent contrarietatem, & deformitatem, contra rectitudinem. Per accidens tamen possunt esse diuersæ speciei, ratione circumstantiæ adiunctæ habentis diuersam speciem malitiam; Nam si quis se polluendo habeat delectationem morosam, vel desiderium alicuius personæ solutæ vel coniugatæ, vel obstrictæ voto, præter malitiam pollutionis, contrahit culpam, iuxta qualitatem personæ, circa quam capit delectationem, vel desiderium &c. Et ista circumstantia est in confessione explicanda, ut aiunt communiter DD. Ratio est, quia talis speciei malitia est, qualis est finis, motuum, & obiectum; Proinde si præter pollutionem intercederet personæ alicuius memoria, voluntas, siue desiderium eam libidinem explendi cum illa, non solum esset Mollities, sed etiam alia luxuriæ species, cuius est copula re habita cum illa persona; puta adulterium mentale, si esset nupta, Incestus si esset consanguinea, sodomia si esset alterius sexus &c. Ita Nauarrus cap. 16. num. 6.

Præterea additur, in Confessione explicandam esse circumstantiam personæ cum qua, vel cuius ope commissæ fuit pollutio; Cooperatio enim, vel inductio ad peccatum est nouum peccatum in confessione aperiendum. Ita Caietanus loco citato art. 2. Bonacina de iis que pertinent ad usum matrimonij, quæst. 4. punct. 10. num. 5. Azorius 3. par. lib. 3. cap. 25. quæst. 2. Filiuccius loco cit. num. 155. Nauarrus cap. 16. num. 6.

Atque hæc ad laudem, & gloriam Omnipotentis Dei, ac Intemeratæ Virginis Mariæ dicta sint; quibus explicatur totus de Matrimonio Tractatus.

F I N I S.

399881

IN-





I N D E X

Prior Partem ; Secundus Quæstionem ,
tertius numerum denotat .

A



*Archiepiscopus dum
actu visitat digreses
Suffraganeorum potest
interesse matrimonijs,
& a lijs licentiam in-
teressendi concedere ; Et post visi-
tationem tunc solum potest, quando
appellatur ad eum de ea re , &
tunc ad ipsum deuoluitur Iuris-
dictio ordinaria parte 4. quæst. 7.
num. 6.*

*Affinitas est impedimentum dirimens
matrimonium quæst. 25. num. 1.*

*Quomodo, quando, & inter quas per-
sonas affinitas contrahatur, qu. 25.
num. 3.*

*An Consanguinei Caij, qui copulam
habuit cum Berta, fiant affines cum
Consanguineis Berta, quæst. 25.
num. 4.*

*Si Titius duxit Bertam in uxorem,
possit ea mortua, ducere illam qua*

*fuit uxor fratris Berta, mortuo
fratre Berta, quæst. 25. num. 5.
Quinam sint stipites in affinitate,
quæst. 25. num. 6.*

*Qui sint effectus huius impedimenti,
quæst. 25. num. 7.*

*Utrum Affinitas dirimat matrimo-
nium iure natura in aliquo gradu,
quæst. 25. num. 8.*

*Quid requiratur ad inducendum
impedimentum affinitatis, quæst. 25.
num. 9.*

*Quando nam oritur affinitas, quæst. 25.
num. 10.*

*An oriatur affinitas ex copula habi-
ta cum femina omnino inuita, vel
ignorante, vel dormiente, vel in-
sana, vel ebria, quæst. 25. num. 11.*

*Observationes necessariae circa titu-
lum de eo, qui cognouit consan-
guineam uxoris suæ, & quem
effectum pareat affinitas superue-
niens matrimonio contracto, q. 25.
num. 13.*

*An absolui possit Concubinaris, an-
tequam*

I N D E X.

tequam eijciat cōcubinam par. 18.
quæst. 37. num. 7.
An absolui possit Filius familias, qui
in domo Patris retinet Concubi-
nam par. 18. quæst. 27. num. 8.
An sit deneganda absolutio adole-
scenti, qui ex carnis fragilitate,
sapiens committit pollutionem par.
& quæst. eadem num. 9.
Quando nam aliquis absolui possit,
antequam relinquet occasionem
peccandi, par. & quæst. eadem
num. 10.
Quando Fornicatores absolui pos-
sint, par. & quæst. eadem num. 11.
An vir possit diutius abesse; Vel si
liceat ex aliqua causa iusta, inui-
ta vxore, par. 11. quæst. 29. nu. 14.

B

Quando contrahitur directè cō-
trà Bona matrimonij apponen-
do pactum, vel conditionem tur-
pem, matrimonium est irritum,
parte 5. quæst. 9. num. 21.
Benedictio nuptialis facienda est à
proprio Parocho, quæst. 11. nu. 1.
An qui semel contraxit matrimoniū,
mortuo primo coniuge; teneatur
in secundo matrimonio recipere
benedictionem, quæst. 11. num. 4.
Ad dandam benedictionem an suffi-
ciat Parochus vtriusque contrahē-
tis, quæst. 11. num. 5.
Quam penam incurrat Sacerdos in
casu non permissio, benedictionem
secundis nuptijs impertiens qu. 11.
num. 7.
Pena imposita alijs Sacerdotibus præ

sumētibz coniungere, vel bene-
dicere sponfos, quæst. 11. num. 2.
An sit peccatum mortale consummare
matrimonium antè benedictionem
Ecclesia sublato scandalo. qu. 11.
num. 3.
De Bigamia vera interpretatiua, &
similitudinaria, par. 17. quæst. 36.
num. 1.
Quid sit Bigamia, & quoduplex,
& an contrahatur irregularitas
bigamia absque matrimonio de
iure, vel de facto irrito, parte 17.
quæst. 36. num. 1. 2. & 3.
Vtrum in quacunque Bigamia spe-
cie, quæcunque matrimonia inean-
tur, & cum famina cuiusque sta-
tus, contrahatur irregularitas in
illis matrimonijs sine comixtione
carnali, par. 17. quæst. 36. num. 4.
An requiratur ad incurrendam irre-
gularitatem, in illa copula semi-
nis virilis emissio intrā vas fa-
mineum, par. 17. quæst. 36. num. 5.
An contrahens & consumans ma-
trimonium cum ea, qua corrupta
est, non membro naturali viri, sed
aliquo instrumento, vel cum mem-
bro virili, non intromisso semine,
efficiatur bigamus, aut irregula-
ris, parte & quæst. eadem num. 6.
Cur contrahatur irregularitas ex bi-
gamia interpretatiua, parte 17.
quæst. 36. num. 8.
Quot modis incurrat irregulari-
tas in bigamia interpretatiua,
parte & quæst. eadem num. 9.
Qua differentia sit inter bigamiā, &
Polygamiā. par. & eadē qu. n. 10.
Cur Ecclesia statuerit illum esse bi-
gamum, vel irregularem, qui
con-

I N D E X.

contraxit cum famina ab alio cognita ; Non sit verò bigamus qui contraxit matrimonium cum virgine , licet ipse sapiens fornicatus sit. par. & quæst. eadem num. 11.

An per multiplicatas fornicationes, vel adulteria ex parte viri inducatur bigamia , par. & quæst. eadem num. 12.

Utrum dicatur bigamus , qui cum famina vidua , vel corrupta contraxit matrimonium inualidum , ob aliquod impedimentum dirimens, par. & quæst. eadem num. 13.

An copula nefanda sufficiat ad irregularitatem bigamia incurrendam , parte & quæst. eadem num. 14.

Qua requirantur ad incurrendam irregularitatem bigamiae , parte & quæst. eadem num. 15.

An multiplicitas matrimonij Rati , & nondum consumati inducant bigamiam , parte & quæst. eadem num. 16.

An sponsalia multiplicata , etiam si subsequuta sit copula inducant bigamiam , parte 17. quæst. 36. num. 18.

An dicatur bigamus , qui post separationem à sua uxore adultera , & reconciliationem cum ea inijt , eaque post reconciliationem carnaliter cognovit , etiam de mandato Indicis , parte 17. quæst. 36. n. 19.

Qualiter incurratur Irregularitas ex Bigamia similitudinaria . parte 17. quæst. 36. num. 21.

An Clericus in sacris constitutus virginem duens fiat irregularis. parte & quæst. eadem num. 22.

Quid dicendum de professo ad nuptias

transiente , etiam si cum virgine contrahat . parte & quæst. eadem num. 23.

An Bigamia irregularitas tollatur per ingressum Religionis , & alia irregularitates. parte & quæst. eadem num. 24.

Quis possit in bigamia dispensare , parte & quæst. eadem num. 25.

Utrum bigamus qui ordinibus fuit initiatus absque dispensatione , gaudeat privilegijs Clericorum . parte & quæst. eadem n. 28.

An ad impetrandam bigamiae dispensationem , sit opus explicare ternas , vel quaternas nuptias interuenisse , & quid si concurrant simul duæ , vel tres species bigamiae , scilicet vera interpretatiua & similitudinaria. par. 17. q. 36. num. 30.

An dicatur Bigamus , qui duxit viduam , & postea apparuit esse inter se consanguineos in gradu matrimonij dirimente , mortua uxore in hoc matrimonio putativo , utrū superstes possit initiari sacris ordinibus , absque Summi Pontificis dispensatione . Et an filij nati ex præfato matrimonio putativo , & bona fide contracto in facie Ecclesiæ censeantur legitimi . parte 17. quæst. 36. num. 30. & 31.

C

Confessio & Communio facienda a Contrahentibus antè matrimonium , an sit de præcepto , vel de consilio ; Et an sit necessaria saltem

- saltem contritio de præcepto.* q. 5. num. 1. & 4.
- Consensus Parochi in matrimonio nõ requiritur, sed tantum eius præsentia moralis.* parte 4. quæst. 7. num. 19.
- An matrimonium esset validum si Parochus expresse contradixerit, in Casu quo Coniuges dubitarent ne matrimonium impediretur, & exprimerent suum consensum eo presente, & testibus.* parte 4. quæst. 7. num. 8.
- Contrahentes inualidè sine Parocho & testibus, an possint postea inter se, vel cum alijs iterum contrahere, adhibito Parocho & testibus.* quæst. 8. num. 7.
- Quid agendum quando in altero Contrahente deficit consensus internus animo decipiendi illam, puellam, vel causa tantum explendi suam libidinem.* parte 5. quæst. 9. num. 12.
- Causa finales matrimonij sunt Proles, Fides, & Sacramentum, & quid significant hæc bona.* parte 5. quæst. 9. num. 21.
- Consensus Viri & Mulieris in Copulam carnalem non est necessarius explicitè, sed sufficit implicitè ex vi contractus.* par. 5. qu. 9. num. 21. circa finem.
- Concubinus infirmus si contraheret in articulo mortis coram Parocho & testibus, matrimonium esset validum.* parte 5. quæst. 9. num. 21. in fine.
- Catechismus impedit tantum matrimonium.* parte 6. quæst. 10. num. 6. 5. 5.
- Contrahens matrimonium cum impedimentis non dirimentibus, qualem culpam committat.* parte 6. quæst. 10. num. 9.
- Consummare matrimonium antè benedictionem Ecclesiæ, sublato scandalo, an sit peccatum.* quæst. 11. num. 3.
- Conditionis impedimentum impedit & dirimit matrimonium, & quando non impedit, nec dirimit.* q. 13. a numero 1. & seq.
- Cognatio naturalis est impedimentum dirimens.* quæst. 15. num. 1. & seq.
- De Cognatione spirituali.* quæst. eadem num. 1. & seq.
- Cognatio spiritualis inter quas personas contrahatur.* quæst. 15. n. 1.
- An requiratur intentio ad contrahendam cognationem spirituales.* quæst. 15. num. 3.
- An qui mittit Procuratorem ad suscipiendum infantem contrahat cognationem, vel illam potius contrahat ipse Procurator.* quæst. 15. num. 5.
- An contrahatur Cognatio quando supplentur solemnitates scilicet in Catechismo.* eadem quæst. num. 7.
- Quenam requirantur ad contrahendam cognationem spirituales.* q. 15. num. 9.
- Utrum Cognatio sequens post matrimonij contractum impediat petitionem debiti.* quæst. 15. num. 10.
- De Cognatione legali.* quæst. 16. n. 1. & seq.
- De Cognatione naturali, sine consanguinitate.* quæst. 17. num. 1. & seq.
- An Copula incestuosa aperienda sit sibi-*

I N D E X.

si habita fuerit sub spe facilius
obtinenda dispensationis, vel ab
utroque Coniuge, vel solum ab
altero, notabilia in hac materia.
parte 8. quest. 18. num. 17.

Quid si quis haberet Copulam cum
Consanguinea, vel affine, qua non
fuit completa. An hac copula
exprimenda esset in libello suppli-
cationis dispensationis. parte 8.
quest. 18. num. 18.

Crimen est impedimentum dirimens.
quest. 19.

Criminis impedimentum cur ab Ec-
clesia inductum sit. qu. 19. nu. 7.

Non inducitur hoc impedimentum,
nisi mors sequatur. qu. 19. nu. 8.

Et alia permulta circa impedi-
mentum hoc difficile, & quot sunt spe-
cies Criminum, Exempla, Am-
pliationes, Observationes, & li-
mitationes inuenies in dicta q. 19.
à num. primo vsque ad finem.

Cultus disparitas est impedimentum
dirimens. quest. 20.

Cultus disparitas, hoc est, non potest
consistere matrimonium inter duos
diuersa fidei. quest. 20. num. 1.

An Christianus possit contrahere
matrimonium cum Cathecumena,
& quid si contraheret cum hereti-
ca, vel schismatica. quest. 20. n. 2.

Quid si alter Coniux conuersus ad
fidem, & alter remaneat in sua
infidelitate, an possit ducere uxorem,
vina uxore infideli. qu. 20.
num. 3.

Consensus Parenrum an requiratur à
filijs, antequam contrahant matri-
monium, & an ipsemet filij pec-
cent parentibus inscientibus con-

trahendo. vide de impedimento vi-
s. & metus quest. 21. nu. 16. & 17.

An matrimonium contractum inter
duos Christianos, si alter Coniux
fiat hereticus, vel Apostata dis-
soluatur. quest. 20. num. 4.

Quid si prædictus hereticus vel A-
postata resipuerit, an vxor teneat-
ur eum recipere. quest. 20. num. 5.

Causæ matrimoniales spectant ad
Iudicem Ecclesiasticum. parte. 3.
quest. 6. num. 6. in fine.

Quæ sunt causæ essentielles, siue sub-
stantiales matrimonij, & singula-
tim declarantur. Parte 5. qu. 9.
num. 1. & seq.

D

De Os à quo danda sit quest. 2. n. 1.
Mortuo Patre, heredes tenentur dotare filiam eius num. 3.

Clericus etiam tenetur dotare filiam
suam spuriam, etiam de fructibus
beneficij si aliunde nequeat nu. 4.
limitationes etiam vide in eadem
quest. num. 5.

Donatio inter virum & uxorem est
prohibita; Secus donatio remun-
eratoria. quest. 2. num. 6.

Notabilis questio circa hanc mate-
riam. eadem quest. num. 7.

Denunciationes seu publicationes.
vide Summarium in questione 4.
& quis possit in illis dispensare.

De Dispensationibus matrimoniali-
bus. Parte 3. quest. 18.

Quid requiratur vt hæc dispensatio
sit valida, sicut quælibet alia di-
spensatio. par. 8. quest. 18. num. 3.

Quæ

I N D E X.

Qua sint causae iusta propter quas obtineri potest dispensatio à Summo Pontifice . parte & quæst. eadem num. 4. & ibi declarantur supradicta causa .

In secundo gradu consanguinitatis an dispensetur . par. 8. quæst. 18. num. 6.

Quid intelligatur in Tridentino nomine magnorum Principum. par. & quæst. eadem num. 7.

Et an hoc decretum Tridentini procedat in impedimento publicæ honestatis . eadem parte & quæst. num. 8.

Delegata potestas potest committi expresso solo proprio nomine Delegati, aut solo nomine Dignitatis, aut utroque, & declarantur hæc differentia. par. 8. quæst. 18. n. 11.

Dispensatio commissæ officiali vel Vicario Episcopi, an possit per Episcopum eo officiali remoto expediri. part. 8. quæst. 18. num. 13.

An valida sit dispensatio matrimonij obtenta à Sede Apostolica super impedimento Consanguinitatis, vel Affinitatis non expressa copula sine incestu. par. 8. quæst. 18. n. 16.

De Debito Coniugali.

Utrum Coniuges mortaliter peccent non reddendo debitum alteri Coniugi petenti expressè, aut tacitè. parte 12. quæst. 30. num. 1.

Aliquando coniux negando debitum non peccat. par. 12. quæst. 30. num. 2.

An Coniux febris laborans, debitum reddere teneatur num. 3.

Utrum coniux excusetur à reddendo

debitum, statim post prandium . eadem parte & quæst. num. 4.

An coniux sanus teneatur reddere debitum alteri coniugi leproso. eadem par. & quæst. num. 5.

An peccet famina negando debitum, quando experta est se non posse filios viros in lucem edere num. 6.

Utrum coniux possit negare debitum ne multiplicentur filij. parte 12. quæst. 30. num. 7.

In casu paupertatis non licet mulieri sumere medicamenta sterilitatis ut impediatur procreatio liberorum . Nec etiam licet viro in præfato casu extraordinarias agere pollutiones, nec semen extrahere effundere & peccaret mortaliter. num. 8.

Utrum uterque coniux teneatur reddere debitum infra bimestre, post matrimonium ratum, & non consummatum. num. 9.

An alter coniux innocens teneatur reddere debitum alteri, qui commisit adulterium. parte 12. quæst. 30. num. 10.

Quid si ambo adulterium fecerint. num. 11.

Uxor si ignorans fuerit adulterij, maritus possit tuta conscientia ob adulterium occultum à se commissum, petere debitum ab uxore . num. 12.

Vir & uxor an sint pares in causa adulterij. num. 13.

An sit reddendum debitum in loco sacro. par. 12. quæst. 30. num. 14.

An coniux possit petere, & reddere debitum suæ uxori, quæ scit esse obstrictam voto castitatis. num. 15.

An

An Coniux teneatur reddere debitum alteri coniugi, qui petit modo indebito quoad situm, & quid dicendum quando iusta causa ad sit. num. 16.

Vtrum Coniuges teneantur reddere debitum, quando adest scrupulus, vel dubium, vel opinio, vel scientia, seu certiando de invaliditate matrimonij; quæ omnia singulatim declarantur. num. 17.

Vtrum Coniux teneatur credere alteri Coniugi dicenti se fide consensisse in celebratione matrimonij, vel habere aliud impedimentum dirimens. num. 19.

An Coniux teneatur credere adesse impedimentum dirimens, & abstinere à matrimonio, quando audiuit huiusmodi impedimentum adesse ab alio viro fide digno, vel ab amico, cum Iuramento attestante. par. 12. quæst. 30. num. 20.

Pollutio extraordinaria cum alia, vel secum tantum an sit causa sufficiens diuortij; Vel de concubitu viri cum femina mortua, aut cum bestia mortua. par. 13. quæst. 31. num. 6.

Quæ notitia adulterij requiratur ad faciendum diuortium. par. 13. quæst. 31. num. 8.

Vtrum Coniux innocens possit propria auctoritate facere diuortium ab adultero, siue delictum sit publicum, siue occultum. num. 9.

Vtrum Coniux innocens qui propria auctoritate fecit diuortium, teneatur reddere debitum, & habitare cum adultera, quando per excommunicationem, vel præcep-

tum à Iudice cogitur reddere, & habitare cum uxore, eo quod delictum sit secretum. num. 10.

An maritus innocens teneatur aliquando facere diuortium ab uxore adultera, quando per diuortium sperat emendationem; & fructum. num. 11.

Quid dicendum sit in supradicto casu, de uxore cuius vir adulteratur. num. 12.

Enumerantur aliqui casus in quibus non licet facere diuortium ob coniugis adulterium. par. 13. quæst. 31. num. 13.

Vtrum Coniux innocens facto diuortio, possit cogere adulterium, ut ad se redeat. num. 14.

Quid dicendum quando status alterutrius sit mutatus per professionem in Religione, aut per suspensionem sacrorum Ordinum. num. 15.

Quid etiam dicendum quando diuortium non est absolutum, & perfectum, E. G. adest spes ut coniux furens, vel senex ad pristinum redeat statum. par. 13. quæst. 31. num. 16.

Si Innocens facto diuortio ingrediat Religione, vel suscipiat sacros ordines; Adulter manens in seculo, non tenetur emittere votum Castitatis, vel ingredi in Religione. par. 13. quæst. 31. num. 17.

Differentia inter Incestuosum, & Adulterum; Coniux innocens potest concedere debitum adultero petenti, non autem Incestuoso. par. 13. quæst. 31. num. 18.

I N D E X.

Enumerantur aliqui casus in quibus licet facere diuortium, quoad torum, & habitationem, sed ad tempus. num. 19.

Quenam sequantur filij facto diuortio. num. 20.

Vtrum vir teneatur facto diuortio alere uxorem, aut filios, aut saltem possit denegare in foro conscientie alimentum uxori adultera occulta. par. 13. quest. 31. num. 24.

Alia dubia circa redditionem debiti, inuenies in titulo de aliquibus peccatis luxurie in lit. L. par. 16 qu. 35.

Quid de eo qui cognosceret proprias Consanguineas, an consurgat impedimentum petendi debitum, per hanc copulam incestuosam. quest. 25. num. 14.

Dotis constitutio, à quo est facienda. qu. 2. num. 1.

De Causis propter quas licitum est non solum negare debitum, verum etiam faciendi diuortium, quoad habitationem; & quoad Torum, & habitationem, non in perpetuum, sed ad tempus, quamdiu ipse causa durat. qu. 31. à num. 1. vsque ad 24.

An uxor teneatur sequi virum aliud transferentem domicilium. par. 11 qu. 29. num. 13.

Enumerantur casus in quibus unus potest negare alteri etiam petenti debitum, de quibus communiter DD. par. 14. qu. 33. num. 9.

Obserua quod multi sunt casus, in quibus vir tenetur reddere debitum uxori, etiam postquam com-

misit adulterium, dummodò non perseuerauerit in illo. par. 14. qu. 33. num. 10. Et enumerantur casus infra.

Vtrum maritus possit abstinere à cohabitatione uxoris, propter dotem sibi promissam, & non solutam. par. 14. qu. 33. nu. 22.

An Summus Pontifex possit dispensare in primo gradu Ascendentium, Descendentium, & Collateralium, siue Transuersalium. par. 8. qu. 18. nu. 2.

Quid de eo qui cognosceret proprias consanguineas, an consurgat impedimentum petendi debitum, per copulam hanc incestuosam. quest. 25. num. 14.

E

D *E Elezione uxoris facienda. par. 1. qu. 1. num. 2.*

De Elezione facienda in matrimonio spiritali. par. 1. qu. 1. nu. 3.

Ætas qua requiritur in matrimonio contrahendo tam in viro, quam in femina. par. 5. quest. 9. nu. 8. circa medium.

An sit validum matrimonium quando malitia supplet aetatem, & que requirantur. par. 5. quest. 9. nu. 8. circa medium.

Episcopus dispensare potest in impedimentis matrimonij, non dirimentibus, excepto Voto Castitatis, Religionis, & Sponsalibus. par. 6. qu. 10. nu. 10.

Error est primum Impedimentum in carmine, impediens & dirimens ma-

I N D E X.

matrimonium, & quotuplex sit, caterosque casus inuenies in sum-
mario in qu. 12. par. 7.

In Eucharistia Sacramenti percep-
tione an Coniuges qui se nocte
antecedenti carnaliter cognouerunt,
sequenti die à Communionem absti-
nere debeant. par. 11. quæst. 29.
num. 9.

In Eucharistia perceptione non suffi-
cit tantum contritio, sed necessa-
riò præmittenda est Confessio. qu.
5. num. 4. in fine.

Excommunicatio lata in Clementina
contra Professos, contrahentes
matrimonium; est etiam lata con-
tra Moniales professos, & Cleri-
cos in sacris constitutos. quæst. 14.
num. 5.

Episcopus an possit dispensare in-
contrahendo matrimonio infra gra-
dus prohibitos. par. 8. quæst. 18.
num. 1.

An Episcopus possit dispensare cum
bigamis, saltem ad suscipiendos
ordines minores, vel ad vsum
susceptorum, vel ad primam ton-
suram, vel ad beneficium simplex
cum bigamis. par. 17. quæst. 36.
num. 26.

An Episcopus possit dispensare in
bigamia similitudinaria cum eo
qui contraxit cum virgine, si oc-
cultata sit. par. 17. qu. 36. nu. 27.

Vtrum Coniugatus possit ad Episco-
patum promoueri. quæst. 22. num.
18.

An Episcopus Iure ordinario possit
super impedimento petendi debi-
tum dispensare. qu. 25. nu. 18.

An cui fuit dispensatum ab Episco-

po, ut posset petere debitum, an
mortua uxore, possit leuiter matri-
monium contrahere. quæst. 25.
num. 19.

Copula habitata in Ecclesia destructa
auctoritate Episcopi, an habeat
malitiam sacrilegij. par. 15. qu.
34. num. 9.

Vtrum qualibet pars, seu spatium
Ecclesia sit locus sacer. nu. 10.

An sit sacrilegium, & violetur lo-
cus sacer, quando copula habetur
suprà tectum Ecclesiæ, aut ibi ali-
quis occidatur. num. 11.

Quando copula habetur extrà pa-
rietes Ecclesiæ, aut quando ali-
quis suspenditur in parietibus Ec-
clesiæ exterioribus, an sit sacrile-
gium, & violetur locus sacer.
num. 12.

Vtrum sit sacrilegium cum copula
habetur in aliquo loco subterra-
neo, aut in caverna fabricata sub
pauimento Ecclesiæ. num. 13.

An sit sacrilegium copulam habere
in Turri quod vulgò Campanile
dicitur, vel in sacristia, & Ca-
meris Ecclesiæ adhaerentibus. nu.
14.

An sit sacrilegium Copulam habere,
aut aliquem occidere, in porta
Ecclesiæ extrà limen. num. 15.

Quando nam polluitur Ecclesia.
num. 17.

An polluta Ecclesia, censeatur etiam
pollutum Cameterium illi conti-
guum. nu. 18.

An Ecclesia polluitur quando con-
secratur, vel benedicatur ab Epi-
scopo excommunicato publico. par.
15. qu. 34. num. 19.

An polluatnr Ecclesia, quando in ea sepelitur excommunicatus vitandus . num. 20.

An sepelliri possit in loco sacro excommunicatus vitandus, qui exiens in periculo mortis fuit absolutus in foro penitentiae; aut qui dedit tantum signa contritionis . num. 21.

Utrum Ecclesia polluatnr quando in ea sepelitur Paganus, aut Infidelis, aut Cathecumenus, vel filius alicuius fidelis ante baptismum . num. 22.

An filius possit sepelliri cum matre, qua moritur in partu, una cum filio, antequam filius susceperit baptismum . nu. 23.

Quomodo se gerere debeat Sacerdos, quando inter celebrandum Ecclesia violatur . num. 24.

An Ecclesia dicatur polluta, quando delictum non est publicum . num. 25.

Utrum celebrans in Ecclesia polluta, vel sepeliendo aliquem, vel persoluendo Diuina Officia in ea, incurrat aliquam censuram, sicut Sacerdos celebrans in loco, seu Ecclesia interdicta, sit Irregularis . num. 26.

A quonam possit Ecclesia polluta reconciliari . num. 27.

An Perceptione Sanctissimi Sacramenti Eucharistiae, non sufficit tantum contritio, sed necessaria praemittenda est Confessio . quast. 5. num. 4. in fine.

Quae aetas requiratur in Patrino . qu. 15. num. 14.

Fror sine Amentia si precedant, matrimonium est nullum; Si vero superueniant post matrimonium tam consummatum, quam ratum contractus est legitimus. par. 5. qu. 9. nu. 10. & 11.

Filij an debeant requirere consensum parentum, antequam matrimonium inean; Et an ipsimet filij peccent lethaliter parentibus inscientibus contrahendo matrimonium. Vide in titulo de impedimento Vis, & metus . quast. 21. num. 16. & 17.

Filij naturales per subsequens matrimonium efficiuntur legitimi in titulo de Concomitantibus, & subsequentibus matrimonij . par. 11. qu. 29. num. 1.

An hoc procedat de Concubino in mortis articulo constituto ducendo Concubinam in uxorem eodem titulo & quast. nu. 2.

An ea legitimatio vim habeat excludendi eum, qui deficiente prole legitima substitutus est . num. 3. eodem titulo.

Limitatio in hac materia. nu. 4.

Clericus in minoribus constitutus, ac etiam beneficiatus habens Concubinam, duxit eam in uxorem; An filij nati in Concubinato fiant legitimi per subsequens matrimonium . num. 5.

An filia possint surripere bona Putris, qui decoxit rem suam in praedictum creditorum . quast. 2. num.

I N D E X.

num. 5. circa medium in limitationibus.

Cuius conditionem Filij sequantur, & quoad seruitutem, & quoad bonorem, & nobilitatem. qu. 13. num. 8. & 9.

De Fornicatione simplici, & Concubinato.

Quot sint species Fornicationis, & quid sit simplex Fornicatio. par. 18. quæst. 37. num. 1. & 2.

An Fornicatio sit peccatum mortale. num. 3.

Vtrum Fornicans possit desistere ab inchoata copula. parte 18. qu. 37. num. 13.

Tempus Feriarum est impedimentum impediens quæst. 10. num. 7.

Quando incipit tempus Feriarum. parte 6. quæst. 10. num. 7. infra.

G

Vtrum Orientalibus, scilicet Graecis Sacerdotibus licitum sit, vel fuerit contrahere matrimonium. quæst. 22. num. 20.

An accedens ad Gravidam, quando adest notabile periculum abortus, sit peccatum lethale, & quid dicendum secluso abortus periculo. par. 14. quæst. 33. num. 5.

H

Honestas hoc est iustitia publicæ honestatis, est impedimen-

tum dirimens. quæst. 24. num. 1.

Quæ conditiones requirantur ut sponsalia de futuro inducant hoc impedimentum publicæ honestatis. num. 6.

Vtrum impedimentum publicæ Honestatis possit aliquando concurrere cum impedimento affinitatis. num. 8.

Ad quem gradum extendatur impedimentum publicæ Honestatis cõsurgens ex matrimonio rato & non consumato. num. 9.

Vtrum ex matrimonio rato celebrato inter impuberes, scilicet ante 14. annos completos in masculo, & 12. in femina inducatur impedimentum publicæ Honestatis, & quid si malitia suppleret ætatem. num. 10.

An hoc impedimentum oriatur ex matrimonio celebrato per metum grauem, vel errorem personæ, vel quando aliquis fidei consentit. num. 11.

Ad quem pertinet dispensare in impedimento publicæ Honestatis. quæst. 24. num. 12.

An Hereticus publicus, vel occultus possit absolui virtute Indilei. quæst. 20. num. 6. vide etiam in littera C.

Vtrum Coniuges teneantur simul cohabitare. par. 11. qu. 29. nu. 11.

An Hermaphroditus possit validdè matrimonium inire, & iuxta quæ sexum. quæst. 26. num. 17.

Ad quem pertinet iudicare quinam sexus preualeat, & quid faciendum est in dubio. quæst. 26. n. 18.

Vtrum Hermaphroditus in quo uterque

I N D E X.

terque sexus est aequalis, facta semel electione sexus, & contracto semel iuxta illum sexum matrimonio, possit mortuo coniuge, mutare electionem, & secundum alium sexum contrahere matrimonium. quest. 26. num. 19.

I

Quando contrahitur Matrimonium; quis ex Coniugibus debeat prius interrogari. parte 4. quest. 7. num. 17. in fine.

Impedimenta tantum Impedientia, & non dirimentia. quest. 10. nu. 2. & seq.

Quanam sint Impedimenta Impedientia, & dirimentia matrimonium. par. 7. qu. 12. nu. 1. & seq.

Impotentia Cocundi est impedimentum dirimens matrimonium. q. 26. num. 1.

Qualem culpam committat contrahens matrimonium cum impedimentis non dirimentibus. par. 6. quest. 10. num. 9.

Quotuplex sit Impotentia, & Impedimentum cocundi. quest. 26. num. 1. & 2.

Quando Matrimonium est nullum, ex hoc impedimento. num. 3.

Quando potest probari hoc Impedimentum. num. 3. & 4.

Quid interest inter. Impotentiam perpetuam, & temporalem nu. 5.

Quid de femina si tam arcta esset, vel si pro latitudine, aut alia agitudine cognosci minime possit a viro. num. 6.

Quid sentiendum de Matrimonio se- num. num. 8.

Quid sentiendum de matrimonio Eunuchorum, qui sana & integra virilia habent, & utroque testiculo carent. num. 7.

An validum sit matrimonium celebratum cum femina inepta ad seminandum. num. 9.

An validum sit matrimonium initum cum femina arcta quæ fieri potest apta per incisionem. qu. 26. num. 10.

Utrum femina arcta qua potest fieri apta proprio viro per incisionem, teneatur pati incisionem ut apta reddatur. quest. 26. num. 11.

An teneatur virgo pati hanc incisionem a proprio viro instrumento aliquo ligneo, vel ferreo, vel digitis. num. 12.

Quid faciendum sit à Coniugibus, quibus constat adesse Impotentiam perpetuam. num. 13.

Quid faciendum quando matrimonium dissolutum fuit ab Ecclesia, & facta dissolutione vir ingressus est in Religione, & in ea professionem emisit; postea compertus est error, & deceptio Iudicis, eo quod fuerit tantummodo Impotentia temporalis; Utrum Professus cognito errore, teneatur redire ad uxorem. num. 14.

Utrum vir qui ex presumptione perpetua Impotentia Sacros Ordines suscepit, remanente uxore in saculo, restituendus sit uxori petenti, postquam cognoscitur Impotentiam non esse perpetuam. n. 15.

Utrum sint valide secundæ nuptiæ, quan-

quando vnus coniugum iniit secundas nuptias, & alter professionem emisit, in Religione; credens inualidum fuisse prius matrimonium, propter Impotentiam presump-
ptam, qua reuera non erat perpetua. num. 16.

Impotentia superueniens matrimonio consumato, id non dirimit. num. 20.

Quid si Impotentia superueniat matrimonio rato, nondum consumato. quæst. 26. num. 21.

An Ecclesia, siue Cappellæ priuatorum Palatiorum gaudeant Immunitate Ecclesiastica. par 15. q. 34. num. 1.

Enumerantur qui non gaudent Immunitate Ecclesiastica. num. 2.

An qui cum armis prohibitis in Ecclesia se recipiunt gaudeant Immunitate Ecclesiastica. parte & quæst. eadem num. 3.

An Clerici qui post patrata delicta Ecclesias confugiunt, debeant Immunitate Ecclesiastica gaudere. parte 15. quæst. 34. num. 4.

Vtrum Mater occidens filium infantem, Immunitate Ecclesiastica gaudere debeat. num. 5.

Qui veneno committit homicidium an gaudeat Immunitate Ecclesiastica. num. 6.

An gaudeat Immunitate Ecclesiastica mulier que medicamentis procurat abortum. num. 7.

An furans in Ecclesia debeat gaudere Immunitate Ecclesiastica. num. 8.

Vtrum ducens feminam à se solo defloratam efficiatur Irregularis.

par. 17. quæst. 36. num. 20.

L

AN Licentia tacita, vel interpretatiua, vel Ratihabitio Parochi, vel Ordinarij sufficiat; vt quis possit interesse matrimonio contrahendo. parte 4. quæst. 7. num. 25.

An matrimonium possit fieri per literas ita vt literæ vtriusque legantur coram Parocho, & testibus. parte 5. quæst. 9. num. 5.

Ligamen idest Polygamia est impedimentum dirimens matrimonium. quæst. 23. num. 1.

Summus Pontifex non potest dispensare in hac pluritate uxorum. quæst. 23. num. 2.

Infideles contrahentes matrimonium cum multis feminis, an illorum matrimonium validum sit tantummodo cum prima. num. 3.

Matrimonium vnus famina cum pluribus viris est inualidum in re nature. num. 4.

Vtrum sint Sacramenta Nuptia non soluprimæ verum etiam secundæ & reliqua legitime celebrantur. n. 5.

An inducatur impedimentum ligaminis, nullumque sit matrimonium secundum consumatum, quando primum matrimonium fuit separatum solemniter iudicio Ecclesiæ ob adulterium commissum. nu. 6.

Qualis certitudo de morte coniugis requiratur, vt superstes possit cum alio matrimonio inire. Nota obseruationes precedentes, & sequen-

sequentes. quest. 23. num. 8.
Utrum sit validum matrimonium
ab eo, qui falsè credebatur super-
stitem esse priorem uxorem, sed
reuera mortua erat. nu. 10.
Idem dicendum est de eo, qui contra-
xit matrimonium, credens adesse
impedimentum dirimens, quod
reuera non adest. qu. 23. nu. 9.

De Aliquibus Luxuriæ peccatis.

An duplex sacrilegium committatur
ab eo, qui cum sit simul Sacerdos,
& Religiosus committit aliquod
luxuriæ peccatum. par. 16. qu.
35. num. 1.

An habens votum simplex, & so-
lemne castitatis committat duplex
sacrilegium per peccatum luxuriæ,
& satisfaciatur in confessione
dicendo se violasse votum castita-
tis. num. 2.

Utrum Sacerdos committens pecca-
tum luxuriæ teneatur dicere con-
fessario se esse Sacerdotem, vel
habere votum solemne castitatis,
quando confessarius cognoscit eum
esse Sacerdotem. num. 3.

Quando Coniux nimis esset in pe-
tendo, rationisque limites exce-
deret, an semper teneretur alter
reddere, vel moderatè. nu. 4.

An esset lethale scelus rarissimè, &
magna cum difficultate reddere
debitum. num. 5.

Utrum hæc circumstantia detegenda
sit in Confessione, quando vir cre-
brosè se polluit, aut ad alias Fa-

minas accedit, si advertat se inde
reddi notabiliter impotentem ad
satisfaciendum moderatè uxori,
ultrà crimen pollutionis, aut adul-
terij, admittat aliquam culpam,
aduersus legem Iustitiæ. nu. 6.

Quid si Coniux medijs licitis se red-
dat impotentem ad reddendum
debitum. num. 7.

Quid si abstinencia sint moderata,
licet illis reddatur minus potens;
Et an sine consulenda uxori ab-
stinencia quibus deformior red-
datur. num. 8.

An teneatur vir vii callidis, & me-
dijs aliquibus, quibus potentior
reddatur. num. 9.

An vir possit immoderatas abstenen-
tias vouere, absque uxoris con-
sensu, & pares sint in hoc Coniuges,
aut neuter possit vouere ab-
stinencias. num. 10.

An Vir excusetur à Ieiunio obliga-
torio, si reddatur impotens ad de-
bitum, vel minus potens. nu. 11.

An uxor excusetur à Ieiunio, ratio-
ne conseruandi amorem mariti,
erga ipsam. num. 12.

Quid dicendum de femina nubere
volenti, si enim ieiunio deformis
efficiatur, ita ut multò difficili
nubat, an excusetur à Ieiunio.
num. 13.

An idem censendum sit, nempe uxorem
à Ieiunio Ecclesiastico excu-
sari ab viri præceptum non solu-
ere iubentis. num. 14.

An possint Coniuges mutuo consensu
esse separati. num. 15.

An in extrema necessitate sit præse-
renda uxor parentibus, filiis, ca-
teris-

I N D E X.

terisque viri Cognatis. nu. 16.
 Quando Coniux peccat ob aliquam
 circumstantiam ipsi actui inhae-
 rentem, an peccet similiter red-
 dens. num. 17.

An usus matrimonij propter solam
 delectationem sit peccatum. num.
 18.

Utrum ratione modi, vel situs red-
 datur vitiosus congressus coniuga-
 lis. num. 19.

An Coniungi exigenti modo indebito
 quoad situm teneatur, aut licite
 possit alter reddere. num. 20.

Utrum sit culpa lethalis quoties in
 actu coniugali, vase naturali
 omisso, immatrali usurpatur. nu.
 21.

Quid si maritus velit sodomitice co-
 pulam inchoare, non animo con-
 sumendi, nisi intra vas naturale.
 num. 22.

An liceat Coniungi tardiori ad semi-
 nandum, ante consumationem ta-
 ctibus venerem excitare, ut vel
 sic possit in ipso concubitu, simul
 cum Coniuge effundere semen.
 num. 23.

Qualis culpa sit habito legitime co-
 niugali actu, fetus conceptionem
 impedire, aut iam concepti abor-
 sum procurare, etiam ubi id ad
 matris vitam tuendam desidera-
 retur. num. 24.

Num liceat procurare aborsum fa-
 tus nondum animati, necessariam
 ad matris salutem. Et etiam
 num liceat matri medicinis uti
 ad salutem tuendam, cum pericu-
 lo aborsus fetus animati. nu. 25.

Quando probabiliter constat fetum

nondum animatum esse, an tunc
 liceat ad matris salutem tuendam.
 par. 16. qu. 35. num. 26.
 Ex libro Parochi, etiam mortuis
 testibus & Parocho, bene proba-
 tur matrimonium, ex partita de-
 sumpta, ex eodem Parochi libro.
 qu. 11. num. 6.

M

Matrimonium consideratur pro-
 prie, & similitudinariè, hoc
 est spiritualiter. par. 3. quæst. 6.
 num. 1.

De effectibus huius Sacramenti.
 num. 4.

Matrimonium est unum de septem
 Ecclesia Sacramentis. num. 6.

Matrimonium est de omni Iure. nu.
 6. infra.

Quid sit matrimonium, & declara-
 tur definitio. nu. 7.

Maritus si conveniatur ab heredibus
 uxoris pro restituenda dote, con-
 venit tantum, in quantum fa-
 cere potest. par. 3. quæst. 6. nu.
 6. circa finem.

Maritus non cogitur restituere do-
 tem, facta sola Tori separatione,
 sed solum uxori alimenta presta-
 re. parte quæstione & numero ci-
 tato circa finem.

Cur dicatur matrimonium, & non
 Patrimonium. par. 3. qu. 6. n. 8.

An Matres teneantur lactare filios
 per seipsas, eadem parte quæst. &
 num. 8. in fine.

Matrimonium quoduplex sit eadem.
 qu. num. 5.

Qq

Quan-

I N D E X.

Quando matrimonium domi celebrari possit . par. 4. qu. 7. nu. 7.

Matrimonium nullum ex publica causa, noua indiget presentia Parocho & testium; secus quando impedimentum est occultum, & ob tenta dispensatione Apostolica, quid agendum erit. quest. 7. num. 11. 12. & 13.

Matrimonium Infidelium ante baptismum, ut fiat Sacramentum, sufficit tantum ratificatio precedentis consensus, per mutuam cohabitationem. quest. 7. num. 14.

An mulier annuens caput acceptans Coniugem in virum, qui eam acceptauit in uxorem, an matrimonium est legitimum. par. 5. qu. 9. num. 2. circa medium.

Monita quæ dantur ab Ecclesia coniugibus per Sacerdotem, obseruanda præcipue in vsu matrimonij; Et quomodo declaranda sunt à Parocho. qu. 11. nu. 7. infrâ.

Monita Archangeli Raphaelis Tobia circa matrimonium contrahendum. qu. 11. num. 7. circa finem, & alia monita num. 8. usque ad finem.

An sit validum matrimonium celebratum per metum cadentem in constantem virum; Et quid dicendum quando metus est levis. quest. 31. num. 4. & 5.

Metus duplex est intrinsecus & extrinsecus; levis, vel grauis, scilicet cadens in constantem virum, vel cadens in inconstantem virum qu. 21. nu. 4. citato.

An matrimonium celebratum per metum leuem sit validum, &

quid per metum grauem. quest. 21. num. 5.

Metus dupliciter incuti potest vel iuste, vel iniuste, & quomodo id intelligatur. num. 6.

Utrum matrimonium sit validum, quando stuprator contraxit cum stuprata etiam consentiente, cum lex indifferenter statuit, ut cogatur cum ea matrimonium inire. num. 7.

An matrimonium sit validum contractum ab eo, qui sub pœna excommunicationis, cogitur ad contrahendum matrimonium. nu. 8.

An validum sit matrimonium contractum per metum iuste accusationis; Et quid si incutiatur metus mortis priuata auctoritate inferenda. nu. 10.

Non est opus relaxatione Iuramenti, quando matrimonium celebratum fuit per metum grauem addito iuramento, nec hoc matrimonium resoluitur in sponsalia, nec peccat contrahens hoc modo. quest. 21. nu. 11.

Metus qui valet rescindere contractum in foro exteriori, valet etiã rescindere matrimonium tam carnale, quam spirituale in foro interiori. Et remedium in his casibus. qu. 21. num. 14. & 15.

Quid sit maleficium. par. 9. qu. 27. num. 1.

An malefici suis maleficijs hominem addere possint impotentem ad copulam. par. 9. qu. 27. nu. 2.

Quæ differentia est inter Frigidum, & maleficiatum. par. 9. quest. 27. num. 3.

Quot

I N D E X.

Quot modis solent dæmones arte maleficij viros impotentes ad copulam reddere. num. 4.

Quando censetur maleficium perpetuum; Et an maleficium maleficio tollere licet. nu. 5.

Qui solent ut plurimum in matrimonio maleficiari, & ligari. num. 6.

Quando per subsequens matrimonium filij naturales efficiantur legitimi. par. 11. qu. 29. nu. 1.

An hoc procedat de Concubino in mortis articulo constituto, ducens Concubinam in uxorem. par. 11. qu. 29. nu. 2.

An ea legitimatio vim habeat excludendi eum, qui deficiente prole legitima substitutus est. num. 3.

Utrum Coniuges qui se nocte antecedenti carnaliter se cognouerint, sequenti die ab Eucharistia abstinere debeant. par. 11. quest. 29. num. 9.

Concomitantia, & subsequencia matrimonij vide in summario qu. 29. à num. 1. vsque ad 17.

Quis sit finis primarius, & secundarius matrimonij, clare explicantur in par. 5. qu. 9. num. 20. & 21. in fine.

An precent locantes domum meretricibus. par. 18. qu. 37. nu. 5.

An liceat permittere meretrices. par. 18. qu. 37. nu. 4.

Utrum excusentur famuli comitantes harum euntem ad meretricem, aut comitantes concubinam. par. & quest. eadem nu. 6.

Quando dicatur matrimonium consummatum. par. 17. qu. 36. nu. 17.

Coniuges multis modis peccare possunt in contractu matrimonij. qu. 33. à nu. 1. vsque ad 25.

Causæ matrimoniales spectant ad Iudicem Ecclesiasticum. par. 3. qu. 6. nu. 6. in fine.

Quæ sunt causæ essentielles, siue substantivæ matrimonij, & singularim declarantur. par. 5. quest. 9. nu. 1. & seq.

Quodnam remedium adhibendum sit, quando constat matrimonium esse inualidum, propter impedimentum dirimens, quando non potest manifestari sine infamia, vel sine vita periculo. par. 12. qu. 30. nu. 18.

Utrum matrimonium sit aliquo modo separabile. par. 13. quest. 31 num. 21.

Utrum matrimonio consummato liceat Religionem ingredi. eadem par. & qu. num. 22.

In matrimonio rato de presenti contracto Ius antiquum remanet incorruptum, licet matrimonium ratum etiam vocetur impedimentum publicæ honestatis, quest. 24. nu. 4.

Quando dicatur matrimonium ratum, ponitur exemplum eadem. qu. num. 5.

An matrimonium sit nullum etiam si illud contrahat Clericus in sacris sed depositus, siue degradatus, vel verbaliter, vel realiter. qu. 22. num. 5.

An matrimonium sit validum, si Clericus in sacris constitutus, illud contrahat cum dispensatione Summi Pontificis, & an filij sint

I N D E X.

- legitimi . Insuper limitationes
scitu valde digna . qu. 22. nu. 7.
& infra .*
- Conclusio certa super Re proposita .
num. 8. & quid si Summus Pon-
tifex dispensaret super Sacerdote
absque legitima causa. uu. 9.*
- Qua sint Præparatoria matrimonij .
par. 1. qu. 1. nu. 1.*
- Vtrum accedens ad uxorem tempo-
re menstrui naturalis peccet , &
quid dicendum quando menstruum
est continuum . par. 14. quæst. 33.
nu. 6.*
- An uxor teneatur reddere debitum
petenti tempore menstrui . part.
14. qu. 33. nu. 7.*
- Vtrum necesse sit Coniungi in actu
matrimoniali simul seminare .
par. 14. qu. 33. nu. 12.*
- Si vir postquam seminauerit , se re-
trahat ante seminationem uxoris,
an uxor se possit tactibus excita-
re. donec seminet , par. 14. quæst.
33. nu. 12. circa medium .*
- Quid si quis post matrimonium ra-
tum , Ordines sacros suscepit ,
an matrimonium sit solutum; quem-
admodum soluitur per Professio-
nem. qu. 14. nu. 10.*
- Quid agendum de eo qui proficiscens
in militiam , eius verò uxor ni-
hil audiens amplius de eo , tran-
sivit ad secunda vota , adhuc eo
viuente , quando reuertitur , quo-
modo se gerere debeat . quæst. 14.
nu. 14.*
- An matrimonium duplex contractum
antè baptismum , vel vnum antè,
& aliud postea , vel vnicum cum
corrupta antè baptismum , vel*
- cognouisse uxorem adulteram , &
tandem omne illud matrimonium,
quod post baptismum contractum,
efficeret contrahentem bigamum ,
& irregularem , efficiat similiter
si antè baptismum ineatur . par.
17. qu. 36. nu. 7.*
- Quid faciendum de muliere, qua ha-
bebat virum suum Nautam , qui
à Turcis captus fuit , & postquā
ad notitiam ei peruenit , ipsum
turcam esse factum , ibique aliam
duxisse uxorem . qu. 20. nu. 7.*
- Multis modis peccare possunt Co-
niuges in contractu matrimonij .
qu. 32. nu. 1. & seq.*
- Multis modis Coniuges peccare pos-
sunt in vsu matrimonij iam con-
tracti. par. 14. qu. 33. nu. 1.*
- Vtrum peccent Coniuges non seruan-
do modum in copula. par. 14. qu.
33. nu. 2.*
- Nam Coniuges debent sibi constitue-
re finem honestum E. G. procrea-
tionem filiorum , vel fugam in-
continentiæ ; alioquin peccent pro
ratione mali finis , quem sibi con-
stituunt . par. & quæst. eadem
num. 4.*
- Vtrum maritus, qui incepit copulam
cum uxore , possit ab ea desistere,
antequam ipse , & uxor semina-
uerit . part. 18. quæst. 37. num.
12.*
- Si maritus accedit uxori , tanquam
non ad suam , hoc est cum cogita-
tione alterius persona , hæc cir-
cumstantia , & status persona est
exprimenda in Confessione . par.
14. qu. 33. nu. 3.*

O

Oscula amplexus, & tactus an prohibeantur inter sponfos, et que praxis. qu. 3. nu. 4. in fine.

Ordo sacer, est impedimentum dirimens matrimonium. quest. 22. num. 1.

An Clerici insigniti Ordinibus minoribus, contrahendo matrimonium peccent; Et Beneficiati perdant beneficium. qu. 22. nu. 1.

Quando Ordo sacer precedit matrimonium, istud est nullum ipso Iure. qu. 22. nu. 2.

In quam penam incidunt initiati Ordinibus sacris contrahendo matrimonium. qu. 22. nu. 3.

Quid si constitutus in Ordine sacro nunquam intellexit inesse in Ordine sacro votum solemne castitatis. num. 4.

Utrum suscipiens Ordines sacros cum intentione positiva non vouendi, teneatur voto castitatis. quest. 22. num. 10.

An ordo vi precisa assumptus valeat, obliget, & recipiatur character, & quid quando adest solus metus. qu. 22. nu. 11.

Costat apud omnes eum, qui post matrimonium metu viri constantis, recipit Ordinem sacrum, non teneri continere, quoad usum illius matrimonij. qu. 22. nu. 12.

Utrum Puer ordinatus ante rationis usum teneatur servare castitatem, ita ut matrimonium ab ipso postea celebratum sit inualidum. nu. 13.

An iste Puer postquam pervenit ad rationis usum, noluit rati ficare votum dicto, vel sacro, remanebit suspensus ab usu ordinis; vel frui debeat privilegijs Clericalibus. nu. 14.

Utrum initiatus Ordine sacro ante pubertatem, vel ante 16. annum teneatur servare castitatem, & possit matrimonium contrahere. num. 5.

Utrum vir coniugatus possit aliquando licite sacros ordines suscipere, aut petere, & reddere debitum, & quid quando initiatur absque uxoris consensu. nu. 17.

An vxor que voto castitatis emissio, licentiam coniugi dedit suscipiendi Ordines sacros, seu ascendendi ad Episcopatum, vel Cardinalatus dignitatem, valide possit mortuo coniuge nouum matrimonium inire. nu. 19.

Onera viri, & vxoris. par. 11. qu. 29. nu. 7.

De Oneribus matrimonij, & de mutuo officio mariti, & vxoris, & de sententia D. Augustini in Canone Nos nouimus 17. qu. 2. par. 11. qu. 29. nu. 6.

P

Circa Publicationes; & quis possit in eisdem dispensare. qu. 4. a nu. 1. & seq.

Parochus assistens matrimonio cum conscientia peccati mortalis an peccet. qu. 5. nu. 2.

Procurator contrahens matrimonium

I N D E X.

- nomine alterius in peccato mortali an peccet; Et quid de mittente, cuius nomine fit matrimonium. qu. 3. nu. 3.
- Qua pena puniuntur Parochus omit- tens publicationes, seu denuncia- tiones. par. 4. qu. 7. nu. 1.
- Prædictæ publicationes possunt fieri ab alio Sacerdote cum licentia Parochi. qu. 7. nu. 1. infra.
- Parochus post factas publicationes non debet coniungere coniuges, nisi post trium, vel duorum dierum spatium. nu. 2.
- Parochus interdictus, suspensus, irregularis, vel excommunicatus non toleratus, modo non sit actualiter depositus valide, sed non licite assistit. num. 3.
- Parochus non Sacerdos valide matrimonio assistit. num. 4.
- Parochus vi detentus, vel dolore adductus; vel si ad alium finem vocetur, si bene audiat verba contrahentium an valide assistat. num. 8.
- Parochus utriusque contrahentis sufficit ad matrimonij validitatem. num. 10.
- Parochus tenetur habere libram, in quo describat Coniuges, contractum, diem, mensem, & annum. num. 15.
- Parochus, siue Ordinarius, vel alius Sacerdos, ab eisdem deputatus, qui nouerint impedimentum dirimens à contrahentibus in confessione; valentibus contrahere, an teneantur assistere, vel licentiam à penitente petere, ut ipsum extra Confessionem admo- neant. par. 4. quæst. 7. num. 16. & 17.
- Si proprius Parochus non habere Bullas Parochiæ, neque iustum titulum, sed tantum coloratum; an valerent matrimonia, & confessiones. par. 4. qu. 7. nu. 22.
- Quis dicatur proprius Parochus inter personas vagantes. nu. 24.
- Qua pena puniuntur tam Sacerdos secularis, quam Regularis, qui auderent coniungere non suos subditos; Vel ipsos benedicere absque Parochi, vel Ordinarij licentia. num. 26.
- De Parocho multa alia inuenies in dicta. par. 4. qu. 7.
- An matrimonium possit fieri per Procuratorem, & quæ condicio- nes requirantur, & quæ verba adhibenda sunt à Procuratore in contrahendo. par. 5. qu. 9. nu. 3. & 4. in fine.
- Pecunia interuentus non vitiat ma- trimonium carnale, nec etiam spirituale. qu. 2. nu. 2.
- Professus carens consensu interiori, professio est nulla, & quid agen- dum. par. 5. qu. 9. nu. 14.
- Professio facta à Coniugato in Reli- gione approbata dirimit matrimo- nium, dummodo sit tantummodo ratum, & non consummatum. qu. 14. nu. 3.
- Quid faciendum à Professo, vel Pro- fessa, qui nunquam habuerunt in- tentionem proficendi; & de facto contraxerunt matrimonium. qu. 14. nu. 6.
- Quid agendum quando valide Pro- fessus, & de facto duxit uxorem, &

INDEX.

Et procreauit filios, vxore ignorante illum esse professum. quæst. 14. nu. 7.

Vtrum validè Professus, post matrimonium consummatum; dicatur adulterium committere, si copulam habeat cum alia. quæst. 14. num. 13.

Quam malitia speciem habeat pollutio inter Coniuges extrà vas debitum. par. 14. quæst. 33. nu. 15.

Alios casus inuenies in summario in dicta par. 14. qu. 33.

De Pollutione.

An Pollutio sinè Mollities sit peccatum mortale. par. 19. quæst. 38. num. 1.

An Pollutio in semidormiente sit mortale peccatum. nu. 2.

Quando nam pollutio dicatur sufficienter voluntaria. num. 3.

Quando nam pollutio excusetur à mortali. num. 4.

Vtrum à mortali excusetur pollutio, quæ sequitur exagitatione itineris, vel cursu Equi, vel ex positione corporis supini. nu. 5.

An Pollutio proueniens ex causa veniali, sit mortale peccatum. num. 6.

An liceat procurare pollutionem ob sanitatem. nu. 7.

An liceat procurare pollutionem, aut de illa iam sequuta gaudere. num. 8.

An omnes Pollutiones sint eiusdem speciei. par. 19. qu. 38. nu. 9.

Ad quos spectat designare Patrinos qu. 15. nu. 12.

Qua sint Patrinorum partes, & quid ab illis exigatur. quæst. 15. num. 13.

Potestas delegata potest committi expresso solo nomine Delegati, aut solo nomine dignitatis, aut utroque, & declarantur differentie. par. 8. qu. 18. nu. 11.

Notandæ aliquæ facultates, quas Innocentius XII. ampliauit, & restrinxit in sua Constitutione, quas Sacra Penitentiaria antea habebat. par. 8. quæst. 18. num. 19.

Pena constituta ijs qui sine dispensatione contrahunt matrimonium cum Affinibus, vel Consanguineis. qu. 25. nu. 12.

Patium, vel conditionem turpem apponendo contrà Bona matrimonij, matrimonium irritum reddit. par. 5. qu. 9. nu. 21.

Vtrum Vir possit aliquandò vovere breuem peregrinationem, absque vxoris consensu. par. 11. quæst. 29. num. 15.

Quares quam penam aliam incurrant initiati sacris ordinibus contrahendo matrimonium. qu. 22. num. 16.

An matrimonium sit legitimum, per responsonem Parentum sponserum. parte 5. quæst. 9. numer. 6.

R

Raptus est impedimentum dirimens matrimonium, iuxta Concilium Tridentinum. parte 10. quæst. 28. num. 1.

Enumerantur pœnæ latæ à Concilio contra Raptores & Fantores. parte 10. quæst. 28. num. 2.

An Excommunicatio ipso iure lata à Concilio sit Pontifici reservata. nu. 3.

An Matrimonium contractum inter Raptores & Raptam, dum existit in potestate Raptoris, sit validum. num. 4.

An Raptor teneatur ad dotandam Raptam. num. 5.

Si Raptor ducat Raptam constitutam in loco tuto, an liberetur ab hac infamiae pœna. num. 6.

An Parochus assistens matrimonio Raptoris cum Raptâ, nondum restituta ad pristinam libertatem, ultra pœnas in cap. fin. de Claudestina desponsatione, incurrat in pœnas Concilij Tridentini, cum Raptoris esse fautor videatur. n. 7.

An ille dicatur Raptor qui faminam abducit solum causa explenda libidinis. num. 8.

Quæ Requirantur ut dicatur verè Raptus. num. 9.

An dicatur Raptus quando per vim abducitur corrupta, siue Coniugata, siue Meretrix. num. 10.

An iisdem penis Raptus subdatur femina Rapiens virum, vel aliam faminam. num. 11.

An sit Raptus quando quis virginem

opprimit in domo patris, aut illâ trahit de vno cubiculo ad aliud. num. 12.

An validè celebretur matrimonium cum ea, cum qua celebrata fuerunt sponsalia, quando per vim celebratur matrimonium. num. 13.

An dicatur Raptus quando sponsa volens abducta fuit ad contrahendum matrimonium, etiam inuitis parentibus quid de iure Ciuili, & quid de iure Canonico. parte 10. quæst. 28. num. 14.

Utrum ille dicendus sit Raptor si puellam cum qua contraxit matrimonium, nondum consummatum, abducit inuitam per vim, quando ipsa vult uti spatio duorum mensium, sibi concesso à Iure antè consummationem matrimonij. parte 10. quæst. 28. num. 15.

Quæ differentia sit inter Rescripta gratiæ, & Rescripta iustitiæ. par. 8. quæst. 18. num. 10.

Quæ conditiones requirantur, quando alter coniugum vellet ingredi Religionem, & profiteri. Et an coniux qui dedit licentiam alteri ut profiteatur, mortuo postea viro, qui professus est, an iste coniux superstes, siue sit vir, siue femina possit transire ad secunda vota. parte tertia quæst. 6. num. 7. in fine in §. sed notandum.

Quid agendum quando qui professus est in aliqua Religione, carens consensu interiori. quæst. 9. num. 14.

An dari possit casus in quo alter coniugum possit licitè & validè Religionem ingredi post consummatum matrimonium; altero remanente

in

I N D E X.

in seculo, & quando non possit.
quest. 14. num. 16.

Utrum uterque Coniux post consummatum matrimonium possit de communi consensu ingredi Religionem, & profiteri, aut continentiam vouere. quest. 14. num. 15.

In quo casu Maritus post matrimonium ratum, & consummatum, post ingredi Religionem, & in ea profiteri, etiam inuita vxore, vel etiam sacris ordinibus initiari, etiam ea inuita, nec teneatur ad matrimonium redire. quest. 14. num. 12.

S

Simonia non est, pecunie interveniens tam in matrimonio carnali, quam spirituali. quest. 2. num. 2.

Quid sint Sponsalia; Qui vocentur Sposi, & Sponse; Quot modis contrahantur Sponsalia; Qui sunt ipsorum effectus, Quale sit vinculum & obligatio Sponsaliorum, & quibus modis dissoluantur. par. 2. quest. 3. à numero primo & seq.

Quando Sponsi sunt diuersæ Parochiæ alteruter Parochus sufficit, & quis eorum præferatur par. 4. quest. 7. num. 21.

Si Sponsi sint diuersæ Nationis possunt contrahere matrimonium per Interpretem. quest. 9. num. 19. in fine.

Sponsalia celebrata cum vna, impediunt matrimonium contrahendum cum alia. par. 6. quest. 10. num. 8.

An Sponsalia clandestina valida sint

post Tridentinum. par. 2. quest. 3. num. 8.

An Summus Pontifex possit dispensare in primo gradu ascendentium, descendantium, & Collateralium, siue Transuersalium. par. 8. qu. 18. num. 2.

Qua differentia sit inter Obreptionem, & Subreptionem. parte 8. quest. 18. num. 9.

An Sodomia actiua, vel passiva, vel bestialitas sit causa sufficiens diuortii, tam in semina, quam in viro. par. 13. quest. 31. num. 3.

Vxor sollicitata à Marito ad Sodomiam peccatum, an possit discedere ad tempus, propter periculum Animæ, donec vir resipiscat. parte 13. quest. 31. num. 4.

Utrum in foro externo credendum sit mulieri, asserenti se à viro tentatam fuisse de nefando vitio; par. & quest. eadem num. 5.

Utrum maritalis copula licita sit seni, qui dum concreditur cum sua vxore, fundit semen extra vas, nec potest seminare intra vas parte 14. quest. 33. num. 13.

An liceat coniugibus habere copulam in loco sacro, & an sit sacrilegium. par. 14. qu. 33. num. 23.

An committatur Sacrilegium, quando coniugalis copula occultè habetur ex legitima necessitate; vel ex nocturna pollutione; vel de sanguinis effusione facta ad sui defensionem. par. 14. qu. 33. num. 24.

Quid nomine loci sacri intelligatur. parte & quest. eadem num. 25.

An Summus Pontifex possit dispensare, vel dirimere matrimonium ratum,

ratum, & non consumatum cum causa. parte 7. quæst. 12. num. 5. in fine & capsa opportunitate.

T

De Testibus.

Q*ui Testes sint habiles, & sufficiunt ad validitatem matrimonij, & qua præsentia requiratur. quæst. 8. num. 1.*

An dormientes Infantes, Ebrii, furiosi, sint Testes habiles. quæst. 8. num. 2.

An Pater, Mater Familiares, Infideles, Excommunicati sint habiles Testes. quæst. 8. num. 3.

An sit necessarium ut Testes sint rogati. num. 4.

Quid si Testes sint præsentés per violentiam. num. 5.

Quid de Testibus transeuntibus. num. 6.

Vnus Testis fide dignus, vel rumor, vel fama potest matrimonium impedire. quæst. 10. num. 5.

Tempus feriarum est impedimentum impediens. quæst. 10. num. 7.

Quando incipit tempus feriarum. parte 6. qu. 10. num. 7. infra.

V

V*icarius capituli sede vacante, sicut Vicarius generalis Episcopi potest matrimonij interesse, & alijs interessendi licentiam concedere. par. 4. qu. 7. num. 5.*

Vicarius Episcopi, qui non est Sacerdos; Sacerdotem delegare potest, sed minimè interesse. par. 4. qu. 7. num. 9.

Verba Parochi, scilicet ego vos coniungo in matrimonium, an sint de essentia parte 4. quæst. 7. num. 18.

Vetitum Ecclesia quid significet, & quotuplex est. parte 6. quæst. 10. num. 2. & 3.

Vetitum Iuris quotuplex est. qu. 10. num. 6.

Votum simplex Castitatis & Religionis impedit matrimonium. parte 6. quæst. 10. num. 6. infra.

Vovens ad quid tenetur, qui post votum simplex Religionis vel Castitatis contraxit matrimonium. q. 10. num. 6. infra.

Votum solemne est impedimentum dirimens. quæst. 14.

Vis & metus est impedimentum dirimens. quæst. 21.

Vxor qua voto castitatis emissio, licentiam coniungi dedit suscipiendi ordines sacros, sed ascendendi ad Episcopatum, vel Cardinalatus dignitatem, an validè possit mortuo coniuge, novum matrimonium inire. quæst. 22. num. 19. & clarior quæst. 25. num. 17.

Votum simplex Castitatis & Religionis impedit sed non dirimit matrimonium. parte 6. qu. 10. num. 6. circa medium.

Quando Votum solemne præcedit matrimonium, illud inualidat. Idem dicendum de Voto simplici quod emittunt Patres Societatis Iesu peracto biennio. qu. 14. n. 2. Si post Votum simplex Religionis, quis

I N D E X.

quis Matrimonium contraheret, an sit validum, & an peccet, vel si potest petere, vel reddere debitum; vel si mortuo altero coniuge teneatur ingredi Religionem. Et quid agendum de eo, qui fecit Votum Castitatis perpetua, & contraxit matrimonium. qu. 14. n. 8.

Quando quis cum Voto simplici continentia matrimonium contraxit, an impediatur a petitione debiti. quæst. 25. num. 15.

Quid autem de eo, qui post Votum Religionem ingrediendi, & profutendi, Matrimonium contraxit, & consumavit, an prohibeatur petere & reddere. quæst. 25. num. 16.

Si Vxor in saculo continentiam vovens marito licentiam dedit, sacros ordines suscipiendi, vel Religionem ingrediendi, an eo defuncto ad secundas nuptias transire possit. quæst. 25. num. 17.

Vinculum matrimonij per coniugis mortem semel solutum; An coniu-

ge resurgente redeat. par. 3. qu. 31. num. 23.

An Vxor teneatur sequi Virum. par. 11. quæst. 29. num. 10.

An Vxor possit exequi votum peregrinationis, veniente Marito. par. 11. quæst. 29. num. 17.

An Vir possit exequi Votum in subsidium Terra sancta eundi. par. 11. quæst. 29. num. 16.

Vtrum licita sit copula Vxori, quæ post coitum, non potest semen retinere intra Vasa par. 14. q. 33. n. 14.

An peccent hi, qui dimittunt Vxores suas & vagantur per alienas provincias. par. 14. qu. 33. nu. 16.

Vtrum vir, qui cum Vxore fecit conventionem, non transferendi aliud suam habitationem, possit eam aliud transferre. par. 14. q. 33. num. 19.

Vtrum Vxor teneatur sequi virum; Et si vir tempore contracti matrimonij solebat vagari. parte & quæst. eadem num. 20.

F I N I S.

ERRATA

Pagina num. 3. in summario sine
 Pag. 61. linea 10. copulam
 pag. 118. num. 4. lin. 2. præter
 pag. 260 num. 21. vbi
 pag. 68. num. 9. lin. 2. impedimenti-
 bus
 pag. 14. §. octavo quator
 pag. 39. lin. 5. izculo
 pag. 109. in summario num. 10. pr-
 scripta
 pag. 119. lin. 1. putaufe
 pag. 175. §. Aduertendum lin. 5. copu-
 lam
 pag. 199. num. 3. lin. penul. in fine.
 subſtitutum
 pag. 236. num. 18. lin. 2. peccatum
 pag. 238. num. 24. §. Dixi lin. 1. com-
 munionem
 pag. 238. num. 25. §. Secus lin. vltima.
 facta
 pag. 251. num. 8. lin. 4. fid.

CORRECTA.

sint.
 copula.
 propter.
 vs.
 impedimentis.
 quatuor.
 saculo.
 rescripta.
 putauit.
 culpam.
 substitutum.
 pactum.
 communioem.
 sacra.
 fide.



